

# АКСОГРАФИЧЕСКИЙ СБОРНИКЪ

## ДОКУМЕНТОВЪ

ОТНОСЯЩИХСЯ КЪ ИСТОРИИ СѢВЕРОЗАПАДНОЙ РУСИ

ИЗДАВАЕМЫЙ

ПРИ УПРАВЛЕНІИ ВІЛЕНСКАГО УЧЕБНАГО ОКРУГА.

ТОМЪ ПЕРВЫЙ.

*Куп. Г. Невская*



В И Л Ъ Н А.

Печатня Губернскаго Правленія.

—  
1867.

вышній, зъ доброй воли моею заживаючи въ тымъ, прагнъ свободѣ и волностей шлехетскихъ водлугъ нашихъ великого княжства Литовского описанныхъ, на честь и на хвалу пану Богу всемогучому въ Троицы святой единому и благословеной Дѣвицы панне Марые, Матки Божой, збудовалемъ церковь въ имѣнью моимъ Смоленскимъ (\*), въ повѣтъ Минскомъ лежащимъ, которую то церковь зъ ласки его светое добудовавши на.... отцы священники слуги Божіе мешкали при той церкви, и въ ней хвалу панвышному обмчаемъ христинскимъ услугуючи набоженство порядкомъ церковнымъ одправовали, и зъ того наданья выхованье и оздобу церкви на хвалу Божию мѣли, на которую то церковь мою Смоленскую заложенъя светого Миколы тымъ листомъ и добровольнымъ записомъ моимъ на вѣчностъ и непорущие записуе, дае, даруе и фундуе въ имѣнью моимъ Смоленскимъ волоки двѣ грунту пашного зъ огородами сляжатыми во три змѣны, огородъ тое церкви надъ озеромъ морги два и домъ тамже збудованный церковный для мѣшканья отцомъ священникомъ; сѣножать перналя, называющаяся Черница (\*\*), другая Прехода, третья въ Калюзѣ, четвертая у рѣчки Жежелки, пятая сѣножать въ Пресынку, третия волока въ слободѣ Езерницкой также зъ сѣножатыми тымъ листомъ добровольнымъ записомъ моимъ на вѣчностъ и непорущие записуе и дае и даруе и фундуе; даю волности отцомъ священникомъ, при той церкви будучимъ, въ имѣнью моимъ Смоленскимъ на по-

(\*) Мѣстечко Смоленщи, прежде принадлежавшее къ Минскому уѣзду, въ настоящее время принадлежитъ къ уѣзду Борисовскому; оно находится въ 36 верстахъ отъ города Минска.

(\*\*) Черница, Прехода, Калюга, рѣчка Жежелка, Пресынка, Слобода Езерницкая, это—урочища, гдѣ была фундушевая земля. Онѣ сохранили такіе же названія и до настоящаго времени.

требу ихъ власную въ млыніи Смоленскимъ молотъ безъ мѣрки завше, при тымъ тежъ домъ церковный на плацу нашымъ и огородъ для... варива, то вѣчне зоставати масть при церкви Божой. Которые то отцове священники мають люди научати и до хвалы Божой намовляти, абы пана Бога знали и ему яко пану и Створцы своему служили. Въ тымъ мають отцове священники упоминати а непослушныхъ водлугъ уставъ церковныхъ карати, и повинни они наравляе до тое церкви надлежащие своимъ отцомъ священникомъ во всемъ въ потребахъ церковныхъ допомогати, а по смерти моей мають о душѣ моей печаловати и въ церкви Божой молитвами своими при хвалѣ Божой воспоминаати. И то все яко се вышей поме.... записуе дае и фундуе на вѣчне часы на тую церковь.... при той церкви повинни будуть отцове священники слуги церковные для сѣванья и одправованья набоженства, якожъ то наданье мое и та фундація вѣчными часы при той церкви помененой не нарушии и вѣчне трвати.... которую то церковь до владыи Юрьдычной его милости отца владыки Киевского подае, еднакъ же подавцами тое церкви назначаю и описуе держачыхъ имѣнья Смоленщи яко пановъ дѣдичныхъ по моей смерти позосталыхъ.... тотъ листъ мой добровольный записъ зъ речюю въ нимъ описаню дае то церкви Божой и отцомъ священникомъ слугамъ Божиимъ, которые въ ней будутъ на вѣчне часы пребывати, до котораго я Константинъ князь Острожскій, панъ Виленскій, гетманъ найвышшій печать свою приложилъ и рукою подписалъ. А при томъ за очевидною прозбою моею ихъ милости люди зацные земане того повѣту, которые того будучи свѣтками печати свое приложили и руки подписали, а мяновите его мило-

сти: панъ Ежиъ Скуминъ Тишковичъ, его милости панъ Иванъ Статкевичъ, его милости панъ Богданъ Ивановичъ Василевичъ, князь Соломерецкій. Писанъ въ Смоленскахъ. Подъ лѣты Божого Нароженья тысяча лѣтсотъ семого, мѣсеца Марта двадцать семого дня, индикта десятого. Константинъ Ивановичъ Князь

Острожскій, панъ Виленскій, гетманъ найвышшій. Богданъ Ивановичъ Василевичъ князь Соломерецкій рукою вланою. Ежиъ Скуминъ Тишковичъ рукою власною. Иванъ Статкевичъ рукою вланою.

Списокъ этого документа доставленъ 1. Ставровичемъ.

## 8.

1507 Апрель 17 дня. Грамота короля Александра, данная по жалобѣ протопопа Харлахиен подстаростему Ивану Шимбору, о перенесеніи церкви Рождества Богородицы изъ Вѣльскаго замка на другое годное мѣсто.

Александръ, Божією милостию, великій король Польскій, князь Литовскій, Русскій, Прускій, Жомойтскій, Сѣверскій, Мазовецкій, Инфлянтскій и иныхъ. Войту и подстаростему нашему пану Ивану Шимбору. Жаловалъ намъ погъ замковый Вѣльскій Пречистенскій Харлампей, старшій протопопъ, о томъ, что жъ дей онъ рудностъ масть, какъ приходитъ на треню и на всякъ часть: ворота замыають, а къ тому жъ дей на праздники сего съ горей. Матку Божию Рождество Еи людушатся. Пакъ годъ тому назадъ какъ мы, господарь, будучи въ Вѣльску, размотрѣли, а къ тому потецъ Василъ, владыка, къ намъ писалъ. Иножъ приказуемъ

вашей милости, пане подстаростій, штобы съ тую церковь Матки Божей Рождества Еи зъ того замку перенеслъ на мѣсто годное, ижъ бо дей зъ наданья клягнии Вассы Михайловой, бибки нашею, создана есть, гдѣ жъ бо и тѣло еи положено предъ Богородицею, которое съ богомольемъ пренеси. Предъ жъ сего отецъ Василъ владыка мѣстце нехай поснѣтитъ, албо попы пошлетъ, иначей не сдѣлашь. Писанъ у Домжъ. Подъ лѣты Божого Нароженья 1507. мѣсеца Апрель 17, индикта 10. Alexander Rex. Василей Горностай.

Доставленъ изъ Вѣльска.

## 9.

508 Мая 10. Подтвердительная королевская грамота на пожалованіе княземъ Острожскимъ Смоленскаго церкви трехъ волокъ земли.

Сигизмундъ первый. Божією милостию, король Польскій, великій князь Литовскій, Русскій, Прускій, Жомойтскій, Мазовецкій, Инфлянтскій, Волынтскій и Чер-

ниговскій. Билъ намъ чоломъ гетманъ панъ найвышшій, панъ Виленскій, староста Луцкій. Константинъ Ивановичъ, князь Острожскій, и повѣдѣль передъ на-

ми, пишъ што онъ въ имѣнью своимъ дѣличнымъ, названнымъ Смоленичахъ, фундавалъ церковь на честь Богу Найвышому и Пресветой Матцѣ Божой Марыи Приснодѣвницы заложенъя Светого Миколая, на которую то церковь Божую записалъ въ томъ же имѣнью Смоленичкомъ грунту волокъ три змѣны зъ сѣнокосами и огородами и яко стоить описано въ томъ фундашу его. И просилъ насъ, абыхмо то ему нашимъ листомъ подтвердилъ. Ино мы зъ ласки наше господарское, того листу фундаційного выслушавши и на чолобитъ его то учинили, тотъ фундашъ его вѣчно утверждаемы и при мощи заховуемъ, и масть то вѣчными часы бы-

ти держано, абы хвала Пану Найвышому шырлася и розмножалася. И на твердость того и печать нашу къ сему листу казали притиснути и рукою нашою подинали, и при томъ были воевода Виленскій канцлеръ панъ Алабрыхтъ Мартиновичъ, каштелянъ панъ Ярошъ Корецкій, конюшій великого князства Литовскаго, панъ Иванъ Нарушевичъ, подскарбій нашъ. Писанъ у Вильни, подъ лѣты Божого Нароженъя тысяча пятсотъ осьмого, мѣсеца Мая десятого дня, индикта сегого.

*Списокъ этого документа доставленъ г. Ставровичемъ.*

## 10 и 11.

1522 Юля 31. Двѣ королевскія грамоты о пожалованіи церкви Св. Іоанна Богослова въ Витебскѣ земли на Плоской горѣ со льготами крестьянамъ, которые поселятся на ней.

I. Жикгимонтъ, Божюю милостью, король Польскій, великій князь Литовскій, Рускій, княжа Пруское, Жомонтскій и иныхъ. Воеводѣ Витебскому, маршалку нашему, пану Ивану Богдановичу Сапѣвъ. Билъ намъ чоломъ поплъ церкви Светого Ивана Богуслова зъ Витебска Аѳанасей и просилъ въ насъ, абыхмо дали ему мѣсто двумъ чоловѣкомъ на селидбу со огорода подлѣ церкви Светого Іоана Богуслова Плоское горы. Ино мы на его чоломбитъ то вняли и то мѣсто подлѣ церкви Светого Ивана Богуслова двумъ чоловѣкомъ на селидбу со огорода Плоское горы ему дали. И ты бы то мѣсто казалъ ему завести и подати. Писанъ у Вильни, подъ лѣто Божого Нароженъя 1522, мѣсеца Юля 31 дня, индикта 10. Копоть писаръ.

*Внизу видны слѣды печати изъ краснаго воска. На оборотѣ акта позднѣйшая польская помятка о его содержаніи. Ветхъ. Хранится въ архивѣ Витебскаго Успенскаго собора.*

II. Жикгимонтъ, Божюю милостью, король Польскій и великій князь Литовскій, Рускій, Прускій, Жомонтскій, Мазовецкій и иныхъ. Воеводѣ Витебскому, маршалку нашему, пану Ивану Богдановичу Сапѣвъ и инымъ воеводамъ Витебскимъ, хто и напотомъ отъ насъ тотъ замокъ Витебскъ будетъ держати. Билъ намъ чоломъ священникъ нашъ и богомолецъ церкви Божей Светого Ивана Богослова зъ Витебска Офанасей и просилъ въ насъ земли пустыни, абыхмо дали къ церкви Божей мѣсто земли подлѣ церкви Божей Светого Ива-

на Богослова Плоское горы, напервѣй почонъ отъ рѣки Видбы рвомъ Ярковымъ просто до великого дороги узчипос, а тою дорогою великою къ старому острогу, а тымъ острогомъ старымъ у Видбу жъ рѣку. И мы есмо на его чоломбитъ то учинили, тую землю къ церкви Божей придали вѣчно и неподвижно, гдѣ жъ бы собѣ мѣлъ священникъ сколько чоловѣкомъ посадить для церкви Божей, ижъ та церковь Божая на поли стоить за мѣстомъ, а велики злужбена отъ непріятелей нашихъ, Московского, и его милости, светого храма служачи, не мають чимъ ся поживити. И мы есмо, для упалоости храма Божего, тую землю пустыни придали есмо церкви Божей Светому Ивану Богослову. И тежъ приказуемъ тобѣ, штобы еси тую землю казалъ завести и подати къ церкви Божей. Конечно масть священникъ Аѳанасей и по немъ будучіе священники, въ того светого храма Божего служачи, и тую землю къ церкви Божей держати, а которыхъ людей священники на той землѣ поса-

дять, ино тымъ людямъ церковнымъ не надобѣ знати ни которыхъ служебъ, ни подачокъ всякихъ, ни стороживоротное городовое не знати имъ съ того мѣста. Все тымъ пошлныи и подачки и тежъ и службы отставилъ есмо съ того мѣста тымъ людямъ церковнымъ на вѣчныи часы для церкви Божой. А кому будетъ дѣло до тыхъ людей церковныхъ, ино священники мають сами тымъ свои люди и рядити и ими справовати подлугъ данины наше господарское. И приказуемъ тобѣ, пане Иване, абы еси того священника Аѳанася и по немъ будучихъ священниковъ тое церкви Божей ото всякихъ кривдъ обополныхъ боронилъ и не далъ ихъ кривдити никому ни въ чомъ конечно. Писанъ у Вильни, подъ лѣто Божого Нароженъя 1522, мѣсеца Юля 31 день, индикта 10. Копоть писаръ.

*Внизу видны слѣды восковой печати. На оборотѣ акта позднѣйшая польская помятка о содержаніи акта. Писанъ на поллистѣ. Ветхъ. Хранится въ архивѣ Витебскаго Успенскаго собора.*

## 12.

1522 Декабря 6. Королевскій приказъ Миколая Миколасевичу Радивилу, его женѣ и дѣтямъ, чтобы они не чинили притѣсеній Ганязскимъ землянамъ.

Князю Миколая, бискупу Жомонтскому, и воеводиной Виленской, канцлеровой нашей пани Миколасевой Миколасевича паней Алжбетъ и съ сыномъ ее, подчашому нашему, державцы Марковскому, пану Яну, а намѣстнику Ушполскому и Пеняинскому, пану Станиславу Миколасевичомъ. Што первѣй сего очивисто жаловали вси земляне Ганязскіи о томъ, штожъ дѣй небожчикъ панъ

Миколай, воевода Виленскій, казалъ имъ собѣ служити и въ службы необычайныи ихъ повернулъ, золотыи и пенязи съ нихъ невинные бралъ и въ ловы дѣй имъ самимъ и людямъ ихъ ходити казалъ, и инымъ многимъ кривды и втиски имъ и людямъ ихъ почалъ бѣдѣ лати и правѣ ихъ зневолялъ, яко простыхъ людей. И просили насъ, абыхмо имъ въ томъ зъ ними справданность

вчинили и съ тое неволи ихъ вызволили и казали имъ добровольно съ тими имѣньи намъ служити по тому, какъ и передъ тымъ намъ служивали. Какъ же и ваша милость о томъ съ ними передъ нами мовили и привилей нашъ на то покладали, въ которомъ привилей выписуетъ, ижъ они мають вамъ съ имѣньи своимъ служити. А хто бы мѣлъ на то листы и привилейя предковъ нашихъ съ завісестыми печатми а не хотѣлъ вамъ служити, тотъ масть добровольно понти прочь, а имѣнье вамъ зѣоставити. А потомъ положили есте листъ судовой подъ привѣнстою печатью, и въ томъ тежъ листъ тоже стоитъ, ижъ тыи земляне мають вамъ служити, ку которому жъ листу судовому земляне мовили, ижъ тотъ листъ перѣй писанъ, иижли тотъ привилей, за рокъ albo за полтора. И широко есте о томъ передъ нами съ obu сторонъ мовили, якожъ мы, въ тотъ часъ будучи въ справахъ нашихъ земскихъ и для скорого выѣханья нашего до коруны Польское, на тотъ часъ на конецъ тому справедливости есмы не вчинили, и отложили то есмы ажъ

дасть Богъ до прѣйханья нашего жъ великому князству Литовскому. А какъ дасть Богъ у нѣ отчизнѣ нашей будемъ, мы о томъ межъ вами досмотримъ и справедливость тому на конецъ вчинимъ. А до тыхъ часовъ приказуемъ вамъ, абы есте тымъ земляномъ Ганезскимъ кривдъ и втисковъ ни которыхъ не дѣлали и тыхъ золотыхъ и пенязей, што будетъ небожчикъ панъ воевода биралъ, черезъ то на нихъ не брали и самимъ имъ и людямъ ихъ въ ловы ходити не казали, нехай они на тыхъ имѣньяхъ своихъ будучи до росправы съ вами служити вамъ по тому, какъ и передъ тымъ вамъ служивали. Писанъ у Вильни. Подъ лѣто Божого Нароженья 1522, мѣсеца Декабря 6 день, индиктъ 11.

*На верху написано почеркомъ же акта: тотъ листъ писанъ первоюнадцать, коли господарь его милость ѣхалъ съ Литвы до Польски. Внизу значится: Тотъ листъ съ подписью руки господарское. Справы Горнистаевы тотъ листъ. Хранится въ рукописномъ отдѣленіи Виленской Публичной Библиотеки.*

### 13.

Послѣ 1522. Отерочка сроковъ по дѣлу Ганезскихъ земель съ Виленскою воеводиною и ея сыновьями.

Господарь король его милость казалъ про память записати: положилъ его милость рокъ завитый подъ страченіемъ права пани воеводиной Виленской и сыномъ ее милости съ бояры Ганезскими передъ его милостью стати по Святому Юрью въ тый день.

А потомъ господарь его милость тотъ рокъ пани воеводиной и сыномъ ее ми-

лости съ тими бояры Ганезскими на другій часъ переложилъ, отъ понедѣлка по Святому Юрью въ тый день подъ тымъ же способомъ какъ и первый рокъ его милость имъ былъ зложилъ.

Господарь король его милость казалъ про память записати, што его милость положилъ былъ рокъ пани Миколаевой воеводиной Виленской и ее сыномъ па-

номъ воеводичомъ съ земляны Ганезскими. Какъ же отъ тыхъ земель панъ Закревскій мовилъ, ижъ бы панове воеводичи положили привилей на тыхъ земляхъ на тотъ рокъ отъ вашего милости положоний, ваша милость, господарь, рачите розознати обѣихъ сторонъ справедливость. Панъ Янъ воеводичъ отъ пани матери и отъ братьи, своею мовилъ: милостивый господарь, мысмы первый сего вашей милости чоломъ били, ижъ ваша милость тымъ земляномъ, подданнымъ нашимъ, рачили дати прокуратора, абы ваша милость, господарь нашъ милостивый, и намъ слугамъ своимъ рачили того тежъ изычити, абыхмо могли мѣти прокуратора, а такъ и тыхъ часовъ вашей милости чоломъ бьемъ, абы ваша милость рачилъ намъ дати прокуратора, хтобы могъ речъ нашу передъ вашей милостью, господаремъ нашимъ, оповѣдити напротивку земель подданныхъ нашихъ, а не противку вашей милости господарское речи, бо естли бы было противку вашей милости господаря нашего, тогда мы не одно прокуратора, але и въ мыслъ нашу правовати ся або въ чомъ колвекъ отмовати напротивку ваше милости брати не хочемъ.

Господарь его милость рачилъ имъ отказъ вчинити, якожъ первый вамъ повѣдилъ, ижъ есте хотѣли мѣти прокураторомъ собѣ дворянина нашего пана Непшица, мысмы вамъ того не дозволили для тое причины, ижъ мы дворянъ нашихъ ховаемъ на дворѣ нашемъ для наше господарское потреби, а не для кого иного, бо то не есть слушная речъ, абы чій служебникъ мѣлъ напротивку речи пана своего быти. А што мените, абы то были ваши подданныи, а мы ся тежъ къ нимъ приповѣдаемъ, ижъ то суть наши земляне, але однакожъ то чинимъ для того, абысте вы и нынѣ под-

данныи наши не рекли, ижъ быхмо не милосердие съ подданными нашими поступовали, даемъ вамъ рокъ земскій отъ сего дня отъ пятницы назавтрѣ девятого четверга въ чотырехъ недѣляхъ, абы есте собѣ прокуратора доставали. А то вамъ приказуемъ вырокомъ нашимъ господарскимъ, подъ тымъ обычаемъ, абы есте на тотъ рокъ съ прокураторомъ предъ нами стали и привилейя твердости передъ нами положили на Ганязъ и на тыхъ земляхъ. И панъ подчасій билъ чоломъ господарю его милости и повѣдилъ, ижъ они, не будучи безпечни неприятелей своихъ, тыхъ привилейя твердостей своихъ у тутошнемъ панствѣ его милости не смѣли ховати, а мають ихъ у твердомъ захованьи далеко, въ иной земли, и никимъ инымъ тыхъ привилейя оповѣщати не могутъ; одно муситъ самъ по нихъ ѣхати, и за такъ короткій часъ не можетъ жадиною мѣрою къ тому року съ тими привилейя къ его милости быти. И билъ чоломъ господарю его милости, абы его милость рачилъ имъ того року поотдалити, на который бы мѣлъ вси привилейя твердости на Ганязъ и на земляхъ передъ его милостью положити и тымъ земляномъ въ отказъ быти, какъ же и панове рады господаря его милости за нимъ о томъ ждали. Его милость господарь на жданье пановъ радъ его милости и на его чоломъбитыю то вчинилъ, отъ того року положонного отъ его милости далъ имъ еще три недѣли, то есть отъ пятницы назавтрѣ девятого четверга далъ его милость имъ рокъ въ семи недѣляхъ, масть панъ подчасій посполъ съ маткою и братиею своею на тотъ рокъ передъ его милостью стати и вси привилейя твердости на Ганезъ и на земляхъ передъ его милостью положити и земляномъ на ихъ жалобы отповѣдати и прокуратора мѣти; естлижъ бы они

и на тотъ рокъ не стали и тыхъ привилей всихъ передъ его милостью не положили, тогда вжо господарь его милость будеть вѣдати, што маєть съ тымъ чинити.

Потомъ, кеды тотъ рокъ пришолъ и панове воеводици Виленскіи передъ его милостью стали, и его милость господарь еще тотъ рокъ, што былъ положонъ отъ пятницы назавтрѣ девятого четверга въ семи недѣляхъ у пятницу, переложилъ отъ тое пятницы и

на четвертый день на понедѣлокъ, подѣ тымъ же способомъ какъ его милость первый вырокомъ своимъ рачилъ имъ въ томъ розказати, а потомъ его милость тотъ рокъ отложилъ назавтрѣ во второкъ, а во второкъ еще его милость тотъ рокъ имъ отложилъ назавтрѣ же въ среду подѣ тоюжъ мощью, якъ у первомъ выроцѣ его милость то рачилъ розказати.

*Писеру акта:* Выписы зъ реистровъ о Ганезѣ. *Хранится тамъ же.*

#### 14.

Послѣ 1522. Рѣшеніе отъ имени короля Сигизмунда, за подписью его секретаря Горностая, по дѣлу Ганязской шляхты и князей Радивиловъ.

Въ речи, которая была передъ нами, межн шляхтою Ганезскою и межн панею воеводиною, жоною небожника пана Миколая Радивиловича, воеводы Виленского, и сынами его, которми приващали собѣ тую шляхту Ганезскую мощно а въ розказанье меначи, абы имъ была дана посполъ зъ имѣньемъ Ганязскимъ, на штожъ привилѣя передъ нами покладали, даючи и припущаючи до ласки нашое розознанье и росудку въ той речи. Гдѣжъ мы, выслушавши привилей, пану небожнику воеводѣ черезъ насъ даный, и розмысливши ся добре на тое, водлугъ справедливости такъ знаходимъ и вырокуемъ, ижъ поневажъ въ надѣи имѣния Ганязского а Раигорода въ листѣхъ а привилѣяхъ, на тое имѣние даныхъ, вызнали есмо всю шляхту, которая маєть привилѣя Витовтовъ, Казимировъ и Александровъ, предковъ нашихъ, а то памятаючи на посполитые привилѣи всего князства Литовского, водлугъ которого шляхта не маєть

ани можеть быти никому въ мощъ подала, а которми привилѣи якъ нишимъ земли посполитыи, при нашомъ на тое панство поднесенн, держати а ховати поприсягнули есмо. А про то, присягу нашу въ цѣлости заховываючи а привилѣемъ пановъ воеводиновъ ничего не вщербаяючи, всю шляхту Ганезскую, которми жъ кольвекъ або привилѣя предковъ нашихъ мають, або мѣли, але имъ суть забраны, або шляхетства своего передъ нами водле розказанья нашего доведуть при посполитомъ приреченнымъ земскимъ привилѣи а при той свободѣ и вольности, при которой нишая шляхта поданные наши есть, оставлемъ и отъ нихъ всихъ таки отъ мощи и зъ розказыванья пановъ воеводиновъ вольныхъ чинимъ нымъ и наипотомъ.

А што ся дотычетъ имѣния Ганязского а описанья береговъ и границъ его, у чомъ тежъ пани воеводиная и зъ сынами своими дала ся на ласку нашу,

але ижъ ся ясне оказуесть съ привилѣи, небожнику пану воеводѣ отъ насъ даныхъ, ижъ на онъ часть тая была водлянымы насъ—Ганязъ а Раигородъ съ тымъ дати небожнику пану воеводѣ, якъ и князь Михайло Глинскій мѣлъ и держалъ, а якъ за выступомъ Глинского на насъ спалъ, ничего больши ани меньши причиняючи або уймуючи, што есть такъ неомыслне описано, и съ той справы не маючи зрозумѣти, не можемъ чимъ быхомъ мѣли ласку оказати. А про то быхмы ся ни въ чомъ не мылили а певную истоту речи вѣдали. А ижъ бы каждый могъ познати и обачити, съ которою ласкою ся обходимъ яко зъ нишими подданными нашими такъ тежъ съ панею воеводиною и сынами ее, хочемъ сослати нѣкоторми переуны розумныи а вѣры годныи, которми вывѣдуть на имѣние Ганезское

и Раигородъ, а ижъ водлугъ стародавнихъ и тежъ водлугъ границъ въ привилѣи отъ насъ даныхъ очпviste огласдають такъ, яко бы намъ о томъ певную а непохибную справу могли а ужъли дати. А такъ, гдѣжъ познаемъ, около чого ласку масъ чинити, тогда маючи бачность на причину напервѣи королевое ео милости и тежъ радъ нашихъ коруны Польское и того великого князства Литовского и при томъ тежъ на заслуги предковъ отца и дядковъ пановъ воеводиновъ, ознаймимы имъ обычай ласки нашое такъ, якъ тогдыжъ и мудрый а цюотливый муситъ похвалити.

*Писанъ на бумажномъ листѣ. Въ концѣ подписъ:* Горностай писарь. *На оборотѣ написано рукою Горностая:* то есть вырокъ Ганезскій. *Хранится тамъ же.*

#### 15.

1529 Ноября 1. Приказаніе Сигизмунда старостѣ Берестейскому Александру Назповичу Ходкевичу, маршалку Матѣю Войтеховичу, тивуну Виленскому Шимку Мацковичу и дяку Богдану Мацкевичу, чтобы они не ждали подчасного въ Городиѣ, а ѣхали прямо на мѣсто, для развѣдки и исправленія границъ между Ганяземъ и землями королевскими.

Жикгимонтъ, Божею милостью, король Польскій, великій князь Литовскій, Рускій, Прускій, Жомонтскій, Мазовецкій и иныхъ. Старостѣ Берестейскому, маршалку нашему, державцы Вилкейскому и Острынскому, пану Александру Ивановичу Ходкевичу, а маршалку нашему, державцы Волковыйскому, пану Матѣю Войтеховичу, а тивуну Виленскому, коиюшому Троцкому, державцы Радунскому, пану Шимку Мацковичу, а дяку Богдану Мацковичу. Што есмо послали насъ о довѣдываньи и поправеньи границъ Ганезскихъ съ границами пущи

и земель нашихъ господарскихъ, какъ же есмо устие намъ науку дали, какъ ся маєте тамъ справовати, нижи безъ подчасного нашего пана Яна Миколасовича не велѣли есмо вамъ тамъ ѣхати, и казали его у Городиѣ подождати и со три дни тамъ змѣшкати, про то, чтобы есте, вжо пана подчасного не ждучи, безъ мѣшканья тамъ на границы ѣхали и тамъ справовали ся водлѣ науки нашое. Писанъ у Вильни, подѣ лѣто Вожьего Нароженья 1529, мѣсеца Ноября 1, индиктъ 3.

*Хранится тамъ же.*

16.

1536 Сентября 28. Грамота Сигизмунда къ Жмудскому старостѣ Яну Николаевичу Радивилу, чтобы онъ назначилъ съ своей стороны комиссаровъ, для обозначенія границъ между Городномъ, Бѣльскомъ, Ганисежъ и Раггородомъ.

Жикгимонтъ, Божью милостью, король Польскій, великій князь Литовскій, Рускій, Прускій, Жомонтскій, Мазовецкій и иныхъ. Старостъ Жомонтскому, Ковенскому, подчашому нашему, державцы Василишскому, пану Яну Николаевичу Радивилу. Ждала насъ тыми разы кородевал наша ея милость и великая княгиня Бона о томъ, што ся дотычетъ выроку нашего господарского, который есмо вырокъ тыхъ прошлыхъ часовъ межъ ея милостью и тобою въ речи Ганезской, которая ся ея милости передъ нами съ твоею милостью точила, вчинили, абыхмо ея милость, водлугъ того выроку нашего, заховали. И што ся дотычетъ менованья комиссарей, которые бы въ той речи, водлугъ того выроку нашего, на границы Ганисекскіи и Раггородскіи зъ Городномъ и зъ Бѣльскомъ выѣхати мѣли, тыхъ вжоеи милость комиссарей, водлугъ то-

го выроку нашего, зъ руки своео меновати и выроку нашему досытъ вчинити есть готова. А про то, кдыжъ ея милость насъ въ томъ упоминаетъ и комиссарей своихъ меновати готова есть, ино и твоя милость, абы также на то комиссарей своихъ меновалъ и намъ въ той речи волю свою ознаямилъ. Пакъ лишь бы еси меновати ихъ вози не мѣлъ, а хотѣлъ то мѣти, абыхмо мы, господарь, комиссарей тамъ кого бы воля наша была зъ ремени нашего на тую речь выслали, ино королева ея милость на томъ перестати и на нашихъ однихъ комиссарей тую речь свою дати хочеть, твоя бы милость о томъ вѣдалъ. Писанъ у Вилни. Подъ зѣто Божого Нароженья 1536, мѣсеца Сентября 28 день, индиктъ 10. Горностаѣ, подскарбій земскій.

*Хранится тамъ же.*

17.

1536 г. Донесеніе Ивана Лучинича Александру Ходкевичу, старостѣ Берестейскому о старыхъ и новыхъ границахъ Бѣльской пуци, выѣстѣ съ ея описаніемъ.

На память господару моему пану Александру Ивановичу Хоткевича, старостѣ Берестейскому, маршалку господарскому, державцы Виляйскому, Остринскому и Книшинскому. Што я Иванъ Лучиничъ, вѣжчалый служебникъ его милости, вже послѣ пана Ивана, старосты Пинского, Кобринского и Клецкого, а опослѣ пана Рафада Чосновского, под-

коморего Техоновского, войского Пшоцкого, а опослѣ пана Юрѣя Зелепуги, старосты Жорославского, Маливицкого и Лабненского, вѣдилъ семи зъ осочники и бортники Бѣльскими по пуци Бѣльской, межъ старыхъ и новыхъ граней, довѣдываючи ся справедливыхъ а слушныхъ знаковъ.

Напервѣй привели мене осочники къ

Войдиловцѣ рѣчцѣ въ пуци Бѣльской, подъ остуномъ Гвозднимъ, мѣли отъ Книшинна, повѣдали и указали ми, ижъ на томъ мѣстцы былъ дворъ королевскій, ловища. Витолтъ, Жикгимонтъ, Казимиръ и Александръ, королі ихъ милость въ томъ дворѣ ставили и въ той пуци, гдѣ теперь Книшинъ а Добренецъ и Долгая Лука, и тежъ въ Городенской пуци вѣдючи съ того двора, зубри и иншіи звѣри ловили. А коли король не былъ, ино ловчій его Левко Басманъ вѣжничалъ и въ томъ дворѣ стоялъ и въ той пуци звѣрь на короля его милость билъ. А тотъ дворъ завжди волостію Бѣльскою будованъ и поправованъ, и сторожа тежъ завжди въ томъ дворѣ зъ Бѣльска бывала, которая жъ сторожа общине того двора стерегивала. И кды панъ Николай Радивилъ Бѣлескъ держалъ въ тотъ часъ, якъ еще подчашникъ былъ въ короля его милости, и тотъ дворъ былъ сгорѣлъ, и онъ zase его заробилъ людьми Бѣльскими. И якъ князю Михайлу Глинскому Ганисъ былъ увъ отчизнудостался, онъ въ тую пуцу и въ тотъ дворъ не вступалъ ся и въ томъ дворѣ не бывалъ, и тотъ дворъ за него былъ цѣлъ а держанъ ку Бѣлеску и подъ мощію вриадника Бѣльского бывалъ. А потомъ, кды пану Николаю Радивилу Ганисъ у въ отчизну достался и Бѣлескъ другій разъ ему данъ держати, онъ тотъ дворъ молчкомъ казалъ изжечи, и на то мѣсто на Соколдцѣ въ пуци Бѣльской собѣ збудовалъ дворъ, и тамъ вчинилъ собѣ ловища и ку Ганисю то повернулъ, гдѣжъ и теперь есть добре знати, гдѣ тотъ дворъ былъ, и теперь печи свѣтличныи и комины, гдѣ были и дома, гдѣ стояли, есть знати добре.

Указали тежъ ми осочники знакъ на рѣчцѣ Чорной, на великой дорожѣ, гдѣ околы, то есть стаини, королевскіи

были, кды въ ловы вѣжничали и въ тыхъ стаинѣхъ стоявали. А тыкоколы робливали намѣстники Бѣльскіи и Саражскіи людьми Бѣльскими и Саражскими, а зъ Городна людьми Городенскими робливали.

Указали тежъ и повѣдали жи осочники: въ рѣки Супрясы, гдѣ Соколка въ Супрясо впала, ижъ на томъ мѣстцы, за Витолта и за Жикгимонта а за Казимира и за Александра короля, околы бывали господарскіи. Тыи стаини въ намѣстника Бѣльского въ мощи были, и розказывалъ людьми Бѣльскими робити. И въ тыхъ околахъ королі ихъ милость стоявали и звѣрь ловили въ той пуци Бѣльской и Городенской. А Бѣльскіи намѣстники все справовывали и розказывали людьми поки изъ лововъ выдудити. Тутъ тежъ отъ тыхъ околовъ Витолтова дорога была до того двора, што на Войдиловцѣ ловища были. Намѣстникъ Бѣльскій людьми Бѣльскими мость и гати робливали и поправовали ажъ до того двора и тыи сѣнжати, што въ той Соколдкѣ и въ Супрясы по кривую ольху звѣку на Бѣлескъ все волостію Бѣльская, а Саражска кошивала на ловы. А коли которой зими лововъ въ той пуци не было, то сѣно на замокъ Бѣлескъ або на Саражъ бирали, а зъ Ганиса въ тую пуцу и до тыхъ сѣножатей ничого не мѣли ани ступалися, бо Ганисъ въ тотъ часъ былъ речъ малая.

А приставы надъ тою волостію бывали, коли сѣно кошивали на тыхъ сѣножатѣхъ на рѣцѣ Супрясѣ въ Соколдкѣ рѣки. И теперь въ Саражскомъ повѣтъ живеть на имя Лучка Дегтаревичъ а другій Федъ Месенскій, третій Родъ Жиль, Саражанитъ же, нижеи тотъ Родъ теперъ живеть на Бѣломъ Стоку, за Бакаларениномъ, есть старшій мужъ велии. И тыи сознавають, ижъ коли тыи

сѣножати кошивали на Вѣлескѣ або въ лѣсахъ, они сѣножати надъ подостью Саражскою бывали; а до Ганези николи съ тыхъ сѣножатеи сѣна не бирали, они были ку Ганезю. Потреба до Бакалараевича листа, ажъ бы тому Родови казалъ до Книшнина на тыи потреби королевой еи милости быти, бо тотъ Родъ отчичъ есть господарскій.

То есть печи смоляныи. Вказали ми тежъ осочиники печи смоляныи, што въ пущи Вѣлеской смолены: напервѣй, на Войдиловцѣ рѣчцѣ печь смоляная была, земеникъ Моношко держалъ; другая печь на той же рѣчцѣ Войдиловцѣ у багонца, тотъ же Моношко держалъ; третья печь смоляная была на Искрѣ рѣчцѣ, войтъ Богумовскій держалъ; четвертая печь на рѣчцѣ Борсуковцѣ, мѣщанинъ Домзенскій старей Паликовскій держалъ и лучину къ той печи бралъ по рѣку Наровъ а по Супраслю; онъ тежъ въ той пущи подлѣ Нарва и Супрасли и масть робилъ, и къ Нарви и Супраслѣ рѣцѣ и къ берегу якъ смола такъ тотъ масть возилъ. И теперь тая дорога знати, куды масть возонъ къ Нарви, зовуть еи Паликовского дорога, и перевозъ на той же рѣчцѣ Нарви также зовуть Паликовского, и сынъ его теперешній Паликовскій то паметаеъ дей, и вальцышъ и побережное до Вѣлеска пошивалъ; тыи же вальгари сами померли, ино дѣти ихъ есть.

Повѣдали осочиники Вѣлескѣ, ижъ за пана Олехна Саковича и по немъ за вси старости Вѣлескѣ такъ тежъ и за пана Миколая Радивила, якъ первый разъ держалъ Вѣлескѣ будучи подчашнымъ, и по немъ панъ Кваштольтъ, якъ первый разъ Вѣлескѣ держалъ будучи воеводою Полоцкимъ, отъ тыхъ печей смоляныхъ и отъ цамру а отъ масти вѣлейное ихъ милость зъ Вѣлеска на короля его милости бирали, а намѣст-

ники ихъ Вѣлескѣ свой доходъ вридинскій побережного по вердунку на себе бирали, и какъ пану Миколаю Ганязъ у въ отчизну достался а панъ Кваштольтъ Вѣлескѣ держалъ предъ ся, его милость вѣлейное съ тое пущи бирали на короля, а намѣстники его милость Вѣлескѣ свое побережное на себе бирали. А мы осочиники зъ лѣвничими панскими тымъ вальгаромъ и тымъ печамъ смолянымъ боръ на лучину и тежъ на цаморъ и на масть заводили, по которымъ мѣста мѣли бы то брати, а зъ Ганези въ тую пущу не вступалися и вридиники не вѣзжчали. А естли бы хто зъ Ганези въ тую пущу вѣхалъ, мы, осочиники, ихъ имывали и до Вѣлеска до казни давали. И войтъ Богумовскій, старей, печь смоляную мѣлъ въ пущи Книшнинской, то есть у Вѣлеской уганявалъ ся тежъ зъ уряду Вѣлеского въ ган, и побережное и вси доходы до Вѣлеска давалъ, а не до Ганези. И Ганяжане тежъ уганявали ся въ лѣвничого, въ той пущи Вѣлеской, будованье и драгичи брати. Мы въ нихъ отъ того поклонъ собѣ брали. И держачи пану Миколаю Радивилу Ганязъ вже у въ отчизну, а панъ Кваштольтъ въ тотъ часъ Вѣлескѣ держалъ, почалъ былъ зъ Ганези въ той пущи Вѣлеской село Добреневъ садити. И панъ Кваштольтъ зъ Вѣлеска тое пущи боронилъ и тыи люди розметалъ и пожогъ и не допустилъ ему людей селити. И кгда пану Миколаю Радивилу другій разъ Вѣлескѣ у держанье зостался, и онъ, яко староста Вѣлескѣ, въ той пущи Вѣлеской, гдѣ теперь Добреневъ и Книшнинъ и Долгая Лука, люди садилъ. А повѣдали, ижъ то на короля, а не до Ганези, а за тымъ мощью своею то ку Ганезю привернулъ, и боронилъ намъ по той пущи у въ обысогу вѣдити и бортиниковъ съ тое пущи выгналъ.

Повѣдали тежъ Ленець Самотыя, ижъ сыномъ своимъ Зиновомъ кгда митутъ напервѣй въ Добреневъ, въ пущи Вѣлеской, панъ Миколай Радивилъ, воевода Виленскій, посадилъ на томъ мѣстѣ, гдѣ теперь домъ мой надъ рѣкой Супраслю, то была бендюга, и бирали на той бендюгѣ побережное отъ цамру и отъ смолы, а отъ масти по вердунку намѣстники Вѣлескѣ на себе бирали. А бортиниковъ Саражскихъ на томъ тежъ мѣстѣ были станы ихъ бортинскихъ заходныхъ. И небожчикъ панъ Миколай, кгда Ганязъ у въ отчизну взялъ и Вѣлескѣ держалъ и мене на томъ мѣстѣ посадилъ, казалъ ми ихъ выгоняти съ пущи, хтобъ не хотѣлъ до Ганязи дани давати, и бобровниковъ тежъ Вѣлескѣ не вѣзжчалъ до тыхъ рѣкъ пущати. И я вже на него почалъ бобры бити. И въ той бендюги почали отъ того часу побережное намѣстники Ганязскѣ на себе брати. Я тежъ въ его милости служилъ, нагончимъ былъ. А потомъ онъ почалъ въ Добреневъ волю (\*) садити, и мовялъ, ижъ на короля, а не на себе, имѣнье тежъ на томъ мѣстѣ садилъ на короля, а не на себе.

На то тежъ потреба земенина Вѣлеского Войтка Сокола, который живеть у Высокого Двора господарыни нашего королевой еи милости, у милн. Тотъ, повѣдаютъ, бралъ вѣлейное и вальцышное отъ тыхъ печей на короля его милость ажъ бы еи милость королевая рачила до судьи Вѣлеского листъ дати, ажъ бы его до Книшнина прислалъ ку опытанью достаточному а справедливому.

То бортиники. Олтухъ съ Плесковъ лавню заходную мѣлъ въ тыхъ околовъ въ Соколки и Супрасли рѣки, ижъ повѣдали, ижъ панъ Миколай Радивилъ въ него отнялъ, и теперь онъ тое дерево бортиное въ той пущи на себе ходитъ и дань

(\*) свободныхъ людей.

дають, а другую съ тогожъ дерева до Ганези, подлѣ приказанья пана Миколая Радивила дають. Тыи околы и лавнице панъ воевода войту Добреневскому Лукашу отдалъ на земанство, и теперь знати, гдѣ околы были и есть того великій знакъ, ижъ много у поле розроблено, недалеко пущи Городенской, подъ остуномъ Васильковомъ, Кузьма Костеновичъ, гасеникъ Саражскій, повѣдали, ижъ лавня его была надъ рѣкой Супраслю, гдѣ теперь Лукашъ, войтъ Добреневскій, дохотъ сѣдѣть, и сѣножати его заходныхъ подъ нимъ, и дерево бортиное небожчикъ панъ воевода въ него отнялъ и Лукашу отдалъ а такъ и теперь ключники Вѣлескѣ, водѣ давности, за тое дерево дань на мѣ беретъ.

Бортинъ Саражскій Каць повѣдали, ижъ его станъ заходный бывалъ подлѣ рѣки Супрасли, гдѣ теперь Ленець Самотыя живеть и теперь дерево ихъ подъ знаменъ есть.

Вороновъ Клепачовъ, лавня на Вороновцѣ, и теперь дерево подъ клѣномъ есть, а дань до Ганези дають, а передъ тымъ до Вѣлеска давали.

Андрей Лацевичъ повѣдали, ижъ то его станы заходныхъ были надъ рѣкой Супраслю, гдѣ теперь Ленець Самотыя живеть.

Пшыхъ тежъ осочиниковъ и теперь дерево ихъ бортиное есть и ходять его.

Тые осочиники и бортиники повѣдали: мы съ того дерева бортиного зѣлку одну дань на короля его милость до ключа Вѣлеского дають, а кгда пану Миколаю Радивилу Ганязъ у въ отчизну достался, онъ масть съ тое земли почалъ выгоняти мощи, и казалъ насъ вѣшати, естлибъ хто не хотѣлъ до Ганези дани давати. Якожъ мы, жалючи дѣдичныи своей, того дерева бортиного не опустили, мусили семо дань давати одну



до Ганезя, а другую подлѣ давности до Бѣльска. А кгда королевой ея милости дворъ Книшинецъ и тая пуща досталася по тымъ границы, якъ небожничъ Радивилъ евовольно былъ забралъ, ино которую дань давали сему, подлѣ новое мощное уставы, до Ганезя, тую теперь даемъ до Книшина; а на томъ хотимъ присягнути, пжъ то пуща Бѣльская, а не Ганязская, а ку Ганезю тежъ съ тое пущи дань передъ тымъ инколи не была, лечъ за небожника паша воеводу Виленского тая дань мощно установлена.

Бобровники сознавали: дѣды и отцы наши и мы за Витола, або и дѣлѣй, на рѣцѣ Соколицѣ, и на рѣцѣ Супраслѣ завжды зъ одной стороны берегу господарского по тымъ и по иншимъ рѣкамъ бобры бивали и до Бѣльска давали, а зъ другой стороны Супрасла беретъ паша Александра Ходковича; въ то мы не вступалися. А кгда пашъ Миколай Радивилъ Ганязъ у въ отчпзну взялъ, намъ не дѣлѣ по тымъ рѣкамъ бобровъ гонити и борти наши отъ насъ отняли; а на тыхъ рѣкахъ зѣвку до скарбу господарского къ Бѣльску бобры давали, а Ганезжане по тымъ рѣкамъ не ловили ани бивали бобровъ и входовъ не мѣли.

Осочиники Бѣльскіи, мужи старыи все: Мелехъ Четовичъ. Толочко Оноцковичъ съ Койловъ. Иванъ Петровичъ. Кузьма Тинковичъ зъ Докницъ. Гринъ Клубничъ. Андрей Лацевичъ отъ Рацковъ. Мисъ Пыховичъ съ Проневичъ. Синецъ Сенковичъ. Степанъ Клубничъ. Денецъ Самотыя.

Бортники и бобровники Бѣльскіи, все старыи: Олтухъ Ивановичъ. Братъ его Степанъ Коляда. Кондрать Струнка. Микита Ходоревичъ. Братъ его Сацъ. Иванъ Дѣевичъ съ Хреболовъ. Децъ Кусевичъ. Протасъ Селивановичъ. Мартинъ Олехновичъ. Иѣхъ Пашковичъ. Якимъ Кузмичъ, служебный зъ Бѣльска.

Бортники Саражскіи, все старыи: гаевникъ Саражскій Кузма Костеневичъ. Кацъ бортничъ. Стецко Саковичъ. Веремѣй Желозовичъ. Иванъ Ивановичъ. Федко Селивановичъ.

Еще тежъ вси осочиники и бортники въ мене не были; а кгда вси хъ зберу, будеть ихъ о сорокъ, або и большеи, нижили тыхъ часовъ, для работы пашной, трудно было ихъ собрати, хотя мало опашутца, будуть вси къ тому часу, коли я имъ закажу.

*Хранитесь тамъ же.*

## 18.

1536. Описаніе старыхъ и новыхъ границъ Городенскихъ, Бѣльскихъ и Ганязскихъ, произведенное, по королевскому повелѣнію, Александромъ Ивановичемъ Ходковичемъ, съ товарищами.

Зъ розказанья господари короля его милости. Выѣздъ или одовѣдыванье границъ Городенскихъ и Бѣльскихъ зъ Ганяземъ—старыхъ и новыхъ.

Я, Александръ Ивановичъ Ходковича,

староста Берестейскій, маршалокъ господарскій, державца Влакейскій и Остринскій, а Матѣй Войтеховичъ, маршалокъ господарскій, державца Волковыжскій, а Шимко Мацковичъ, тивунъ

и подкоморный Виленскій, державца Радуньскій, конюшій Троцкій. А при ихъ милости пописывалъ тымъ границы Богданъ Мацковичъ Шаула, дякъ господарскій.

То суть старыи грани. Которыи граници клали, зъ розказанья Казимира короля его милости, Городну зъ Ганяземъ пашъ Станко Судивоевичъ, въ тотъ часъ будучи старостою Городенскимъ, маршалкомъ дворнымъ, а пашъ Олехно Саковичъ, староста Бѣльскій, а пашъ Мишко Вшиттортовичъ, ловчій господарскій, а пашъ Александръ Дрожда, намѣстникъ Каменецкій. Какъ же привели насъ напервѣй земли Ганискіи съ осочиники къ Бобрей рѣцѣ, а отъ тое рѣки Боброе повели насъ Кмитовкою рѣчкою вверхъ и привели насъ тою Кмитовкою къ Толкачову болоту. А отъ того болота Толкачовы смугою до могилецъ, гдѣ обаломныхъ селъ людъ Русь кладутца. А отъ тыхъ могилецъ, дорогою, которая дорога идетъ зъ Дате-лова къ Едешкомъ; а съ тое дороги вправо границою межъ землѣ Славско-го и зъ Долистовицъ; держачи земли Долистовскіи по правой рудѣ къ Ганязю, а Славского земли по лѣвой рудѣ къ Городну,—и чрезъ конецъ багна границою до дороги, которая дорога идетъ отъ Торусы къ Моношкамъ. А тою дорогою къ болоту и подлѣ того болота ступивши зъ дороги налѣво чрезъ поля опять къ той же дорожѣ первой великой, которая дорога идетъ отъ Дате-лова до села до Едешокъ. И тою дорогою подлѣ самыхъ Едешокъ, держачи тое село Едешки по правой рудѣ двори ихъ къ Ганязю, а по лѣвой рудѣ къ Городну земли ихъ пашни вси. И оттоль тою жъ дорогою мимо войта Матѣшского Миколая улиною,—а того войта дворъ поправу. И тою жъ дорогою чрезъ рѣчку Стокъ, и отъ тое рѣчки

Стока чрезъ село Мотѣшки улиною. А обаломъ тое улины тое село Мотѣшки сѣдять и напашъ и налѣвъ двори ихъ. И съ того села Мотѣшокъ дорогою чрезъ поля до верхъ рѣчки Смугуровки. А отъ Смугуровки рѣчки подлѣ самого села Бурбичъ, держачи село Бурбичи поправу. Ино того войта Миколая и тыхъ селъ Мотѣшокъ и Бурбичъ двори ихъ и пашни одна на одно лѣво въ старыхъ границахъ къ Ганязю напашъ. А двѣ пашни ихъ на двѣ лѣвъ въ новыхъ границахъ къ Городну на лѣвой рудѣ. А отъ того села Бурбичъ, отъ тыхъ старыхъ граней до новыхъ, до Березовое, двѣ мли поперекъ. Также отъ того села Бурбичъ идетъ старая граница черезъ поля Бурбичи до болотечка Бѣлявки, и держачи тое болотечко по праву. И съ того болотечка Бѣлявки рѣчка Черешля встала. И тою рѣчкою Черешлею унизъ—отъ того болотечка Бѣлявки починши, пошла граница черезъ дорогу, которая дорога идетъ отъ Рудковскихъ до Ганязя. И тою рѣчкою Черешлею унизъ,—отъ тое дороги до двора до Шпакова. И тая рѣчка Черешля границою идетъ чрезъ село Шпаково, держачи дворъ пашовъ воеводичовъ и старое село по праву къ Ганязю,—а село новое за рѣкою Черешлею по лѣву къ Городну; тутъ же на той рѣцѣ подлѣ двора Шпакова млынъ. Отъ того двора Шпакова отъ старыхъ граней до новыхъ до проворотья—поперекъ шесть миль. Съ которого проворотья встали двѣ рѣки Березовая а Чорная. А отъ Шпакова двора идетъ граница тою жъ рѣкою Черешлею до каплянского села до Кречкова: въ томъ селѣ ставъ каплянский на Черешли; село старое сѣдять по правой рудѣ рѣки Черешли къ Ганязю; а дворъ капляна Ганязского отъ Черешли на лѣво новозбудованъ—въ Горо-



донскомъ повѣдали отъ пятнадцатилѣтъ: отъ того двора пуца недалеко прилегла. Въ томъ мѣстѣи стоячи Славскіи и зъ землани и съ осочиники повѣдали, ижъ то пуца по рѣку Нерешлю звѣку была Городенская; а зъ Ганязя николи ни одинъ чоловікъ въ тую пуцу черезъ рѣку Нерешлю уступу не мѣлъ. Какъ же и князь Михайло Глинскій, коли держалъ Ганязя, черезъ тую рѣку Нерешлю въ тую пуцу вступу не мѣлъ—самъ и люди его. Тутъ подаѣлъ троха на той же Нерешли другій **млынъ** капланскій; а граница старая идетъ все тою рѣкою Нерешлею. И за тымъ млыномъ другимъ капланскимъ впаде въ рѣку Нерешлю рѣка Притулянка. И минувши тое устье недалеко на низъ рѣки Нерешли: тутъ стоитъ дворецъ Васковъ земляничовъ, и тутъ на той рѣцѣ Нерешли два млыны его. А отъ тыхъ млыновъ Васковыхъ и отъ двора его пошла граница черезъ поле въ дорогу Ганезскую, которая дорога идетъ отъ Кышнина къ Ганязю. Тутъ тебѣ Славскій и Васко и зъ землани и съ осочиники мовили: мы васъ по тымъ гранямъ ведемъ, куды панъ Станко Судивоевичъ съ тыми паны разрубывалъ пуцу къ Городну отъ Ганязя и грани клалъ на лѣвую сторону къ Городну, а на правую къ Ганязю. И съ тое дороги Ганязское поведи границею на лѣво чрезъ поля Сикоринскіи. Какъ же панъ Станко Судивоевичъ съ тыми паны по правой сторонѣ рѣки Нерешли, перешодши черезъ тую рѣку, отрубалъ земль въ Городенскую сторону къ рѣцѣ къ Нерешли вдоль на полмили, а поперекъ на версту и зася привести границу въ Нерешлю жъ рѣку,—гдѣ и рубежи въ сосѣи покладаѣ подаѣ тое рѣки, какъ же и теперь тые рубежи знати. Тутъ отъ тыхъ старыхъ граней, гдѣ зася въ Нерешлю

рѣку приведены до новыхъ границъ до Чорное—пять миль поперекъ; а отъ Васкова двора до новыхъ границъ до Чорное пять миль же поперекъ; а отъ Сикоръ также до новыхъ границъ до Чорное—пять миль поперекъ: на той же рѣцѣ на Нерешли Сикоринскій млынъ Ивахиновъ; нижей того воеводичовны млынъ, нижей Мелкова—млынъ Ируда. А то все старая граница идетъ Городну зъ Ганяземъ тою Нерешлею рѣкою черезъ вси тии млыны. И какъ пришла граница тою рѣкою Нерешлею до того млына Ируды. Ино тутъ въ того млына Ируды пришла дорога великая, которая идетъ отъ Городна до Богущова: а тая дорога ведетъ границу Городну зъ Бѣльское. Отъ Богущова, вѣдучи до Городна по лѣвой руцѣ дороги—Городенская земля, а по правой руцѣ дороги Бѣльскія земли. Тая дорога чинить границу Городну зъ Бѣльское до Чорное рѣки. А отъ того млына Ируды отъ старыхъ граней до новыхъ до Чорное рѣки зять миль поперекъ. По тоть млынъ Ируда—конецъ границамъ старымъ. Городенскимъ зъ Ганяземъ, куды панъ Станко Судивоевичъ съ тыми паны клалъ. А зася отъ того жъ млына Ируды пошла старая граница Бѣльску зъ Ганяземъ тою жъ рѣкою Нерешлею на низъ, куды панъ Станко Судивоевичъ съ тыми паны клалъ, къ Левоневу млыну. И на той же рѣцѣ на Нерешли внизу Левоневъ млынъ. И отъ того млыну Левонева зася тою жъ рѣкою Нерешлею на низъ пошла старая граница Бѣльску зъ Ганяземъ до земанъ, до Байковъ. И межн тыхъ Байковъ селатая рѣка Нерешли границею идетъ: село старое тыхъ Байковъ на правой руцѣ сѣдитъ тое рѣки Нерешли, а на лѣвой руцѣ Нерешли почали дѣй были тии Байки проробливати пуци Бѣльское. Ино панъ Станко Судивоевичъ,

какъ вѣдаль съ тыми паны грани клалъ Бѣльску зъ Ганяземъ, въ тотъ дѣй часть тое пуци Бѣльское по лѣвой сторонѣ рѣки Нерешли тымъ Байкомъ разробливати не велѣлъ и того имъ заборонилъ. А потомъ Александръ король его милость тымъ Байкомъ тыхъ проробковъ ихъ допустилъ, и еще къ тому придаѣлъ имъ пуци разробити и писалъ листъ свой до пана Миколая Миколаевича, какъ Бѣльскъ отъ его милости держалъ, ижъ бы имъ тое пуци отвѣстъ, съ того листу копѣю есмо взяли. То пакъ тии Байки, зъ данины Александра короля его милости, по лѣвой сторонѣ рѣки Нерешли тое пуци Бѣльское разробили тридцать и три волюки и теперь держать и дворы собѣ побудовали на лѣвѣ Нерешли; и млынъ тыхъ Байковъ по той рѣцѣ Нерешли подъ ихъ дворы. Ино отъ тыхъ земанъ Байковъ отъ рѣки Нерешли, отъ старыхъ граней до новыхъ до Соколки рѣки, гдѣ Соколка въ Супрасу впаде, шесть миль поперекъ. И отъ тыхъ земанъ Байковъ зася граница пошла Бѣльску зъ Ганяземъ тою жъ рѣкою Нерешлею на низъ. И на низу тое рѣки Нерешли млынъ Тыкотинскій пана Кваштоловъ, воеводы Виленского, его милости новозбодованный. Потомъ на той же рѣцѣ Нерешли на низу, гдѣ Нерешля впаде въ Наровъ рѣку, другій млынъ пана Кваштоловъ: того млына зовутъ Быстрый, а тотъ млынъ старобудованный еще за дѣда нинѣшнего пана Кваштова его милости. Мы въ того млына стоячи, пытали земанъ Ганязскихъ и осочиниковъ Бѣльскихъ; и они вси передъ нами повѣдали въ одно слово, ижъ панъ Станко Судивоевичъ съ тыми паны по рѣку Нерешлю пуцу Бѣльскую отъ Ганязя къ Бѣльску отрубилъ и по тую рѣку Нерешлю къ Бѣльску тое пуци велѣлъ намъ осочини-

комъ завѣдати и боронити. Тутъ конецъ границамъ земли Бѣльское зъ Ганязскою землею.

Также тутъ стоячи на тыхъ границахъ, пытали есмо тыхъ земанъ Ганязскихъ и осочиниковъ Городенскихъ и Бѣльскихъ: коли держалъ Ганязя князь Михайло Глинскій, черезъ тии старыи грани и черезъ рѣку Нерешлю, куды панъ Станко Судивоевичъ съ тыми паны клалъ, чи мѣлъ какой уступъ у тии пуци господарскіи Городенскіи и Бѣльскіи самъ, або люди его Ганязскіи? И они вси въ одно слово повѣдали: што князь Михайло Глинскій чрезъ тии старыи грани и черезъ рѣку Нерешлю, куды панъ Станко съ тыми паны клалъ, въ пуци господарскіи Городенскую и Бѣльскую ничимъ николи не вступался, какъ самъ, такъ и люди его Ганязскіи. Также повѣдали, ижъ которыи люди господарскіи межн тыхъ старыхъ граней и новыхъ дереве свое бортиное мѣли—Городняне въ пуци Городенской, а Бѣляне въ пуци Бѣльской, тии борти лязячи Городняне медъ давали до ключа Городенского господарского, а Бѣляне—до ключа Бѣльского господарского. А князь Михайло Глинскій того дѣй имъ не заборонилъ. Ино какъ панъ Миколай, небожчикъ, воевода Виленскій, тии пуци господарскіи межн тыхъ граней старыхъ и новыхъ за себе забралъ къ Ганязю, такъ и въ людей господарскихъ тое дерево отпалъ и ихъ оттолъ вытиснулъ.

То суть новыи грани, гдѣ были недавно новопокладены черезъ грани пана Станковы Судивоевичи въ пуци Городенской и Бѣльской. На первій почалася граница отъ провороты. Съ того провороты рѣка Чорная встала и пала въ Соколку Лядную; тою Чорною до Соколки двѣ мили вдоль. А

Соколка рѣка впадала въ Супраслю рѣку: тою Соколкою до Супрасли три мили вдоль. А Супрасля впадала въ Наровъ рѣку, которая рѣка Супрасля ведетъ границу съ пушею Бѣльскою имѣньемъ пана Александровымъ Ходковича. Ино тою Супраслю до Нарви, гдѣ впадала въ Наровъ—шесть миль вдоль. А Нарвою рѣкою отъ того устья, гдѣ Супрасля впадала до Нерешли рѣки, четыре мили вдоль. А Нерешлею рѣкою до Бобрее до Кмитовки рѣки, гдѣ Кмитовка впадала въ Бобрею рѣку, семь миль вдоль. А отъ Кмитовки троха подалѣй до Березовое рѣки, гдѣ Березовая, впадала въ Бобрею рѣку, ино тою Березовою рѣкою вверхъ до того жъ проворотѣя, откуда встала Березовая, шесть миль вдоль. То тутъ новый грани зася вмѣсто (\*) вышлись у того проворотѣя. Около тыхъ всихъ новыхъ граней вдоль тридцать миль безъ дву миль. А межи тыми новыми и старыми гранями ширины поперекъ индѣ четыре мили, а индѣ пять миль, а индѣ шесть миль, то въ наширомъ мѣстѣ.

Тутъ же на тыхъ пуцахъ и села насажены: того ничего князь Михаилъ Глинскій не держалъ. Такъ передъ нами вси землицы и осочинки повѣдали.

А то суть грани старыя Ганязскія и какъ тежъ князь Михаилъ Глинскій Ганязъ держалъ по тымъ гранемъ: отъ Бобрее рѣки Кмитовкою рѣкою и полемъ, куда граница идетъ, и Нерешлею рѣкою до Нарви, гдѣ Нерешля впадала въ Наровъ рѣку—семь миль вдоль. А Нарвою рѣкою до Бобрей, гдѣ Бобрей рѣка впадала въ Наровъ, три мили вдоль. А Бобрею рѣкою подъ самый Ганязъ, подъ стѣну отъ того устья, гдѣ Бобрей впадала въ Наровъ до Ганязя, три мили вдоль. А отъ Ганязя Бобрею рѣкою вверхъ до Кмитовки рѣки, гдѣ

(\*) вмѣстѣ.

Кмитовка въ Бобрею впадала, двѣ мили вдоль. То около обошли границы старыя Ганязскія и зася тутъ въ тою Кмитовку снылся вмѣсто. То около старыхъ границъ Ганязскихъ какъ и князь Михаилъ Ганязъ держалъ пятнадцать миль округъ, а поперекъ тыхъ старыхъ граней, какъ Ганязъ зданна въ собѣ ся мѣлъ и какъ Глинскій его держалъ, отъ Кмитовки и отъ Шпаково двѣ мили, отъ Левонена млынъ и отъ Вогушова три мили, отъ Быстрого ставу, отъ Нерешли пять миль, отъ Тростянки три мили. То широкость Ганязская въ старыхъ границахъ и какъ тежъ Глинскій держалъ.

Межи старыми границами и новыми въ пуццѣ Городенской села къ Ганязю населены: напервѣй село Забѣлье а Ятвезь Велика. Въ тыхъ двухъ селѣхъ: въ Забѣльи и у Ятвези осмдесятъ волокъ, а млынъ на рѣцѣ Березовой. Въ тыхъ селѣхъ войтомъ Карпъ; тутъ же дворъ Карповъ съ пашнею, а къ двору Карпову войтову полъ одиннадцаты волоки и три огородники. Другій дворъ Карповъ же на Березовой съ пашнею; а къ нему двадцать и полтретей волоки, а млынъ зъ двѣма колы его жъ на той же рѣцѣ Березовой. Отъ Кмитовки, отъ старое границы до новое, до Березовое, до Карпова двора—миля поперекъ. Потомъ землицкй дворъ Тарусинъ, зъ пашнею, —къ нему двадцать волокъ: тутъ отъ старое границы, отъ смуги до Березовое, до новое границы—миля поперекъ. Потомъ землицкй дворъ Славского съ пашнею, —а къ нему сорокъ волокъ, а млынъ на Березовой; тутъ отъ старое границы, отъ могилъ Русскихъ до новое границы, до Березовое—двѣ мили поперекъ. Потомъ села пановъ воеводичовъ: отъ Славского имѣнья напервѣй село Ясвилы, —а въ немъ сорокъ волокъ; село Ро-

мейки и Ятвезь Сухал—въ тыхъ двухъ селѣхъ тридцать волокъ; потомъ село Шпаково, которое село новопосажено озя рѣчки Нерешли на лѣвой сторонѣ. Къ нему суть волоки: никто о нихъ не вѣдалъ сповѣдати, а тамошніи мужики ни одинъ къ намъ не шолъ. Потомъ—Калиновка, пановъ воеводичовъ, —а войтовство Ивахиново, старосты Пинского: къ тому войтовству его Калиновскому—семь селъ. Напервѣй село Вагно: въ немъ волокъ двадцать и пять; Воля—вверхъ Калиновки: въ немъ пятьдесятъ волокъ безъ одное; Закоствельная Калиновка: въ немъ волокъ тридцать безъ дву; Заболотная Калиновка: въ немъ волокъ пятнадцать; Нерешля Великая: въ немъ волокъ двадцать и четыре; Малая Нерешля: въ немъ шесть волокъ. Такъ повѣдали передъ нами землицы вси Ганязскія и осочинки Городенскія, ижъ тымъ вси села насажены на пуццѣ Городенской.

А то суть села, насажены на Бѣльской пуццѣ, пановъ воеводичовъ: тымъ же землицы Ганязскія и осочинки Бѣльскія повѣдали. Дворъ Книшину: къ тому двору пашня дворяная; а окромъ дворяное пашни къ Книшину сто и тринадцать волокъ; потомъ село Долгал Лука: въ немъ сто волокъ; потомъ лѣвничего Станиславовыхъ чотыринадцать волокъ; потомъ Пеского дворъ съ пашнею: къ тому двору кромъ пашни его двадцать волокъ; потомъ село Добрынево, два войта въ немъ, одинъ войтъ Васко. Его войтовства пятьдесятъ волокъ. Другій войтъ Лукашъ; его войтовства сто волокъ. А то землицкй обрубъ, што панъ воевода подавалъ земаномъ пуццѣ Бѣльское на разробленъе и на посаженъе селъ: Грегоръ Стрѣлецъ подъ ними обрубъ; Васко подъ ними обрубъ; Гриневичи подъ ними обрубъ; Ленецъ подъ ними обрубъ; подъ сыномъ его Зиновомъ другій обрубъ; Лукашъ подъ

ними обрубъ, подъ Василькова и гдѣ Соколка въ Супраслю впадала. Ещо съ Книшину мужикъ, на имя Еспитъ, влѣтъ обрубъ подъ тогожъ Лукаша. То села межи старихъ и новыхъ граней; а Байковъ тридцать и три волокъ.

Сума всихъ волокъ выписанныхъ, которые налѣвъ за границю старою на Городенской и на Бѣльской пуццѣ разроблены: осмдесятъ и пятьдесятъ волокъ. Кромъ тыхъ волокъ, што намъ не повѣдали, села нового въ Шпаковѣ и села Едешовъ и войта Матѣйского Миколая и села Мотѣшовъ и села Бурбичъ; бо ни одинъ мужикъ съ тыхъ селъ къ намъ не шолъ. Нежели на вгдѣ землицы и осочинки намъ повѣдали, ижъ въ тыхъ селѣхъ и въ тыхъ обрубкахъ можетъ быти съ полтораста волокъ.

Въ каждый годъ съ каждое волоки въ року идеть сорокъ грошей безъ трехъ: годового три гроши; воевинны дванадцать грошей; оиса два корца Бѣльскихъ; гусъ; двое куръ; двадцать яецъ кокошихъ. А въ недѣли каждый мужикъ день ходитъ на роботу съ каждое волоки.

То суть землицы Ганязскія, которые граници выводили. То ихъ имена: Янъ Славскій, Григорей Торуса, Якубъ Войтеховичъ Вротенскій, Езавъ Байка, Миколай Мрочекъ, Станиславъ Бяласукня, Едамъ Собѣшка, Матей Милевскій, Борута Жаконовскій, Бартошъ возный, Борута Краковскій, Миколай Краковскій, Янъ Пенчиковскій, Петръ Вишоватый, Миколай Милевскій, Марекъ Милевскій, Янъ Милевскій, Вавринецъ Милевскій, Войтехъ Милевскій, Павелъ Милевскій, Матѣй Вротенскій, Станиславъ Милевскій, Станиславъ Байка, Янъ Власукня, Войтехъ Милевскій, Янъ Монковичъ, Бартошъ Жаконовскій, Марекъ Макгиушъ, Миколай Монковичъ, Марекъ Олдаковичъ, Янъ Собѣшка, Матѣй Збылитовскій, Станиславъ Спир-

бинский, Петр Монекъ, Янъ Бласук-  
ид, Николай Бласукни, Матей Бласу-  
сукни, Петр Матфеевичъ Писанка,  
Крегторъ Яновичъ Писанка, Николай  
Писанка, Станко Томковичъ Хойнов-  
ский, Якубъ Станиславовичъ Писанка,  
Мартинъ Николаевичъ Хойновский, Янъ  
Кулашъ Мартиновичъ, Рафалъ Марти-  
новичъ Кулашъ, Станиславъ Кулашъ,  
Мартинъ Кулашъ, Петръ Кулашъ,  
Петръ Мрочкевичъ, Григоръ Моношк-  
евичъ, Петръ Моношко, Шиманъ Мо-  
ношковичъ, Едамъ Собыцка, сынъ его  
Янъ, Павелъ Собыцка, сынъ его Ен-  
дрей, возный Бартошъ Собыцка, Ста-  
ниславъ Крамковскій, Лавринецъ Крам-  
ковскій, Григоръ Крамковскій, Жикги-  
мондъ Невировскій, Лепартъ Невиро-  
вскій, Богданъ лѣкарь съ Прейвойшовъ,  
Якубъ Богущекъ, Петръ Богущекъ, Якубъ  
Вишоватый, Павелъ Вишоватый, Матей  
Вишоватый, Михалъ Вроценскій, Янъ  
Якубовичъ Вроценскій.

То осочниковъ Городенскихъ имена:  
Супрунъ Рудевичъ, Трохимъ Бобыничъ,  
Гринъ Хведдевичъ, Максимъ Бовше-  
вичъ, Жданъ Болшевичъ, дякъ Пути-  
ловичъ, Степанъ Сухиничъ, Петранецъ  
Сухиничъ, Олехно Зеноновичъ, Мака-  
рецъ Болшевичъ, Иванъ Матфеевичъ,  
Кулъ Болшевичъ, Андѣецъ Рудевичъ,  
Пашко Zubовичъ, Сенко Креглевичъ,  
Федець Гордѣевичъ, Карпецъ Дубича-  
ничъ, Максимъ Артимовичъ, Тимошъ  
Кунашевичъ, Олихерець Яциничъ,  
Дешко Харанковичъ.

То имена осочниковъ Бѣльскихъ:  
Якимъ Кузмичъ, Санко Сенковичъ,  
Мисъ Ивановичъ, Полута Тинцовичъ,

Инець войтовичъ Клепачъ, Иванъ Ино-  
вичъ.

Также повѣдиль передъ нами войтъ  
Долголуцскій Езофъ Байка, штожъ деъ  
Александръ король его милость роска-  
залъ былъ миѣ на его листъ волю са-  
дити тутъ на Долгой Дуцѣ и листъ свой  
господарскій на томъ былъ далъ въ Кра-  
ковѣ. А я въ тотъ часъ былъ въ Кра-  
ковѣ съ паномъ Николаемъ Николаеви-  
чомъ, подчасимъ, старостою Бѣльскимъ.  
И я прѣѣхавши сталъ тую волю сади-  
ти тутъ на Долгой Дуцѣ. И панъ Краш-  
толтъ почалъ былъ миѣ того заборонити  
отъ Тыкотина. А потомъ довидался,  
што то пуца господарская Бѣльская и  
его милость далъ тому покой. И я сталъ  
тутъ село садити за листомъ и роска-  
заньемъ господарскимъ. И потомъ, какъ  
Гализь господарь король его милость  
Жикгимонтъ далъ пану Николаю и панъ  
Николай тотъ листъ Александра коро-  
ля его милости въ мене отнялъ, и на  
то ми далъ свой листъ, и тотъ листъ  
пана Николаевъ, писанный на паркгаме-  
нтъ полатынъ съ привѣсною печатью  
передъ нами положилъ: мы того листа  
копѣю въ него взяли. Тежъ повѣдиль  
передъ нами дворянинъ господарскій  
Чешейка, ижъ онъ какъ держалъ отъ  
князя Михаила Глинского Саражъ, онъ  
тое пуци къ Саражи боронилъ, почон-  
ши отъ дороги великое, которая идетъ  
отъ Богущова къ Городну по рѣку Чер-  
ную и въ той пуци печи смоленны да-  
валъ робити и, беручи золотыи, отда-  
валъ ихъ королю Александру его ми-  
лости. Богданъ Мацковичъ Шаула.

Хранится тамъ же.

19. Описание старыхъ границъ мѣстечка Раигорода.  
1536. Описание старыхъ границъ мѣстечка Раигорода.

# Мѣстечко Раигородъ.

Тое мѣстечко має войта дѣдичного,  
немаючого волокъ вымѣрныхъ; має  
дворъ панскій, велими добрый. Тежъ  
маєть, подлѣ двора, фольваръ до-  
брий, на пашню дворную панскую, ма-  
єть границы (\*) ку Городну на пять  
миль ажижъ до рѣки, реченой Мѣта, Го-  
роденской, а зъ другой стороны ку  
Ганезю на другую пять миль. Ма-  
тежъ (\*\*) село, реченое Вожна старую,  
надъ рѣкою Ягрия, зъ млыномъ дву-  
козь, и платъ плати 10 копъ гроши  
каждого году за циншъ рочный.

Тежъ другое село, старая Меча рече-  
ное, безправне забраный. Тежъ село  
Черный Лѣсъ. Тежъ два дворцы фол-  
варковы. Тежъ одно село Пленское Раи-  
городское. Тежъ козько съ всей речонныхъ  
обрубы служачихъ и дани за циншъ  
рочный подагъ обычай Ганезкого пла-  
течихъ. Тежъ село Белеве, старое. Се-  
ло Едикове, старое тежъ.

Тежъ дани господарской зъ бортей  
отъ бортниковъ Раигородскихъ естъ пла-  
чено 20 и 2 меду пресного (\*\*\*) на го-  
сподаря, абовѣмъ зъ борцовъ господарь-  
скихъ Городенскихъ близко лежащихъ.

Тежъ шляхетный Янъ Жробекъ, войтъ,  
выкопалъ зъ нового кореня на земли го-  
сподарской Городенской, съ поданья  
всеводы Радивила, одно свое село пять-  
десять волокъ, а для себе 5 волокъ.

Тежъ границы Раигородскіе въ Пру-  
сы, ку селу Прускому, Кривѣ речено-  
му, одну милю. А на другой сторонѣ  
ку селу Станислава Щуриха и Богдана

(\*) Противъ этого слова сбоку приписано: новую,  
безправную, Радивилевскую.

(\*\*) Наверху приписано: тежъ безъ даними забранни.

(\*\*\*) Наверху: штожъ они держатъ безправне.

къ Мѣтиша шесть миль, штожъ тыи Ра-  
дивилове все безправно взяли. А ку  
Мазовшу границы Раигородскіе стѣга-  
ють ся на 6 миль отъ Мѣты. Еще  
єсть (\*) намиѣй лѣсовъ и борцовъ на  
6 миль ку будованью селъ на господаря.  
А тамъ суть чистые лозы ку ловенью  
розмантихъ звѣровъ на столъ госпо-  
дарскій, которыхъ Радивилове без-  
правне вживали.

Тежъ шляхетные Бѣлосукпенци са-  
дєть ся пниѣ на земли господарской,  
Раигороду приглой, одно новое село  
пятидесять волокъ, а для его войтовства  
5 волокъ особно. Шляхетные Рудков-  
скіе садєть пниѣ одно село новое, на  
земли королевской, тамъ же близко,  
пятидесять волокъ, а ку своему вой-  
товству 5 волокъ.

Беруть тежъ Радивилове часу зими  
отъ приходнєвъ и домовниковъ, которые  
до Прусь ѣздить и ворочають ся, цю не-  
звычайное (\*\*) по два гроши и по 2 пѣ-  
нези Литовскіе противъ привилєєвъ  
своихъ, за што тежъ вси добра свои  
Раигородскіе суть и могутъ быти заб-  
раны правомъ посполитымъ и моцью ко-  
роля его милости. Вносятся тое цю Ра-  
дивиломъ въ добрахъ тыхъ Раигород-  
скихъ каждого году неслухно беручихъ  
на полтораста копъ грошей.

Але старцы кажутъ, ижъ старовѣч-  
ная граница Раигородская были и суть  
отъ ратуша Раигородского на полмили,  
то стоитъ при воли господарской. Ач-  
козвекъ Глинскій, Раигородъ держачи,  
вступалъ ся ширєй на вси стороны,  
але ему того зъ Городна моцєе боро-

(\*) Сбоку: властныхъ господарскихъ.

(\*\*) Сбоку приписано: и небывало.

нено; алижъ потомъ Радивилъ насталь и забралъ, безъ заѣзду, што хотѣлъ про-  
титъ данинъ своей и справедливости  
королевской.

И просить тыи земане Раигородскіи,  
абы были при тыхъ старыхъ границахъ  
зоставени были, торговое и мыта безъ

правне вставлени на сказу чоловѣка  
посполитого абы скажоны были. Про-  
сить тежъ тыи земане Ганезкии, абы  
были зложены были торговое мыта,  
черезъ Радивила вставлени, абы бы-  
ло все по старому.

Хранится тамъ же.

## 20.

### 1536. Описаніе старыхъ границъ Ганезскихъ.

Границы старіе Ганезскіе.

Тѣе границы старіе были завжды отъ  
Ганеза до села Шпакова, у двухъ толь-  
ко, миляхъ, отъ мѣстечка Ганезьского,  
лежаціе подлѣ рѣки Нереслы, правдивыя  
и старіе Городенскіе границы. Отъ  
Шпакова вверхъ рѣки тое идучи алижъ  
до границъ шляхетного Яна Славского.  
Отъ Славского до села Ятѣвежъ, кото-  
рое граничить зъ землею Городенскою,  
тежъ вверхъ рѣки Нерешлы идучи.

А на долъ тое рѣки Нерешлы отъ  
Шпакова съступючи алижъ до озера  
Левонного мынара Красовского, тежъ  
надъ Нерешлою. А отъ Левона тежъ  
на долъ Нерешлы до Вогушова. А отъ  
Вогушова тежъ на долъ до Тртяны.  
А отъ Тртяны тежъ на долъ рѣки  
Нерешлы заполый въ землю, алижъ  
до лововъ речонныхъ Добаръ слушие го-  
сударскихъ, але неслушие забраныхъ.  
А отъ Добаръ землею идучи до рѣки  
Бобрей, которая граничить зъ Мазов-  
шомъ, то есть, зъ землею Визненскою  
и Вансшемъ килства Мазовецкого.  
А въ гору идучи тое рѣки Бобри до дѣ-  
дичтва Забебе, вкругъ, алижъ до Ятѣ-  
вежи; а тутъ былъ завжды конецъ ста-  
рыхъ границъ Ганезькихъ.

Повѣдають тежъ, иже, еще будучи въ  
животѣ, насильнѣйшій король Александръ,

король и великій князь Литовскій, да-  
ровалъ вельможному пану Миколаю, нѣ-  
колись воеводѣ Виленскому, нѣкоторую  
часть лѣсу, за село Калиновку (\*), ку  
выробенью на земанъ Городенской, або  
въ ловѣхъ Городенскихъ надъ рѣкою  
Калиновкою, въ борѣхъ и въ лѣсѣхъ ку  
поставленью подлугъ привилія его, отъ  
того жъ короля его милости ему даного.

А тотъ панъ воевода, выступючи  
стешки и границы дарованья его вы-  
слуги, поставилъ на оной земли коро-  
левской село Большую Калиновку, ма-  
ючу въ собѣ сто и пятьдесятъ волокъ  
поля выробленого, на него вымѣроныхъ,  
которые и теперь осѣль.

Далъ тежъ тотъ воевода Ивахну слу-  
жебнику, а тогда подскарбему своему,  
земли господарской, подлѣ Городна ле-  
жачой, нѣкоторую часть лѣсовъ и бо-  
ровъ и лововъ Городенскихъ, пререче-  
ныхъ ку выробенью, въ обычай войтов-  
ства черезъ тогожъ Ивахна потомъ учи-  
неного. Поставилъ тежъ тотъ же Ивах-  
но, съ пріязностью того воеводы пана  
своего пререченого, тамъ же дворъ собѣ  
войтовскій, съ фольваркомъ, черезъ не-  
го выробеннымъ, маючомъ въ собѣ во-  
локъ 15, черезъ него ажъ до тыхъ мѣстъ

(\*) Наосторонѣ: Калиновка Большая.

подъ закрытостью поставенного войтов-  
ства выробенныхъ и посѣлныхъ.

Казать тежъ тотъ же речонный зем-  
нинъ Ивахно преробить собѣ на тоежъ  
войтовство Калиновское на подданне и  
имети свои влохъ кметовскихъ 20 и 5.  
Тежъ масть тотъ же Ивахно подлѣ тогожъ  
двора своего два озери и два мыны  
по одному колъ.

Тежъ въ той же Большой Калиновцѣ  
есть костель фарный, которого костела  
плебанъ масть за подаванье свое шесть  
волокъ особно выробенныхъ. Тотъ же  
тежъ плебанъ масть вколо и подлѣ то-  
гожъ костела поле корчемъ, костелу пре-  
слушачихъ.

Тотъ же тежъ воевода подлѣ тое Боль-  
шое Калиновки выробилъ тамъ же не-  
давно на земли Городенской же не го-  
раздъ и неслушие нишихъ селъ шесть,  
черезъ тогожъ войта Ивахна въ часть  
пановъ земли злѣ посѣлныхъ. Напередъ  
Меншая Калиновка, Тежъ Нова Воля,  
Тежъ Вагдо. Нерешла Большая. Нерешла  
Меньшая. Кгузова. Которые вси села вы-  
шей выписаные мають въ собѣсто пять  
волокъ ку робенью мужицкому або кмеч-  
кому вышейречоннымъ. А черезъ тое не-  
слушное таковыхъ земель королевскихъ  
выробенью и забранье тѣе вси села моцъ  
ухвалы посполитой земской, недавно  
установой, слушие могутъ быти отняты.

Забралъ тежъ преречонный воевода  
Радивилъ безъ жадное королевское да-  
нины лѣсы и бори и нпы господарь-  
скіе Городенскіе. Напередъ почать отъ  
двора Большого Калиновки, забралъ тотъ  
Радивилъ бори, лѣсы и ловы Городен-  
скіе королевскіе на шесть миль ку Го-  
родну идучи, алижъ до рѣки Черной,  
гдѣжъ поставилъ и збудовалъ на себе  
дворъ, ловомъ своимъ потребный.

А (\*) отъ того двора, надъ рѣкою Чор-

(\*) Сбоку приписано: новые границы забраные.

ною учиненого, забралъ потомъ тотъ  
же воевода бори, лѣсы и ловы госпо-  
дарскіе Городенскіе на три мили, алижъ  
до рѣки Супреслы.

Отъ которое рѣки Супреслы тотъ же  
воевода забралъ повторъ лѣсы и бори  
и ловы королевскіе Городенскіе на двѣ  
мили въ сторону идучи подлѣ рѣки Нарвы.

А рѣкою Нарвою идучи въ гору тотъ  
же воевода Радивилъ забралъ земли ко-  
ролевской неслушие на пять миль.

А заставляючи тую рѣку Нарву за-  
бралъ засе тотъ воевода боръ Бѣль-  
скій на двѣ мили, алижъ до границъ  
шляхетного Яна Шорца, подданого па-  
на Кваштолтового, идучи въ кругъ, яко  
бы въ обычай правдивого граниченья  
Ганезкого.

А тамъ же забралъ на двѣ мили по-  
длѣ рѣки Бобри.

А отъ тое рѣки Бобри преречонный  
воевода забралъ неслушие, въ гору иду-  
чи, подлѣ Ганезы, переходши бори и  
ловы, боровъ и лѣсовъ Добаръ на шесть  
миль, гдѣжъ только въ полумилу вжо  
старіе Ганезькіи границы были держаны.

Въ тыхъ шести миляхъ вышейписа-  
ныхъ, черезъ тогожъ Радивила неслуши-  
но забраныхъ, есть много селъ земли-  
скихъ, правыхъ слугъ насильнѣйшей ко-  
ролевской милости.

А отъ Ганезы идучи рѣкою Бобрею  
были старіе границы, алижъ до села  
Забѣлы, выкидаючи на двѣ мили.

А отъ Забѣлы рѣки тотъ же Радивилъ  
Забѣлою посполую забралъ тую  
новую землю недавно выробленную и  
рѣку речоную Берозовую тежъ на милу.

Тая тежъ рѣка Берозовая вышейпи-  
сана завжды отъ початку Городенская  
была, але черезъ пререченого воеводу  
Радивила остаточне забрана зъ зем-  
ли и зъ лѣсы и бори велики на шесть  
миль, алижъ до початку рѣки Черной.

Платеть тежъ каждого году такъ за-

мине, яко тежъ и мѣщане и иншіе лю-  
ди: и бортыники и данники каждого го-  
ду 20 и двѣ бочки меду: предного зъ лѣ-  
совъ и зъ боровъ королевскихъ до Го-  
родна и до Вѣльска, посполу и непоспо-  
лу, отъ початку, слушащихъ. Которіе  
жъ, до бочки меду, до комори королев-  
ской, задежать для боровъ королевскихъ.

А тотъ дворъ маеть свой фольваркъ, яко

есть вышѣ написанъ.

А тамъ суть два ставы заняты надъ рѣкою Яскеръ рече-  
ною: Надъ тыми ставы два млыны суть

збудованы, одинъ двухъ колъ, а другій

млынъ направляютъ трехъ колъ, кото-  
рый ведми борздо направеть.

Третья сажалка зъ преречонныхъ зъ

млыномъ третимъ, яко справеный, съ ко-  
торого плату 10 копъ на рокъ платеть,

поставеннымъ на земли королевской че-  
резъ Радивилы, бискупа и его брата

Станислава, кгда вжо ся право было

почало передъ королемъ его милостью

и. И напервѣй село Кышшинъ, нового

выробенья, маючи въ собѣ 110 волокъ

кмецкихъ, выневши фольваркъ дворный,

маючи въ собѣ 15 волокъ поля, нового

выробенья. Маеть тежъ войта речоного

Кореневскаго, маючого 10 волокъ сво-  
ихъ войтовскихъ, выневши пререченные

волоки кмецкіи. А надъ то маеть тежъ

тое село торгъ гораздъ початый и на-  
крытый, але еще недобре справеный. А

тамъ же есть дворъ гораздъ збудованъ.

А тотъ дворъ маеть свой фольваркъ, яко

есть вышѣ написанъ. А тамъ суть два

ставы заняты надъ рѣкою Яскеръ рече-  
ною: Надъ тыми ставы два млыны суть

збудованы, одинъ двухъ колъ, а другій

млынъ направляютъ трехъ колъ, кото-  
рый ведми борздо направеть.

Третья сажалка зъ преречонныхъ зъ

млыномъ третимъ, яко справеный, съ ко-  
торого плату 10 копъ на рокъ платеть,

поставеннымъ на земли королевской че-  
резъ Радивилы, бискупа и его брата

Станислава, кгда вжо ся право было

почало передъ королемъ его милостью

и. И напервѣй село Кышшинъ, нового

выробенья, маючи въ собѣ 110 волокъ

кмецкихъ, выневши фольваркъ дворный,

маючи въ собѣ 15 волокъ поля, нового

выробенья. Маеть тежъ войта речоного

Кореневскаго, маючого 10 волокъ сво-  
ихъ войтовскихъ, выневши пререченные

волоки кмецкіи. А надъ то маеть тежъ

тое село торгъ гораздъ початый и на-  
крытый, але еще недобре справеный. А

тамъ же есть дворъ гораздъ збудованъ.

А тотъ дворъ маеть свой фольваркъ, яко

есть вышѣ написанъ.

А такъ неслухне тотъ медъ або тую  
дань медовую каждого году тые Радивило-  
ве берутъ, не маючи сами Радивило-  
ве жадной намѣйшей части лѣ-  
совъ и боровъ Ганезскихъ въ старихъ  
своихъ границахъ описанъ Ганезкого  
старшого и давнѣйшого.

Хранится тамъ же.

А тотъ дворъ маеть свой фольваркъ, яко

есть вышѣ написанъ.

А тамъ суть два ставы заняты надъ рѣкою Яскеръ рече-  
ною: Надъ тыми ставы два млыны суть

збудованы, одинъ двухъ колъ, а другій

млынъ направляютъ трехъ колъ, кото-  
рый ведми борздо направеть.

Третья сажалка зъ преречонныхъ зъ

млыномъ третимъ, яко справеный, съ ко-  
торого плату 10 копъ на рокъ платеть,

поставеннымъ на земли королевской че-  
резъ Радивилы, бискупа и его брата

Станислава, кгда вжо ся право было

почало передъ королемъ его милостью

и. И напервѣй село Кышшинъ, нового

выробенья, маючи въ собѣ 110 волокъ

кмецкихъ, выневши фольваркъ дворный,

маючи въ собѣ 15 волокъ поля, нового

выробенья. Маеть тежъ войта речоного

Кореневскаго, маючого 10 волокъ сво-  
ихъ войтовскихъ, выневши пререченные

волоки кмецкіи. А надъ то маеть тежъ

тое село торгъ гораздъ початый и на-  
крытый, але еще недобре справеный. А

тамъ же есть дворъ гораздъ збудованъ.

А тотъ дворъ маеть свой фольваркъ, яко

есть вышѣ написанъ. А тамъ суть два

ставы заняты надъ рѣкою Яскеръ рече-  
ною: Надъ тыми ставы два млыны суть

збудованы, одинъ двухъ колъ, а другій

млынъ направляютъ трехъ колъ, кото-  
рый ведми борздо направеть.

Третья сажалка зъ преречонныхъ зъ

млыномъ третимъ, яко справеный, съ ко-  
торого плату 10 копъ на рокъ платеть,

поставеннымъ на земли королевской че-  
резъ Радивилы, бискупа и его брата

Станислава, кгда вжо ся право было

почало передъ королемъ его милостью

и. И напервѣй село Кышшинъ, нового

выробенья, маючи въ собѣ 110 волокъ

кмецкихъ, выневши фольваркъ дворный,

маючи въ собѣ 15 волокъ поля, нового

выробенья. Маеть тежъ войта речоного

Кореневскаго, маючого 10 волокъ сво-  
ихъ войтовскихъ, выневши пререченные

волоки кмецкіи. А надъ то маеть тежъ

тое село торгъ гораздъ початый и на-  
крытый, але еще недобре справеный. А

тамъ же есть дворъ гораздъ збудованъ.

А тотъ дворъ маеть свой фольваркъ, яко

есть вышѣ написанъ.

студя выробени. Воля Грегорова. Ма-  
линово.

Тежъ осмью весь нового тежъ выро-  
бенья даную вѣчнейшѣ некоторому землянину  
Грицию на его землянство. Тотъ же зем-  
лянинъ, съ семи преречонными и зъ землєю  
своею власною, отъ Радивиловъ первѣй  
доступной, въ подданность неповинную  
пану Кваштолту есть поступенъ.

Тежъ преречонны два братья Радивило-  
ве поступили тому пану Кваштолту некакіе роли войтовскіе отъ войтов-  
ства села Добринева первѣй слушаціе  
ку съяны тридцати бочокъ соля-  
нокъ. Тежъ пререченны два Радивилове  
поступили вѣчне до Тыкотина пану  
Кваштолту млынъ свой Кышшинскій  
одного кола подѣ села Байки речоной  
Нова Весь, а лежачій надъ рѣкою ре-  
чною Нерешлою. Тежъ надъ тоужъ  
рѣкою Нерешлою, Вошьною речною,  
иншіи тежъ млынъ однимъ коломъ то-  
му пану Кваштолту поступили. Тежъ  
другій млынъ, тежъ одного кола, надъ  
рѣкою речною Сухою Нерешлою спра-  
вленый, тые два братья Радивило-  
ве тому пану Кваштолту поступили.  
Тежъ преречонны два братья Радивило-  
ве, бискупъ и Станиславъ, посту-  
пили, кгда ся то право точило еще  
нескончено, тридцать бочокъ ку съянію  
тому пану Кваштолту, взявши напе-  
редъ тые поля посполу зъ лѣсы и зъ  
бори отъ землянъ речонныхъ Вишова-  
тыхъ. Тежъ преречонны два братья Радивило-  
ве, взявши неслухне нѣкаторіе по-  
ля зъ бори отъ дѣдичтва шляхетныхъ  
зъ Банкъ, дали тыхъ же боровъ и по-  
ли пану Кваштолту.

А тые вси добра отъ Радивиловъ  
преречонныхъ, яко речоно есть, кгда ся  
право точило, преречоннымъ обычаемъ  
набытые, тотъ панъ Кваштолтъ собѣ  
своими власными границами описати  
на тыхъ мѣстъ поспѣшилъ, ся приво-

рочаючи тые добра до добра своего Ты-  
коцкого преречонного въ мощъ и надѣю  
вѣчного отдаденія отъ землянъ королев-  
скихъ и великого князя Литовского ни-  
и и напономъ будучого.

Тежъ новыя выробенья на земли ко-  
ролевской Вѣльскай вчиненны: село  
Долгая Лука, маючая осмьдесятъ волокъ  
и войта Езофа, десять волокъ поля вой-  
товскаго маючого, державы князя бис-  
купа Жомонтскаго зъ дѣлу брацкаго.  
Тежъ село Крипно Новое, тежъ дер-  
жавы бискупей, тому же войту ку его вой-  
товству подданое. Тежъ село Шинново,  
маючи осубный свой обрубъ, которое дер-  
жавца плати на рокъ соль за чинишъ ро-  
чный подданое присудку того же войта.

Тамъ же поставлено есть одно село  
особное, съ поданья неслухного пана  
Миколая Радивила, черезъ шляхетного  
Миколая Пенскаго преробена и осѣляя,  
маючи дворъ и фольваркъ ему прилу-  
чонный, але на земли королевской Вѣль-  
скай поставлена и вмоцнена, а для то-  
го тотъ землянинъ отъ бискупей подда-  
ности есть вызволенъ.

Тежъ ты села вышѣ написанные че-  
резъ бискупа Жомойскаго зъ роздѣле-  
нья брацкаго осѣля суть здавна, поспо-  
лу зъ другимъ имѣньемъ вышѣ писан-  
нымъ части бископей, королевской ми-  
лости недавно записанные, которыхъ  
большая на земли королевской есть  
справлена. Напередъ Минковиче, маю-  
чи въ собѣ 20 волокъ. Тежъ Цышове  
мають 10 влокъ. Тежъ Горностагъ 20  
волокъ. Тежъ Римдеве мають (\*) волокъ,  
соль и чинишъ на Кышшинъ платечи.  
Тежъ Масеве, тежъ Мойлы, мають пять  
волокъ, службу и чинишъ платечи. Тежъ  
Олишково мають три волоки, службу и  
чинишъ платечи. Тежъ Колесники мають  
(\*\*) волокъ.

(\*) Пять въ подлинникѣ.

(\*\*) Пять въ подлинникѣ.

Тыхъ вси преречонныхъ шляхетный Миколай Пенскій есть войтъ и тежъ державца зъ рухъ пана бискупа Жомойцкого.

А въ селѣ пререченомъ Микговичи одинъ татаринъ ослѣлъ, зъ дозволенія воеводы Радивила, двѣ волокъ, съ которихъ пану земли ничего не платить, але только дворную службу есть обвѣзанъ служить.

Тежъ тые два села нижеписанные нового розкопанья, на земли господарской Вѣльской розкопаные съ слушными служебными людьми, тежъ нижеписанныхъ ослѣлъ панъ Станиславъ Радивилъ.

Першое—Добринево Меншое, маючи въ собѣ волокъ пятьдесятъ, въ которомъ Васко выробникъ того села есть войтомъ; тотъ маєт особно отъ себе выкопанныхъ пять волокъ войтовскихъ.

Тежъ другое село новое—Большое Добринево, черезъ Лукаша войта зъ нового кореня выкопаное, маючи волокъ кмечныхъ сто, а пререченого Лукаша 10 волокъ войтовства особно отъ себе выкопанныхъ.

Въ томъ селѣ есть костелъ фарный, въ которомъ плебанъ маєт на пашню свою шесть волокъ особно надъ преречонные волоки, съ принаволенія и съ наданья воеводы Радивила выкопанныхъ.

Подѣ того села справено было знаменитое озеро, абоставъ, на которомъ есть млынь, але того ставу греблю розгребъ Хотковичъ, а такъ пусто лежить.

А тамъ же въ тылѣ тое вси Большого Добринева сѣдять на власной и особой своей земли своего выкопанья, съ поданья воеводы Радивила и тежъ зъ его описанья нѣкоторій ловецъ жмойдинъ осочникъ.

Тежъ его сыну реченому Жентъ тотъ же воевода даровалъ частью лѣсу королевского, въ которомъ тотъ же Жонъ выкопалъ собѣ десять волокъ черезъ того жъ то воеводу въ мощъ своихъ границъ описанныхъ, съ которихъ пану тое земли ма служить, яко стрѣлецъ.

Тотъ же Жонъ на пана земли урядъ замковъ каждого году ма служить, абымъ тамъ течеть рѣка Супресла; а въ ней много бобровъ есть ловено.

Тежъ отъ той же вси Добринева идутъ великіе лѣсы ажъ до Вѣльска и бори непожиточные, ку осаженью вси королевскихъ потребные, ку скарбу королевскому залежачіе.

Въ тыхъ всихъ всѣхъ, новыхъ и старихъ, кмети платеть рочне паномъ своимъ за чиншъ рочный по золотому въ золотѣ Угерскомъ съ каждой волоки отъ нихъ засѣдлыхъ и по одной гуся и по двѣ курицы и по сороку яецъ въ Книшинскомъ, а въ Ганезскомъ по двѣ по 30 яецъ и по дву корцу овса, шесть бочекъ солянокъ вишачихъ.

Тежъ межи границами много селъ преречонныхъ въ лѣсахъ и въ борѣхъ немало еще селъ черезъ выкопанье могли бы быти розкопаны ку пожитку господарскому.

Приворочаючи тежъ черезъ сказанье королевское до скарбу господарского вси села нового розкопанья межи бори и лѣсы и ловы, такъ Городенскихъ, яко и Вѣльскихъ вышеписанныхъ, ловы оные господарскіе отъ забранья Радивилового вѣчне были бы вызволены зъ великимъ пожиткомъ и роскошу насильшого господара нашего и потомкомъ его.

Хранится тамъ же.

# 1536. Описание мѣстъ Ганязского, Раигородского, Книшинского и Ваневского.

Першая часть замокъ Ганязъ.

Напередъ къ Ганязю мѣсто Ганязское зъ околинимъ мѣстомъ, а дворець Ганязскій съ пашнею того дворца.

А волость всихъ мѣсткихъ Ганязкихъ 100 и 8 волокъ, а огорода въ 112.

Плату зъ волости идетъ по золотому, а съ огорода по три гроши, то вчинить огородного плату полъ 6 копы и 6 грошей. Ино съ тыхъ золотыхъ чиншыхъ менцунаромъ и капличникомъ идетъ 80 золотыхъ, а войту Ганезскому 10 золотыхъ.

А на замокъ останеть 36 золотыхъ, а золотый по полукопью и по 7 грошей.

Огородного плату полъ 6 копъ грошей, 6 грошей то тежъ на замокъ остало.

Подъ войтомъ Ганязкимъ 3 волоки.

Ку тому тежъ замку къ Ганязю войтовство Калиновское со всеми селы Калиновскими.

Сума всимъ волокамъ того войтовства Калиновского полтора ста и двѣ волокъ.

А подъ войтомъ Калиновскимъ 15 волокъ.

Монюшково войтовство 60 и полосмы волоки.

Того жъ войтовства Монюшкова подѣ служебными полпятинадцаты волоки.

Подъ Монюшкомъ подѣ войтомъ 10 волокъ.

Сума волокъ 360 и полтрети волоки.

А войтовскихъ 25 волокъ.

А зъ войтовскими волоками 380 и полъ 9 волоки.

Плату готовизного съ тыхъ волокъ полтрети ста золотыхъ, а зъ огородниковъ мѣсткихъ полъ 6 копы грошей. Къ тому мыто чоповое, торговое, ярмарковое. А особое зъ рибаконъ. Овесъ чиншо-

вый, гуся, куры, яйца, съ Калиновки подѣ давного обычая.

Другая часть Раигородъ.

А ку тому двору къ Раигороду людей 13 служобъ каждого дня служатъ, а чиншу не дають, только 11 бочекъ овса дають; тии люди положили есмо за 11 волокъ. А зъ мѣста плату 6 копъ и полъ 2 гроша. А въ возномъ войтовствѣ 8 волокъ ослѣлыхъ, на годъ каплану дають по 20 грошей. А 9 волокъ пустыхъ положили есмо за 4 волоки. Жробокъ войтъ 19 волокъ новоосадиць. Другій войтъ Рудковский 8 чововъ осадиць. За тую 27 положили есмо 10 волокъ, бо тамъ платъ маєт быти и служба съ тыхъ людъ Прускимъ обычаемъ. А ку тому дворець Шпаконъ съ пашнею того дворца волокъ ослѣлыхъ 24. А съ тыхъ плату идетъ зъ волоки по полукопью, усихъ ровниючи къ тымъ волокамъ учинить 16 золотыхъ и осмъ гроши. Къ той же части къ Раигороду прилучили есмо войтовство Забѣльское, а въ томъ войтовствѣ Забѣльскомъ волокъ ослѣлыхъ 76. Другое войтовство Долистовское, волокъ въ немъ ослѣлыхъ 47. Третье войтовство городничого 103 волоки ослѣлыхъ. А тыхъ жо трохъ войтовствъ пустыхъ волокъ 210, съ которыхъ теперь плату нѣтъ. Сума готовизны съ тыхъ волокъ двѣсти осмдесятъ и 2 золотыхъ. А мѣстского плату 6 копъ и 10 грошей. А подѣ войтомъ Жбронкомъ 4 волоки, то есмо положили за 2 волоки. А подѣ Зеленоую войтомъ осмъ волокъ. А подѣ Каркомъ войтомъ 9 волокъ. А подѣ городничимъ войтомъ полъ 13 волоки. А войтовскихъ 30 полторы волоки. Сума усихъ волокъ у Раигородѣ триста и полъ 14 волоки. Млыновъ 2, 3 кола. А въ Долистовѣ 4



кола млиновыхъ. Въ той же части на Смовгѣ рѣцѣ 2 кола. А въ Ятвези коло. Третья часть, замокъ Кышиниѣ. Замокъ Кышиниѣ зѣ войтовствомъ Кышиниѣ 87 волокъ. А другое войтовство крайчого 54 волоки. А пустыхъ 10 волокъ. Третье войтовство Долгая Лука 84 волоки. А подѣ войтомъ Корневскимъ 10 волокъ. Подѣ войтомъ крайчимъ 9 волокъ. А къ тому Солеиничиѣ 7 волокъ осѣлыхъ. А пустыхъ волокъ 6 безъ черти. А подѣ войтомъ Долголуцкимъ 10 волокъ. Въ той части 200 сорокъ и осмь волокъ готовицы, съ которыхъ чинишь идеть. А къ тому зѣ Рудѣ 16 копѣ грошѣ. А подѣ войты всего тридцать волокъ безъ черти. Сума всихъ волокъ въ той части двѣсти семдесятъ и семь волокъ, то есть, съ селми и съ служебными, съ пустыми и зѣ войтовскими. А къ той же части млынъ Мѣлковскій. А другій млынъ на той же рѣцѣ ниже, коло одно. На другой рѣцѣ на Ясирѣ млынъ справують. А четвертый млынъ на той же рѣцѣ, коло одно. Пятый млынъ на Лодѣяхъ у Миколая Рудника на Нарви, коло одно. Четвертая часть, Ваневская. Волокъ у немъ осѣлыхъ 85. Службныхъ 7 волокъ осѣлыхъ. Пустыхъ во-

докъ 18. Войтовскихъ волокъ Ваневско-го, Бюлчинского; Яковского 11 волокъ. А дворецъ Бюлчиниѣ къ той же части прилучено земли пашное 5 бочокъ. А Туросенскій дворецъ къ той же части есмо прилучили также зѣ землями пашными 10 волокъ. А зѣ тому земля Ваневская пашнал. У Бюлчинчаѣ волокъ 15. А подѣ двѣма служебными полѣ 4 волоки. А пустыхъ волокъ у Бюлчинчаѣ 7. А къ тому прилучили есмо къ той же части два войтовства Добриневскихъ, а въ тыхъ двухъ войтовствахъ 90 и полѣ 4 волоки. А пустыхъ волокъ 20 и полѣ 4 волоки. Войтовскихъ 20 волокъ. А Богушовское войтовство къ той же части есмо прилучили 50 волокъ безъ одное. Сума усихъ волокъ ку Ваневской части, съ которыхъ чинишь ма бытъ 300 и одна волока. А подѣ докторомъ Лисомъ 30 и полѣ 4 волоки. А подѣ войты 31 волока. А подѣ слугами путными полѣ 11 волоки. То у той части, кромѣ Лиса, положили есмо 386 золотыхъ плату зѣ мѣстечка Ваневского 6 копѣ безъ 10 грошей. А мыто Богушовское къ той же части положили есмо за 10 копѣ грошей. А млынъ на рѣцѣ на Су-прастѣ, къ той же части къ Ваневу.

*Хранится тамъ же.*

## 23.

1536. Раздѣлъ Литовскихъ имѣній воеводины Виленской между сѣю и ея сыновьями.

Ровность имѣній Литовскихъ межипани воеводиное ея милости Виленское зѣ сынами ея милости.

Первая часть, Кейдани Буйвидишки.

Людей Кейданскихъ, которыхъ тяглую службу служатъ и дѣла даютъ, жити-ныи, овсяныи, 60 и 6 человекъ. А

имена ихъ выписаны у великомъ реи-стрѣ, дѣлоу съ нихъ приходитъ семь-десятъ и 4 бочки жита, овса тягжѣ су-ма. Куничныхъ пѣназей 6 копѣ безъ 12 грошѣ зѣ волости, а къ велико-дню съ тыхъ же людей 2 яловицы, по кури-ти, по 12 сець.

Койминичи, которыхъ около двора съ-дѣть, тѣмъ дѣлоу не даютъ, только служ-бу тяглую служить. А плату ни кото-рого не даютъ.

А положили есмо сужоу дѣла жит-ными повсяными: бочку жита по семи гро-шей, овса бочку по 3 гроши. То учи-нить 12 копѣ и 20 грошей. А семь земѣ пустыхъ тяглыхъ то за три человекъ, такъ есмо положили 2 пустошницы за человекъ. А въ мѣстѣ Кейданскомъ до-мовъ мѣщанъ сто и семьдесятъ и 4 до-мы. Плату грошового зѣ мѣста Кей-данского 80 копѣ грошей безъ копы кап-шанныхъ. А зѣ рѣзаниковъ копа грошей, кромѣ сребреницы, коли на нихъ по-ложить. То всего плату съ Кейданъ приде зѣ мѣста и зѣ волости и зѣ дѣ-ла сужоу 80 копѣ и осмь копѣ и осмь грошей. Людей всихъ сужоу тяглыхъ дѣлоуныхъ и съ Койминичи 80 и 2 че-ловѣки, бояръ 5 головами. Людей подѣ ними 5 человекъ. Сума всихъ людей Кей-данскихъ зѣ мѣстомъ двѣсти 66 чело-вѣковъ.

Буйвидишки къ той же части, ку Кей-данямъ, прилучили есмо къ тому двор-цу семь человекъ тяглыхъ, съ тыхъ людей ни дѣлоу, ни платовъ жадныхъ нѣтъ. Тамъ же у Буйвидишкахъ пять службъ людей заставныхъ боярина су-деревского Бедзевича. Въ тридцати ко-пахъ грошей тыхъ есмо людей въ дѣлѣ не ставили; тотъ панъ масть сплатити паномъ, кому ся Буйвидишки доста-нутъ.

Къ той же части ку Кейданямъ при-лучили есмо дворецъ Ясевскій 19 че-ловѣковъ, дѣла жита 18 бочекъ, бочку сумуючи по 7 грошей; то вчинить 2 ко-пѣ безъ 4 грошей, што на неводѣ да-ють. А дани меду 10 мѣдницъ, безмѣнъ и 2 воски. Слугъ путныхъ 8. Пашни дворное полтораства бочекъ. Сѣножатей 50 возѣ. Къ той же части ку Кейданямъ

дворецъ Дуботолки; людей тяглыхъ къ тому дворцу 23 человекъ; дѣла съ тыхъ людей 15 бочекъ жита, сужоу за жито вчинить рубѣ грошей и 5 грошей. Слуга путный одинъ. Пашни дворное 200 бочекъ. Сѣножатей 100 и 20 возѣвъ, а семь человекъ дѣлниковъ Кейдан-скихъ. Съ нихъ дани 12 пудовъ; пудъ сумовали по 12 грошей, то есть 2 ко-пѣ и 24 гроши. То въ той Кейданской части плату всего грошми приде дѣ-веносто копѣ и шесть копѣ и пятьде-сятъ и 4 гроши. Сума всихъ людей въ той части Кейданской съ тѣми дворцы и селми сто и 40 и два человекъ, кромѣ мѣщанъ. А зѣ мѣщаны 300 и 16 до-мовъ.

Другая часть, Упиники.

Зѣ дворцомъ Жекилинскимъ и дворѣ Соли, дворѣ Томилевичи, дворецъ Хо-теничи, а къ тому село Камено, село Дорогомичи и дворецъ Турецъ, къ тому Милчи 17 человекъ. Зѣ Упиничи волости данныхъ людей Упиничиѣхъ 80 пудовъ меду. А съ Томилевскихъ людей и зѣ Докшидичиѣхъ 33 пуды и полѣ без-мѣна; а съ Каменчанъ и зѣ Дорогомычъ 30 пудовъ и полпуда; а съ Хотеничиѣхъ людей 6 пудовъ; зѣ Милча съ полови-цы люди съ сминадцати человекъ 10 пу-довъ и 4 безмѣны. Сужоу въ той ча-сти 160 пудовъ. Тыхъ людей тяглыхъ Каменчанъ 4 человекъ; въ Дорогомы-чанъ 30 человекъ; Хотеничиѣхъ 20 и одинъ человекъ съ пустошницами; Милчанскихъ 17 человекъ; а другую 17 человекъ къ Холху отлучили. Су-жоу всихъ людей въ той части триста и сорокъ человекъ безъ одного человекъ. Плату усего въ той части грош-ми шестьдесятъ копѣ и полтрети копы, сумуючи за медъ, за жито, за овесъ, пудъ сумуючи полѣ 12 грошей. Пашни дворное тысяча и двѣсти бочекъ. Сѣ-ножатей тысяча и полтораства возѣ. Боя-

принял одинъ Каризна. Слугъ путныхъ 24, мѣщанъ 20. Доходу намѣстническаго зъ Унникъ пять копъ грошей.

Третья часть, Мусники.

Мусники, Митковскій дворецъ, Жырклишки, Андреевскій дворъ, Поляны дворъ, Зебино, а два села Домашковичи, Мытижане, земля Айнарская съ сѣножатми. А для того есмь тую землю къ той части прилучили, што тамъ пашни и сѣножатей мало, нижи въ иныхъ частехъ. Людей усихъ къ тому двору у той части триста и 24 человекъ. Дани медовое зъ Магницкихъ людей 36 медницъ, медница по 20 грошей; а зъ Дубинцовъ 50 пудовъ; съ Полянъ одиннадцать медницъ и полъ 2 безмена; а зъ Домашковичъ и съ Мстижа 34 пуды и 2 безмены. Въ той части сумою меду 84 и полъ 4 безмена, а медницами 47 медницъ. Плату грошового въ той части семьдесятъ и 6 копъ и 40 и 5 грошей. Пашни Мусницкое и всихъ дворцовъ тысяча и триста и 15

бочокъ, сѣна осмь сотъ и 60 возовъ. Бояръ 13. Слугъ путныхъ 15.

Четвертая часть, Холхло.

Холхло, Годутишки, дворецъ Петрашкешкый, Пятковский, Черневскый, Тучинскый, Рудын, Вѣлки. А то для того убачивши, ажъ тотъ дворъ Холхло землями добре поровнованъ, нижи плати велики малы, а къ тому тотъ дворъ не во впокон отъ неприятелей, а ниши дворы у покойномъ мѣстѣ лежать. Сума усихъ людей къ Холхлу Холхольскихъ и тыхъ дворцовъ триста и 20 человекъ. Бояръ 10. Слугъ путныхъ 25. Дани медовое зъ Рудыхъ 85 медницъ; а зъ Милча половинны села 10 пудовъ и 4 безмены. Огородниковъ 33 положили есмо за 8 человекъ тяглыхъ. А сумуючи меду, и жита, и овса, того прійдетъ сумою грошми семьдесятъ и полъ 6 копъ. Пашенъ дворныхъ усихъ тысяча и девять сотъ бочекъ. Сѣна 2 тысяча и 50 возовъ.

Хранится тамъ же.

## 24.

### 1536. Описаніе войтовства пана Пенского.

Пописъ войтовства пана Пенского, людей господарскихъ и села Колодезского.

Слуга путный Леманъ, татаринъ, на двухъ волокахъ сѣдитъ а служить господарю конемъ. А съ тыхъ волокъ ни однихъ подачокъ не дасть, только всегда на кони сѣдитъ а на войну ѣдетъ; а на войну ѣдетъ, такъ слушны а гоже, яко на молодца доброго прислушны.

Пописъ людей тяглыхъ.

Янъ Коромашковичъ, на волоцъ, золотый, овса корцей два, гуся, куръ двое,

яецъ двадцать. Янъ Котугталовичъ на полволоки. Степанъ Якубовичъ на волоцъ. Войтко Кенделевичъ на волоцъ. Юцисъ на полволоки. Петрашъ Кенделевичъ на полволоки. Демьянъ на волоцъ. Янели Кенделевичъ на волоцъ. Сидоръ Радоцкий на волоцъ. Станко Ясколовичъ на полволоки. Богданъ Ясколовичъ на полволоки. Станко Корчмытъ на волоцъ. Мицъ на полволоки. Петко Тупталовичъ на волоцъ. Янко Мицовичъ на волоцъ. Павелъ Дашковичъ на волоцъ. Станко Дешковичъ на волоцъ. Мацко Тимо-

моховичъ на полволоки. Ондрий Марковичъ на волоцъ. Ондрий Олѣшниковичъ на волоцъ. Гринъ Олѣшниковичъ на полволоки. Петръ Пилѣйковичъ на волоцъ. Войтко Олѣшниковичъ на полволоки. Василь Симоневичъ на полволоки. Ходко на полволоки. Игнатъ Олѣшниковичъ на полволоки. Бартошъ Сенютючъ на полволоки. Сенюта на полволоки. Того жъ села Колодезского волокъ двадцать.

Пописъ того жъ войтовства села Горностаева.

Войтко Носовичъ на волоцъ, золотый, овса корцей два, гуся, куръ двое, яецъ двадцать. Янъ Когановичъ на волоцъ. Станко Санцовичъ на полволоки. Степанъ Мартиновичъ на волоцъ. Никонъ Бондаровичъ на полволоки. Степанъ Жуконичъ на полволоки. Станко Книвичъ на полторы волоки. Петръ Новичъ на полволоки. Василь Бондаровичъ на волоцъ. Костукъ Саковичъ на волоцъ. Ондрий Мартиновичъ на полволоки. Павелъ Янковичъ на полволоки. Того села Горностаева волокъ девять.

Пописъ того жъ войтовства села Кожешицкого.

Янъ Митковичъ на волоцъ, золотый, овса корцей два, гуся, куръ двое, яецъ двадцать. Ондрий Мартиновичъ на трехъ четвертей волокъ, а четвертька пуста лежитъ. Юшко Мартиновичъ на полторы волоки. Пашко Мартиновичъ на полволоки. Того села волокъ четыре. Пописъ того жъ войтовства пана Пенского села Тишовского.

Першко Мостожижичъ на волоцъ, золотый, овса корцей два, гуся, куръ двое, яецъ двадцать. Демешъ Деминичъ на волоцъ. Глушко на волоцъ. Войтко Поляковичъ на волоцъ. Сухта Мо-

стожижичъ на волоцъ. Тимошъ на волоцъ. Сташко Мостожижичъ слуга къ двору, служить конемъ на волоцъ, золотый, овса, ни куръ, ни гуся, ни яецъ не дасть.

У томъ же селѣ отчичъ Пашко Станковичъ слуга конный, служить господарю изъ дѣдизны конемъ збройне, яко прислушны на доброго молодца на шляхту. А подъ нимъ и зъ братомъ три волоки, не дасть золотый, овса и иныхъ подачокъ и службу тяглое не служить.

Пописъ того же войтовства пана Пенского села Рындевского.

Войшко Соленикъ на двухъ волокахъ, золотыхъ два, соли бочокъ два, и службы тяглое не служить, и овса не дасть. Петръ Соленикъ на волоцъ, золотой, соли бочка, овса не дасть. Криштохъ Соленикъ на волоцъ, золотый, соли бочку, овса не дасть.

Того жъ войтовства пана Пенского сума волокъ осѣлыхъ пятьдесятъ и полволоки и чвиртъ.

На тыхъ волокахъ дымовъ девенсто. Сума золотыхъ сорокъ и полпешта и чвиртъ золотого. Сума овса циншового семьдесятъ корцей безъ полкорца. Сума гусей тридцатеро и четверо. Сума куръ семьдесятъ. Сума яецъ шестьсотъ и осмьдесятъ и пять сець. Того жъ войтовства Пенского осѣлыхъ волокъ шесть. А самъ войтъ нашеть чотыри волоки. Въ тыхъ войтовствѣхъ волокъ полтретинадцати пустыхъ. Того жъ войтовства 20 волокъ отдано Каменницкому. Того жъ войтовства дано на шпиталь чотыри волоки; полторы волоки дано за домъ Потоцкому.

Хранится тамъ же.



25.

1536. Ноября 3. Письмо Луцкого бискупа Хвальчевскаго, Александра Ивановича Ходкевича и другихъ къ королю о томъ, что ими покончено описаніе границъ королевскихъ и Радзивиловскихъ между Городнонъ, Бѣльсконъ, Ганязеиъ и Раигородонъ, Кышнинонъ и Тикотинонъ.

Наяснѣйшій милостивый государу, королю! Ознаймуемъ вашей милости, государу нашему милостивому, и нѣжъ есмо, подлугъ росказанья вашей милости государа нашего милостивого, на границы Городенскіи и Бѣльскіи зъ Ганязеиъ и зъ Раигородомъ, межи государемъ нашимъ милостивымъ королемъ его милостью молодымъ и паномъ Яномъ Миколаевичомъ Радивиловичомъ, старостою Жмоитскимъ, подчасимъ вашей милости государьскимъ, вжо выѣздили и на рокъ положонный, яко на завитый, на мѣстцу положонномъ становили. И будучи на ономъ року и на мѣстцы положонномъ, пана старосту есмо его милость Жмоитского и комисарей его, абы къ намъ на тую справу подлугъ росказанья и знайденья вашей милости выѣхали, обыскали, и сами есмо о томъ зъ нѣкоторыми комисарями его милости на тотъ рокъ положонный очинисто мовили, и ихъ въ томъ упоминали, абы къ намъ на тую справу были. То пакъ, милостивый государу, якъ панъ староста его милость Жмоитскій, панъ Янъ, такъ тежъ и панове комисары его милости, не вѣдати въ которую причину, отказали до насъ, нѣжъ къ намъ ѣхати не хотять, якожъ ани ѣхали ани зъ нами на оный рокъ, яко на завитый, на мѣстцу положонномъ были. А такъ мы, наяснѣйшій милостивый государу, на онъ рокъ, яко на завитый, подлугъ комисей и выроку вашей милости государьского, поступъ права въ той речн учинили, которого жъ поступу нашего послали есмо до вашей милости, госпо-

даря нашего милостивого, справивши и выписавши актъ подъ печатями нашими. Ваша милость, государь нашъ милостивый, всему тому съ того акту нашего достаточне вырозумѣти рачишь; при томъ тежъ вашей милости, государу нашему милостивому, ознаймуемъ, нѣжъ што ваша милость мѣи, Хвальчевскому, бискупу Луцкому, а мѣи, Александру Ивановичу Ходкевича, старостѣ Берестейскому, а мѣи, Шимку Мацкевичу, тивуну Виленскому, особнымъ листомъ своимъ государьскимъ росказати рачили, абыхмо выѣхали и огледали тежъ границы старыхъ Тыкотинскихъ съ Кышниномъ, которые были небожчикъ панъ Миколай Миколаевичъ Радивиловичъ, воевода Виленскій, зъ нѣмѣишимъ паномъ Ольбрахтомъ Мартиновичомъ Краштолтомъ, межи тыми нѣмѣи своими положили, и новыхъ тежъ зася границы, которые вжо потомъ панъ Краштолтъ, по смерти пана Миколаевоу Радивиловича съ сынами его, княземъ Миколаемъ, бискупомъ Жмоитскимъ, и зъ братомъ его паномъ Станиславомъ, межи тыми жъ нѣмѣи ихъ, Кышниномъ и Тыкотинномъ, ново были положили. Ино мы, милостивый государу, и на тые границы, старые и новые Кышнинскіи съ Тыкотинномъ, выѣздили, и што кольвекъ есмо тамъ очима видѣли и вырозумѣли, то такежъ вашей милости, на спискохъ написавши, шлемъ. Ваша милость, государь нашъ милостивый, съ тыхъ списковъ нашихъ всему тому добре вырозумѣти рачишь. Писанъ у Кышнинъ.

Подъ лѣто Божего Нароженія 1536, мѣсеца Нолбрі 7 день, индикта 10.

Наменшіе слуги вашей милости, господари нашего милостивого, комисары зъ руки господари нашего короля его милости молодого, отъ нашей милости данные: князь Юрій бискупъ Луцкій, а

Александро Ивановичъ Ходкевича, староста Берестейскій, а Шимко Мацкевичъ, тивунъ Виленскій, а Балтазаръ Патковскій, судья земскій Бѣльскій, покорне низко челомъ бьютъ.

Хранится тамъ же.

26.

Послѣ 1536 года. Объяснительная записка Александра Ивановича Ходкевича королевѣ Бонѣ по дѣлу земнина Славскаго о землѣ, о помѣтѣ Кышнинской и по жалобѣ Кышнинскихъ мѣщанъ на притѣсненія отъ Ходкевича.

Наяснѣйшой государыни нашей милостивой Бонѣ, зъ ласки Божьей, королевой Польской, великой княгини Литовской, Жомонтцкой, Мозовецкой и иныхъ.

Наяснѣйшая, милостивая государыня! Што ваша милость рачили до мене, слуги вашей милости, писати о томъ, што земниницъ вашей милости Бѣльскій панъ Славскій зъ нѣмѣи своего Микитицкн нововчинеными границами своими Воли Новой вашей милости Кышнинской Березовой трети поля отнялъ, и ваша милость, государыня наша милостивая, рачили ему, яко подданому своему, на то литость и ласку свою государскую вѣдати, за чоломбитьемъ его рачила ваша милость на томъ зъ нимъ оставити тому селу Березовой, гдѣ есть пятьдесятъ и три волоки казати вымѣрити и выполнить сполна волоки за нововчинеными границами его. А што бы съ зъ того осталось, ваша милость, яко пани хрестыанская, при томъ его оставити рачили, якожъ ваша милость зъ листъ своимъ и рокъ мѣи рачили назначити по святомъ Михаѣлѣ прошомъ святъ у дву недѣляхъ тамъ на

тую помѣту выѣхати съ подкоморымъ Бѣльскимъ. Нижи я, милостивая государыня, на тотъ рокъ къ той помѣтѣ ѣхати не смѣлъ, для злого помѣтрея. А такъ вгда ся ласка Божья стала и тое злое помѣтрее оминуло, я, рокъ пани Славскому на то зложивши, и вполкъ съ подкоморымъ вашей милости Бѣльскимъ паномъ Яномъ Скваркомъ а вознымъ Кгректоромъ Писанкою и зо всеми войты Кышнинскими тамъ на тую помѣту выѣхалъ и той Воли Березовой, гдѣ пятьдесятъ и три волоки, выполнилъ волоки за нововчинеными границами Славского, займучи поля и лѣсу до рѣки Березовой на обѣ стороны, яко Славскому такъ и поданымъ ваше милости безъ кривды, и грани въ деревню положилъ и концы засыпалъ и Воляномъ подалъ. И якъ Славскій, такъ тежъ и Воляне къ той помѣтѣ приступили и то вдиче приняли, повѣдавъ вашей милости въ Славского поля и лѣсу за тыми новыми границами его отышло къ той Воли вашей милости двадцать и чотыри волоки сполныхъ, каждая волока по три поля. А окромъ того осталось тежъ еще ему по новодѣланнымъ границамъ его земель,

поль и дѣсу по сей сторонѣ рѣки Микитники може быти здвое того, якъ што отыйшло теперь отъ него. И ваша бы милость, господарыни наша милостивая, рачила о томъ вѣдати. И естли бы, милостивая господарыне, панъ Славскій вашей милости о то мѣлъ просити, же бы ваша милость рачили казати лѣсъ мокрый, который ся на поляхъ на луки не годить, у помѣру пущати, ажъ до самого берегу рѣки Березой, ваша милость не рачьте въ томъ на Волю его здавати, бо я, милостивая господарыне, съ паномъ подкоморымъ, подлугъ тамошняго обычаю, мѣру тягнули, дѣсу мокрого, который ся на поляхъ на луки не годить, того не мѣрили, дали есмо то подданнымъ ваше милости на дрова. Милостивая королевая, не рушаячи той помѣры теперешней, за ласкою вашей милостью господарскою добре ся и такъ Славскому стало, то панъ есть на ласцѣ вашей милости господарской.

Милостивая господарыне, што тежъ ваша милость рачили мѣ, служъ ваше милости, розказати войтовства вашей милости Кнышинскіи помѣрити, а такъ я, милостивая господарыне, тыхъ войтовствъ вашей милости той осени, для злого жъ повѣтрѣя, не мѣрилъ, и почаломъ былъ той весны, того посту, мѣрити, и одно войтовство Кнышинское змѣрилъ, гдѣмъ волокъ вымѣрилъ суполныхъ и зъ наддавками зъ достаточнымъ полымъ сто волокъ, такъ яко на волоку прислушы девяносто волокъ на вашу милость а десять на войта. И знашоломъ злишъ окольнацать волокъ и даломъ тотъ злишокъ мѣсту вашей милости Кнышину на платъ вашей милости господарскій, и хотѣломъ все войтовства вашей милости мѣрити того посту; нижли его милость, господарь король, рачилъ казати до мене, слуги

своего, листъ его милости господарскій писати, приказуючи мѣ, абыхъ конечно на соемъ до пановъ ихъ милости до Вильни вѣхати. И по соймѣ скоро, дасть Богъ по святѣ, вси войтовства помѣру, гдѣ будетъ вашей милости спожиточнымъ, бо есть тыхъ войтовствъ много, што звышъ держати, нижли съ чего чинишъ дають, а такъ въ томъ на ми отѣжжуютъ, и може ваша милость въ томъ мѣ вѣрити, ижъ справедливѣ мѣру и достаточныи волоки выдаю. При томъ тежъ, милостивая господарыне, повѣдаю вашей милости, господарыни нашей милостивой, штожъ довѣдаломъ ся, ижъ подданыя вашей милости Пенскаа, котораа отъ вашей милости войтовство Колодезское маеть ркома бы она зъ мужемъ своимъ купила двѣ волоки въ подданого вашей милости, у войтовствъ своемъ, у слуги путного, который зъ листы и при скарбу вашей милости господарскомъ вѣжживалъ, въ татаринахъ вашей милости Лемана, а тотъ Леманъ не мѣлъ жадной моцы тыхъ волокъ продавати, яко то простый чловѣкъ. И я тымъ двѣ волоки сполныхъ въ ней отнялъ и далъ на платъ вашей милости господарской. Къ тому тежъ подданыи вашей милости то ижъ Пенской войтовства перевели то на Пенскую жъ, ижъ она у томъ жо войтовствѣ своемъ, не вѣмъ въ который бычай, держала подъ собою безъ каждое даты волоку и четверть волоки. И я о томъ еи пыталъ, естли бы она на то дату вашей милости, або небожника воеводы Виленского, або бискупа Жомонтцого мѣла. Она повѣдила, ижъ тую волоку панъ Янъ, староста Жомонтцкій, мужу еи далъ, листу тежъ его ани увяжчого въ себе не повѣдила. И я, милостивая господарыне, узнавши то, ижъ она даты ни которой, ани увяжчого листу не маеть, ани пакъ которого

доводу на то не мѣла, тую волоку въ ней отнялъ къ двору вашей милости господарскому Кнышину, и ваша милость рачте о томъ вѣдати.

Милостивыи господарыне, што ваша милость, господарыне наша милостивая, рачила розказати до мене, слуги вашей милости, писати на жалобу подданныхъ вашей милости господарскихъ мѣщанъ Кнышинскихъ, ажъ быхъ я ихъ грабиль и поля замыкалъ для покलों своихъ и ихъ казалъ збивати и поля ихъ достатку не далъ и кривды великіи имъ чинилъ, гдѣ ваша милость, яко пани наша намилостившая, рачила ласку свою господарскую мѣ, служъ вашей милости, чинити, и жалобнику ихъ рачили ваша милость казати, въ листъ своемъ господарскомъ записавши, до мене прислати. Милостивая господарыне, повѣдаю вашей милости, господарыни нашей милостивой, ижъ тымъ подданныи вашей милости господарскіи, мѣщане Кнышинскіи, несправедливѣ мене предъ вашою милостью ожаловали, хотячи мене на ласцѣ вашей милости господарской сказати, якожъ я, милостивая господарыне, не хотячи въ томъ довыиманьи вашей милости господарской быти и той славы водле невинности моеи по собѣ мѣти, осадиломъ на то людей добрыхъ: подкоморего вашей милости Вѣльскаго пана Яна Скваркуа, возного Кгрегора Писанку, а земанина вашей милости Вѣльскаго Станислава Байку, и войтовъ вашей милости Кнышинскихъ: Лукаша, войта Добрыневского, Николая Маколинского, войта Кнышинского, Яна, войта Долголуцкого, и рокъ на то мѣщаномъ зложилъ. Милостивая господарыне, на рокъ положеный мѣщане сами по своей доброй воли до мене пришли и судей зъ руки своей земляи Вѣльскихъ Яконскихъ мѣли, и я якъ своимъ, такъ

тежъ и мѣстцкии судьямъ даломъ ся въ моцъ, и што бы они мѣли найти, того миломъ потерпѣти, гдѣ же, милостивая господарыне, тыи судии пани обѣюхъ сторонъ во всехъ тыхъ плонныхъ, ане правдивыхъ жалобахъ мѣщанскихъ мене и слугъ моихъ, предъ ними правыхъ, знаши. Которое жъ sprawy нашое комисаре наши, обѣи сторонѣ, якъ мои комисаре, такъ и мѣстцкіи и реистръ подъ печатми своимъ справивши и мѣ дали, я тежъ тую справу ихъ къ вашей милости, господарыни нашей милостивой, тыхъ часомъ послалъ. Про то я вашей милости, господарыни моеи милостивой, покорне а низко чоломъ бью, рачте ваша милость, яко пани христьянская, ласку и милость свою панскую мѣ, служъ вошой милости, на то вѣдати и розказати тую справу комисаровъ нашихъ проарѣти, тамъ ваша милость найдете невинность мою, ижъ тымъ подданныи вашей милости невинныи я предъ майстатомъ вашей милости господарскимъ оскаржили. А естли бы пакъ ея тая справа тыхъ людей добрыхъ видѣла ся подданнымъ вашей милости съ кривдою, и я за то выпой милости, пани нашей милостивой, покорне чоломъ бью, рачте ваша милость розказати кому есть воля вашей милости господарской, въ той невинности моеи мене съ тымъ мѣщанымъ судити. Милостивая королевая, не радъ быхъ, въ которомъ довыиманьи вашей милости господарскомъ былъ, и такъ бачу, ижъ тымъ мѣщане, вашей милости Кнышинскіи, за то ся на ми знавши, ижъ они, яко то еще права своего Мантбарского не мають и сами себе судять, поборы зъ мѣста и зъ вбожества берутъ и ихъ вбожати, летровъ досѣдочныхъ забяковъ вмѣстѣ ховають, ижъ и изъ того бороню и то имъ по мѣ не мило. А

што ся дотычетъ, милостивая господарины, полъ, ижъ быхъ я имъ къ мѣсту не выдавалъ достатку, милостивый господарины, повѣдавъ вашей милости, господарины нашей милостивой, ижъ я дубровы достатокъ къ мѣсту вашей милости имъ далъ и на полони розмѣрылъ, и штось мало проробили, а нишѣ мѣщане ни починили робити, а на поселенье домовъ и огородовъ поля готовы на то далъ, и все хотять поля готовыхъ мѣти, а енакже не мало и vyrobenого поля даюмъ имъ, и, за то ся на мене званивши, ку вашей милости, господарины нашей милостивой, оскѣрживаютъ, якожъ, милостивая господарины, што на старшихъ мѣщане предъ тыми судьями мовили, ижъ они жадныхъ кривдъ отъ мене, старосты, не мають и къ той жалобницѣ ся не знали, и повѣдили, ижъ не рассказывали Дронку бурмистру тыхъ речей на мене писати.

Милостивая королевая, есть тыхъ збытковъ и непослушенствъ мѣщанскихъ ку мнѣ много, нижли я имъ того терпѣлъ, яко то новымъ людемъ, и зъ некоторою жалобою на нихъ до вашей милости ся не втекалъ, а ни пакъ имъ въ томъ жадное прикраси не дѣлалъ, для того, же бы они, яко то новыи люди, охотне ся ку осаживанью мѣста збирали, то пакъ они, милостивая господарины, не маючи жадной бачности на мя, врядника вашей милости, втекли ся на мя и зъ жалобою невинне ку вашей милости, господарины нашей милостивой, которую жъ невинность мою рачите наша милость

узнати съ той справы комисаровъ нашихъ.

При томъ тежъ вашей милости, господарины нашей милостивой, покорне жалую на мѣщанина вашей милости Книшинского Дранка, ижъ онъ, не жалуючи мнѣ ани вряднику моему тамошнему, безъ каждой причины, уничишя, яко тотъ, который зѣжды своихъ волѣностей своего радъ вживае, съ помощники своими дву служебниковъ своихъ въ дому своемъ билъ и ималъ, и не вѣдучи ихъ до казни двора вашей милости ани тежъ до войтовы, въ дому своемъ въ лѣнцуху и въ путехъ ихъ три дни держалъ и водилъ ихъ по мѣсту окованныхъ въ лѣнцухохъ, якобы которыхъ лѣтровъ, и надъ то еще вряднику моему отповѣдь учинилъ. Про то я вашей милости, господарины нашей милостивой, покорне а низко чоломъ бью, рачъ ваша милость ласку свою господарскую мнѣ, слугѣ вашей милости, учинити и рассказать, кому есть воля вашей милости господарская, мене съ тымъ мѣщаниномъ о тую легкость мою и тежъ о невинное иманье и збитие тыхъ служебниковъ моихъ справедливости учинити, и хто въ томъ будетъ виненъ, нехай бы того, водле выступу своего, втерпѣлъ. А вежде я въ томъ во всемъ давамъ ся на ласку вашей милости, господарины нашей милостивой. Писанъ на Роси, мѣсеца Марта 29 день. Слуга вашей милости Александръ Ивановичъ Ходковича низко чоломъ бьетъ.

*Хранится тамъ же.*

27.

Послѣ 1536 года. Донесеніе Ивана Горюстия королевѣи Вонѣ объ окончаніи платежей королевскими крестьянами Троцкого воеводства и о бывшихъ при семъ волностяхъ крестьянскихъ.

Населѣншей господарины нашей милостивой, зъ Божее ласки, Вонѣ, королевѣи Польской и великой княгини Литовской, Руской, Прусской, Жомонтской, Мазовецкой и иныхъ.

Населѣншая, милостивая господарины! Што господарь нашъ, король его милость, и ваша милость, господарины наша, рачили рассказать мнѣ, слугѣ своему, абыхъ я, списавши люди вси, подданыи вашей милости, воеводства Троцкого, и платы вси на ренстрахъ ку вашей милости послалъ, я, милостивая господарины, на рассказанье вашей милости правдаломъ ся о томъ мало не около десяти недѣль и давно быхъ въ томъ вашей милости вѣдомо далъ и тотъ пописъ учинивши, ренстра послалъ; нижли, милостивая господарины, то ся дѣсть не за мою неблагодарность, але за непослушенствомъ и тутежъ за убожествомъ подданныхъ вашей милости, яко на волость вашей милости Впитскую, которая есть около сорока миль отъ Трокови, посылаюмъ трикратъ дьяковъ своихъ, абы пописъ тому учинили, ледвы зъ великою працою могли подданныхъ ваше милости и тымъ платы пописать, а тымъ людемъ и платомъ подѣль, рассказанья вашей милости, пописъ еси учинилъ. А што ся дотычетъ тыхъ иныхъ дворцовъ, прислушавшихъ къ тому воеводству, тамъ тежъ еси подданныхъ ваше милости пописалъ, нижли есть великое убожество и тыхъ троха; въ которыхъ же дворцохъ въ нѣкоторыхъ и нашу еси засѣялъ о сто бочокъ зъ гумна и дьякы тамошними, што ся троха было

остало; бо еще передъ моимъ прѣздомъ придники небожчика князя воеводы его милости тымъ дьякы были выбрани съ тыхъ дворцовъ Троцкихъ; а въ иныхъ дворцахъ, милостивая господарины, нечего и сѣити, зернати одного не оставили, все вывезли вонъ, и самъ не маю ся, чимъ поживити. А што ся дотычетъ Гресское волости, которая волость на другую сторону подъ Случескъ отъ Трокови болши сорока миль, тамъ тежъ еси посылаю слугебниковъ своихъ о тотъ пописъ по два и по трикратъ, абы подданыи ваше милости сами себе и платы воеводины списали и данъ ваше милости господарскую. И они, милостивая господарины, жадною мѣрою пописать ся не хотѣли и слугѣ моихъ перебили а жадного куса у волости писати не дали. Не жалъ бы ми, милостивая господарины, коли бы отъ кого много, не отъ таковыхъ простыхъ хлоповъ таковой легкости свое терпѣти, чего бы и не вѣмъ, хто не смѣлъ учинити. А тымъ хлопамъ таковое непослушенство ку вашей милости и ку мнѣ, посланцу вашей милости, чинить, а сами себе писати ани плату жадного прѣзвѣсти не хотѣли и до сихъ часовъ. Ваша милость рачите мя наचितи лѣстомъ своимъ послати моцне того старца звити до казни вашей милости и ихъ пописать, чини пакъ бы то свято а судъ на второмъ, нижли, милостивая господарины, што ся тычетъ плату съ тое волости Впитское на воеводу и на его врядниковъ, который на нихъ недавно уставенъ есть отъ пана Григорья, вое-

воды Троцкого, бо передъ тымъ того николи не бывало, только дань медовая а дядка овсяныи а куничныи и пѣныи давано, а сто копъ грошей сѣнныхъ пѣныи а сто копъ посѣднихъ, а кромъ того больши ничего съ нихъ не было. А потомъ панъ Григорей почалъ имъ новину чинити и вридинковъ своихъ тамъ всылати и тотъ платъ непобожный, грѣшныи, на нихъ положилъ. И мѣли тыи пѣныи давати, а намѣстники не мѣли вѣжчати, гдѣжь теперь того плату на самого воеводу и на его вридинковъ, совсимъ про все на каждый годъ выбираючи, прийдеть съ тое волости мало не полторы тысячи копъ грошей. Которыи платы розложены на три роци съ тое волости выбирати: первый о Матцѣ Божей первой и послѣдней а о Божемъ Нароженьи, а третій о Святомъ Юрьи вешнемъ. И што ся тычетъ, милостивалъ господарине, того плату, который идетъ съ нихъ о Матцѣ Божей первой а послѣдней, то вридинки князя Костантиновы выбрали передъ моимъ приѣздомъ за колько дней и съ тое волости повывозили, а иншое, милостивая господарине, тотъ останокъ а съ нихъ выбралъ на себе, слугу вашей милости. Тымъ же если и справовалъ себе и вже тотъ платъ прошлый весь съ нихъ выбранъ, нижили, милостивая господарине, теперь о Божемъ Нароженьи масть плату съ нихъ прийти на воеводу полтрети ста копъ грошей а триста бочокъ овса. Къ тому зъ Грезска и съ Курсіевское волости по нѣколку десять копъ грошей. Которого всего плату со всехъ тыхъ часовъ о Божемъ Нароженьи на воеводу

прийдеть вышей трехъ сотъ копъ грошей, кътому триста бочокъ овса. Атакъ, если бы на то поля а ласка вашей милости была мене, слугу своего, для мѣшканья у двора усумочти, бо тотъ доходъ николи на вашу милость не приходилъ, а каждый, хто отъ вашей милости на мѣстцы воеводиномъ бывалъ, тотъ тыи доходы на себя выбиралъ; такъ же и мѣи рачьте розказать тыи доходы выбрати. И если бы на то поля вашей милости была, ваша милость рачьте казать о томъ до мене отписати и мѣи въ науку свою дати не мѣшкая воеводѣ тыи платы оставити, або на вашу милость, чили пакъ на себе ихъ выбрати, а все такъ вчиню водѣ воли и розказанья вашей милости. А тыхъ часовъ, милостивая господарине, выписавши доходы зъ реестровъ на списокъ всехъ дворцовъ и волостей Троцкихъ и платовъ, кромъ Грезское волости, которыи ся не дали писати, послаломъ до господари, нашего короля, его милости и до вашей милости, господарини наше милостивое: ваша милость рачьте розказать пану Контю писарю тыи списки передъ себе принести и зъ нихъ зрозумѣти, колько есть всего плату съ того воеводства Троцкого. Больши реестра зоставилъ при великихъ реестрахъ вашей милости земскихъ, ваша милость, господарине наша милостивая, рачьте о томъ вѣдати. Писанъ у Троцкихъ, Ноября 15 день. Наменьшій слуга вашей милости, господарини наше милостивое, Ивашко Горюстай низко чоломъ быеть.

*Хранится тамъ же.*

28.

Послѣ 1536 г. Объяснительная записка Александра Ивановича Ходкевича королевѣ Бонѣ по дѣлу Яна Миколая Радивила, Жудекаго старосты, о жалованной грамотѣ великаго князя Александра.

Наяснѣйшей господарини нашей милостивой Бонѣ, зъ ласки Божей, королевой Польской, великой княгини Литовской, Руской, Пруской, Жомойцкой, Мазовецкой и иныхъ.

Наяснѣйшая наша милостивая господарине! Што ваша милость рачили казати до мене, слуги ваше милости, писати, штожь панъ Янъ Миколаевичъ Радивилъ, староста Жомойцкій, прислалъ ку майстату нашей милости господарскому, оповѣдуючи то, яко быхъ я не водѣи привилъ его тотъ кгрунтъ земли верхъ Перешли ему поступовалъ, который отецъ его на королѣи Александрѣ его милости выслужилъ, и такъ вышу милость справуетъ, абыхъ ему штось мало той земли поступовалъ. И пишете ваша милость, абыхъ о томъ ку вашей милости отписалъ, якъ много волокъ я ему на онъ часть поступовалъ. Наяснѣйшая, милостивая господарине, кгда ваша милость рачила мѣи розказать тотъ кгрунтъ земли пану старостѣ Жомойцкому, водѣи привилъ его, поступити, рачили ваша милость оногъ часу и копѣю привилъ его мѣи дати и розказать, абыхъ я водѣи привилъ его ему тотъ кгрунтъ земли завелъ и поступилъ. А такъ я, милостивая господарине, на розказанье вашей милости господарское, подползъ съ паномъ Яномъ Скваркомъ, подкоморымъ, и возными Вѣлскими, и къ тому тежь миломъ и зъ собою сторону земли вашей милости, тотъ кгрунтъ земли ему поступовалъ и заводилъ, яко у привилъ его есть описаны границы, и тую справу и тежь

сторону мою, которуюмъ и зъ собою мѣи, ставилъ на замку вашей милости въ Вѣлску и въ книги замковыи то увелъ. А панъ Левицкій скоро по службѣ земской мѣи то въ земскии книги увести, бо на тотъ часъ книги земскии были для службы земское замкены, а то тежь заховываецца, ижъ изъ замковыхъ книгъ въ земскии книги уводити. И надъ то еще отъ тое стороны взяломъ листъ подъ печатями ихъ, въ которомъ листъ ихъ описуетъ тыи границы, по которыхъ то я тотъ кгрунтъ земли верхъ Перешли служебнику пана старостиному Матіасу поступовалъ. А такъ я вашей милости, господарини нашей милостивой, то повѣдажъ, ижъ я пыталъ о томъ войта Калиновского, служебника пана старосты Пинского, и людей вашей милости тамошнихъ старцовъ, яко того кгрунту земли много пану старостѣ поступовали. Они повѣдили: шестьдесятъ и двѣ волоки суполныхъ осѣлыхъ на трои поля, а окромъ того три волоки пустыхъ. А тыхъ, которыи суть не суполны, осмынацать волокъ и три четверти. Двои поля въ томъ кгрунтѣ ку сторонѣ старосты Жомойцкаго; а третии поля, за границю его, за рѣкою Калиновкою, отышли въ сторону вашей милости. Кътому тежь плебанъ Калиновское чотыри волоки у границы пана старосты Жомойцкаго. А при тыхъ тежь волокахъ фольварковыи поля: одно поле подѣи стау Шнаковско-го, на которомъ ся еъ на одно лѣто пятьдесятъ бочокъ соллянокъ; а другое поле, которое зовутъ Кореневского по-

ле, на сюю зиму посѣяно на немъ сорокъ бочокъ; третее поле подлѣ села Вахно може быти на десять бочокъ. Тыхъ всихъ трехъ полъ фольварковыхъ може быти на сто бочокъ, бо, милостива господарине, трудно ихъ мѣрити, для того, ижъ тыи поля суть круговинами по розну не въ одномъ мѣстцы, о которыхъ же я волокахъ еще много часу, кгдамъ тотъ кгрунтъ земли пану старостѣ поступовалъ, ку вашей милости тую справу мою достаточне отнималъ, который жо листъ мой внимали и теперь у вашей милости есть. Которого жъ писанья моего першого и теперешнего рачите, ваша милость, тому достаточне вырозумѣти, и тежъ рачите, ваша милость, писати, штожъ господарь, король его милость, Второй Жикгимонтъ, пану старостѣ далъ листъ до мене, абыхъ ему того кгрунта земля, водлѣ привилъ его, поступилъ; и ваша милость рачите казати на тотъ часъ пана Корытцкого, судью Вѣльскаго, и пана подкоморего и возныхъ Вѣльскихъ и тежъ сторону къ тому мѣсти, и предъ нимъ быхъ ему то поступилъ, што привилъ его несеть. Милостивая господарине, водлѣ розказанья вашей милости тыхъ пановъ къ тому часу обошлю и буду ихъ мѣлѣ и водлѣ привилъ его по тымъ границамъ и вровичамъ, по которымъ я перво поступовалъ, и теперь тежъ потулъ бу-

ду поступовати. Лечъ еще панъ староста о то до мене не присылалъ, и кгда пришетъ, я, водлѣ розказанья господарского, буду ся въ томъ справовати, яко, наука его милости будетъ.

А што ваша милость рачили мѣлѣ розказати фольварка вашей милости Книшинского жито молотити на сплавъ, и я, милостивая господарине, водлѣ розказанья вашей милости господарского, жита молотити и цаморъ возити казалъ. И вже то справлю, и водлѣ розказанья и воли вашего милости панское то ся наполню.

Што тежъ ваша милость, господарина наша милостивая, рачила розказати писати, приказуючи, абыхъ я тыхъ границъ и концовъ боронилъ, которые суть вашей милости отъ Ганези черезъ пановъ комисаровъ положены, и не далъ быхъ пану старостѣ черезъ границы переходити. Милостивая господарине, я на то великую чуйность мамъ и того модно бороню и стерегу. И теперь суть границы и концы цѣлы и не тыле на пядь, але на полпальца земли ваше милости никому не поступилъ и пыльне того стерегу. Ваша милость, господарина наша милостивая, рачи о томъ вѣдати. Писанъ на Мышп, Генварь 3 день. Слуга вашей милости Александръ Ивановичъ Ходковича, низко чоломъ бьетъ.

*Хранится тамъ же.*

## 29.

1540 Мая 4. Занисъ князя Василя Ивановича Соломерецкаго Покровскому Соломерецкому монастырю.

Се я князь Василей Ивановичъ Соломирицкй приписую тыи люди, што есми купилъ у Вашенцовичъ су 30 копа къ церкви Божей монастырю

Покрову Пресвятой Богородицы въ Соломиричу, гдѣ родители мои лежать. А естли тыи люди мои выметъ..., ино за тую тридцать копъ грошей маюти

индѣ гдѣ люди купити и къ тому тежъ монастырю въ Соломиричи тыи люди привернути. А то все чиню тымъ собѣ память и родителемъ моимъ на вѣчно. А не маеть жадинъ сынъ мой тымъ монастыремъ расправляти, ани которымъ ся обычаемъ уступати, только жона моя Ганна. А по своемъ животѣ, маеть жона моя тотъ монастырь полещати у въ опеку съ тыхъ моихъ сыновъ одному которому нашему сыну, индичи водлѣ годности охотѣйшого ку церкви Божей, на вѣчную память мѣлѣ и родителемъ моимъ. А естли бы некако хто съ того выступитъ, або будетъ перекажати, тотъ будетъ со мною судъ мѣсти на второе пришествие передъ Богомъ. А маюти тыи люди вышписанныи къ тому монастырю и съ подводами, и съ дякломъ, на которую козлекъ работу пугменъ повернеть; ани намѣстникъ Соломирецкй безъ бытности жоны моее, а, по животѣ жоны моее, сынъ нашъ, маючи тотъ монастырь у опецѣ, не маеть тыхъ винами карати людей; единъ пугменъ того монастыря маеть пни справовати, во всемъ судити и рядити и винами ихъ карати. А намѣстникъ нашъ у Соломиричи не маеть ихъ ни судити, ани рядити и ни чимъ ся не уступати; бо и серебщизну пугменъ же на тыхъ людехъ маеть брати. А для всякого свѣдомья и вѣчное твердости, тое нашо приданье вышписанное вписали

есмо у Евангеліе на престольное въ монастыри нашома Покрова Пресвятое Богородицы. А не маеть того приданья моего жона моя Ганна, ани дѣти наши ни которымъ обычаемъ рушити, хотя бы и тотъ Иваненцевичъ тыи люди вышписанныи выкупилъ борода по животѣ моемъ. Ино инхто не маеть тыи пѣсезми тридцатма копами грошей користовати. Дочъ ты пѣсези маюти на вѣчныхъ часы церкви Божей служити монастырю нашома Покрова Пресвятое Богородицы въ Соломиричахъ. А хто тое нашо приданье отъ того монастыря рушитъ, рушь того самого Богъ и Пресвятая Богородица въ сій вѣкъ и въ будущій. Писанъ въ лѣто 7048, мѣсеца Марта 4 день, индикта 13.

*Занисъ эта находится въ рукописномъ Евангеліи, хранящемся въ Боговолескомъ Кутеинскомъ монастырь. Въ этомъ Евангеліи въ началѣ каждого Евангеліста сдѣлано живописное украшеніе въ видѣ сложной арабески, переплетенной по угламъ цофтами, заглавіе писано четирьмя красками и заглавная буква во всю страницу. Вышприведенная записъ помѣщена на двухъ сторонахъ чистаго листа передъ Евангеліемъ отъ Луки. Датум переходитъ на первую страницу Евангелія отъ Луки. Подлинникъ ся писанъ съ титлами и сокращеніями. Мы имѣли эту записъ въ списокъ, сообщенномъ А. В. Рачинскимъ.*

## 30.

1543 г. Кабальная записъ Грина Петровича на себя и на сына.

Я, Гринъ Петровичъ, и зъ сыномъ моимъ Лукашомъ. Вызнаваемъ сами на себе симъ нашимъ листомъ каждому доброму, кому будетъ потреба того въ-

дати. Штожъ пришлоу есми добровольно служити пани Катерины Миколоаевой Яновича и сыну ее милости пану Яну. И дали ихъ милость намъ зъ до-

момъ и землею Мациотиною и зъ статки домовыми и зъ житомъ засѣянымъ. И маемъ ихъ милости до смерти нашею служити, якъ ихъ милость розкажутъ. А я Гринъ ани сынъ мой не маемъ зъ того дому прочь пойти, ихъ милости чоломъ не ударивши. А если быхмо, не учтивши ихъ милость пана Яна и паню Катерину, прочь зъ того дому пошли, тогда маемъ ихъ милоститую головизицу, которую жъ для брата моего Яргеля и для мене, людемъ пана Третьяковымъ одпустить и вси наклады и домовы речи добре заплатити, кромъ жадного права. А гдѣ мене або сына моего нашодши и подкавши, мощно маеть поймати кромъ жадного вижи

и до тыхъ часовъ держати, поки мы ихъ милости тые вси шкоды и наклады заслужимъ, або заплатимъ. А пры томъ были люди добрые Станиславъ Муствиловичъ, быдла Янъ Янушовичъ, Матей Григоровичъ. А, для лѣшого справедливости, я Гринъ и зъ сыномъ моимъ Лукашомъ били есмо чоломъ тымъ паномъ вверху писанымъ о ихъ милостей печати, и ихъ милости на чоломбитыи наше рачили свое печати приложити къ сему нашему листу. Писанъ въ Мейноголи. Подъ лѣто Божого Нароженья 1545.

*Хранится въ рукописномъ отдѣленіи  
Виленской Публичной Библиотеки.*

### 31.

1546 г. Августа 3. Границы между великимъ княжествомъ Литовскимъ и Короною Польскою въ концѣ первой половины XVI вѣка.

Лѣта Божего Нароженья 1546, мѣсяца Августа 3 день, у второкъ, индиктъ 4. За рассказаньемъ господари короля его милости великаго князя Жигимонта Августа, Васильемъ Тишкевичомъ а Войтехомъ Ленартовичомъ стался пописъ границъ и шкодъ межъ великаго княжества Литовского и Короны Польское.

#### Обводъ Корунный.

Напервѣй отъ Берестейского повѣту двора и мѣстечка Воиня, а съ Корунны Польское, отъ Парцова, зъ имѣнья землянъ повѣту Любельского, Андрея и Едама Бранецкихъ. Напервѣй тые-то Бранецкіе оказали початокъ быти границы имѣнью своему зъ великимъ княжествомъ рѣку Бранку, которая идетъ отъ Воиня, отъ мѣста великаго княжества, у млынка плебана

Воинского, который млынокъ тужъ, подлѣ мѣста Воиня. И повѣдиль панъ Андрей Бранецкій, ижъ тотъ млынокъ Воинцы держать отъ тридцати лѣтъ; потомъ тотъ же Андрей оповѣдиль, ижъ тотъ млынь Воинцы держать отъ двадцати и шести лѣтъ; а въ третій разъ повѣдиль (\*) отъ двадцати лѣтъ, и менили собѣ великіе забійства, драпежства, боронячи свое властности отъ людей зъ великаго княжества Литовского, и ренетръ шкодъ своихъ передъ нами оказывали. И повѣдили Бранецкіе, ижъ король его милость рачилъ розказати старостамъ своимъ, абы насъ ото всихъ наѣздокъ, забійства, грабежовъ и ото всихъ крывдъ отъ людей великаго княжества боронили, и къ тому выведени свою справедливость ку большому свѣ-

дѣтву того ставили шесть свѣтковъ, шляхтичовъ, людей старыхъ, и сами тые Бранецкіе зъ оними свѣтками готовы были ку присеаѣ.

Тутъ же стоячи, два землянины Луковского повѣту Едама Круга и Петръ Туровскій оповѣдали, ижъ дей тутъ же пришла земля наша Луковская до того млынка, до рѣки Бранки.

Зъ великаго княжества вранникъ Воинскій, на имя Сума, съ подданными господарскими Воинскими повѣдили, ижъ то есть круги зъ вѣковъ вѣчестыхъ великаго княжества по обѣимъ сторонамъ тое рѣчки, и не Бранкою ее зовуть, але зовуть ее Воинкою, а ниже впаза у Бранку рѣчку, а млынокъ тотъ въ томъ мѣстѣ стоитъ уже отъ дву сотъ лѣтъ у во покон, а былъ то млынокъ хлопскій, на имя Яголинскій, и потомка того Яголки становили, оповѣдали тежъ того млынка и нали згнанные, ижъ тамъ первшіе млыны бывали, и доводъ на то ставили людей добрыхъ старыхъ, бояръ, мужовъ сугранныхъ многихъ. И повѣдиль тежъ тотъ же вранникъ Воинскій, ижъ дей тотъ млынокъ на той рѣчцѣ на Воинцѣ приданъ есть зъ ласки господарское плебану Воинскому отъ шести лѣтъ, яко господарь король его милость фундавалъ костель у Воинѣ, гдѣ жъ вранникъ и люди Воинскіе и зъ свѣтками готовы были присягнути.

А што ся тычетъ шкодъ ихъ и забійствъ, на то вранникъ и люди Воинскіе повѣдали, ижъ мы жадныхъ шкодъ и забійствъ ихъ не чинили и къ тому ся не знаемъ, але нахъ многіе шкоды отъ нихъ стали, о которые шкоды свои будемъ мовити на мѣстцу, гдѣ оповѣдати будемъ границы свои.

Бранецкіе отъ того прудка, отъ рѣки, которую менили быти Бранкою, а зъ другое стороны Воиня не менили

быти Воинкою, повели насъ черезъ поля, волоки займаючи о плотки мѣста Воинского, и черезъ кустовья и дубровки, яко бы на мизю, и оповѣдали, ижъ по праву то есть корунно, а по лѣву великое княжество. И вѣдучи черезъ поле, оповѣдали Бранецкіе, яко бы мѣлъ ижъ быти конецъ посередъ поля роскопанъ, а знаку жадного нѣтъ. И вѣдучи черезъ тые поля и кустовья, жадныхъ тежъ знаковъ не оказали, ажъ до трехъ копцовъ, которые мениа быти угольницами. И повѣдали, ижъ то копецъ одинъ Парцовскій зъ Воинемъ, другій Бранецкій зъ Воинемъ, третій Копенискій зъ Воинемъ, а Копейная зъ Воинемъ великаго княжества. Едно бачили есмо, ижъ одинъ копецъ цѣлый есть, а два повѣдали, яко бы мѣли быти розсыпаны отъ Воинянъ, тыхъ двухъ копцовъ знаковъ мало.

Тые жъ панове Бранецкіе повѣдали, ижъ привилей короля Владислава на тые границы нашъ есть у пана Петра Копениского, у землянина великаго княжества Литовского, который привилей замыаа границу Бранецкую съ Копенискою.

Петръ Копенискій, землянинъ великаго княжества, повѣдиль: махъ я привилей, але не Бранецкіе, едно свой на свою отчизну, и будетъ ли часть, тогда его окаже.

Вранникъ Воинскій Сума, зъ людьми Воинскими, повѣдали, ижъ яко есмо первѣй того повѣдали, ижъ то есть становъ на рѣцѣ, которую Бранецкіе мениа быти Бранкою, а Воинцы называютъ Воинкою, плебана Воинского, да ный отъ короля и великаго князя его милости господаря нашего милостивого, а такъ што Бранецкіе повѣдають, якобы посередъ поля мѣла быти граница ихъ, куды они вели, того конца не было никгда, и тые поля и кустовье и дубровы по обѣимъ сторонамъ все

(\*) т. е. Бранецкіе.

есть великого князства Воинское, и те-разъ то суть волоки Воинскіе, а въ державно стародавномъ а звѣчьемъ за-всегда въ покойномъ мають.

А што се тысячъ копцовъ тыхъ трехъ, которые менуютъ угольниками быти, то есть копцы не граничные зъ великимъ князствомъ. Едино выждчалъ панъ староста Берестейскій, панъ Александръ Ходковичъ, воевода Новгородскій, за рассказаньемъ короля его милости, и тые копцы казалъ усыпати Воинномъ отъ Консая, землянъ великого князства, а тому есть семь лѣтъ. А на вси чотыры стороны отъ тыхъ копцовъ то все есть великого князства Литовско-го къ Воиню, а тые два копцы, которые Бранецкіе менати быти, яко бы Воиняне мѣли роскопати тые копцы, но Воиняне розсыпали, але панъ воевода Судомирскій, панъ Тенчинскій, староста Парцовскій, выславши казалъ роскопати не тые одни тые два копцы, але и нишые копцы Воинскіе казалъ его милость панъ староста Парцовскій рзсыпати, которыхъ знаки слышны есть.

Панъ воевода Судомирскій, панъ Тенчинскій, черезъ прокуратора своего Яна Гришковского, судью Луковского, оповѣднати рачилъ, ижъ тые копцы нарочные Парцовскіе не суть розсыпаны зъ рассказа пана старосты, ено отъ Воинянъ и нишые большъ, которые укаже, ижъ ту есть пры тыхъ нарочникахъ стѣна Парцовская.

Тутъ же стоячы, на томъ же мѣстцу его милости пана воеводы Новгородского, старосты Берестейского, пана Александра Ходковича, землянинъ господарскій, подстаростій Берестейскій, панъ Иванъ Яцыничъ, оповѣднать имевемъ пана воеводы его милости Новгородского, ижъ то есть копцы сыпаные, за рассказаньемъ короля его

милости, за выѣханьемъ его милости пана моего, ижъ его милость господарь розказалъ Воинномъ отѣхати межъ земляны его милости Копеннекими, а не есть то стѣна Парцовская, але есть то со всихъ чотырехъ сторонъ великое князство Литовское, а многіе тутъ копцы были засыпаны, которые его милость панъ воевода Новгородскій розказалъ усыпати межъ поданныхъ господарскихъ великого князства, ено вридикъ Парцовскій тые копцы казалъ пороскопывати, и готовъ я теперь, вридикъ пана моего, до тыхъ знаковъ роскопанныхъ привести.

Потомъ отъ тыхъ трехъ копцовъ угольныхъ панове Бранецкіе повели просто къ дорожѣ, которая идетъ зъ Воиня до Глинного Стоку и оказали копцовъ десеть, одинъ за другимъ роскопаны, меначы ихъ быти межъ имѣньемъ Сухое Воли на полдень, а межъ Бранецкихъ на заходъ солнца, меначы то быти на обѣдъ сторонъ Корунны Польское, и оповѣдали ся, ижъ тые копцы розсыпаны отъ Воинцевъ.

Вридикъ Воинскій Сума и зъ людьми Воинскими къ тому ся знали, ижъ тые копцы розсыпали, а то въ тотъ обычай, ижъ панъ воевода Судомирскій розказалъ сыпати копцы по властнымъ землямъ на кгрунтъ великого князства двора Воинского. И мы жаловали королю его милости и пану старостѣ Берестейскому, и тые копцы есмо розсыпали за выжомъ пана старосты Берестейского, яко жъ листъ господарскій и листы пана воеводы Новгородского на то оказывали, ижъ, за тыми листы и за рассказаньемъ господарскимъ, тые копцы роскопали. И оттуль засе повели насъ Бранецкіе черезъ дуброву къ дорожѣ, которая идетъ отъ Бранецкихъ до Парцова, и оказали намъ копцовъ осмъ, то вжо всихъ

оснадцать. И повѣдали Бранецкіе, ижъ тые копцы роскопали Воинцы. И Воинцы се къ тому знали, ведѣвъ першого описанья, и повѣдали, ижъ тому тры годы, яко были выспаны, а тры годы яко розсыпали; а на оной сторонѣ дороги, што оны повѣдають, якобы мѣли копцы розсыпаны быти, мы ся къ тому не знаемъ, и тыхъ копцовъ есмо не роскопывали. И повѣдали Бранецкіе, ижъ потулъ вже есть граница наша.

### Обводъ Великого Князства.

Мѣсеца Августа 4 день, назавтрь, въ среду, индиктъ 4. Початокъ границъ великого князства двора Воинского повѣту Берестейского.

Напервѣй повели вридикъ Воинскій Сума и подданные великого князства Воинскіе отъ Бѣнска болота, границъ пана Забрзненского Межарыскихъ, болотомъ до Луцова ставка, отъ Луцова ставка черезъ гребелку до рѣчки Бронки, гдѣ впадаетъ Воинка въ рѣчку Бронку, а Бронкою рѣкою до Городища. И кгда были на Городищу, тогда вридикъ Воинскій, ставши на той сторонѣ рѣчки повѣту Луковский, а тое Городище кгрунтъ есть великого князства Воинскій, и поля тые, которые суть около него и зъ стороны Воинское, то есть все Воинское. И готовъ былъ вридикъ Воинскій того доводомъ доводити свѣтки. людьми добрыми, шляхтою, и передъ нами ихъ ставилъ, и присегами поправить хотѣлъ.

И на томъ тежъ Городищу съ Корунны польское Андрей Бранецкій зъ братьею своею оповѣднать, ижъ тотъ кгрунтъ Городища, на которомъ наша милость стоите, есть властная отча-

на наша, гдѣ дѣлъ нашъ сѣдѣлъ, на имя Сребро, и часу войны, кгда Литва съ Корунною валивали, тогда тотъ замокъ Литвы спалили, и поля тые, которые суть коло него, наши. И того хотѣли доводить довести.

Потомъ зася отъ того Городища вели насъ Воинцы подѣвъ рѣчки Бронки, и менили тую рѣчку собѣ быти границею. И недалеко отѣхавши, повели насъ влѣво, долиною, до дорогѣ, менуючы быти поправу землю корунны польское, а полѣву великого князства Воинскую. А оттуль вели насъ до гребли, до ставку, который ставокъ прозываютъ Кокорецкій, и противку того ставка указали намъ на другой сторонѣ дороги селище. И повѣдали Воинцы, ижъ тотъ ставокъ Кокорецкій и селище было чловека Воинского, на имя Кокорека, которого потомки и теперь есть у Бересты.

На то Бранецкіе повѣдали, ижъ што Воинцы менуютъ быти рѣку Воинку, тая рѣчка не есть Воинка, але Буеповка, которая впаде въ рѣчку у Бронку. А што ся тысячъ оного ставку Кокорецкого, то есть ставокъ нашъ, до которого ставку хлонъ Кокорека за чотыры корды жита греблю засыналъ.

А потомъ отъ того ставку вели насъ черезъ поле до стоку. И будучи на томъ поли, указали Воиняне крыжъ, и повѣдали, ижъ на томъ мѣстцу забилъ Бранецкіе чловека Воинского, который жито свое жалъ на властности своей, и опутъ двухъ чловековъ Воинскихъ забито на томъ же мѣстцу.

Бранецкіе на то повѣдали: правда, ижъ забито одного чловека тамъ. Ядучи зъ ярмарку, а о тыхъ не вѣдаемъ. И о того чловека, кому бы мѣли винну дати, хотѣли есмо право дати, ено винны никому ни дано.

И тымъ стокомъ вели насъ Воиняне



яко бы четверть мили до дороги Парцовское, которая идетъ отъ Бранецкихъ до Парцова, оповѣдаючи, ижъ по правой сторонѣ то есть коруно, а по лѣвой сторонѣ великое князство, Воинское. А на томъ стоку оповѣдили намъ конецъ, потомъ пень великого дуба оказали, который пень повѣдали быти граничный. А кгда пришли до дороги, тою дорогою оповѣдили намъ Воинине конецъ, которого прозываютъ вронищемъ. Шадимеръ. И тымъ гостиницомъ вели насъ яко бы на мило до мѣста вронища до Бабы и повѣдали, ижъ по лѣвой сторонѣ то есть князство, а по праву коруно.

Бранецкіе оказали по правой сторонѣ дороги концы значные, повѣдаючи, ижъ на лѣвой сторонѣ есть наше, а по правой сторонѣ Суховольское, корунное жъ, указуячи на то листъ права своего подкоморего Любельского.

Воинине повѣдали, ижъ то есть по праву коруно, а по лѣву наше, ено Бранецкіе своозне а квалтовне тые концы усманили отъ шести лѣтъ на кгрунтъ князства Литовского.

И тамъ же тежъ Воинине повѣдали, ижъ на томъ вронищу Бабы сходятъ се села многіе, яко зъ великого князства, такъ съ Коруны Польское.

Тамъ же освѣтчалъ се панъ судья Луковский прокураторъ именемъ пана Точинского, ижъ тое урочище Баба не есть князства Литовского, але корунное.

Врадинъ Воинскій повѣдалъ, ижъ отъ початку границъ Междарѣцкихъ болота Бѣльскаго дереву бортное, которое есть по лѣвой сторонѣ и зъ грунтомъ посполу, то есть все великого князства. И готовы есмо того довести знаками, которые есть у деревъ.

Потомъ вели насъ Воинцы мимо села Чехостовъ дорожкой, занимаючи оплотковъ. И повѣдали Воинцы, ижъ тое

село Чехостовъ осажено есть черезъ пана Точинского отъ десяти лѣтъ, и вказывали проробки новыя; и къ тому деи селу полулочковъ Воинскихъ семдесятъ отѣреныхъ, которыхъ былъ панъ Александръ Ходковичъ отѣрилъ Воинцомъ; панъ Точинскій отнялъ и къ тому селу приващилъ тому три годы. Оттоль привели насъ Воинцы къ Сажевицѣ Фрактантовъ, а отъ Сажевки престо доломъ черезъ огорода Милиновскіе до Божее Муки, отъ Божее Муки дорожкой до Переронцу. И повѣдали Воинцы, ижъ въ того мѣста Переронца збираеть се коня зъ великого князства и коруны польское. А отъ того Переронцу повели насъ до границъ князя Вислава Полубенского.

И тутъ поткалъ насъ враникъ князя Вислава Полубенского Митько, зъ людьми и зъ свѣтками, и повѣдалъ, ижъ тутъ граница князя моего села Ясенского снела ся зъ границею великого князства двора Воинского, и нато былъ готовъ свѣтками и шлахтою довести. Враникъ Воинскій зъ людьми Воинскими переводили то людьми добрыми старыми, вѣры годными, и шлахтою многою, ижъ поченны отъ границы Междарѣцкое, вронища Бѣльска болота и венми тыми гранями, куды насъ вели, по праву коруно, а по лѣву великого князства. И ставили людей добрыхъ суграничниковъ, шлахту добрелѣтнюю, и готовы были съ тыми свѣтками яко о кгрунтъ, такъ о борти и о границы показанье, и о концы разсмыыванье, присегами своими поправить.

#### Обходъ Корунный.

Мѣсеца Августа 7 день, въ суботу, индиктъ 4.

Ставши у перинного конца, гдѣ мѣнены быти три концы отъ пановъ Бра-

нецкихъ, самъ панъ воевода Судомирскій, панъ Мичъ Точинскій, повѣдали, ижъ тутъ три концы были, то есть: парожница единъ конецъ отъ Воини, другій конецъ отъ Бранецкихъ, третій конецъ отъ Чехостова съ Копенскими землями, и тое село Чехостовъ и осадилъ отъ десяти лѣтъ. А што панове Бранецкіе вели до дороги, которая идетъ отъ Бранецкихъ до Парцова, тая дорожка не есть граница великому князству съ Коруною, бо дорожка не чинятъ границъ, ено рѣки, болота, доли, горы и концы. А што ся жалуютъ на мене Воинцы, яко быхъ я семдесятъ полулочковъ мѣлъ взяти, тогома я не вчинилъ, а бо вѣтъ села застѣли королевскіе, земленскіе, которые села граничу межю концы мають, презъ которые концы не могу я жадныхъ кривдъ Воинномъ вчинити. И повелъ его милость насъ панъ воевода отъ тыхъ концовъ лѣсомъ, яко бы на четверть мили, и повѣдалъ его милость, ижъ по правой сторонѣ то есть коруно, а по лѣвой сторонѣ великого князства земли Копенскихъ. Въ томъ лѣсѣ не вказалъ его милость намъ жадного знаку и привелъ его милость насъ до конца и повѣдалъ его милость, ижъ то есть конецъ парожница селу Чехостову корунному и зъ земли великого князства Копенинами, и рекъ его милость: томъ я велъ яко зъ уряду моего, а далѣй южъ не веду.

Въ того конца повѣдалъ враникъ Воинскій, ижъ тотъ конецъ есть не стародашний, але тому есть шесть годъ, акожъ панъ воевода его милость Судомирскій рачилъ повѣдати, ижъ такъ есть, яко тотъ конецъ казалъ сыпати, тому вже шесть годъ. И оттоль взяли землине Коруны Польское, Милиновцы и Костровицы, яко бы на полночь, и повели черезъ дорожку поблизу того кон-

ца и черезъ поля воложъ Копейницкихъ, утираючи дворовъ землине Копейницкихъ великого князства, дорогою черезъ болото, которое Милиновцы зовутъ Милиновское, а Копейницкіи зовутъ Ратайско, яко бы на четверть мили.

И идъ тымъ же болотомъ оказали намъ конецъ, и менуючи, яко бы тотъ конецъ мѣлъ быти граничный Корунъ Польской зъ великимъ князствомъ. Напротивку того повѣдали землине великого князства Копейницкіе: то есть конецъ панове граници зъ Воинцы, которыхъ концовъ и граней въ деревнѣ есть удолжъ не мало. Панъ воевода его милость Повгородскій, панъ Александръ Ходковичъ а панъ Никодимъ, староста Мельницкій, за рассказаньемъ и за листомъ господарскимъ намъ тыми концы и границами заграничили отъ мѣста его милости господарского Воини. И оказали листъ господара короля его милости, въ которомъ его милость господарь пишетъ, рассказуячи пану воеводѣ Повгородскому, старостѣ Берестейскому, а пану Никодиму, старостѣ Мельницкому, абы ихъ милость тымъ землиномъ Копениномъ заграничили на тыхъ мѣстахъ отъ мѣста его милости Воини. Другій тежъ листъ положили тыхъ пановъ вышешмененыхъ судовыхъ, у которомъ описуетъ, ижъ за рассказаньемъ господарскимъ по тымъ мѣстамъ ихъ милость заграничили яко концы, такъ тежъ въ деревнѣ знаки на все на то. Тежъ оказали листъ господара короля его милости пергаменовый съ привѣсною печатью, ижъ господарь король его милость рачилъ ижъ тотъ судъ и выѣздъ на тые земли листомъ своимъ господарскимъ подтвердить на вѣчность; яко жъ панъ Точинскій, тужъ стоячи въ конца, повѣдалъ: дармо ся Милиновскіе и Костровицы въ то вкладаютъ, менать собѣ быти тотъ конецъ граничный зъ



великимъ князствомъ, а то не есть такъ, але то есть концы промежку Воинна и Копеницовъ. Зася Милиновцы и Костровцы земле корунные повели у боръ на чверть мли, меначи корунное быти по праву, а по лъву великого князства. И оказали намъ еще тры концы, ку которымъ вранникъ Воинскій повѣдиль, ижъ то есть концы, на которые семи первъй листъ господарскій и пана воеводы Новгородского и пана Никодима, старосты Мельницкого, заграищенные Копеницомъ отъ Воинна, покладалъ.

Потомъ Милиновцы и Костровцы повели насъ черезъ дуброву и боръ, яко бы на двѣ мли, а жадного знаку намъ не оказываючи, и привели къ селу Рудну Воинницкому великого князства, и черезъ тое село повели насъ на веходъ солнца до болота, на имя Рудна. И ставши посередъ того болота повѣдили: то есть граница посередъ того болота князя Василья Полубенского, по лъву великого князства, а по праву корунно.

Вранникъ князя Василья Полубенского Митько, тужъ ставши посередъ того болота, повѣдиль: правда, ижъ то есть граница посередъ того болота князю моему зъ Воинемъ, а не съ Корунною, а Милиновцомъ далъ, якожъ и концы посередъ того болота маю зъ Воинемъ. И готовъ былъ довести того свѣтки, людьми добрыми, шляхтою.

Тутъ стоечы вранникъ Воинскій Сума рекъ: я готовъ того доводити свѣтки, людьми добрыми, ижъ то не есть граница Милеповская, али Костровская, ено Воинская зъ Яблонскою князя Василья Полубенского. И ставилъ людей добрыхъ шляхту и мужовъ двадцати чоловіковъ.

Посередъ того болота повели Милиновцы и Костровцы весполокъ зъ урядникомъ князя Василья Полубенского.

Тогда Милиновцы и Костровцы менили быти тутъ границу съ княземъ Васильемъ Полубенскимъ. А вранникъ князя Василья менилъ быти тутъ границу зъ Воинемъ. И шли тымъ болотомъ на полторы персты, ижъ до Руденского моста, до дороги, которая бѣжитъ отъ Руденца до Костровъ.

Тутъ повѣдиль вранникъ князя Полубенского: то есть по обѣмъ сторонамъ поправу и полъву земли князя моего, а корунное земли тутъ ни дѣти. И привелъ лѣсомъ до гребелки, и повѣдиль, ижъ та гребелка есть на рѣцѣ Ясенѣ, а та Ясенка идетъ болотомъ и дѣлитъ Коруну зъ великимъ князствомъ, то вже отъ тыхъ мѣсть починаеть ся земля великого князства князя моего полъву, а поправу корунно. Отъ тое гребелки Милиновцы и Костровцы пошли на лъво болотомъ, меначи собѣ границу, а вранникъ князя Василья Полубенского повелъ поправу болотомъ, меначи собѣ быти границу. И ведучи насъ вранникъ князя Василья, поки дерево великое было, оказывалъ намъ грани зарослыя старыя вольхахъ и въ дубѣхъ на многихъ мѣстахъ, потому въ насъ болотомъ меначи, яко бы туды жьла быти Ясенка рѣчка.

Милиновцы и Костровцы также вели болотомъ, недалеко промежку собою, идѣй у полперсты, а идѣй на стрѣленье, и слыли се у въ одно мѣсто, гдѣ наужное болото. И тутъ вже менили съ обѣихъ сторонъ, яко зъ великого князства вранникъ князя Василья Полубенского, такъ Милиновцы и Костровцы, за вѣчистую и правдивую границу упокоину отъ диннихъ часовъ быти. И повели тымъ болотомъ рѣчкою Ясенкою до великого дороги, которая идетъ зъ Берестя до Парцова, и черезъ тую дорогу на крмъ Ясенкою рѣчкою до рѣки Переволоки, которая идетъ подъ Пар-

цово, а отъ рѣки Переволоки вверхъ, которую рѣку Переволоку другимъ именемъ называютъ Нивонесю, а тою рѣчкою Нивонесю до Переволоцкихъ земель, а отъ Переволоцкихъ земель до Хмѣлевскихъ земель великого князства и корунныхъ, тою жъ рѣчкою до ставу, который ставъ занялъ панъ Яць Точинскій, меначи быти все по лъву великого князства, а поправу отъ Парцова корунное.

### Обводъ Великого Князства.

Индикъ 4. мѣсеца Августа 8 день.

Съ того ставу повѣдиль подстаростій Берестейскій Иванъ Яцаничъ, ижъ тотъ ставъ есть вѣдѣль ку шкodu великого князства, бо та рѣка дѣлитъ коруну польскую зъ великимъ князствомъ. Панъ Яць Точинскій повѣдиль: король ми его милость казаль занати.

Подстаростій Берестейскій жалобу тежъ положилъ у того ставу, ижъ съ тыхъ селъ ново осажонныхъ зъ Гугнина и зъ Бондаревки, которыхъ панъ Точинскій осадилъ, переходячы тые воляне съ тыхъ селъ, островокъ на сѣй сторону у великомъ князствѣ розробливають и шкodu великую чинять. Панъ Точинскій рекъ: яко я некаже черезъ то тамъ уступати, а мѣйте вы то ку великому князству.

Похавши далъ тою рѣчкою вверхъ по сторонѣ коруны польское съ полперсты, оповѣдиль подстаростій Берестейскій зъ людьми господарскими Кодепскими а князя Ивана Полубенского Русливцы, то есть болото, которое пришло съ тое рѣчки Нивонен, тымъ болотомъ вверхъ, держащи лѣсъ Бондаревъ поправу корунный, а островъ великого князства Кодепскій и Русливскій полъву. И вели насъ тымъ болотомъ Кодепцы яко бы съ полперсты до болота, ко-

торое зовуть Гугнино, надъ которымъ село черезъ пана Точинского осажено отъ десяти лѣтъ.

И тутъ ставши надъ тымъ болотомъ, оповѣдили, ижъ по тое болото то есть намъ грань съ Парцовой. И повели зася просто къ той жорѣцѣ Нивонен, направъ меначи Хелмскій повѣтъ земель Сосновскихъ корунное, а по лъву ажъ до рѣки Нивонен—великого князства. И отъ того болота ажъ до рѣки Нивонен оказывали намъ грани старыя зарослыя вѣчистые у соснахъ великихъ у двадцати и въ шести, а иншыя многіе повѣдили, ижъ выажены и выжжены. А отъ тыхъ граней пошла просто граница наша черезъ рѣку Нивоню весполокъ зъ границю Хелмскую: великое князство полъву, а корунное поправу. Панъ Яць Точинскій повѣдиль, ижъ я маю зягранъ корунъ зъ великимъ князствомъ тую рѣку Нивоню, а то хлопство забрали собѣ здавши входыми своимъ, того я не маю за границу, и король ми тежъ его милость казаль того боронити; а кажу ихъ хлоповъ вѣдати, и тые грани вси каже вырубати.

**То початець границъ Великого Князства съ Корунною польскою, описуючи гдѣ на сколько жьль.**

Бранецкіе съ коруны почали вести отъ ставку плебана Воинского великого князства вдоль ни мило.

А панъ воевода Судомирскій, самъ панъ Яць Точинскій, велъ на чверть мли.

А Милиновскіе съ коруны вели до князя Василья Полубенского граница на три мли: ино про тыхъ Милиновскихъ самъ панъ Точинскій повѣдиль, ижъ аде они туды ведутъ, а проясне ся въ то вступаютъ.

Тые жъ Милиновскіе князя Василья

Полубенского границей вели на полторы версты.

Врадинъ Воинскій зъ великого князства велъ отъ границы Межирѣцкое на Иванъ Горюстаева на пять миль до князя Василья Полубенского границы.

Тое все розницы промежку коруны и великого князства у тыхъ мѣстцахъ иидѣ на полмили, а иидѣ на милью, а иидѣ на версту, а иидѣ на стрѣленье зъ лука.

А князя Василья Полубенского граница мало не вся супоклывилъ, мало розницы, на болотѣ на полторы версты и вельми узка, а отъ великое дороги князя Васильевою границю, то есть супоклывиво, до Переволоцкихъ земель якобы миль.

А отъ Переволоцкихъ земель до Хмѣлевскихъ земель миль: то тежъ у ву покон; а Хмѣлевскій съ Кодияны людьми господарскими великого князства миль зъ спокойного до болота Гугинна.

Тутъ ставъ панъ Точинскій занялъ къ берегу великого князства на рѣцѣ Пивонен. И самъ то сознаваетъ панъ Точинскій, единожъ повѣдаеть: король ми его милость казалъ. Тутъ панъ Точинскій отнялъ не далеко отъ того ставу у Коденчанъ у Берестейского повѣту въ людей короля его милости великого князства островъ на полмили вдоль и поперегъ.

### Обводъ Корунный.

Индиктъ 4, мѣсяца Августа 9 день, въ понедѣлокъ.

То ся починаеть отъ Нарцевского повѣту повѣтъ Хелмскій зъ Берестейскимъ же отъ болота Гугинна, троуху попошодъ якобы на стрѣленье къ шапцѣ болотомъ; тутъ ся почали черезъ боръ грани до рѣки Пивонен: Хелмское поправу, а великое княз-

ство по лѣву, — просто черезъ рѣку Пивоненъ доль на нмъ у Мостицко, тымъ доломъ Мостицкомъ у вольховый багошъ, отъ ольхового багу у Кронивку; отъ Кронивки у Сколотую рѣку вдоль, а отъ Сколотое рѣки у Турну до поллѣса, а отъ Турное до Андреевскихъ границъ коруны польское до крыжа: то есть вѣхъ Сосновскихъ границъ на полторы мили; тые границы описанные уверху Сосновскіе съ коруны, а Коденчане, люди великого князства, супоклывиве зъ обѣихъ сторонъ держать.

Тутъ у того крыжа панове Сосновскіе повѣдали, ижъ потулъ есть наше, а то вже по праву Андреевскихъ корунное Хелмское повѣту, а по лѣву то вже есть великого князства Коденское.

А отъ крыжа повѣдали одностайно, яко съ коруны польское Андреевскіе, такъ тежъ Коденчане и Сополчане, ижъ отъ того крыжа отъ границы Сосновскихъ наша граница есть супоклывива до Жадова верха, того есть яко бы на полмили. И повѣдали, ижъ знаки наши зъ обусторонъ тыми мѣстцы по деревню идутъ урубываны.

### Обводъ Великого Князства.

Индиктъ 4, мѣсяца Августа 12 день, у четвергъ.

Подданные великого князства Антоковского повѣту Берестейского люди господарскіе Кодияне, панмъ Куля Омельничъ, Намъ, зъ иными потужники своими, Коденчане, такъ яко въ понедѣлокъ, приво-дили ку остаточной стѣнѣ границъ своихъ Жадова верху, которую мають зъ нмѣньемъ князя старосты Володимирского Володавскимъ, а зъ другое стороны зъ нмѣньемъ повѣту Хелмского корунными Андреевскими. А такъ про недбалость и нецѣльность а небытность, и за об-

сыланьемъ передождичихъ корунныхъ, которые зъ нами ѣдиди, иже есмо тыхъ Андреевскихъ отъ понедѣлка три дни ажъ до четверга ждали, оказуючи и освѣтчаючи сѣ, ижъ другій разъ являють пановъ передождичихъ обойга панства, оказали суть границы, которые ся кончатъ зъ нмѣньемъ князя старосты Володимирского. А починаеть се граница князя старосты его милости Володимирского князя Федора Андреевича Санкушевонича Володавская отъ Жадова верху, на которой стѣнѣ и на початку границъ врадинъ князя Володимирского поткалъ насъ на перинной стѣнѣ и зъ свѣтками, шляхтою, людьми добрыми, оповѣдаючи, ижъ то есть граница князя моего и тутъ се починаеть граница отъ подданныхъ великого князства повѣту Берестейского съ Коденскими, которые идеть, ѣдучи отъ Нарцова по лѣвой сторонѣ отъ Жадова верху, а по правой сторонѣ то есть Хелмскій повѣтъ земель корунныхъ пановъ Андреевскихъ, а отъ Жадова верху болотомъ Прибаражомъ до колодезя, который есть подѣлъ гостинца Брусского, который идеть съ коруны до великого князства, отъ того колодезя рѣкою Скородницкою, которая идеть лѣвомъ до броду Ульянова, а отъ того броду Ульянова тоею жъ рѣкою Скородницкою до Липичъ. И тутъ на томъ броду Ульяновѣ прѣехали къ намъ панове Андреевскіе, якобы вже на концу границъ своихъ, и повѣдали, ижъ намъ корунного отнято ку великому князству отъ короля Александра, и хотѣли были то по насъ мѣти, абыхмо ещо третій разъ для нихъ ворочать мѣли. А такъ мы про недбалость ихъ мѣняючи для ихъ чотыры дни не годилося намъ для ихъ смѣшкыванья больши того часу тратити. И отъ Ульянова броду по липы, по которые рѣка Скородница дѣлать,

граница пришла пановъ Ганскихъ корунная земли Хелмское, и лежать граница рѣкою Скородницкою ажъ до мосту, который идеть нмѣ Суханы до Колачовъ. А отъ мосту тою жъ рѣкою Скородницкою ажъ до рѣки Володавы, и тая рѣка, повѣдали, на полмъ дѣлать нмѣнье князя старосты Володимирского съ паны Ганскими. И ѣдучи подѣлъ рѣки Володавы внизъ ку мосту Володаву, по правой сторонѣ, повѣдали, корунно, а по лѣвой сторонѣ великое князство. Гдѣ въ того мосту стоячи урадинъ князя Володимирского стѣнѣ свѣтки шляхту людей, старыхъ розныхъ пановъ, хотичи и будучи готовы доводити границу князя своего, а панове Андреевскіе яко наѣхали насъ у броду, такъ же ѣдучи зъ нами ажъ до мосту, повѣдали, ижъ што по лѣвой сторонѣ, то есть все наше, еnochъ князь староста Володимирскій то въ насъ отнялъ.

На то врадинъ князя старосты Володимирского повѣдали, ижъ то николи Андреевскихъ не было, ани они того нисгды во живанью не были.

А отъ мосту тоею жъ рѣкою Скородницкою до рѣки Володавы, тоею жъ рѣкою Володою идеть граница князю старостѣ Володимирскому съ паны Ганскими рѣкою пановъ внизъ: по правой сторонѣ корунно, а по лѣву великое князство, тою рѣкою граница идеть на милью одиждъ до рѣки Лютое, которая инадываетъ въ рѣку Володаву. И повѣдали, ижъ тутъ стѣна князю старостѣ Володимирскому съ паны Ганскими по тую рѣку Лютую.

А на другую сторону тоею жъ рѣкою Лютою починаеть се граница паны Крупское съ Коруны князя старосты Володимирскимъ границю. Тоею жъ рѣкою Володавою, гдѣ впаля Люта у Володаву, а такъ тия Володавы рѣка чы-

нить границу пани Крупской съ княземъ старостою Володимирскимъ, ажъ до мосту того, черезъ который мостъ лежить дорога съ княства до коруны.

### Обводъ Великого Княства.

У пятакъ, мѣсеца Августа 13 день, индиктъ 4.

Выѣхали есмо зъ Володавы до мосту, который есть мостъ на рѣцѣ Володавѣ, и повѣдиль подстаростій Хелмскій пана Тарлова Станиславъ Зубрыцкій, ижъ тотъ мостъ Хелмяне на полрѣки робятъ зъ людьми повѣту Берестейского.

Врадинъ Володавскій князи старосты Володимерского Балтроей Мишчонскій повѣдиль: панове милые, оповѣдамъ то вашей милости, ижъ князи моего отецъ небожикъ чинилъ границу съ паномъ Крунскимъ небожикомъ, и копцы промежку собою засыпали и лѣсты описали подъ вишнями, сѣла бы которая сторона ихъ держати не хотѣла, а такъ князь мой розказалъ ми то ознаями, ижъ то е вгоды свое не отступеть, а сѣла бы тежъ пани Крупская держати не хотѣла, тогда тежъ князь мой припоминаетъ свою границу старую отъ рѣки Лютое ажъ за Орховъ за двѣ мили по болото багонъ.

На то врадинъ пани Крупское повѣдиль: ждаломъ паномъ моихъ и до тыхъ часовъ, але я о границы шуки отъ паномъ моихъ не маю, а ни ся въ то вдаваю выговорячи забѣгами, ижъ съ того имѣнья пани выѣхати мусила до замку Городла.

А такъ есмо опустивши имѣнье пани Крупское и ѣхали есмо отъ подгорья границъ, гдѣ ся починаетъ пѣта паномъ Уханскихъ съ княземъ старостою Володимерскимъ имѣнья княжного Володавского болотомъ Юницею. И съ то-

го болота идеть рѣчка Уюница, которая рѣчка упала у другую рѣчку у Снетонку. А съ тое рѣчки Снетонки пошла граница лѣсомъ великимъ, чрезъ который лѣсъ есть концы и грани въ деревни. А съ того великого лѣсу пошла граница черезъ боръ багомъ, по которымъ багнѣ есть граница по деревню грани а по земли концы пакъ до лѣса и рѣки Радогонци. И тутъ уже границы пришла князи Головинна. Тутъ же стоячи врадинъ паномъ Уханскихъ, на имя Флеріанъ Желехъ и зъ мужми паномъ своихъ повѣдиль, яко починаетъ граница отъ подгорья отъ паномъ Крунскихъ стѣны ажъ до того мѣстца рѣки и лѣса Радогонца, то мають панове мои Уханскіе съ княземъ старостою Володимерскимъ зъ имѣньемъ его милости зъ Володомъ границу по тымъ мѣстцамъ супоконливую.

И тутъ врадинъ князи старосты Володимерского повѣдиль, ижъ потулъ вже есть граница князи моего имѣнья его млости Володавы.

Отъ Жадова верху, гдѣ князи старосты Володимерского врадинъ оказалъ свою границу съ Кудияны до линъ, до стѣны паномъ Ганскихъ, якобы двѣ мили, а отъ линъ до Володавы рѣчки яко бы двѣ мили.

А отъ Володавы рѣчки, гдѣ впадаетъ Лютая, до мосту, который есть на той же рѣцѣ Володавѣ, чрезъ который идеть дорога зъ великого княства до Коруны, того есть на три мили. А отъ мосту до подгорья якобы мили; а отъ подгорья до рѣки Радогонци до границы князи Головинны двѣ мили. Тое все границы князи Володимерского Володавское отъ Коруны десетъ миль.

И тогожъ дня, у пятницу, на томъ же мѣстцу, у лѣсѣ подлѣ рѣки Радогонци, то есть у границы князи старосты Володимерского, поткалъ пакъ

врадинъ князи Федора Головинна зъ имѣньемъ его Рожанецъ, на имя Богущъ Чешинскій, и оказалъ пакъ границу имѣнью князи своего и повѣдиль, ижъ тутъ ся починаетъ граница князи моего Рожанския и подаль списокъ, у которомъ описуетъ границу съ пани Уханскими рѣчкою Радогонцою; тою рѣчкою Радогонцою черезъ болото, на поды дѣлячи болото, по лѣвой сторонѣ князство, а по правой сторонѣ корунное. И съ того болота уверхъ Дубли лѣсу, уверхъ богна, а отъ богна на боръ.

И тутъ стоячи врадинъ паномъ Уханскихъ Флеріанъ Желехъ повѣдиль, ижъ потулъ есть граница паномъ моихъ и потулѣ люди паномъ моихъ ведутъ границу, а далѣй ся и не поднимаю вести, ани люди паномъ моихъ, а гдѣ того будетъ часъ, тогда панове мои укажутъ границу.

Врадинъ князи Головинна повѣдиль, ижъ я веду границую стародавнюю князи моего, напервѣй ку Тианому лѣсу, а оттолъ чрезъ болото къ Соломени градъ, а отъ Соломени черезъ рѣчку Дубокую у болото, изъ болота у лѣсъ Деревецкій, а зъ лѣсу Деревецкого къ Сергѣевой имѣ, а отъ имѣ Сергѣево на Баракови ку гостинцу Луцкому, и тамъ ѣдучи указывалъ знаки зъ обусторонъ у деревни старые и глубокиѣ и повѣдиль, ижъ тыхъ знаковъ есть еще большы.

А врадинъ паномъ Уханскихъ повѣдиль: я границы не вѣдаю, але то вѣмъ, ижъ то есть земля паномъ моихъ и часу потребы тогда ся то окаже.

А тое границы все князи Головинны съ пани Уханскими якобы на двѣ мили.

### Обводъ великого княства.

Индиктъ 4, мѣсеца Августа 14 день, въ суботу.

На Береховичахъ, на гостинцу Луцкомъ, станины пани Янъ Угровецкій изъ старосты Любомского повѣдиль, ижъ моя граница съ Пешча не есть ку границы великого княства прилегающая, але люди старосты Любомского изъ Шацка и зъ Свинина зашли ми отъ великого княства, безъ которыхъ я ничего не могу чинити, а тые деи люди Любомскіе за тымъ не стали, ижъ старосты Любомскій есть на послужѣ короли его милости, а подстаростій есть воръ.

Тужъ подстаростій Берестейскій Иванъ Яцыничъ отъ людей великого княства повѣту Берестейского Олтушковичъ повѣдиль: я вашу милость поведу границую, которая идеть межъ великого княства и Любомля, и привелъ до Березового броду и повѣдиль, ижъ то есть граница великого княства съ повѣтомъ Любомскимъ съ пани Угровецкими, посередъ того болота починаетъ се отъ границы князи Головинны села его Дубка, а тымъ Березовымъ бродомъ до врочыща Тросковыхъ мховъ, по праву Любомское, а по лѣву великое князство. Отъ тыхъ Тросковыхъ мховъ до болота Зелена, которое дѣлитъ Любомле зъ великимъ князствомъ, по праву Любомское, а по лѣву великое князство. Отъ того болота до врочыща Утовки боромъ ажъ до каменого крыжа, по праву Любомское, а по лѣву великое князство. Отъ каменого крыжа до лѣсковъ подлѣ ясени, отъ лѣсковъ до Заколинъ, отъ Заколинъ до болота Нибмехонъ, которое подлѣ озера Орхова. По тымъ врочыштамъ мѣстцамъ оказывали знаки грани старые и новые, у многомъ деревню на обѣ сторонѣ урубываемы и зарослы. И повѣдали, яко бы иные грани мѣли быти вырубаны и выжжены; и готовъ былъ подстаростій Берестейскій того

доловомъ довести, ижъ то есть старовѣчная граница великого князства селъ зъ Любомлемъ, и ставилъ свѣтковь, людей добрыхъ, шляхту.

А вдоль тыхъ граней по тымъ мѣстамъ якобы на двѣ мили. Панъ Угровецкій рекъ: которые знаки указуютъ изъ великого князства, тогда и тыхъ знаковь за знаки не приймю. бо не суть слышны, а идутъ посередъ круппу моего.

### Обводъ коруный.

Мѣсеца Августа 16 день, у понедѣлокъ.

Ставши на дорожѣ, которая идетъ зъ Бересты до Луцка, подстаростій Любомскій Павелъ Черноостовскій зъ людьми повѣту Любомского повѣдилъ: то есть впрочемъско Кобылка, ту есть по лѣву великое князство, а по праву Любомско. Котора грань иде отъ тое Кобылки до озера Олтушского, а отъ озера Олтушского до озера Орѣховского.

Подстаростій Берестейскій Иванъ Яцвиничъ зъ людьми великого князства повѣту Берестейского повѣдилъ, ижъ то по обѣмъ сторонамъ есть великого князства и во впокойномъ а звѣчестомъ держаны мають. И повелъ насъ подстаростій Любомскій Павелъ и въ Уханскіи болоты и острова и дубровани, якобы на мило не показуючы жадныхъ знаковь. Потомъ оказывалъ намъ знаки зъ обусторонъ у деревѣхъ урубываемыя якобы на полтори мили. И потомъ привели насъ подстаростій Любомскій съ паны Уханскими къ соснѣ, которую менили остаточную знаковь и повѣдили, ижъ по правой сторонѣ Любомско, а по лѣву великое князство, которая сосна подъ лѣсомъ стоитъ, на дорогѣ, которая дорога идетъ отъ Радосна до Олтуша межъ селъ великого

князства, и повѣдили, ижъ въ той соснѣ были знаки гранины, еднѣжъ ихъ вырубали Олтушцы, люди великого князства.

На то повѣдилъ подстаростій Берестейскій панъ Иванъ Яцвиничъ зъ мужьями тыхъ селъ: по которымъ гранемъ уемъ, урубываемымъ у деревью, вели подстаростій Любомскій съ паны Уханскими и зъ мужьями Любомскими Святижцы Подемчаны, то есть грани людей повѣту Берестейского села Олтушского а Радешского, менены здавна Хрипская, которую Хрипциану Олтушцы отъ давнихъ часовъ держать, а то есть грань положеная отъ пана Сеньки Олизаровича, старосты Берестейского, который на росказаньемъ великого князя его милости Александра судилъ и грани туды показалъ, и на то подстаростій Берестейскій ижъ судовой пана Сеньки Олизаровича оказывалъ, у которомъ оннеуетъ, ижъ панъ Сенко Олизаровичъ судилъ и тые грани туды межъ тыхъ селъ положилъ. Которые жъ грани идутъ непрерываючи межъ нашихъ многихъ селъ Берестейскихъ, дѣлячи вышей пяти миль, ажъ до села князя бискуна его милости Луцкого до Замшанъ. И просилъ насъ, абыхмо ѣхали тыхъ граней осматривати до князя бискуна Луцкого села его милости до Замшанъ яко на три мили, хотячи ихъ намъ оказати. Потомъ оказалъ другій листъ намѣстника Берестейского пана Станислава Михайловича, у которомъ оннеуетъ потвержаючи тотъ судъ и тые грани пана Сеньки Олизаровича.

На то повѣдилъ подстаростій Любомскій съ паны Уханскими, ижъ то есть граница, которая дѣлитъ великое князство зъ Любомлемъ, а то Хрипъ былъ хлогъ нашъ, который мять у Любоман и въ князствѣ, ижъ я мамъ на Хрипциану

въ волю, село свое, именуеть тое село Хрипская воля. А мы, яко перій повѣдили, ижъ тые грани наши идутъ до озера Олтуша, и готовы есмо знакъ указати у соснѣ, у которой уложена была зъ давнихъ часовъ мотыка.

И отъ тое сосны вели на четверть мили, и всю тую границу съ початку якобы въ коло, а на той четверти мили не указали жадныхъ знаковь, и привели насъ до пня огорѣлого, у которомъ менили быти отъ предковъ ихъ зъ давнихъ часовъ мѣла быти вложена въ пень мотыка и зарощена; ижъ дей Олтушцы, люди великого князства, допѣдавшие того, и тую мотыку съ тою сосною сожгли, ижъ намъ оказали тотъ пень, у которомъ повѣдили, ижъ грани ихъ выкажены, але мы знаковь жадныхъ у томъ пни не бачили. И вели насъ до озера Олтушского, которое озеро подъ селомъ Олтушомъ великого князства якобы на полмили, не показуючы жадныхъ знаковь. И повѣдили, ижъ озлѣ того озера Олтушского, которое озеро подъ селомъ Олтушомъ, грань наша лежитъ до рѣки, которая идетъ отъ озера Орѣхова до озера Олтушова. И менили на вголѣ того Орѣховского озера двѣ тони ку Любомлю, просто до млынка Орѣховского якобы на мило. И повѣдили, ижъ тотъ млынокъ теперь держать къ великому князству къ селу Орѣхову, а тотъ млынокъ стоитъ на земли Любомской.

### Обводъ великого князства.

Подстаростій Берестейскій повѣдилъ: куды вели подстаростій Любомскій и паны Уханскіе, то есть по обѣмъ сторонамъ великое князство; а тые озера великого жъ князства, запродають ихъ каждое зимы, и тотъ платъ до скарбу господарского дають. А тыхъ дву тонъ

у въ озерѣ Орѣховскомъ ижегда яко живо съ коруны не волочывали, ни жадного уступу у тое озеро не мѣвали. А што менують рѣку межъ тыхъ озеръ быти собѣ границею, тое рѣки ижегда тамъ не бывало, и теперь ее итъ, ижъ ся то оказало, ижъ ее итъ, бо мы тамъ дождчали. И повелъ насъ подстаростій Берестейскій зяся отъ того впрочемъско отъ Небимеховъ якобы на четверть мили, и повѣдилъ, ижъ тутъ по праву коруны пановъ Угровецкихъ ажъ до рѣки Перевѣски, а по лѣву великое князство. Тужъ сознали Любомскіе люди Шатчане, ижъ то есть стѣна пановъ Угровецкихъ зъ нами Шатчаня. И велъ насъ подстаростій Берестейскій до рѣки Перевѣски, не показуючы знаковь жадныхъ, якобы на полмили голымъ болотомъ, и повѣдилъ, ижъ тою рѣкою Перевѣскою, уверхъ якобы на полмили, дѣлеча великое князство зъ Любомлемъ: по праву Любомское, а по лѣву великое князство ажъ до впрочемъско Перевѣсы.

Того обводу куды подстаростій Берестейскій велъ, почениы отъ Березова брода до впрочемъско Перевѣсы, якобы на три мили.

А того обводу, куды съ коруны вели, отъ Кобылки до млынка вдоль якобы на полныты мили.

А тое розниці межъ Березова броду и межъ Кобылки по млынокъ въ ширки съ початку якобы на полмили, а въ серединѣ на мило, опять зяся ужъи ее почала сходити, а на остатку якобы на четверть мили.

### Обводъ великого князства.

Индиктъ 4, мѣсеца Августа 17 день, у полторокъ.

Привелъ насъ подстаростій Берестейскій Иванъ Яцвиничъ зъ людьми Орѣ-

ховскими, и повѣдиль, ижъ то есть прочяно Перевѣсье: то есть по праву за рѣкою Перевѣскою Любомско, а по лѣву великое князство. И оказалъ тутъ въ дубѣ грань, на обѣдѣи сторонѣ урубываемые. Подстаростій Любомскій Павелъ повѣдиль: што ты менши границу быти тую рѣку Перевѣску и тое впрочемъ Перевѣсье, то есть по обѣма сторонамъ тое рѣки, то есть Любомско, а гдѣ стоимъ, то есть Шацкій островъ, а на той сторонѣ рѣки, то есть пановъ Уханскихъ людей Островскихъ, и мы тыхъ граней не приймаемъ за грани. Зася тоею рѣкою велъ насъ подстаростій Берестейскій якобы на тры стрѣленія зъ луку и оказалъ намъ сосну, въ которой грани на обѣдѣи сторонѣ урубываемые и повѣдиль, ижъ тутъ рѣка пришла тая Перевѣска зъ Любомского повѣту; тамъ же по рѣцѣ по обѣма сторонамъ Любомско, а великому князству зъ Любомлемъ идти граница посередъ того болота на дванадцать миль. И оттолъ повелъ насъ болотомъ, якобы съ чверть мили або ближе, менши границу посередъ болота. И привелъ насъ до островка, у которомъ повѣдиль конецъ стародавний: того конца троуху знакъ есть; и просто тымъ болотомъ велъ насъ якобы на чотыры стрѣленія до другого островка. И въ томъ островку оказалъ намъ грани въ дубѣ, на обѣдѣи сторонѣ урубываемые, а другій дубовый пенъ выжженный, у которомъ менилъ быти грань. Отъ того островка просто повелъ насъ болотомъ до третьего островка якобы на версту великую, и межъ тыхъ острововъ противъ озера Мошонъ оказалъ намъ двѣ концы. И въ томъ островѣ третемъ оказали намъ двѣ грани въ соснахъ урубываемые на обѣдѣи сторонѣ. И тымъ болотомъ просто вели якобы еще на двѣ версты и оказали посередъ болота

конецъ великій. хворостомъ оброслый и дерево зъ него береза выросла. Отъ того конца вели просто болотомъ до лѣва Унеча острова якобы на версту, и оказали у двухъ деревѣхъ у соснахъ грани урубываемые. А отъ того лѣва Унеча болотомъ же до гряда Побѣй-Кони якобы на полторы версты а отъ того гряда Побѣй-Кони вели лѣсомъ и болотомъ; съ которого болота повѣдиль, ижъ рѣка Оръ устала, оказываючи грани свои якобы на добрую милю, и оказали намъ граней на той мили двѣдцать и двѣ въ деревню, въ соснахъ урубываемые на обѣдѣи сторонѣ, менши по правой сторонѣ Любомско, а по лѣвой великое князство и привелъ насъ къ Бабьему.

На то повѣдиль подстаростій Любомскій съ тивуномъ и зъ людьми села Шацкого, ижъ, куды ты велъ тымъ болоты и оказывалъ еси грани и концы, мы тыхъ граней и концовъ не приймаемъ за слышность; бо то есть по обѣма сторонамъ, куды ты велъ, Любомско; а нехай намъ выдадутъ або ипоменуть тыхъ, хто бы мѣлъ тые концы засыновати и граничити, бо того нигды нбыло, завсегда мы державали у ну покон. И въ того Бабьего повѣдиль подстаростій Берестейскій, ижъ тутъ еси кончить граница Любомская, а починаеть ся повѣтъ Ратенскій.

Граница села Орѣховского великого князства зъ границю Залѣскимъ селомъ Ратенскимъ у Бабьего, оттуль пошла берегъ Негого впрочемъ, острова, отъ Негого до впрочемъ Урека, отъ Урека до Ора болота посередъ мосту, которая рѣчка Оръ идти тымъ болотомъ иждѣ поникла а иждѣи оказала.

А отъ тыхъ рѣкъ граница пришла Хотеславская до середины мосту Королева и посередъ болота. И тутъ повѣдиль подстаростій Берестейскій Иванъ Яцаничъ: якожъ взялъ первѣй того отъ

Перевѣсья и ведомъ ажъ до тыхъ чинсовъ болоты по тымъ верхуменнымъ впрочемъ, то все по праву Любомское, а по лѣву великое князство.

Подстаростій Ратенскій панъ Войтехъ Свѣтицкій повѣдиль: куды оказывалъ панъ подстаростій Берестейскій по рѣцѣ Орю посередъ болота, то и по тымъ впрочемъ все есть Ратенско; а куды я поведу завтра, тогда то все по праву будетъ у Ратенскомъ, а по лѣву великое князство.

### Обводъ коруный.

Тогожъ дня, мѣсеца Августа 17 день, у второкъ.

Подстаростій Любомскій Павелъ зъ людьми Шацкими повелъ насъ отъ мыныка Орѣховского, который подъ селомъ великого князства Орѣховомъ, оповѣдючи грани межъ Любомля и великого князства, и велъ насъ черезъ поля, черезъ болота и дубровы, посередъ гумень Орѣховскихъ на великую полторы мили, але жадныхъ знаковъ по тымъ мѣстамъ не оказалъ, и привелъ къ болоту Ору, которое болото подстаростій Берестейскій зъ людьми великого князства Орѣховскими менать собѣ границу быти зъ Любомлемъ. И повѣдиль подстаростій Любомскій, ижъ потулъ есть Шацкое, повѣтъ Любомскій, а то сѣвѣе починаеть граница Ратенская.

Того обводу коруного, поменши отъ мыныка, до горы Пѣшиное, якобы на полторы мили.

А куды подстаростій Берестейскій велъ, поменши отъ Перевѣсья до Бабьего, якобы на полтрети або на три мили: а тое розницы отъ ставку до Перевѣсья якобы на милю, такъ тежъ и въ посредку: едно ижъ къ Концови къ впрочемъ названому болоту Орю, гдѣ еси были, иждѣ на полмили, а иждѣ на чверть мили.

### Обводъ коруный.

Индикъ 4, мѣсеца Августа 19 день, въ четвергъ.

Панъ Войтехъ Свѣтицкій подстаростій Ратенскій, зъ людьми короля его милости Ратенскими Залѣцкы, привелъ насъ къ горѣ, которую менилъ быти, ижъ то есть гора Пѣшиная, и повѣдиль, ижъ ту къ той горѣ трои грани пришли: одна Любомская и зъ селомъ Шацкимъ, а другая Ратенская, а третья Берестейская великого князства. И повѣдиль, ижъ оттуль хочу вести, оказывючи границу Ратну зъ великимъ князствомъ.

Подстаростій Берестейскій Иванъ Яцаничъ зъ людьми великого князства Орѣховскими повѣдиль, ижъ тая гора есть у великомъ князствѣ Литовскомъ, якожъ бачите наша милость, ижъ и чертежи по той горѣ есть наша, а граница Ратну зъ великимъ князствомъ, якожъ повѣдиль третьего дня, ижъ идти посередъ того болота на дванадцать миль, дѣлячи Ратно зъ великимъ князствомъ, якожъ и границы еси нашей милости на томъ болотѣ оказывалъ, бо Ратно и Любомль то было великого князства и взято за короля Казимера. И отъ початку тое горы велъ насъ Свѣтицкій подъ болота доломъ, дубровою и лѣсомъ, якобы на полторы версты, а тую гору Пѣшиную всю упустивши у великое князство на лѣво, и велъ насъ Свѣтицкій черезъ болота, которое вышло зъ болота великого, которого есть на стрѣицѣхъ а въ томъ лѣвѣ рѣна сѣени Орѣховская, гдѣжъ и самъ то панъ Свѣтицкій созналъ, ижъ то есть рѣна людей великого князства Орѣховскихъ.

Подстаростій Берестейскій повѣдиль, ижъ то есть по обѣма сторонамъ великое князство и по тому болоту по островахъ еси гречиши и проса и пшчолы въ

деревъ борномъ людей великого княства Орѣховскихъ.

Нашъ Свѣтицкій повѣдиль, ижъ куды я веду то, есть по праву Ратенское, а полѣву князство. И вель нашъ дубровкою, замескомъ нивы якобы зъ версту и привелъ насъ до дороги, до греды, которая гряда есть подлѣ болота великого, тоею грядою идучи якобы съ полверсты, и опустивши туя греду управо, ку болоту великому, и вель нашъ налѣво презъ мхи и борки якобы на версту, а знаковъ по тымъ мѣстамъ нигдѣ жадныхъ не оказалъ и привелъ насъ къ горѣ, которую менилъ быти Бабилецкая.

На то нашъ подстаростій Берестейскій зъ людьми повѣдиль, ижъ то не есть гора Бабилецкая, але зовуть ее Подмаковищемъ, а Бабилецкая гора вже назаде. И отъ тое горы долъ невеликій переѣхавшы, повелъ зася боромъ горою и Иржици, гдѣ оповѣдалъ, ижъ Иржицко тое у князствѣ, и потомъ зася горою вель якобы на стрѣленіе, а отъ тое горы доломъ, а отъ того долу направо и налѣво горками малыми, и великую граду опустили налѣво у князство, отъ тыхъ горъ привелъ до другою горы троху большое.

Подстаростій Берестейскій повѣдиль, ижъ то есть по обѣмъ сторонамъ великого князство, а та гора не есть Бабилецкая, але зовуть ее Гочинская. и туто грань селамъ великого князства Хотеславцомъ и Орѣховцомъ.

Отъ тое горы вель Свѣтицкій боромъ якобы на четверть мили и потомъ зася грядою бороною якобы на четверть мили поблизу болотъ, а знаковъ жадныхъ нигдѣ не оказалъ, а зъ гряды ѣхавшы и повелъ черезъ боръ якобы на четверть мили, и привелъ насъ до горы, которую менилъ Лисову гору, которая гора пришла намъ злѣва, зъ великого князства, а знаковъ жадныхъ

и тыми мѣстами не оказалъ, едно оказывалъ по праву Ратенско, а полѣву великое князство.

Подстаростій Берестейскій повѣдиль: то есть по обѣмъ сторонамъ кружитъ великого князства ажъ до половицы болота Оря, и ѣхали тою грядою Боромъ якобы на милью. И повѣдиль Свѣтицкій, ижъ по праву есть Ратенско, а полѣву великое князство. И опустивши тотъ грудъ у великое князство у лѣво, повелъ насъ але болота управо.

Подстаростій Берестейскій повѣдиль, ижъ то есть по обѣмъ сторонамъ великого князства ажъ по половицы болота Оря. И вель нашъ Свѣтицкій черезъ боръ и черезъ болота, утираячи великого болота якобы на четверть мили ажъ до полмосту, не вказуючи знаковъ жадныхъ, менячи собѣ половицу мосту границу: по праву Ратенско, а по лѣву великое князство.

На то подстаростій Берестейскій повѣдиль: куды нашъ Свѣтицкій, подстаростій Ратенскій, зъ людьми Ратенскими Залѣцы вель, то все есть по обѣмъ сторонамъ великое князство посередъ болота Оря ажъ до полмосту; то есть правда, ижъ полъ мосту есть великому князству зъ Ратномъ граница: бо та рѣка идѣ пошла, а идѣ ся оказала.

Нашъ Свѣтицкій зъ людьми Ратенскими, съ Тураны и Залѣцы, повѣдиль, ижъ отъ мосту по полъ болота рѣка дѣлитъ Орь по праву Ратенское, а по лѣву великое князство. И зъ обоу сторонъ, яко подстаростій Ратенскій Свѣтицкій зъ людьми Ратенскими: Турены и Залѣцы, такъ подстаростій Берестейскій Нашъ зъ людьми великого князства: Хотеславцы и Орѣховцы, Ляховчаны и Рычань повѣдили, ижъ то есть звѣчистая граница Ратну зъ великимъ князствомъ посередъ того мосту, и мостимъ его по половицы, и то созна-

наемъ, ижъ тое болото есть Орь. А отъ тое горы, которую нашъ Свѣтицкій менилъ Пльшину, до мосту Королева, ку которому зъ обоу сторонъ признавають, ижъ то есть Ратну зъ великимъ князствомъ граница, то есть на три мили, а болотомъ отъ Залѣское границы, куды подстаростій Берестейскій вель, до тогожъ мосту Королева двѣ мили, а разницы промежку тыхъ мѣстъ идѣ на полмили, а идѣ на четверть мили.

### Обнодъ великого князства и коруный.

Мѣсеца Августа 20 день, у пятницу.

Вели нашъ весолокъ подстаростій Берестейскій Нашъ Ицаничъ зъ людьми великого князства: зъ Ляховцы и Хотеславцы, зъ Орѣховцы и зъ Рычань—а подстаростій Ратенскій нашъ Войтехъ Свѣтицкій—зъ людьми Турескими села Ратенского—отъ того мосту названого Королева, который мостъ зъ обоу сторонъ мѣнують быти сушобоиный Ратну зъ великимъ князствомъ, и вели по половицы того болота, мѣнующий то болото Орь сушобоиную границу великому князству зъ Ратномъ, якобы на полмили до островка Соснового. А отъ того островка повелъ насъ подстаростій Ратенскій на лѣво, менячи туды границу Ратну зъ великимъ князствомъ и повѣдаючи, ижъ туды Орь идеть.

Подстаростій Берестейскій повелъ около того островка у право, менячи тамъ границы великого князства зъ Ратномъ, и туды Орь идеть. И отѣхавшы троха отъ того островка на стрѣленіе, оказалъ намъ нашъ Войтехъ Свѣтицкій ровокъ и воды троха въ немъ и езки малые, менячи быти рѣку Орь. Подстаростій Берестейскій повѣдиль, ижъ то не есть рѣка Орь, але есть ровокъ людей великого князства Хотеславцовъ, у которомъ уюны ловить.

И оттоль отѣхавшы троху, оповѣдалъ Свѣтицкій доломъ безъ воды, менячи, якобы ту мѣла рѣчка выникнути, а знаку жадного нѣтъ. А отъ того долку отѣхавшы якобы на четверть мили, оказалъ намъ ровокъ, гдѣ менилъ быти знакъ, гдѣ рѣка Орь ходи. А подстаростій Берестейскій повѣдиль, ижъ то не есть рѣка Орь, але по обѣмъ сторонамъ великого князства, а то дола есть конаше, яко обичай есть по болотамъ для възновъ. И повелъ насъ нашъ Свѣтицкій отъ болота влѣво болотомъ подлѣ бору, а великое болото управо опустивши, и привелъ насъ къ водѣ, которая есть вода у рову, менячи тутъ быти рѣку Орь, на которомъ рову козы оказывалъ.

Подстаростій Берестейскій повѣдиль, ижъ то есть по обѣмъ сторонамъ великого князство, и оттоль вель нашъ болотомъ якобы милью, оказываючи знаки на многихъ мѣстахъ, ровки, ижъ звать то, коли въ дождюныя лѣта або весною тогда тутъ можетъ рѣчка быти, и мѣнять ее Оремъ, и оказывали на многихъ мѣстахъ езки сухіи по болоту. Подстаростій Берестейскій повѣдиль, ижъ то е впрочемъ не есть Орь, але то есть рѣчка Пенская, подъ Заломничомъ островомъ, и течеть подъ село великого князства, подъ Ляховцы, а по тому болоту, по обѣмъ сторонамъ тое рѣчки, и куды вели теды, то есть все великого князства. И отъ тыхъ мѣстъ вель нашъ Свѣтицкій, якобы на полмили и привелъ, видячи село великого князства Ляховцы, ку броду, который повѣдиль быти Оремъ. А подстаростій Берестейскій повѣдиль, ижъ то есть впрочемъ Вечье, а то есть бродъ, куды изъ села великого князства Ляховичъ бягло гонять, а по обѣмъ сторонамъ то есть великого князства. И оттоль вель нашъ Свѣтицкій болотомъ, якобы на четверть

мили ку броду мѣшному, а отъ того броду на три стрѣленія привести ку третему броду и мѣнѣлѣ, якобы то мѣлѣ быти Орѣ, и повѣдѣлѣ, ижѣ по-туль есть граница села Турекого, а то иже починаеть ся села Кортелншеского Ратенского. Подстаростій Берестейскій повѣдѣлѣ, ижѣ тѣе броды вси отъ села Лиховець быдло выбило, гонячы у пущу, а то есть болото,—а Орѣ и рѣчки жадное тутъ ибѣтъ,—бо иидѣ не мають куды гонити быдла, едно туды: и то все есть по обѣмъ сторонамъ великое князство, якожѣ и сами ваша милость ба-чите, ижѣ болото простое. А отголѣ велѣ Свѣтницкій болотомъ мало не мило и привесть ку горѣ кгрѣдѣ, которую горю мѣнѣлѣ быти подгорьемъ, и повелѣ тоею горою надъ болотомъ, мѣнячы по праву Ратенско, а полѣву великое князство.

Подстаростій Берестейскій повѣдѣлѣ: тая гора, которую ты менуешь подгорьемъ, не есть подгорьемъ, але тая гора идеть зъ великого князства, зовутъ ее и тое болото Мокрянское; и по обѣмъ сторонамъ то есть великое князство. И велѣ тоею горою съ полмили надъ болотомъ, которое болото мѣнѣлѣ Орѣмъ, и засѣ повернулѣ влѣво болотомъ къ Райскому лѣсу, коло борку, до кры-выхъ проходѣхъ, а отгудѣ ажѣ до мост-ка Перевѣся. И мѣнѣлѣ подстаростій Ратенскій, якобы тое болото мѣло бы-ти Орѣ, и повѣдѣлѣ, ижѣ по праву Ратенско, а по лѣву великое князство.

Подстаростій Берестейскій повѣдѣлѣ зъ людьми великого князства: куды велѣ подстаростій Ратенскій зъ людьми Ра-тенскими, то есть по обѣмъ сторонамъ великого князства, а не есть то боло-то Орѣ; але то есть болото простое Мокрянское село великого князства. И отъ тое горы велѣ по всемъ тѣмъ вровичамъ верху мененимъ болоты якобы на полторы милѣ вдолжѣ.

Тогожѣ дня, у пятницу.

Отъ того соснового гайку велѣ насѣ подстаростій Берестейскій Иванъ Яцы-ничѣ, зъ людьми великого князства Ли-ховцы и Хотеславцы и зъ Орѣховцы и зъ Рытчанѣ, до вровича Велихова острова якобы на мило. Отъ того мѣст-ца острова Соснова ни чого не видѣли знакомѣ, одно спредку сѣмъ знашли ро-вы значимѣ, въ которыхъ были езы, але мѣстца тѣи сухи, безъ воды, боло-то сухо.

И тутъ повѣдѣлѣ подстаростій Бере-стейскій, ижѣ то есть рѣка Орѣ, едножѣ того лѣта сухого вышло. А потомъ, прѣвждаючи до острова Велихова, ме-жы островомъ и озеромъ Велиховомъ, тамъ же указалѣ намъ мѣстце, гдѣ под-старостій Берестейскій повѣдѣлѣ, ижѣ ту рѣка выникла, и потомъ—три мѣст-ца продолговатыѣ, недалеко промежку собою, на которыхъ езовъ осѣтъ, и по-вѣдѣлѣ, ижѣ то есть поникъ тое рѣки Орѣ, и отъ того мѣстца засѣ понури-лася. И пачѣ Свѣтницкій повѣдѣлѣ, ижѣ то не есть рѣка Орѣ, але рѣчка зъ озера выходитѣ ивыжжарице, а отъ Велихова якобы на троѣи стаѣи вынури-лася опять рѣка Орѣ и идеть якобы на мило, не переставляючи, и опять пони-кла и якобы на двоѣи стаѣи вынурила, и засѣ до третьего разу вынурила та-кежѣ,—а на томъ мѣстцу езовъ пять, а потомъ поникла и далѣй ее не было знать ажѣ до ястребѣцъ вровича Обча, отъ Обча до Паноротного, отъ Панорот-ного до Домахова. И тутъ оказыва-ли намъ воду якобы студню, менуючы, ижѣ тутъ рѣка Орѣ указала. Отъ того мѣстца велѣ насѣ сухими болоты на чверть милѣ, и указали намъ знакѣ другій на болотѣ езь, а передъ езомъ воду, которую мѣнѣли, ижѣ то есть рѣ-ка тая Орѣ, которая идеть отъ Домахо-ва понуремъ. И ведучи насѣ до млын-

ка сухими болоты на чверть милѣ, ука-зывали намъ два знаки, одинъ знакѣ роуѣ межи лозами и воды не много, и мѣнѣли быти, ижѣ туды рѣки Орѣ идеть понуремъ. А недалеко того мѣстца, презъ дорогу перѣвхавши Куртелнскую, указали на болотѣ воду, такъ якобы студня. Отъ того мѣстца привели насѣ до млынка. И повѣдѣли люди села Мо-крянского великого князства, ижѣ тотъ млынокъ есть намъ по половици и зъ селомъ Кортелншескимъ Ратенскимъ. Отъ того млынка велѣ насѣ болоты су-хими, и повѣдѣли, ижѣ тутъ рѣка по-никомъ идеть, и знакѣ указали ку по-добенству рѣки воду, и на ономъ мѣст-цу два езы. И отъ того опять велѣ насѣ до другого мѣстца ку границы Дивинской, и указали намъ тоежѣ рѣки знакѣ воду, которое воды знакѣ есть, ижѣ рѣкою идеть черезъ дорогу Куртелнскую зъ Новоселокъ вдуцы до Ратни, и мѣнѣли, ижѣ тая рѣка Орѣ дѣлѣтъ князство Литовское зъ Ратномъ: поправу Ратенское, а полѣву великое князство.

Подстаростій Ратенскій повѣдѣлѣ, ижѣ то не есть граница великому княз-ству зъ Ратномъ, але по обѣмъ сторо-намъ есть Ратенское, а то, што оказы-ваются, якобы мѣла быти рѣка Орѣ, то есть выжары, а ишное хлопѣи Ратенскіѣ копали ровы для ловенья вѣюновъ.

Отъ мосту Королева, яко почалъ под-старостій Ратенскій зъ людьми Рате-скими вести, до Дивинское границы, до Перевѣся мостку, всего того по всемъ тѣмъ границамъ якобы на шесть милѣ.

Отъ тогожѣ мосту Королева, куды велѣ подстаростій Берестейскій зъ люди-ми великого князства болотомъ ажѣ до Дивинское границы, до вровича Го-деня, якобы на пять милѣ, а розницы промежку тѣхъ обводѣхъ съ початку на версту, а иидѣ на полмили, а иидѣ на

три милѣ, и засѣ опять ку концу ку Дивинскимъ границамъ якобы на мило.

### Обводъ великого князства.

Мѣсеца Августа 23 день, у поне-дѣлокѣ.

Подстаростій Берестейскій, Иванъ Яцыничѣ, зъ людьми великого княз-ства Дивинцы, привели насѣ до остро-ва Годеня и указали противъ острова Годеня знакѣ рѣки роуѣ, у которой есть вода, и мѣнѣли, ижѣ посредаъ то-го роуѣ болотомъ рѣка Орѣ идеть по-никомъ, иидѣ сѣ оказалась, а иидѣ поник-ла, которого роуѣку есть поперечного на стрѣленѣ ку шаницѣ (?). И велѣ насѣ болотомъ, на которомъ болотѣ оказа-ли три ровки безъ воды, мѣнячы быти, ижѣ туды рѣка Орѣ идеть, а два езы оказались намъ, одинъ на болотѣ, а дру-гій въ роуѣ. Потомъ, приводячы насѣ болотомъ ку озеру Берзскому, оказа-ли ровъ продолговатый безъ воды, которо-го рову якобы на три стрѣленія. И по-вѣдѣли, ижѣ то есть рѣка Орѣ, кото-рая рѣка есть граница великому княз-ству зъ Ратномъ, поправу то есть Ратенско, а полѣву великое князство. И повѣдѣли, ижѣ тутъ уже у тое озеро Берзское тая рѣка Орѣ увала, и при-вели ку озеру, которое озеро мѣнѣли быти по половици Ратну зъ великимъ князствомъ. И велѣ насѣ отъ того озе-ра троѣи упрѣво болотомъ до островка до сосны, у которой соснѣ мѣнѣли быти грани свои звѣчатыѣ у трехъ мѣстѣхъ. И повѣдѣли, ижѣ тѣи грани вырубили и выказали Куртелнскіѣ люди Рате-скіѣ: того куды насѣ велѣ болотомъ отъ Годеня до сосны якобы на полми-ли; а отъ сосны велѣ насѣ посередъ болота просто до островка до дуба на полмили, у которомъ дубѣ оказывали грани старыѣ зъ обуду стороны уру-



бованные крижы. Отъ дуба вели просто-посредъ болота на полмили до вронища Зазазовъ до липы, у которой оказывали грани урубываны въ обудву сторонъ крижы. А отъ липы вели насъ болотомъ и оказали намъ на берегу болота двѣ сосны, у которыхъ менили быти грани; але есмо бачили зъ едное стороны знаки не велими значныы. И вели насъ отъ липы болотомъ, якобы на четверть мили, и привели до вронища Бабы, до сосны сухое противъ Дѣдия, и повѣдили, ижъ въ той соснѣ были грани наши звѣчисты, але люди Ратенскіе Кортелнискіе тые грани выказали и вырубали.

Подстаростій Ратенскій панъ Свѣтицкій повѣдилъ, ижъ куды подстаростій Берестейскій зъ людьми Дивинскими велъ, теды то все по объма сторонамъ есть Ратенское, тили ровы, которые по болоту они менили быти рѣкою Оремъ, тые ровы люди Ратенскіе Кортелнискіи выкопали для выюновъ ловенья; а тые дерева, у которыхъ менили грани быти, тые древа не суть граничныы, але бортиные людей Кортелнискыхъ.

#### Обводъ коруинный.

Тогожъ дня въ понедѣлокъ, мѣсеца Августа 23 день.

Подстаростій Ратенскій, панъ Войтехъ Свѣтицкій, зъ людьми повѣту Ратенского Кортелнискими, вели насъ отъ мосту, который указывають Перевѣсьемъ и Оремъ, до кривыхъ проходовъ, отъ кривыхъ проходовъ до Собичового мху, отъ Собичова мху до перекопа, отъ перекопа до рѣки Рѣсны до вронища Дѣдия, а отъ Дѣдия до броду Кривого. Ту южъ Самаровская граница села Ратенского починаеть.

Подстаростій Берестейскій, Иванъ Яцыничъ, зъ людьми великого князства

Дивинцы, повѣдилъ, ижъ куды подстаростій Ратенскій Свѣтицкій и люди Ратенскіе вели, то есть по объма сторонамъ, поправу и польву, великое князство, а тотъ бродъ не есть Кривый, але зовутъ его Межигорами.

Отъ того мосту Перевѣсья, которого другимъ именемъ называють, зъ Ратна, Оремъ, а зъ великого князства, Перевѣсьемъ, куды вели зъ великого князства по вронищамъ отъ того Годеня до Бабы, якобы на двѣ мили вдоль. А куды зъ Ратна вели, отъ того мосту Перевѣсья, по тымъ всемъ урочищамъ, куды они вели, до вронища, которое называють Кривый бродъ, а зъ великого князства называють тотъ бродъ Межигорами, якобы двѣ мили, а разницы промежку тыхъ вронищъ въ ширшомъ мѣстѣ якобы на милю.

#### Обводъ великого князства.

Мѣсеца Августа 24 день, у второкъ, индиктъ 4.

Подстаростій Берестейскій Иванъ Яцыничъ зъ людьми великого князства Дивинцы вели насъ отъ тое Бабы сосны сухое посередъ болота Хванева, а отъ болота посередъ кривое нивы, отъ кривое нивы до Бороцкое гати, а отъ гати къ Добрицы, и повѣдили, ижъ са тутъ вже граница Дивинская и зъ границою Самаровского села Ратенского докопала. а тутъ вже пришла граница села Ратенского Щедрогоская.

Тогожъ дня подстаростій Берестейскій зъ людьми великого князства Дивинцы вели насъ отъ Добрицы ку вронищу Гончаревъ, отъ Гончарихи у Куцнево болото, отъ болота у Хоморъ къ перевозу, а отъ перевоза къ Гончаровому лѣску, отъ лѣски къ острову Киеви, отъ Кіа къ Угольскимъ горцамъ: тые вси вронища подѣл рѣки

Хомора идуць. И повѣдили, ижъ тутъ вже знеса ся граница и зъ селомъ великого князства пана Андрея доктора, съ Углицкимъ, повѣту Кобринского.

Подстаростій Ратенскій, панъ Войтехъ Свѣтицкій, зъ людьми повѣту Ратенского Самаронцы и Щедрогосцы, повѣдилъ: куды велъ подстаростій Берестейскій и зъ людьми Дивинцы повѣту Берестейского, то есть по всемъ тымъ вронищамъ Ратенское, а великому князству тамъ итъ.

#### Обводъ коронный.

Тогожъ дня подстаростій Ратенскій Войтехъ Свѣтицкій, зъ людьми Ратенскими Деликовцы и Повѣтныи и Радостовцы, вели насъ отъ вронища менованого и зъ ихъ стороны Ратенское броду кривого, рѣкою, гдѣ тая рѣка привела на Осмулинцы плесо, а другое плесо на тойже рѣцѣ нареченное Колода, а на тойже Колодѣ рѣцѣ плесо Городецъ, а отъ Городца Личково плесо, отъ Личкова плеса до поля озера Любана, а отъ озера пошла рѣка Нетеча до Чалищовское пяти села повѣту Кобринского.

Подстаростій Берестейскій зъ людьми Дивинцы повѣдилъ: што менилъ подстаростій Ратенскій зъ людьми Ратенскими Кривый бродъ, то есть бродъ, такъ его прозываютъ. Межигоръ, а тую рѣку зовутъ Дивиною, и съ того озера великого князства Дивина рѣчка Нетеча вышла, и тая рѣчка течеть якобы на двѣ стрѣлены по острову великого князства зѣл Кривотина и неходячы границы Челищевское села великого князства и поперла мало не удвухъ миляхъ отъ границы Челищевское; и куды они вели тыми границами, то есть все великого князства отчизна наша

Дивинская, и тое озеро и рѣчку зовутъ Дивиною, по которомъ озерѣ и порѣцѣ и село наше зовутъ Дивиною. Вдоль, куды зъ Ратна вели, отъ того броду, который зъ Ратна зовутъ Кривымъ, а зъ великого князства называють Межигоремъ, всего того до Чалищовское границы якобы на три мили; а куды вели зъ великого князства подстаростій Берестейскій и зъ людьми Дивинцы отъ вронища Бабы Довгалинскихъ людей великого князства вдоль якобы на чотыри мили, а розницы въ ширки у ширшомъ мѣстѣ якобы на двѣ мили, а индѣ на полмили, а индѣ на милю.

#### Обводъ великого князства.

Мѣсеца Августа 25 день, въ среду.

Люди великого князства повѣту Кобринского Углице вели насъ отъ границы Дивинское повѣту Берестейского болотомъ и привели до острова Горичи, гдѣ менили быти пятаую свою зъ Дивинцы, на которомъ островѣ оказали знакъ у соснѣ зъ единыи стороны скаженный и выжженный, и повѣдили, ижъ тотъ островъ есть нашъ властный звѣчистый, съ которого мы службу служимъ и полаты дѣемъ. Оттоль до Сухого лѣса вели презъ болото, и на другомъ островѣ въ берегахъ старой оказали намъ знаки зъ обудву сторонъ древа и, здуци болотомъ отъ тыхъ Горичъ до Сухого лѣса, менили быти поправу Ратенское а польву великое князство, и на третемъ островку указали дерево березу старую, зъ обудву сторонъ пробиту, и повѣдили, ижъ то суть сторожи знаковъ нашихъ, а граница наша посередъ болота идеть, и привели до Сухого лѣса, а отъ Сухого лѣса до Дубини до Ровича, отъ Дубини до Слопятища, оттоль до липы ижъ до пяти



Осиповское села повѣту Кобринского людей пана Андрея докторов.

Подстаростій Ратенскій Войтехъ Свѣтицкій зъ людьми Ратенскими Повѣтцы повѣдиль: не то есть граи Ратну зъ великимъ князьствомъ, а то оны вели по Ратенскому.

А того всего вдоль отъ Горницъ границы великого князства людей Угольничкихъ до границы людей Осиповскихъ пана Андрея доктора на полторы мили, а села Ратенского Повѣтцовъ отъ границы, гдѣ оны мнують пату свою отъ Чалищевичовъ, до Андрея докторовыхъ людей села его Осиповского вдоль на полторы мили.

А розниды отъ Горницъ, куды изъ князства люди Углинскіе вели и куды зъ Ратна Повѣтцы вели, межы тыми мѣстцы въ ширѣнна полъ мили, а индѣ на версту.

#### Обводъ коруниный.

И тогожъ дня подстаростій Ратенскій Войтехъ Свѣтицкій зъ людьми Ратенскими повѣту Ратенского Повѣтцы велъ насъ отъ Чалищевское паты села великого князства повѣту Кобринского до врочища Ранинка, отъ Ранинка до Всуховъ, отъ Всуховъ до Пруглибка, отъ Пруглибка до волока, гдѣ южъ приходи граница людей пана Андрея докторовыхъ села его Осиповского, а Головчинского а Татариничъ.

Врадинокъ Городецкій Иванъ зъ людьми великого князства Углины на то повѣдиль: Ратенская граница зъ великимъ князьствомъ не есть то, куды оны вели, аде то есть кгрунтъ великого князства повѣту Кобринского, бо привели есте до Кобринского села Чалищевичовъ, свою граи отъ Чалищевичовъ есте взяли, то все водите кгрунтомъ великого князства.

#### Обводъ коруниный.

Индикъ 4, мѣсеца Августа 26 день, въ четвергъ.

Вземши отъ паты людей пана докторовыхъ Осиповичовъ Волоки рѣки, повелъ староста Ратенскій панъ Янъ Свѣтицкій зъ людьми Ратенскими Радошскими до врочища Кривца, которое есть врочище на рѣцѣ Волоцѣ, Волокою рѣкою ажъ до Витерки паты до границы села коруниного Ветель.

Пана Андреевы докторовы люди сель его, Осиповцы, Головчычы, Татариничы или ихъ враникъ Бобровницкій на томъ мѣстцу не сѣсть, или границъ своихъ не выводилъ, за обѣждчаніемъ дворенина господарского Сасина, которого еще избити хотѣлъ, и того дня, коли мы къ Угломъ прѣхали, онъ передъ нами съ тыхъ селъ зѣхалъ. Якожъ сѣмю и служебника своего Поновского до него послали, упоминаючи его, абы границы повелъ и кривды оповѣдиль, и враничокъ его отповѣдиль: король его милость де пана моего меновите въ листъ не писалъ, а панъ тежъ мой тые села маєт до живота, а границъ не повиненъ водити. Отъ Волоки рѣки до Витерка, куды панъ Свѣтицкій зъ людьми коруниными Радошскими велъ, до границы Ветельское вдоль якобы на полторы мили.

#### Обводъ великого князства.

Тогожъ дня мѣсеца Августа 26 дня, въ четвергъ.

Земляниъ великого князства Гаврило Морхотка велъ насъ границю села своего Велавля, поченины отъ паты села пана Андрея доктора повѣту Кобринского людей Головничовъ, отъ Кривого острова по болоту, по рѣцѣ Волоку ажъ до Красное дубровки, до паты села Суличовского Павли Біютивского. И повѣдиль Морхотка, ижъ тая граница посередъ болота того есть мѣъ супоконливая съ повѣтомъ Ратенскимъ, и по-

вѣдиль, ижъ по праву то есть Ратенское, а полѣву великое князство, и вдоль тое границы, отъ паты села пана докторова Головничовъ до паты села Суличовского, куды Морхотка велъ, вдоль на мило.

Тогожъ дня въ четвергъ люди великого князства повѣту Пинского Павла Біютивского Суличовцы повѣдиль, ижъ наша граница есть и зъ села повѣту Ратенского Радошовомъ а Ветляны, и вели насъ Суличовцы, поченины отъ границы землянина великого князства Гаврила Морхотки отъ дубровки земское рѣкою Пиною до острова Тростянки, отъ острова Тростянки до Дошипка острова, до границы села Пинского Лиховець, и повѣдиль, ижъ то есть поправу Ратенское, а полѣву великое князство. Суличовское границы отъ зеленое дубровки до острова Дошипка вдоль на полъ мили.

Тутъ уже въ того Дошипка починается граница села повѣту Пинского Лиховецькая бояръ королевое ея милости Мартина Ширмина а Ивана Почеповского. и повѣдиль Суличовцы, ижъ мы по тымъ мѣстцамъ границу супоконливую съ тыми людьми Ратенскими Радошовцы и Ветляны маемъ.

То есть Гаврила Морхотчыны и людей Павла Біютивского Суличовцовъ границы супоконливое зъ Ратномъ вдоль на полторы мили.

#### Обводъ великого князства.

Августа 27 день, въ пятницу.

Повели насъ люди земляиъ повѣту Пинского, Мартин Ширмина а Ивана Почеповского, села ихъ Лиховецького, поченины отъ Тростянки острова, отъ паты людей Павла Біютивского села его Суличовского, и вели межъ Батыева а межъ селища болотомъ ажъ до Калинов-

ки острова, отъ Калиновки край Хмѣлева лѣса, отъ Хмѣлева лѣса до Висова лѣса, отъ Висова лѣса край Зеленое дубровки, отъ Зеленое дубровки межъ Почасла и селища. Почаславское Ветельское—Ратенско, а селище Ляховицкое—великого князства, оттуль межъ Красное и общее до Липилъ до паты Вѣлинское села великого князства, и по тымъ всимъ врочищамъ поправу Ратенско, а по лѣву великое князство.

Тое границы села Ляховицкого, почень отъ Тростянки острова до паты Вѣлинское, вдоль якобы на полторы мили доброе.

Къ той ся границы староста Ратенскій панъ Янъ Свѣтицкій зъ людьми Ратенскими Ветляны оповѣдиль, ижъ по тымъ врочищамъ верхумененіемъ яко панъ Гаврило Морхотка зъ людьми своими и зъ людьми Лиховецькими велъ, граница спокойная есть людемъ Ратенскимъ Ветляномъ, сдѣлажъ наконецъ тыхъ границъ объ одинъ островокъ невеликій, шайма Дѣдентъ, зъ обудву сторонъ споръ мають.

#### Обводъ великого князства.

Мѣсеца Августа 28 день, въ субботу.

Отъ того врочища Залиня люди повѣту Пинского королевое ея милости Вѣлины вели насъ границю своею, которую границу менили собѣ быти и зъ селомъ Ратенскимъ Ветель, поченины отъ того Залиня до Великого лѣса, отъ Великого лѣса до Затученья острова, отъ Затученья до Зиболоты до границы Горечкое людей князя Александра Чорторайского, и повѣдиль, ижъ по тымъ врочищамъ грани были въ деревѣ урубываніе, и тые грани почали казати за небылика старосту Пинского пана Ивана Михайловича, и ту тежъ за росказаніемъ королевое ея милости вы-

ѣзднѣ теперешній староста Пинскій панъ Петръ Кирдей на рокъ положонный отъ ее милости, ижъ мѣло о тую земяю право быти тымъ Вѣляномъ зъ людьми Ратенскими Ветляны, а затымъ Ветляны мѣлѣ выѣхати староста Ратенскій панъ Райскій; ино панъ Райскій на тотъ рокъ зложонный отъ королевое ее милости не выѣхалъ, и мы тые грани оповѣдали пану старостѣ Пинскому и многымъ людямъ добрымъ, которые были на томъ року при пану старостѣ.

На то староста Ратенскій панъ Янъ Свѣтницкій повѣдиль, ижъ то естъ грунтъ, куды тые Вѣлине вели, коруниный по обѣмъ сторонамъ, а не то естъ граница Ратну зъ великимъ князствомъ.

#### Обводъ коруниный.

Тогожъ днѣ въ субботу староста Ратенскій панъ Янъ Свѣтницкій зъ людьми коруниными Ветляны. повелъ насъ отъ острова Красного до Прекопу, отъ Прекопу до Дѣдня, отъ Дѣдня до Озернщъ, отъ Озернща до Малеевое веретен, отъ Малеевое до Запъковы рѣчки, отъ рѣчки до Шибеника, отъ Шибеника съ паномъ Полозомъ полѣту Пинского князства великого граница естъ, которая идеть до Сырова лѣса, отъ Сырова лѣса до Коростова, отъ Коростова до Заечьего, и тутъ пята съ паномъ Полозомъ и съ княземъ Чорторыскимъ села Горецкого великого князства, а то вже стрѣтила граница землѣи Чырскихъ коруниныхъ.

Того, куды панъ Янъ Свѣтницкій зъ людьми Ратенскими Ветляны отъ острова Красного до Заечьего велъ, идолжъ, якобы на три мили.

На то повѣдиль землиннѣ господарскій Пинского повѣту отъ старосты Пинского пана Петра Кирдей Матей Войт-

ковичъ и зъ людьми Пинского повѣту Ляховцы и Вѣляны и Глинны: по которымъ мѣстамъ и вочыщамъ велъ староста Ратенскій панъ Войтехъ Свѣтницкій и зъ людьми Ратенскихъ сѣлъ, то естъ по всемъ вочыщамъ кгрунтъ великого князства повѣту Пинского королевое ее милости по обѣмъ сторонамъ, занесегда было у въ упокойномъ держанью тыхъ сѣлъ вышей менешныхъ великого князства, и не токмо тыхъ сѣлъ Вѣлина земли, острова завели тепере, але которые не суть прилеглые ку границы того села Ратенского Ветелеского, то естъ Вѣлинское село одно маеть зъ Ратномъ границу зъ людьми Ветляны, а Глинны и другое село Вѣлино жъ тые села королевое ее милости, и земляне сѣдѣть за граицкою Вѣлинскою того первшого села Вѣлина; то пакъ вже перешедшы первшого села Вѣлина земли и зашли тепере Глиннскую и Вѣлинскую другого села землю.

А идолжъ, куды вели Вѣляны, повѣту Пинского люди, отъ Запъля до Заболотья, границы князя Чорторыскаго Горецкое, якобы на полторы мили; а куды велъ староста Ратенскій, починшы отъ Прекона, который естъ заъ Красного острова, ажъ до границы Горецкое князя Чорторыскаго и Полозова до вочыща Заячьего идолжъ, якобы на три мили; а розницы въ ширки межы тыхъ границъ иидѣ, якобы на милю, а иидѣ на полторы мили.

#### Обводъ великого князства.

Мѣсеца Августа 29 день, въ недѣлю.

Отъ Заболотья, отъ пяти Вѣлинское села великого князства повели люди князя Александра Чорторыскаго Горчане по своимъ вочыщамъ, по границы великого князства зъ Ратномъ, бо-

лотовъ, што Горчане мають зъ Ратномъ, напервѣй къ Перекопу, то естъ вочыще Окрыково, отъ Перекона до Липниковъ острова, отъ Липниковъ межы Лядца и Стареча, менячи Лядецъ островъ великое князство, а Старечъ островъ Ратенское Цырскихъ, а оттоле къ Припяти рѣцѣ ку вочыщу Проритицы и Припятию рѣкою унизъ держачы, полѣву великое князство, а поправу Ратенское ажъ до Воймина дуба. Едножъ повѣдали, ижъ тая рѣка Припять по обѣмъ сторонамъ великое князство села клязей Чорторыскихъ Горецкого, а сирапа пришла земля къ Припяти рѣцѣ землѣи Ратенскихъ Цырскихъ, еножъ тые земляне Цырскіе уступу у тую рѣку не мають. А на той сторонѣ направѣ Ратенско: покулъ вѣшши вода бываеть, потулъ Горчане гаты и езы свои мають. А потымъ всемъ вочыщамъ повѣдали, ижъ супокойливое захованье зъ Ратномъ мають и по всемъ тымъ границамъ князей Чорторыскихъ, куды насъ вели, якобы на три мили идолжъ.

#### Обводъ коруниный.

Индиктъ 5, мѣсеца Сентебря 1 день.

Мартинъ и Суринъ, Чырскіе земляне Ратенскіе, указують свои границы села Чырского стѣну свою отъ границъ села Ратенского Ветель; на которой стѣнѣ ставшы оказали пенъ и менили его вочыщомъ: Селиновъ пенъ подѣ рѣки Припяти повѣдаючы, ижъ, по правой сторонѣ до полъ рѣки Припяти естъ наше звѣчметое, а по лѣвой сторонѣ Ратенского села Ветель, а потомъ рѣкою Припятию до вочыща Торопля, повѣдаючы, ижъ до полъ рѣки по правой сторонѣ наше, а полѣву отъ полъ рѣки вже князство Литовское села Горекъ князя Чорторыскаго. При томъ

ся освѣтчали, ижъ дей князь Чорторыскій тутъ на нашомъ кгрунтѣ по половицы рѣки тотъ то млынъ збудовалъ, гдѣ панъ Янъ Точинскій, воспода Судомирскій и староста Ратенскій тотъ млынъ по двакротъ, боронячи нашего кгрунту, казалъ разметати. Потожъ великою рѣкою Припятию винъ до вочыща Стулья, повѣдаючи: по правой сторонѣ естъ наше по полъ рѣки звѣчметое, а полѣву великое князство села князя Чорторыскаго Горекъ, тоеюжъ рѣкою до вочыща Сулишова, отъ Сулишова до вочыща Ментъ, отъ Ментъ до вочыща Копуръ; и ставшы въ того вочыща Копуръ повѣдали, ижъ дей люди Горекскіе князя Чорторыскаго квалтовъ на ихъ кгрунтѣ звѣчметомъ, на полъ рѣки Припяти, мѣсто вступили, гдѣ ледна могли есмо шесть езовъ поставити, и повѣдаючы, ижъ до полъ рѣки Припяти по правой сторонѣ естъ звѣчметое Ратенское, а полѣву великое князство повѣту Пинского села Избеса. Отъ того вочыща Копуръ привели до вочыща Могилки, гдѣ рѣка Чыръ упадаеть у Припять. Того всего Припятию вели, якобы на милю. повѣдаючы, ижъ до полъ рѣки Припяти по правой сторонѣ естъ наше звѣчметое, а по лѣвой сторонѣ великое князство повѣту Пинскій, и повѣдаючы, ижъ люди великого князства Избесане езовъ оежъ ку нашей криндѣ на нашомъ властномъ грунтѣ поставили, а два ихъ зрубали, гдѣ только чотыри цѣпыхъ зостали—отъ того вочыща Могилки черезъ болото до вочыща Передѣла. Передѣла лѣсомъ до Дрежокъ, отъ Дрежокъ лѣсомъ до Шоша острова, отъ Шоша до Болосова боромъ, отъ Болосова до горы Ловчое, отъ горы Ловчое подѣ болота до Сморгъ, отъ Сморгъ подѣ болота тогожъ Хотимиричъ, отъ Хотимиричъ мнѣо средне вочыща до

Добрининъ, отъ Добрининъ подлѣ боло-та до мостка, отъ мостка до Смычча лѣса, тымъ лѣсомъ черезъ болото до вرویща Медвѣды Головы, и тутъ границу оновѣдали Глушскую землянина Ратенского Скорутину. Тыхъ Цырскихъ обвоженъя вдоль якобы на три мили.

На то отновѣдали враники князя Андрея Кошырскаго, старосты Луцкого: Прикъ Сметанка а Тимофей Волянецъ а двораникъ господарскій панъ Левъ Образцовъ, и ту тежъ враникъ князя Андрея Козечинъ Аввакумъ зъ людьми селъ своихъ Илбляцы, Деревчанъ, Выховцы, Орокомцы, Церинъ, Любешевцы, Ведерцы, Лбляны, Глушаны, ижъ што староста Ратенскій панъ Янъ Свѣтицкій и зъ землины зъ людьми Ратенскими тые границы менуютъ, якобы мѣли тые границы дѣлти князство зъ Ратномъ, по которымъ границамъ вели и вرویща описали, то не есть граница великому князству зъ Ратномъ, але то есть грунтъ по обѣмъ сторонамъ великого князства и въ томъ грунтъ тые вرویща, все есть великого князства.

Панъ Янъ Свѣтицкій, староста Ратенскій, повѣдилъ: правда, ижъ Ратенъ и Любомъ былъ великое князство, то пакъ не вѣмъ, яко отшолъ; мовте собѣ съ королемъ его милостью.

Враники князя Кошырскаго повѣдали: то будетъ вѣдати Богъ а князи наши, и надѣваемся на Бога, ижъ его милость господарь отчизнѣ князей нашихъ не отдазитъ. И въ того мененого вرویща Медвѣды Головы мовилъ панъ Янъ Свѣтицкій именемъ пана Олехна Скоруты, менячы быти границу пана Скорутину села его Глушымежи острова ажъ до Камени, замку князя Андрея Кошырскаго старосты Луцкого, менуючи по правой сторонѣ Ратенскій островъ на имя Девинъ, а другій островъ

Осова и мимо Тихоръ, повѣдаючи по праву Ратенско, а полѣву великое князство. И привелъ насъ панъ Янъ Свѣтицкій зъ людьми Глушаны до ставу князя старосты Луцкого замку его Каменницкого, который ставъ есть подъ самымъ замкомъ Каменемъ: того заводу отъ Медвѣды Головы до ставу Каменского якобы на полторы мили. И повѣдилъ панъ Свѣтицкій именемъ Скорутинымъ: то есть села Скорутини Глушы посреди тое рѣки по полотока того до искуста и тутъ ся Скорутини граница кончы.

И тутъ оновѣдилъ предъ нами панъ Войтехъ Свѣтицкій, подстаростій Ратенскій: то есть моя граница съ паномъ Олехномъ Скорутымъ Скорутини села Глушы кончтъ, а моего села Ракова лѣса Илбля починаетъ ся по полѣ рѣки Цря, подъ замокъ Каменницкій, гдѣ тое мѣсто Каменское осажено: то есть на правѣ Ратенское, а на лѣвѣ великое князство. И заѣхали мѣста Камени якобы на осьмдесятъ, або на сто дымонъ, и тою рѣкою подъ замокъ уверхъ до острова до вرویща Дубровицы, якобы на мило. И повѣдилъ, ижъ поправу есть Ратенское, а полѣву великое князство. И тутъ повѣдилъ служебникъ пана Семашковъ старосты Ковельскаго Андрей Ивановичъ, ижъ то есть вже земли королевое ея милости села ея милости Нюйна, и направъ и на лѣвѣ великое князство. Тутъ пану Свѣтицкому съновѣту Ратенского и людемъ его Ракова Лѣса Илбляномъ жадного уступу нѣтъ.

Князя Кошырскаго тежъ враники: Волянецъ а Сметанка повѣдали, ижъ куды велъ панъ Свѣтицкій, то все есть по обѣмъ сторонамъ кгрунтъ князя нашего замку его Каменницкого, а то вже пришла граница королевое ея милости села ея милости Нюйна.

Панъ Войтехъ Свѣтицкій и зъ людьми своими Ракова Лѣса а Илбляны велъ насъ, менячы быти границу свою и зъ селомъ королевое ея милости Нюйномъ: въ того вرویща Дубровицы острова увошолъ лугъ у рѣку Цырь, который лугъ менуетъ быти панъ Войтехъ Свѣтицкій рѣчкою Дмитровкою, и тою Дмитровкою рѣчкою до лѣса вرویща Передѣла, отъ лѣса Передѣла до озера Мочузна, отъ Мочузна озера до рѣчки Голышовки, отъ Голышовки до рѣчки Турьи, менячи быти по праву корунно, а по лѣву князство. И повѣдилъ Свѣтицкій, ижъ тутъ ся граница моя кончы, а тутъ пришла граница села королевое ея милости Ратенского Велимецкаго а королевое ея милости села зъ великого князства Нюйна.

На то повѣдилъ враникъ пана Богдана Семашка, старосты Ковельскаго, Андрей Ивановичъ зъ людьми королевое ея милости Нюенскими, ижъ по тымъ усмѣхъ вرویщамъ, по которымъ панъ Войтехъ Свѣтицкій и зъ людьми своими велъ и описалъ, то все есть земли властныя а кгрунтъ имѣнья королевое ея милости Нюенского, а тая рѣчка, которую онъ менуетъ Дмитровкою, не есть Дмитровка, але то есть рѣчка Сагожа.

Тогожъ дня люди села Ратенского Величане вели насъ, менячы быти границу свою и зъ селомъ королевое ея милости Нюйномъ, рѣчкою Голышовкою у верхъ до млынца пана Нюенского, который млынокъ есть на рѣцѣ Голышовцѣ, а отъ млынца до Быстрижа рѣчки, и повѣдали Величане, ижъ въ тое рѣчки Быстрижи кончы наша граница зъ Нюйномъ, а починаетъ ся граница отъ тое рѣчки села Ратенского Датын-ского и зъ селомъ великого князства владыки Луцкого—Качинномъ.

На то враникъ королевое ея милости

Нюенскій Андрей Ивановичъ и зъ людьми королевое ея милости Нюенскими повѣдилъ: куды панъ Войтехъ Свѣтицкій и зъ людьми своими повѣту Ратенского Ракова Лѣса а Илбляны а Велимецкими велъ по тымъ усмѣхъ вرویщамъ вышей писанымъ, то все есть властная а вѣщная земля кгрунтъ имѣнья королевое ея милости села Нюенского, и того въ держаннѣ королевое ея милости люди отъ великого князя Витолта ажъ и до сихъ часовъ; а тая рѣчка Быстрижъ есть граница селу королевое ея милости Нюенскому зъ селомъ владыки Луцкого Качинномъ. И тутъ же стоячи въ тое рѣчки Быстрижи люди великого князства села владыки Луцкого Качинны повѣдали, ижъ тая рѣчка Быстрижъ насъ дѣлитъ зъ людьми королевое ея милости Нюенскими и по обѣмъ сторонамъ тое рѣчки есть великого князства, а Ратенского тутъ ничего нѣтъ.

Датынцы, люди села Ратенского, вели отъ Быстрижи рѣчки до Матеева острова, отъ Матеева острова до Сыновки рѣчки. Качинцы люди великого князства повѣдали, ижъ то есть отъ рѣчки Быстрижи до рѣчки Сыновки наша властная отчизная и дѣдизная земля, и отъ давныхъ часовъ мы ее во вѣдыванью и въ спокойномъ держанью отъ великого князя Витолта ажъ и до тыхъ часовъ маемъ.

Отъ Дубровицы острова до рѣчки Сыновки, куды панъ Войтехъ Свѣтицкій и зъ людьми Ратенскими велъ, вдоль на пять миль.

Сыновцы люди Ратенскіе вели насъ, менячы быти границу свою и зъ селомъ великого князства князя старосты Володимірскаго князя Федора Андреевича Сангушковича, маршалка земли Волянское зъ Мелцы а зъ Сыновцы, отъ рѣчки Турьи Сыновкою рѣчкою до озера Сынона, отъ

озера Сынова до Мокры рѣчки, внизъ отъ Мокры рѣчки до Осечна болота, отъ Осечна болота до Песечна озера; а тамъ отъ озера Песечна люди села Ратенского Замшане вели, менячи быти свою границу и зѣ селы великого князства князя старосты Володимерского Сереховичи, Грабовицы, рѣчкою Студенкою унизъ, которая рѣчка упада у Вижу рѣку.

Отъ Турьи рѣки, гдѣ Сыновка рѣчка у Турью упада, до Вижу рѣки, куды люди Ратенскіе Сыновцы, которыхъ изъ князства другимъ именемъ называютъ Василками, а Замшане вели насъ, вдоль на три мили.

На то повѣдиль вридинъ князя Федора Андреевича Сангушковича, маршалка земли Волынской, старосты Володимерского, Лука Фурсовичъ и зѣ людьми князя своего: што повѣдили люди Ратенскіе Замшане и Василки, менячи быти границу свою отъ Турьи рѣки, гдѣ Сыновка рѣчка у Турью упада, до озера Сынова князя моего, то есть по обѣмъ сторонамъ тое рѣчки кгрунтъ а земля властна великого князства князя моего; а отъ Мокры рѣчки до рѣки Вижу, то есть земля а кгрунтъ великого князства по обѣмъ сторонамъ, князя моего, и зѣ людьми королевое ея милости селъ великого князства: Обланскими, а Секуицы, а Гридчанъ а Бояры Городищаны посполитая судеревь. А тые села Василки и Замшане сѣдять на земли а кгрунтъ великого князства на отчизнѣ князей Санкушкевичовъ и осажены тые села за Казимера короля и за Олександра, и не одны тые села, але и иншыя многіе, бо Ратень замокъ былъ великого князства, якожъ часу потреби панове наши будутъ о то монити, яко давно зашло. И тужъ повѣдиль вридинъ королевое ея милости зѣ великого князства Нюескій Андрей Ивановичъ, ижъ

тамъ особый островъ королевое ея милости на нѣи Коропичи, церковный и боярскій и людей королевое ея милости великого князства даныхъ пришло зѣ курѣцъ Вижу.

### Коропичъ обводъ.

Мѣсеца Сентября 3 день.

Панъ Янъ Свѣтницкій, староста Ратенскій, зѣ людьми Ратенскими села Глуховъ вели насъ, менячи быти границу свою, и зѣ людьми великого князства королевое ея милости Вижуицы, черезъ рѣку Вижу смугою, которую смугу меняли быти рѣчкою Березовкою, але воды въ ней не было, и вели насъ якобы на полъ мили до дороги, которая идетъ отъ мѣста великого князства Вижу до Ратна. И тутъ въ тое дороге поткалъ насъ вридинъ Любомскій пана Миколая Кграбинъ Андрей, и зѣ людьми Любомскими Кремняны. И повѣдиль панъ Янъ Свѣтницкій несполокъ зѣ урадинкомъ Любомскимъ пана Кграбинымъ и съ тыми людьми Ратенскими и Любомскими Кремняны, ижъ то вже за тую дорогу посполитая есть земля Ратенская зѣ Любомскою села Кремня. И тою Березовою смугою вели насъ Кремняне до болота Чавля якобы на четверть мили, менячи по праву Любомское а Ратенское, а по лѣву великое князство кгрунтъ королевое ея милости, отъ Чавля вели до вичища Светого озера, отъ озера до вичища Оста лѣса, отъ Оста гредою до Теремца. И повѣдиль вридинъ пана Кграбинъ зѣ людьми Кремнянскими, ижъ у тое горы вичища Теремца кончить ся граница того села Ратенского и Любомского Кремнянского, а починаеть ся граница у того Теремца землянъ Любомскихъ Городенскихъ Яна а Василья Обрамовичовъ.

### Обводъ великого князства.

Вридинки князя Андрея его милости Михайловича Санкушковича Кошырского, старосты Луцкого, Прикъ Сметанка, а Тимовой Волынецъ, а дворянинъ господарскій Дель Борисовичъ Образцовъ и панове Завишы, и тутежъ князя Андрея Козечинъ вридинъ Аввакумъ и зѣ селы своими: Плязцы, Деревчаны, Выхонцы, Орокомцы, Любешевцы, Ведерцы, Лбляны, Глушаны, ставши у того вичища, у Воймина дуба, повѣдили, ижъ то есть у перхъ Припятью рѣкою по праву великое князство людей князя Чорторийского Гороцкое, а по лѣву великоежъ князство, единожъ Цырскіе, которые живутъ у селъ Цырскомъ посполите и теперь зѣ нашими людьми у томъ же селѣ Цырскомъ, маючи отъ нашихъ людей того села Цырского десятую часть земли между обѣмъ, ниву зѣ нивою, сѣножать зѣ сѣножатью, борть зѣ бортью, посполите мають; бо тые Цырскіе зѣ вѣку вѣчистого великого князства Пинского повѣту, и заложилися ку повѣту Ратенскому за короля его милости Казимира, и одно тые Цырскіе сами служатъ до Ратна, а люди наши, которые въ Цырскомъ селѣ живутъ, яко зѣ вѣку служивали намъ ку великому князству, такъ и теперь намъ ку князству служатъ. А што Горчане, люди великого князства повѣдили границу рѣкою Припятью внизъ, то для того, ижъ тые Цырскіе выломнися зѣ великого князства съ Пинского повѣту, и служатъ ку Ратну, а граница Великого князства съ Коруюю то есть Пинско зѣ Ратномъ.

Въ томъ мѣстѣ яко вели Горчане, люди князя Чорторийского, болотомъ оказуючы свои грани и привели ку Припять рѣцъ, ку вичищу Прорити-

По тымъ усимъ вичищамъ вдоль, якобы на двѣ мили. И оповѣдили по тымъ вичищамъ на многихъ мѣстцахъ знаки урубываны у соснахъ и въ дубѣхъ, а иншыя меняли быти повыковываны и пожжены отъ людей королевое ея милости Вижуицовъ, и повѣдили, ижъ отъ своея памяти и предковъ своихъ тыхъ земель были въ держанью въ покойномъ ажъ до тыхъ мѣстъ, поки князь Ковельскій тые мѣстныя свои королевой ея милости продалъ.

На то повѣдиль панъ Петръ Семашко именемъ брата своего пана Богдана Семашка, старосты Ковельского: яко почали вести панъ Янъ Свѣтницкій зѣ людьми Ратенскими и Любомскими села Кремня отъ рѣки Вижу смугою, меняли рѣчкою Березовою, и по всимъ тымъ вичищамъ вышей описанымъ до горы, которую менуютъ быти вичищомъ Теремцомъ, то есть кгрунтъ великого князства королевое ея милости, села ея милости Вижуицкого, которое село ея милость королевая маеть отъ князя Василья Ковельского, якожъ тые люди королевое ея милости Вижуицы сами, яко памяти ихъ зайдуть и предковъ ихъ, тыхъ земель у покойномъ держанью и вичиванью были ажъ и до сихъ часовъ. А тые границы, которые оны указываютъ у деревни врубываны, тымъ грани показадъ князь Сендюшко, который держалъ Ковель и Ратень и Любомъ и Вижу и вси тые села; ино тые грани чинилъ отъ села своего Вижуицкого для лововъ, и по тымъ грани далъ ухотъ и на нашу Вижуицкую; а другіе грани тотъ же князь Сендюшко чинилъ промежку своихъ имѣній: Ратномъ и Вижуикою, бо тое Ратно и Любомъ отняли ку Корую за Казимира короля. И хочу нашу милость по тымъ гранямъ повести, которые дѣлать Ратень съ Ковлемъ и зѣ Вижуикою.

цы, и тоею Припятью рѣкою у верхъ граница пришла великого князства Пинская зъ Ратенскою по праву Ратенскихъ селъ Ветлины и Щедрогоща, и полѣну великое князство. И вели отъ Проритицы вридинки князя Кошырского рѣкою Припятью у верхъ до вричща Липова острова, отъ Липова острова рѣкою жъ Припятью у верхъ до Врищова острова, отъ Врищова острова къ Лысой горѣ, отъ Лысой горы до Косова берега, и повѣдали, ижъ тутъ ся кончытъ граница тыхъ селъ нашихъ.

И ту стоячы повѣдали вридинки князя Андрея Кошырского, старосты Луцкого: и дворянныи господарскій Левъ Образцовъ, и панове Завишы, и вридинки князя Андрея Козечяны и съ тыми селы своими верху писанными, ижъ за короля его милости Казимера и за короля Александра и за счастливого панования короля его милости старѣйшого Жикгимонта, на томъ кгрунтѣ великого князства въ томъ обводѣ осадили зъ Ратна села на ими: Щитинъ, Чериче, Пѣбле, Раковъ Лѣсъ, Бузакн, Михновичы, Глушу, Борки. И повѣдали тежъ вридинки князя Кошырского, ижъ деи другій годъ, яко панъ Янъ Свѣтицкій, староста Ратенскій, моуде квалитомъ на кгрунтѣ великого князства властное озеро князя моего, князя Кошырского, уступуетъ на ими въ Доброе. Къ тому тежъ у томъ же кгрунтѣ великого князства многое дерево бортиное со бчодами вырубываючы, люди Ратенскіе и свое знамена кладутъ, и на все на то доводомъ слушнымъ хочеть доводити. Отъ Проритицы до Косова берега, куды съ князства вридинки князя Кошырского вели рѣкою Припятью того всего идолжъ якобы на шесть миль.

Привели вридинки князя Андрея Ко-

шырского Ирикъ Сметанка а Волянецъ и съ товаришныи своими, къ мосту, который есть на Припяти рѣцѣ и, перѣхавши Припять рѣку, повѣдали, ижъ тоею Припятью рѣкою у верхъ граница стародавняя есть Пинску зъ Ратномъ, и то есть Косовъ берегъ. И тутъ стоячы повѣдали вридинки королевое ее милости, Пасомъ а Андрей Ивановичъ и зъ мужми королевое ее милости имѣныя ее милости Хотешовского, ижъ зъ другое стороны зъ лѣвое Припяти рѣки, ку которой приходи Турья рѣка съ князства отъ Ковля, на которой есть млынь наша Яна Свѣтицкого, подъ дворомъ его Щитиномъ, который меновали быти вридинки королевое ее милости и вридинки князя Кошырского, ижъ тотъ млынь стоитъ ку криндѣ нашей на властномъ кгрунтѣ великого князства, и повѣдали, ижъ тоею рѣкою Турьею поправу внизъ князя Кошырского, а по лѣвой сторонѣ королевое ее милости ажъ до Припяти рѣки и Припятью внизъ ажъ до вричща берега Косова меначы по обѣма сторонамъ Припяти кгрунтъ великого князства.

Панъ Янъ Свѣтицкій на то повѣдалъ, ижъ то есть по обѣма сторонамъ, яко Припяти рѣки, такъ тежъ и Турья наше отчызное отъ давныхъ часовъ у въ упокои. А Хотешовъ и Мостница, села королевое ее милости, то менили быти повѣту Ратенского.

И отъ того Косова берега вели насъ королевое ее милости вридинки и зъ мужми королевое ее милости Хотешовскими внизъ Припяти рѣки, и повѣдали, ижъ по правой сторонѣ тое рѣки Припяти князя Кошырского земля, а по лѣвой сторонѣ королевое ее милости; и привели насъ рѣкою Припятью ку вричщу селыцу Солнечкову, и повѣдали, ижъ то есть островъ королевое ее ми-

лости людей Хотешовскихъ, и то есть селыце подданого королевое ее милости Хотешовского Солнечково, издавна тотъ островъ былъ въ держанью къ селу Хотешову за великого князя Витолта и за Шинтригайла. А граница Пинску зъ Ратномъ рѣка Припять, а тотъ островъ есть у Ратенскомъ повѣтъ, которого острова отъ давныхъ часовъ люди королевое ее милости Хотешовскіе у спокойномъ держанью и во вжланию были за великого князя Витолта и за Шинтригайла.

Панъ Янъ Свѣтицкій повѣдалъ, ижъ то есть дѣдизна моя, и то есть правда, ижъ Солнечко, который млынь былъ съ Хотешова, былъ на томъ троху дальномъ мѣстцу, альбо на иномъ кутѣ, дальномъ того острова, который ку Ратну служилъ, съ чого былъ повинень служить и служилъ, але кгда потомъ престалъ служить, зася ему то отнято и при Ратну предъ ся zostało.

И вели насъ вридинки королевое ее милости отъ рѣки Припяти, опутивши Припять уприво, отъ селыца Солнечкова болотомъ Яромъ мимо озера, которое называютъ Светое, держачи тое озеро Светое влѣвъ, и просто болотомъ до другого озера Островья, а тое озеро Островье меначы быти по половицы королевое ее милости съ паномъ Яномъ Свѣтицкимъ.

Панъ Свѣтицкій повѣдалъ, ижъ вридинки королевое ее милости вели полторы мили назадъ, и вели все имѣемъ монимъ властнымъ Щитинскимъ ажъ до другого имѣныя Невѣрского и до двора моего, который есть на озерѣ Островья.

Вридинки королевое ее милости, ставшы на концу того озера Островья, повѣдали, ижъ съ того озера граница вышла болотомъ Островьемъ ажъ до озера Орѣховского.

Панъ Свѣтицкій повѣдалъ, ижъ то все, яко болото, такъ и озеро Островье до границы села короля его милости Щедрогоща повѣту Ратенского, и вхавшы тымъ болотомъ якобы чертъ мили оповѣдалъ панъ Свѣтицкій, ижъ то все земля пришла селъ Ратенскихъ Щедрогощская по лѣву, а Радостовская по праву.

Вридинки королевое ее милости повѣдали, ижъ то не есть земля Щедрогощская а ни Радостовская, але есть то все земля королевое ее милости Хотешовская ажъ до озера Орѣхова. И вели вридинки королевое ее милости краемъ озера Орѣховского, озеро по праву, а землю королевое ее милости Хотешовскую по лѣву, и привели до рѣчки, которая идетъ болотомъ, которую называютъ Щучья, але того чиеу въ ней воды не было, и повѣдали, ижъ ся вже тутъ кончытъ граница королевое ее милости Хотешовская, а починаеть ся граница князя Андрея Кошырского имѣныя его Рѣчяцкаго. И вели насъ вридинки князя Андрея Кошырского Сметанка а Волянецъ и зъ людьми князя своего Рѣчяцкими тоею рѣчкою Щучьею уверхъ до рѣчки Вязовень, отъ Вязовень до Тесоболя озера, пуцаючы озеро у право въ Ратенское, отъ Тесоболя ко Мшаному озеру, ото Мшана до Конницъ поповъ Ратенскихъ, отъ Конницъ къ Залубинкимъ мостомъ въ рѣку Припять. Тутъ повѣдали вридинки князя Кошырского, ижъ то есть рѣка Припять, яко сьемо перѣй того повѣдали, ижъ таа рѣка Припять чинитъ границу Пинску зъ Ратномъ; а тотъ островъ, куды вридинки и люди королевое ее милости Хотешовскіе и мы тежъ зъ людьми князя своего цели, то есть за границю Пинскою, але есть у во вжланию пановъ нашихъ и людей ихъ за велико-

го князя Витолта ажъ до сихъ часовъ, единожъ моцне квалтомъ пчолу намъ деруть, дерево бортиое казять; а тые села Щедроощъ а Каморово въ томъ островъ на кгрунтъ нашомъ осажены.

И вели Принптыю рѣкою якобы на полъ мизи, у верхъ держачы посередъ Припяти границы до Выжвы рѣки, отъ Выжвы рѣки до мосту, который есть на Выжвѣ рѣцѣ, черезъ который дорога идетъ зъ Ратна до Возыня и до Володимера. И повѣдали, ижъ ся ту койчы граница князя Кошырского имѣня его Рѣчыцкого и менячы Ратенско по праву, а великое князство по лѣву.

Панъ Янъ Свѣтицкий повѣдилъ, ижъ якомъ первѣй того повѣдилъ, такъ и теперъ повѣдамъ, ижъ, куды вели съ князства теды, то есть по обѣмъ сторонамъ Ратенско, бо оны опустивши границу, и вели презъ кгрунтъ Ратенскій.

Отъ Косова берега, куды вридинки и люди королевое ея милости и прядинки и люди князя Кошырского вели отъ Припяти по тымъ врочыщамъ вышей мененымъ до Припяти жъ того острова вдолжъ якобы на пять миль, а въ ширки розницы якобы на три мили, а лѣвъ меньшы, а лѣвъ большы.

#### Обводъ великого князства.

Индиктъ 5, мѣсеца Септебра 7 день.

Вридинкъ королевое ея милости Андрей Ивановичъ и вридинкъ князя старосты Володимерского князя Федора Андреевича Санктушкевича Лука Фурсовичъ и зъ людьми селъ своихъ королевое ея милости селъ, Обланскими, Секуними, Гридькошичи, Городицаны а князя старосты Володимерского селъ: Сереховичы, Грабовцы, Мелчань, Синоуцы, отъ мосту, который есть на Выжвѣ рѣцѣ, и презъ который дорога идетъ зъ Ратна на Волынь и до Любомля, и вели тою рѣкою Вижевою уверхъ якобы на

полтрети мизи, и привели до рѣчки Хочева, которая, повѣдають, идетъ отъ Панева ставища и впадаетъ у рѣку Вижу, и повѣдали, ижъ отъ того мосту, который есть на Вижѣ рѣцѣ, до тое рѣчки Хочева, то есть земля людей королевое ея милости и князя старосты Володимерского посполитая тыхъ селъ нышейписаныхъ, и по праву тое рѣки Вижвы то есть Ратенское, а по лѣву великое князство, а за тою рѣкою Хочевою то есть иже однихъ людей королевое ея милости земля, селъ ея милости Городицанъ, Гридькошичъ, Секуничъ, а то есть островъ Короуичы.

Панъ Янъ Свѣтицкий повѣдилъ, ижъ што вы тою рѣкою Вижевою вели, менячи быти кгрунтъ свой, то не есть такъ, але то Ратенскій кгрунтъ селъ Выдренецкихъ, а никгда не бывало то ку великому князству. Панъ Петръ Семашко именемъ брата своего пана Богдана Семашка, старосты Ковельского, зъ людьми великого князства королевое ея милости Вижевы, вели немного тою рѣкою Вижевою до врочыща Колодины на поле малое, на которомъ рѣпы посѣяны зъ Глухъ села Ратенского, и вказалъ панъ Петръ Семашко сосну, у которой врубъ глубокий съ одное стороны сосны, а другій пень сосны зрубанный, и повѣдалъ зъ мужми села Вижевого, ижъ въ той соснѣ были грани врублены зъ обудухъ сторонъ, але ихъ такъ годъ скажено, якожъ тое скаженъ знаковъ есть обвожено вижы замкомъ короля его милости зъ Луцка и зъ Володимера. И повѣдилъ, ижъ то есть граница межы Вижвы, селъ великого князства, а Ратенского села Глуховъ.

Панъ Войтехъ Свѣтицкий именемъ брата своего старосты Ратенского повѣдилъ, ижъ тые границы указываетъ

панъ Семашко, тогда не суть то границы тыхъ селъ, але то есть зъ обуду сторонъ Глушеская земля.

Потомъ панъ Семашко зъ людьми Вижевыми указалъ поля нововыробленные, на которыхъ рѣпы посѣяны, и повѣдилъ, ижъ то Глушчане села Ратенского ново выробили, и два пни на нихъ выжжены, у которыхъ повѣдилъ, ижъ тутъ знаки были, которые Глушчане показали. И оттоле велъ до рѣчки Колодины черезъ поле, на которомъ враница и три стожки жыта стоять, и тою рѣкою Колодиною вели насъ ку горѣ якобы на полъ мизи, и надъ тою рѣкою указали дерево ясенъ, у которомъ указали грани крижы, и повѣдали, ижъ то есть враница Лядски Берня, и по лѣву есть князство, Вижевое, а по праву села Ратенского Глуховъ, одно же тая рѣчка выехла, ижъ въ ней вода лѣвъ есть, а лѣвъ ижъ.

А въ той мизи на колькусъ мѣстахъ рѣпы насѣяны и поля нововыроблены, а лѣвъ жыта на повинахъ же Глушчане посѣяли. И велъ насъ недалеко того мѣста и вказали дерево ясенъ у которомъ, зъ одное стороны выколото знакъ, а зъ другое стороны выжжено.

На то Глушчане люди Ратенскіе повѣдали, ижъ то есть наша стѣна зъ Дубичаны и съ Крехняны, людьми Ратенскими, и того сѣмъ теперь по живанью; потомъ вказали у деревъ ясеню такежъ зъ одное стороны знакъ вырубанный, а зъ другое стороны выжженный. И отъ того дерева привелъ насъ до врочыща Линичъ и тамъ указали у двухъ ольхахъ великихъ камень великий, межы тыми древы урослый, и то повѣдали быти границы Вижевскіе по лѣву, а по праву Дубичинского села Ратенского.

Панъ Свѣтицкий на то повѣдилъ, ижъ

то есть зъ obu сторонъ Ратенскій кгрунтъ, а Дубичине его по живанью.

Панъ Семашко зъ Вижевскими людьми повѣдилъ, ижъ то есть зъчисто Вижевское князство великое. И вели насъ надъ рѣкою, которая съ Колодины идетъ надъ Холопичнымъ лѣсомъ; и вели презъ поля и кошары ажъ до дороги, которая идетъ зъ Вижвы до Дубичина, и тамъ на дорожѣ оказали Вижевяне дубъ порубанный, въ которомъ повѣдали быти знаки, але показаны, не знати ихъ, и чересъ тую дорожку на туюжъ рѣку, которая съ Холопина лѣса, якобы на два стрѣленя зъ лука указали дубъ, въ которомъ указали знакъ съ одное стороны древа, а зъ другое стороны вырубанный; а потомъ привели насъ надъ тымъ же Холопичнымъ лѣсомъ и вказали намъ дубъ, въ которомъ крижи зъ обуду сторонъ, и повѣдали, ижъ то есть граница Вижевская, которая чини границу зъ Дубичаны села Ратенского; по лѣву Вижевское, князство великое, а по праву Ратенское село Дубичанское. И недалеко того дуба въ дву дубахъ такъ же оказали знаки, ижъ тые дубы три посполу одинъ отъ другого на кольку кроковъ, а потомъ отъ тыхъ трехъ дубовъ вели насъ надъ лѣсомъ Лютымъ презъ поля и пашни, межы стоги Кремиецкіе Ратенскіе, и повѣдали, ижъ тые поля были Вижевскіе, але ихъ квалтомъ съ Кремна села Ратенскіе отнято. И вели насъ рѣкою Лютою, которая идетъ лѣсомъ Лютымъ, и повѣдали, ижъ и было забрано на тыхъ поляхъ, къ чому ся и Ратняне сознали; а потомъ привели до дубу великого, и повѣдали, ижъ то есть граница наша Вижевская съ Кремномъ; а Кремияне повѣдали, ижъ то есть граница наша Кремиинская зъ Любичинцы села Ратенскими, одное половицы съ Кремна, а зъ дру-

того села зъ Любочици, зъ Любомека; а отъ того дуба вели насъ рѣчкою Лютою до Теремца до врычища до горы.

А того всего обводу отъ рѣки Вижи отъ врычища Колодина до Теремца горы якобы на три мили.

А въ томъ заводѣ куды, зъ Ратна панѣ Янѣ Свѣтницкѣй староста Ратенскѣй велѣ, поченны отъ ния Селивонова, который есть надъ Припятью, по велимъ урочищамъ выше описанымъ ажъ до горы врычища Теремца, такъ тежъ куды обводили зъ великого князства вридинки королевое ея милости, и вридинки князя Кошиарского съ товарищи своими и вридинки князя старосты Володимерского, въ тыхъ обвохъ заводехъ Ратенскихъ селъ, которые осажены повѣдаютъ на кгрунтѣ великого князства, то есть: первое село у Цыри селѣдесята часть Цырекихъ, другое Борки, третия Глуша, четвертая Щедрогащъ, пятое Щитинъ, шестое Чериче, семое Бузани, осьмое Раковъ Лѣсъ, девятое Михноичи, десятое Пабле, первоенадцать Величье, другоенадцать Поступле, третеенадцать Замышане, четвертоенадцать Датынь, пятоенадцать Васильки; а то въ томъ же заводѣ, который менуетъ староста Ратенскѣй якобы на кгрунтѣ Ратенскомъ мѣли быти осажены села зъ великого князства, то есть на имя: первое у Цыреку, якобы девять частей, другое Глушка, третее Ведеръ, четвертое Пабле, пятое Лахвичи, шестое Хотешовъ, семое Мостица, а того всего, куды панѣ Янѣ Свѣтницкѣй велѣ, поченъ отъ Селивонова ния до горы Теремца, вдоль якобы на пятнадцать миль.

А куды вридинки королевое ея милости и князя Кошиарского съ товарищи своими, поченны отъ рѣки Проритицы, и куды вридинки князя старосты Володимерского вели ажъ до горы Теремца,

вдоль якобы на семнадцать миль. А ризницы въ ширки промежку тыхъ обводовъ идѣ на десеть миль, а идѣ на пять, а идѣ на двѣ, а идѣ меньшы.

#### Обводъ коруний.

Идидикъ 5, мѣсеца Сентебры 13 день, въ понедѣлокъ.

Ставши у горы, у врычища Теремца земляне повѣту Любомского Городецкѣ, Янѣ и Василей вели черезъ болото рѣчкою Лютою унизъ до рѣки Вижи, гдѣ впадынаеть Люта у рѣку Вижу, и тою рѣчкою Вижою вверхъ до рѣки Оходное, и повѣдили межъ тыхъ граней Теремца тоею рѣчкою Лютою, и тоею рѣчкою Вижою до рѣки Оходное съ обудуухъ сторонъ, яко съ Корунъ такъ и съ князства упокойную границу. И вели Городецкѣй земляне тоею рѣчкою Оходною вверхъ до горы Кремяное до дороги великое; отъ тоей горы изили земляне Любомскѣ Кграбинскѣ а Окунинскѣ вели тою дорогою великою, которая идетъ зъ Берестыа къ Володимеру на Вижу, менячи тую дорогу границу собѣ зъ селомъ великого князства князя Федора Вишневекого Видютежъ а зъ селомъ князя Федора старосты Володимерского Смедипомъ ажъ до врычища рѣчки Черича, и вели тою дорогою якобы на полторы мили. Тутъ панѣ Петрѣ Семашко зъ людьми королевое ея милости Наридубскими повѣдиль: къ той дорогѣ въ томъ мѣстѣ граница пришла села людей королевое ея милости Наридубского. И вели насъ весполокъ тою дорогою яко зъ великого князства, такъ съ Корунъ якобы на четверть мили, менячи собѣ тую дорогу за упокойную границу. Потомъ Кграбинскѣй съ Окунинскими земляны Любомскими повели съ тоей дороги дорогою другою на лѣво, которая идетъ до села

королевое ея милости великого князства къ Наридубомъ, и вели тою дорогою якобы на четверть мили и приѣждичаючы къ селу Наридубомъ, поблизу тую дорогу опустившы лѣво въ село, а насъ повели на право сѣножатъми и полъми и перелѣсанками якобы на полъ персты безъ дороги, ижъ тамъ наийбѣшого куска дороги не оказало, и извели насъ на тую жъ великую дорогу, которою панѣ Семашко зъ людьми королевое ея милости велѣ. И тутъ на той дорогѣ Кграбинскѣй съ Окунинскими повѣдили, ижъ потулъ есть наша граница, а то вже есть земля землянъ Стокорскихъ корунийныхъ.

Тогожъ дня въ понедѣлокъ земляне Любомскѣй Стокорскѣй повѣдили быти границу свою и зъ людьми великого князства королевое ея милости Наридубы отъ пяти Кграбинского, отъ дороги гостинца Витолтова, у которыхъ мѣстѣхъ Кграбинскѣй задѣлъ границу свою противъ села великого князства Сомина, до дорожки, которая идетъ отъ Перевалъ до Лукана, и повѣдиль, ижъ тутъ у тоей дорожки пришла граница Кграбинского у потоку.

Нато повѣдиль панѣ Петрѣ Семашко именемъ брата своего пана Богдана Семашка, старосты Ковельского и зъ людьми королевое ея милости Наридубы: куды Городецкѣй и Кграбинскѣй а Окунинскѣй и Стокорскѣй вели, то есть властная а звѣчмая земля а кгрунтъ королевое ея милости имѣны ея милости Наридубского.

Того обводу Стокорскихъ якобы на четверть мили.

#### Обводъ великого князства.

Тогожъ дня у понедѣлокъ мѣсеца Сентебры 13 дня.

Ставши у горы у врычища Теремца

оповѣдиль панѣ Петрѣ Семашко именемъ брата своего пана Богдана Семашка, старосты Ковельского, што есмь я въ субботу оповѣдиль границу межъ селъ королевое ея милости, то есть замку ея милости Вижевского и села старого Вижевского, ижъ границы великого князства съ Корунъ тутъ ибѣтъ, бо Ратенъ и Любомъ было великого князства а отчизны князей Сендюшковичовъ, а отышолъ тотъ Ратенъ и Любомъ за Казимера короля, яко часу своего то все будетъ оказано. А то грани промежку селъ Ковельскихъ: Вижою мѣстечкомъ и селомъ старымъ Вижевскимъ. А теперь тежъ повѣдаю грани такъ же межъ селъ: напервѣй отъ того Теремца поченны рѣчкою Лютою, по праву тоей рѣчки Лютое, земляны Любомскихъ Городецкихъ Яна и Василей, а полъву королевое ея милости Вижевское, и тою рѣчкою Лютою у рѣку Вижу и рѣчкою Вижою вверхъ.

И повѣдили, межъ тыхъ граней, Теремца, тоею рѣчкою Лютою и тоею рѣчкою Вижою до рѣки Оходное, аъ обудуухъ сторонъ, яко съ Корунъ, такъ съ князства упокойную мають границу. И оттуль вели ку врычищамъ Лавамъ, отъ Лавъ ку двору Сенкушкову, который бывалъ у ловищахъ, оттоль тоежъ рѣчкою къ мостицу Коринну, отъ мостица къ Чорному плесу, отъ Чорного плеса зъ рѣки Вижи, опустившы рѣку Вижу направо, у рѣчку Чорную, а рѣчкою Чорною вверхъ къ Соломени и тымъ Соломенемъ къ Можковымъ лѣскомъ, отъ лѣсковъ у рѣчку Чериче, и Черичомъ рѣчкою у Демьяново болото, отъ Демьянова болота на дорогу великую, которая идетъ зъ Берестыа къ Володимеру на Вижу, тою дорогою чрезъ селъ Стахоры земляны Любомскихъ на бродъ, менячи тое село направо Любомское, а полъву великое



князство сель королевое ее милости Паридубского и Годеницкого. И повѣдали люди королевое ее милости Паридубские и Годеницкие, ижъ у того коловорота наша граница доконала.

На то земине Стакорские Любомские повѣдали, ижъ тутъ по обѣмъ сторонамъ наша есть отчызна.

Обводъ Корунны польское, поченны отъ Теремца и поки Кграбинскій съ Окуинскими перестали на дорожъ, на противку села королевое ее милости Сомнина,—по всемъ тымъ вочыщамъ вдоль якобы на чотыри мили.

А куды зъ великого князства Семнишко зъ людьми Паридубцы вели, поченны отъ Теремца ажъ до села Стахоръ, по всемъ тымъ вочыщамъ вдоль на чотыри мили; а въ тыхъ обводѣхъ обѣихъ у шырки якобы на милю.

Тогожъ дня скоро съ того сельца у коловорота выжидаячы поткали насъ люди великого князства села королевое ее милости Сомнины и повѣдали, ижъ тутъ наша граница зила ся съ Паридубскою и Годенецкою, и зоставивши тую дорогу великую налѣво и насъ вели направо черезъ поля къ болоту якобы на стрѣленъ зъ лука и повѣдали, ижъ посередъ того болота наша граница Соминская, а поправу того болота половина села Луковского земинина Любомского Кграбинского и тымъ болотомъ до Ольхова Лаза, отъ Ольхова Лаза до Дорогинина лѣса; тутъ менили собѣ границу быти съ Окуинскими а зъ Моковскою земини Любомскими тотъ лѣсъ Дорогининъ наполю. И съ того лѣса Дорогинина вели насъ Сомнины якобы на двѣ стрѣленъ зъ лука, и привели къ двумъ озеромъ и менили направъ озеро быти Окуинскихъ земляхъ Любомскихъ, а полѣву озеро Соминъ села великого князства Соминского; тутъ повѣдали направъ

кгрунтъ пановъ Окуинскихъ и пана Свѣтицкого, села его Трушковского полѣву Любомского, и вели насъ сѣножатьми до рѣчки Рудки, меничи быти поправу землю пана Свѣтицкого Трушковскую, а полѣву Соминскую великого князства, отъ тое рѣчки Рудки вели ку Лазиномъ лѣсу: у того лѣса менили быти поправу землю Каспора Новоселского, земинина Любомского, а полѣву великое князство, Соминское. Отъ того лѣса Лазинъ до другого лѣса Серебова, у того лѣса Серебова повѣдали, ижъ тутъ вже земля пришла съ права пана Свѣтицкого Перевальская отъ того лѣса Серебова вели насъ до Окуинского болота, отъ того болотца до Коршкова дуба, отъ дуба до дороги Соминское, которая идетъ изъ Сомнина до Перевалъ; и повѣдали, ижъ тутъ ся вже граница наша кончыть, а поткала граница Торговицкая села князя старосты Володимирского. Того обводу, куды вридинъ князя Кошырского зъ людьми Соминскими велъ, поченны отъ Стакорского села до дороги Торговицкое, по всемъ тымъ вочыщамъ вдоль якобы на полторы мили.

На то панъ Янъ Свѣтицкий и Кграбинские и Окуинские повѣдали: куды вели зъ князства люди королевое ее милости Сомнины, то все есть кгрунтъ а властная земля наша.

#### Обводъ Любомскій.

Мѣсеца Сентебрия 14 день, у волторокъ.

Земининъ Любомскій Кграбинскій зъ людьми села своего Лукова повѣдали быти границу свою и зъ людьми великого князства села королевое ее милости Сомнина отъ пяти потока, гдѣ здали ему земине Стакорские, до вочыща Соломца, до пяти земляхъ Любом-

скихъ, Окуинскихъ и Гомаковскихъ. Обводу Кграбинского вдоль якобы на полъ мили.

На то люди великого князства королевое ее милости Сомнины повѣдали: куды Кграбинскій велъ, то есть по всемъ тымъ границамъ наша властная а вѣчистая земля, а во вживанью споконномъ мы ажъ до сихъ часовъ; лечь яко тотъ Кграбинскій тое село купилъ, тогда насъ почалъ вытискати отъ шести годъ.

Тогожъ дня мѣсеца Сентебрия 14 день, у волторокъ.

Отъ Соломца, пяти Кграбинского села его Луковского земине Любомские Окуинские повѣдали быти границу свою и зъ селомъ великого князства королевое ее милости Соминомъ отъ болота Омакова рѣчкою до Соломца рѣчки, отъ Соломца до рову шыкопаного зъ озера Соминского, отъ рову до вочыща Трошака Рачины, и повѣдали, ижъ ся наша граница тутъ кончыть, а пришла граница пана Яна Свѣтицкого. Того обводу Окуинскихъ якобы на милю.

На то повѣдали вридинъ и люди королевое ее милости Сомнины: куды Окуинские вели, то есть властный а вѣчистый кгрунтъ нашъ и того смы у нѣ упокойномъ держанью.

#### Обводъ зъ Любомля.

Мѣсеца Сентебрия 14 день, у волторокъ.

Панъ Янъ Свѣтицкий повѣдалъ, меничи быти границу свою имѣния своего Перевальского и зъ селомъ великого князства королевое ее милости Соминомъ, и взявъ границу отъ земляхъ Любомскихъ Окуинскихъ села ихъ Омаковского, отъ млына отъ Окуинскихъ оттолъ ровкомъ до озера Соминского, и повѣдалъ посередъ того озера

границу свою и зъ Соминомъ, отъ того озера уверхъ до млына Соминского, и повѣдалъ якобы тотъ млынъ мѣлъ быти збудованъ на кгрунтъ его, и менилъ тую рѣчку Румяною, и тою рѣчкою Румяною до броду, который повѣдалъ на той же рѣцѣ Румяницъ, оттолъ до лѣса Осового тамъ повѣдалъ панъ Свѣтицкий по лѣвой сторонѣ великое князство князя старосты Володимирского, князя Федора Андреевича Санкушковича, имѣния его Торговицкое, а поправу Перевальская, отъ того лѣса Осового, займаючи посередъ болота великого до копцовъ старыхъ, которые дей середъ болота стоять, о которыхъ намъ перый не повѣдалъ, оттуль до гребелки, которая есть на тойже рѣцѣ Румяницъ, тамъ отъ тое гребелки боромъ, мениючи тую жъ рѣчку Румянку Лозами, до верху болота, и повѣдалъ, якобы съ того болота тая рѣчка Румянка мѣла ити, оттуль презъ двѣ дороги, которые идутъ съ перевалъ, одна до Торговища, а другая до Видутя ку дубу надъ озеро. И повѣдалъ, якобы мѣли тотъ дубъ называти кудрявымъ, отъ того дуба якобы на кликъ и повѣдалъ межъ дву сосонъ конецъ, и повѣдалъ, ижъ то по лѣву есть земля князя старосты Володимирского, а поправу имѣния своего Перевальского, и оттуль полемъ до дву могилъ, отъ тыхъ дву могилъ до лѣса, который зовутъ Волчынцомъ, посередъ лѣса того Волчынца до Горожанъ до конца, отъ того конца до другого конца и до Василькова ставку, оттуль до дву могилъ до озера Светого. И посередъ озера ставши повѣдалъ по лѣву кгрунтъ великого князства, а поправу своихъ селъ, и зъ того озера Светого повѣдалъ, ижъ ту пришла земля князей Курцевичовъ имѣния ихъ Туричанъ. На то повѣдалъ вридинъ Соминскій зъ



людьми великого князства Соминским, и вридинъ князи старосты Володимерского Долзскій Богданъ Кголимонть куды пашъ Свѣтицкій велъ яко зъ селомъ Соминскимъ королевое ея милости, такъ тежъ зъ имѣнны князи Оедора Санкгушкевича, маршалка земли Волинское, старосты Володимерского, Торговицкаго и Долзского, по всемъ тымъ границамъ и врищамъ многіе повѣдали имена, которые не суть такъ названы, и куды онъ велъ, то есть кгрунтъ села королевое ея милости Соминна и имѣней князи старосты Володимерского, Торговицкаго и Долзского, и которые концы собъ сеновалъ быти за грань, тамъ концы нигды не бывали, а не есть то грань межъ тымъ имѣнны.

А по тымъ границамъ мы сами не ѣздили, чотыри дни сьмо товаришомъ нашихъ ждали, хотячы по границамъ ѣхати, оны въ паша Свѣтицкаго въ Перевалехъ мѣшкали, потомъ оный шостого дня списки намъ прислали.

#### Обводъ великого князства.

Мѣсеца Сентебрия 14 день, у волюрокъ.

Тутъ въ тое дороги, которая изъ Соминна до Перевала идетъ, у Кошаркова дуба оповѣдалъ вридинъ и зъ людьми князи старосты Володимерского, его милости князи Оедора Андреевича Санкгушковича, Долзскій Богданъ Кголимонть, ижъ тутъ въ тое дороги кончатъ граница села великого князства Соминская, кгрунтъ королевое ея милости, а поткала граница села князи моего Торговицка; и повѣдалъ, ижъ тутъ границы коруиноя нѣтъ, бо Ратенъ и Любомъ было князей нашихъ Сендюшковичовъ, якожъ на оный часъ того ихъ милость молчати не будутъ.

А што ся тычетъ границы межъ селъ, я оповѣмъ. И велъ пашъ отъ того Кошаркова дуба ко млыну вѣтренему, гдѣ теперь капличка стоить; и повѣдали, ижъ таи капличка поставена на властной земли князи моего, а тому есть два годы. Отъ млынка велъ болотомъ Волческимъ ажъ къ перетоку къ Мошенскому лѣсу а ку дорожъ, которая къ Туричаномъ идетъ съ Перевалъ; у которое дороги конецъ оказали, и по праву менили быти коруиноя, а по лѣву великое князство. И повѣдали, ижъ ся тутъ граница села князи моего Торговицкаго кончатъ, а починаетъ ся земля князей Курцевичовъ, имѣнны ихъ Туричанского. Того обводу князи старосты Володимерского имѣнны его Торговицкаго отъ Кошаркова дуба до Мошенского лѣса до дороги, которая къ Туричаномъ съ Перевалъ идетъ, вдоль на мило.

Пашъ Янъ Свѣтицкій на то повѣдалъ, ижъ куды вридинъ князи старосты Володимерского Долзскій велъ, то все есть властная земля имѣнны моего Перевальского.

#### Обводъ коруинный.

Мѣсеца Сентебрия 15 день, въ среду.

Пашъ Янъ Свѣтицкій, староста Ратенскій, повѣдалъ, меничы быти границу имѣнны своего Перевальского и зъ князи Курцевичы имѣнны ихъ Туричанна отъ того озера Светого къ долу, и менилъ якобы тымъ доломъ мѣла рѣчка Романиха выйти съ озера Светого, и повѣдалъ границу свою съ князи Курцевичы до рѣчки Турьи, а отъ Турьи повѣдалъ у рѣчку Турку, и повѣдалъ, ижъ на той рѣчкѣ ставъ збудованъ, которого зовуть Воппханки, отъ того ставку Оппханки повѣдалъ рѣчку Глубочницу, которая, повѣдасть, упала у

тотъ же ставъ, тою Глубочницею черезъ лѣсъ Зябки на рогу болота Королева у Бартошовъ островъ, и тутъ пашъ Свѣтицкій повѣдалъ, ижъ ту доконала земля князей Курцевичовъ, а пришла земля великого князства пашовъ Овлучемскихъ села ихъ Овлучима, а по праву менилъ свою землю Перевальскую.

Князь Богданъ а князь Михайло Курцевичы на то повѣдали: по которымъ границамъ пашъ Свѣтицкій велъ, то есть властность паша и въ упокойномъ держанью, а когда будетъ того часъ, будемъ умѣти и зъ Свѣтицкимъ о то мовити.

#### Обводъ великого князства.

Мѣсеца Сентебрия 15 день, у среду.

Въ тое дороги, которая идетъ съ Перевала до Туричанъ, у конца, гдѣ подалъ границу вридинъ князи старосты его милости Володимерского Долзскій Богданъ Кголимонть и зъ людьми села его милости Торговицкаго, повѣдали князи Курцевичы: Князь Богданъ а князь Михайло, ижъ то есть на лѣвънаша граница, поченимъ отъ озера Светого, которое озеро на полы масмъ съ княземъ старостою Володимерскимъ его милости и межъ того озера и конца, зѣвъ которого стоимъ, масмъ два концы съ княземъ старостою его милостью. И тые концы намъ оказали, и повели черезъ дорогу гредою, которая дорога идетъ съ Перевала до Туричанъ, и повѣдали, ижъ тутъ на правѣ земля поивту Любомского, кгрунтъ паша Свѣтицкаго имѣнны его Перевальского, а на лѣвъ великое князство села нашего Туричанского поивту Володимерского. и тымъ грудомъ вели до ставу Хотеновичъ, отъ того ставка посередъ болота Чыстого стругою у Чорную Воду.

И повѣдали, ижъ у тое Чорное Воды граница паша кончить, а починаетъ ся земля пашовъ Овлучемскихъ, а шкодъ не повѣдали.

Того обводу, куды князи Курцевичы вели, поченимъ отъ того озера Светого до тое Чорное Воды, вдоль якобы на полъ мили.

#### Обводъ коруинный.

Тогожъ дня въ среду.

Пашъ Янъ Свѣтицкій повѣдалъ, меничы быти границу свою Перевальскую и зъ земли великого князства Овлучемскими: пашомъ Андреемъ а Иваномъ а Юрьемъ Гибвошевичы, отъ болота, которое прозымасть пашъ Свѣтицкій Королевнымъ болотомъ, и повѣдалъ, якобы по тому болоту тия жъ рѣчка Глубочница мѣла ити на гору до лѣса Тишина, отъ того рогу лѣса тоею жъ рѣчкою Глубочницею до Жукова острова, до Обидова: тутъ повѣдалъ, ижъ паша пришла земля Любомскихъ Олѣскихъ.

На то пашовъ Овлучемскіе повѣдали: куды Свѣтицкій велъ, то есть паша звѣчистая земля, которое мы зъ давныхъ часовъ у держанью; а то есть граница правдивая межъ селъ нашихъ съ пашомъ Свѣтицкимъ, куды мы окажемъ.

Тогожъ дня оповѣдали земліе Олѣскіе и съ людьми короля его милости Олѣскими поивту Любомского границы свои отъ пашы Свѣтицкаго имѣнны его Перевала а врищина Потымя на врищинамъ, то есть: отъ Потымя посередъ болота до Лютого лѣсу, отъ Лютого до броду Перетуе, отъ Перетуа до Городища надъ озеромъ, а зъ Городища посередъ озера Перетуа и посередъ болота до Мѣшка лѣса, и посередъ того лѣса рѣчкою до Домашнего рѣкою, а зъ Домашнего до Перехрестья врищина при гостиницу Володимерскомъ, а отъ Перехрестья до греды, отъ греды до Кочано-

ва ставку. А тамъ уже пришла граница воюости Городельское, старости земли Белзское Стешырыть а Заболотья: по тыхъ усихъ вроницахъ менили собѣ быти Олѣскіе границу съ паны Овлучимскими, князство пуццючы на лѣво, а направо въ Коруну.

На то панове Овлучемскіе повѣдили: по которымъ границамъ вели земляне Олѣскіе и зъ людьми короля его милости Любомского повѣту Олѣскими, то есть властная земля наша; лечь оны квалтомъ, моцью насъ самыхъ и людей нашихъ изъ земли нашихъ вытискають и вдѣлали намъ шкоду у збожьи у гвалтэхъ, у боехъ у грабежахъ въ забирании быдла и въ подрании пчолъ, въ порубанью дерева; бо мы малы отца оставили, и matka наша вдова: што хотѣли, то грабили, жыто и збожью брали, земли наши носѣдали, якожь въ тыхъ грабежахъ и квалтэхъ шкодуемъ собѣ на осмь сотъ копъ грошей.

#### Обводъ великого князства.

Тогожь дня въ среду.

Панове Овлучемскіе: панъ Андрей, а панъ Иванъ, а панъ Юрей Гѣвшевичи зъ людьми своими Овлучемскими вели отъ Черное Воды Чыстымъ болотомъ, гдѣ подали имъ границу князи Курцевичи и повѣдили, ижъ тутъ по праву земля повѣту Любомского акругитъ пана Свѣтницкого имѣнья его Перевальского, а по лѣву великое князство. а акругитъ имѣнья нашего Овлучемского. и вели тымъ болотомъ двѣ части у великое князство, а третью часть ку имѣнью пана Свѣтницкого Перевальского, и менили тымъ болотомъ вронищу Чорную Воду, и вели ажъ до Жукова ставка, и повѣдили, ижъ тутъ ся кончить граница пана Свѣтницкого имѣнья его Перевальского, а вже намъ есть граница зъ земляны и зъ людьми Олѣ-

скими, и ту тежъ зъ людьми королевскими Олѣскими жъ повѣту Любомского. И отъ того Жукова ставка вели насъ тою жъ рѣчкою Чорною Водой черезъ Чортовъ лѣсъ, меничи быти поправу акругитъ земляны и людей Олѣскихъ повѣту Любомского, а по лѣву имѣнья своего Овлучимского, отъ Чортова лѣса тою жъ рѣчкою Чорною къ ставищу. И повѣдили, ижъ у того ставища посадилъ люди свои земляны Любомскій Юхно Олѣскій на акругитъ нашомъ великого князства отъ десети лѣтъ. Отъ того ставища вели тою жъ рѣчкою Чорною, держачи Тешовъ лѣсъ по лѣвой стороне, и мало прѣхавшы тотъ лѣсъ повели насъ на лѣво отъ Черное Воды, и оповѣдили намъ три конца, конецъ просто, отъ конца до вронища лѣса Вьюницъ у рѣчку Невѣдомку и тою рѣчкою Невѣдомкою вверхъ до селища Щотова и повѣдили, ижъ то селище Щотово по праву Корунно; оттозе вели тою жъ рѣчкою Невѣдомкою до Ставрова лѣса ажъ у въ озеро Невѣдомку. У того озера повѣдили, ижъ тутъ земляны и людей Олѣскихъ граница кончается ся, а пришла граница села Стежерницкого повѣту Городельского, отъ того озера Невѣдома, куды вели черезъ багны къ Горицамъ, отъ Горицъ багномъ на рогъ лѣса Ванилова черезъ болото къ Наровцу, и повѣдили, ижъ тутъ вже граница наша кончить, а пришла граница села великого князства повѣту Володимирского Пузовская.

Того обводу, куды панове Овлучемскіе вели, почень отъ болота Чистого ажъ до Наровца границы Пузовское, вдоль якобы на полъ четверты мили. А куды Олѣскіе вели, почены отъ вронища Потымья, по всемъ вроницамъ до Качанова ставку якобы на чотыры мили, а розницы якобы на двѣ мили, а индѣ на мило.

Тогожь дня присылалъ до насъ владыка его милость Володимирскій Генрихъ вридика своего Гаврила, оповѣдаючи, ижъ которое село на имя Стежеричи надано на церковь Володимирскую Пречыстое Богородицы, которое село есть на сей сторонѣ Вугу отъ великого князства, то пакъ тыхъ недавныхъ часовъ воевода Белзскій панъ Крупскій то селѣ Стежеричи забралъ и теперь его держитъ; которое село межъ многихъ селъ Володимирского повѣту сию у дву мильхъ отъ Володимера, на што его милость владыка листы и твердости ма и часу своего то хоче оказати.

#### Обводъ великого князства.

Мѣсеца Сентября 16 день, у четвергъ.

Ставины у того вронища Наровца, въ которого подали Овлучемскіе земляне великого князства повѣту Володимирского панъ Богунъ, а панъ Тимошъ а Федоръ зъ имѣнья своего Пузова повѣдили, ижъ тутъ есть наша граница у пяти пановъ Овлучимскихъ у Наровца и повѣдили, ижъ по праву есть земля села Стежерницкого Городельского повѣту, а по лѣву великого князства, земля имѣнья нашего Пузовского. И вели насъ отъ того вронища Наровца отъ болота границю своею; которую менили быти промежку великого князства села своего Пузова и промежку села Стежерницкого Городельского къ Пенциному броду, отъ броду къ ставищамъ, край грады, держачи граду по праву у Коруну, ажъ до вронища Лѣсковъ, отъ Лѣсковъ вели насъ къ Самотешы, отъ Самотешы до дороги, которая идетъ съ Стежеричъ къ Володимеру. Тутъ повѣдили панове Пузовскіе, ижъ тутъ у то селѣ границы наша кончить, а пришла земля Устиплузская великого князства а села

владыки Володимирского Федоровского великого жъ князства.

Того обводу, куды земляне Пузовскіе вели, почень отъ Наровца болота до дороги, которая идетъ съ Стежеричъ къ Володимеру, вдоль якобы на мило, а поперекъ на полъ мили.

#### Обводъ великого князства.

Мѣсеца Сентября 16 день, тогожь дня у четвергъ.

Земляны господарскій панъ Михайло Котовичъ и вридикъ князя Александра Вишневого Устиплузскій и зъ людьми своими села Устиплузского вели, меничи быти границу свою и зъ селомъ Городельскимъ Стежеричи, которое село Стежеричи повѣдили быти владыки Володимирского наданое на церковь Володимирскую Пречыстое Богородицы. сножъ тыхъ недавныхъ часовъ Крупскій квалтомъ то селѣ Стежеричи забралъ. И вели насъ Михайло Котовичъ и вридикъ князя Вишневого отъ гребли Пузовское села великого князства до Волчихъ бродовъ, отъ Волчихъ бродовъ до лѣса Городельского Выдреницы посередъ рѣчки Выдреницы до дороги, которая идетъ отъ Городла до Володимера. отъ то селѣ дороги черезъ Вугъ къ тополю до поля соснового. отъ гаю на Красную гору. и повѣдили, ижъ тутъ у то селѣ Красное горы наша граница кончить, а починается граница князя Александра Вишневого села его Езовского. А што Пузовскіе повѣдили быти пату свою у дороги, которая изъ Стежеричъ до Володимера идетъ, тая дорога есть у нашей земли.

Того обводу Михайлова и вридика князя Вишневого отъ гребелки Пузовское до Красное горы вдоль якобы на двѣ мили.

# Обводъ Городельскій корунный.

На тыхъ есмо границахъ не были. Мѣсеца Сентебря 17 день, въ пятницу. Врочыща границъ Городельского старства земли Белзское отъ замку и отъ мѣста и отъ села починаеть ся отъ границы землянъ и людей Олѣскихъ повѣту Любомского зъ имѣньемъ Овлучпмомъ землянъ великого князства пановъ Глѣвошовъ повѣдили быти пята повѣту Городельского. Отъ врочница, которое называютъ зъ Городла Ставрова, отъ Ставрова врочница до гати, отъ гати черезъ багонъ, отъ багна боромъ черезъ гору, отъ тое горы черезъ малый багонъ, а отъ того багна черезъ боръ ку великому багну, который багонъ идетъ до Невѣдома озера: менили на лѣвѣ великое князство, а по праву Городельское. Отъ Невѣдома озера до великого багну, черезъ который багонъ дорода идетъ съ Лния мѣстечка къ дубу, отъ дуба ку соснѣ, которую менили быти зеленою, которое сосны только пенъ, отъ сосны на рогъ грады презъ дорогу, которую градою повѣдили якобы мѣла быти граница великому князству зъ Городельскимъ старствомъ: по праву Городельско. а по лѣву великое князство до врочница Качанъ ставка. отъ Качанъ ставка середь болота къ Паровцу лѣску, и черезъ тотъ лѣсокъ посередь болота мимо врочницю Черницы островъ: на лѣво князство менили быти. а по праву Черница островъ ку Городлу до врочница Свѣтими озера и по полъ озера того до врочница Городница и мимо врочницю Королевское Становице посередь болота ку врочницю Годенимъ. Отъ Годеня врочниця болота посередь того болота ку отпозѣ, которая идетъ съ того болота, отъ тое отпозѣ черезъ кустовѣ ку дорожѣ. а за тою дорогою

у подолъ и черезъ поле къ межѣ, отъ межѣ до суграни за дорогу Володимерскую ку Милееву озеру и по полъ озера того черезъ Бугъ, отъ Бугу у болота, и тымъ болотомъ подлѣ лозы къ потоку, который идетъ отъ тое лозы къ сѣножатемъ князя бискупа Луцкого, отъ тыхъ сѣножатей бискупныхъ подлѣ Лозъ доломъ ку колодезю врочницю, которого называютъ Каменимъ до Стрыжовское границы: на лѣвѣ менили быти великое князство, а по праву Городельское.

На то повѣдили зъ великого князства панове Овлучемскіе и земляне Пузовскіе зъ имѣния своего Пузови. а панъ Михайло Котовичъ а вранникъ князя Александра Вишневецкого зъ имѣния Устлуга и другій вранникъ князя Вишневецкого Езовскій и вранникъ Щасного Львовича Чернейковскій. тотъ тежъ Михайло Котовичъ и зъ зятемъ своимъ паномъ Яронимомъ, воеводичомъ Крупскимъ и зъ урядникомъ Щасного Львовича зъ имѣния своего посполитого Лудина одностае куды вели отъ Городла и зъ старства корунного. поченишы отъ границъ пановъ Овлучемскихъ землянъ великого князства. тые вси грани и врочница естъ у великомъ князствѣ и крѣпѣ отчизна наша и зъ вѣку великое князство. Коли будетъ того часъ, вене то оповѣмы и доводимъ слушнымъ ведаѣ обычаю права подперети хочемъ.

## Обводъ великого князства.

Мѣсеца Сентебря 18 день, въ субботу. индиктъ 5.

Вранникъ князя Александра Вишневецкого Езовскій Богунъ зъ людьми князя своего села Езовского, ставшы у тое горы врочниця Красного, повѣдили, ижъ отъ тое горы Красное отъ пята пана Михайла Котовича и князя моего села

Суличовского починаеть се граница имѣния князя моего Езовския и по правой сторонѣ то естъ земля Городельская повѣту Мѣлкого, а по лѣву великое князство, и вель насъ подлѣ тое Красное горы якобы на полторы версты, и тую гору Красную опустилишы ураво и отъ тое горы просто у Савинъ ровъ у Бугъ, и тутъ оповѣдали се вранникъ Хотчовскій князя бискупа его милости Луцкого Собестіанъ Вишинскій, ижъ тутъ ку Бугу на лѣвѣ у великомъ князствѣ посполъ и зъ землями князя Вишневецкого имѣния его Езовского у сѣножати князя бискупа его милости кваломъ уступуютъ и забираетъ панъ Янъ Свѣтницкій зъ имѣния своего Стрыжовки. И повѣдали вранникъ князя Вишневецкого, ижъ тутъ се вжо кончи граница села князя моего Езовския и князя бискупа его милости Луцкого сѣножати имѣния его милости Хотчовского, и по лѣву повѣдали быти великое князство, а по праву Городельского повѣту имѣния пана Свѣтницкого Стрыжовского.

Того обводу вранника князя Вишневецкого отъ Красное горы до Савина рову до Бугу вдоль якобы на полторы версты, а въ ширки якобы на полъ мили.

Тогожъ дня отъ того мѣстца Савина рову вель вранникъ Щасного Львовича села великого князства Чернейкова Турчинъ до Бугу и повѣдали, ижъ тутъ пану моему селу его Чернейкову по полъ Буга по праву Городельского повѣту имѣния пана Свѣтницкого Стрыжовского а по лѣву великое князство земля пана моего и вель насъ подлѣ Буга, менячи собѣ по половици рѣки Буга границу и вель насъ мимо село и мимо замочокъ Стрыжово уверхъ рѣки Буга, менячи собѣ границу по половици Буга якобы на полъ мили. И оттозъ пришевлъ ку до-

линѣ, которая идетъ зъ Лудинское дуброны у Бугъ, и повѣдали, ижъ тутъ ся кончить граница пана моего села его Чернейкова и починаеть ся граница отъ тое долины пана Михайла Котовича и пана моего Щасного имѣния ихъ Лудинского, а съ тое стороны Буга земля пана Яна Свѣтницкого села его Гусинского. И тутъ стоячы въ того догу оповѣдали панъ Михайло Котовичъ и зъ зетемъ своимъ паномъ Яронимомъ Крупскимъ, ижъ починаеть ся земля села нашего отчизного Лудинского, и менили собѣ быти границу по полъ рѣки Буга уверхъ, и вели насъ зъ Буга подъ село Гусино якобы на чертъ мили. И повѣдали, ижъ посередь стану Гусинского то естъ наша граница, а отъ стану вели насъ уверхъ же Вугомъ ажъ до вазу врочница Торонля, который къ самому Бугу прышолъ, и повѣдали, ижъ по праву за Вугомъ граница Свѣтницкого села его Гусина кончить, а прышла земля Петровского а Османского имѣния ихъ Городка. И вели насъ уверхъ Буга, менечи собѣ границу по половици рѣки Буга на правѣ Городельскій повѣтъ села Городецкого, а по лѣву великое князство села Лудинского, и вели мимо село Городецкое Вугомъ и мимо Городице Волинское, которое естъ по правой сторонѣ Буга, и мимо село свое Аммуково ажъ до Цутнева до села воли королевское повѣту Грубешовского. И повѣдали, ижъ тую волю Цутнево староста Грубешовскій панъ Дубовскій на властной отчизной земли нашей Лудинской осадилъ, и вели черезъ рѣку Цутнево Вугомъ уверхъ до врочниця Чорное лозы, и повѣдали въ тое Чорное лозы, ижъ тутъ наша граница отъ Буга идетъ влѣво до врочниця Глинницъ мимо Поромовскій гай ажъ до села земли владыки Володимерского

Боженки, а Вугомъ вверхъ то есть по-  
вѣтъ Володимирскій дѣлать съ повѣтомъ  
Бѣлзскимъ ажъ до Крылова въ тое грани-  
цы рѣки Буга отъ Ляховъ забраны села  
Володимирского повѣту паниа Михайль,  
а Порохово, а Кречово а Ясеново.

Отъ того логу, куды вель Михайло  
Котовичъ и зъ зятемъ своимъ паномъ  
Ярономъ Крупскимъ рѣкою Вугомъ  
уверхъ до вочища Черноє лозы идолжъ  
якобы на двѣ мили, а отъ Черноє ло-  
зы до границы Боженское идолжъ  
якобы на мило а розницю въ ширки,  
што Свѣтницкіе и Петровскіе и Осман-  
скіе изъ села своихъ завели, идѣ на  
полъ мили а идѣ на чертъ миль.

Того Михайло Котовичъ и враникъ  
Щасного повѣдили отъ дѣдовъ и пра-  
дѣдовъ своихъ у держанью, сножъ Пет-  
ровскіе а Османскіе изъ села своего  
Городка, боп, квалты, грабежи на  
многихъ мѣстцахъ намъ чинить.

#### Обводъ Свѣтницкого.

Мѣсеца Сентебрия 18 день, въ субботу.

Оповѣдилъ панъ Янъ Свѣтницкій гра-  
ницу имѣнья своего Стрыжовки зъ имѣ-  
ньемъ князя Александра Вишневого,  
селомъ великого князства Езювомъ, а  
зъ имѣньемъ Щасного Львовича Чер-  
нейковомъ, а зъ имѣньемъ Михайла  
Котовича и зятя его пана Яроима  
Крупского, воеводича Бѣлзкого, Лудни-  
скимъ, оповѣдилъ грани, поченины отъ  
Камени колодезя, гдѣ повѣдили, якобы  
мѣла быти пята въ того колодезя по-  
вѣту Городельского, отъ того колоде-  
зя до Вакачъ вочища, отъ Вакачъ до  
Буга и Вугомъ по полъ рѣки до Чер-  
нейкова, отъ Черникова черезъ Бугъ  
лозами до вочища Рудки, отъ Рудки  
подемъ до Могилы, отъ Могилы дорогою  
черезъ дубровы до Гусинское границы  
до вочища Глубинъ села своего Гу-  
сина и зъ селомъ Лудинскимъ вели-

кого князства, и повѣдилъ, ижъ отъ  
тоє Глубины починаеть ся граница се-  
ла моего Гусина зъ селомъ Лудинскимъ  
отъ Стрыжовское границы дуброва-  
ми до вочища Дивин горы, а отъ  
Дивин горы полми ку озеру Вере-  
пенишу. И тамъ здавъ панъ Свѣтниц-  
кій пату Петровскому села его Город-  
ка; которыхъ границъ обуду сель  
панъ Свѣтницкій вель якобы на двѣ ми-  
ли, и повѣдилъ панъ Свѣтницкій, ижъ  
мамъ то у въ упокойномъ держанью.

На то панове Лудинскіе повѣдили:  
въ томъ мѣстѣ зъ нами насъ Бугъ дѣ-  
лать по полъ рѣки, а куды ты вель,  
то есть вѣстность наша.

Тогожъ дня, мѣсеца Сентебрия 18 день,  
въ субботу.

Земине Городельскіе, Петровскіе и  
Османскіе повѣдили быти границу свою  
имѣнья своего Городка зъ имѣньемъ  
Лудинскимъ великого князства паномъ  
Котовичомъ: напервѣй отъ вочища рѣ-  
ченого Рову дубровою горою до вочи-  
ща Глубокое долины, отъ долины пол-  
ми и дубровами до Кочаное могилы,  
отъ тоє могилы посередъ озера Ракова,  
отъ того озера черезъ лѣсъ до Буга.

А того всего укрутъ якобы на мило,  
а въ ширки межи тыхъ двухъ обводомъ  
Лудинского и Городского якобы на полъ  
мили:

На то повѣдили панове Лудинскіе: ку-  
ды вели панове Городельскіе, Петров-  
скіе а Османскіе, то есть отчизна на-  
ша по вѣмъ тымъ границамъ, а намъ  
граница Бугъ.

#### Обводъ великого князства.

Мѣсеца Сентебрия 19 день, у недѣлю.

Въ Черноє лозы отъ паты паномъ  
Котовичомъ села ихъ Лудинского Бор-  
тинова повѣдилъ панъ Гаврило, дворе-  
ничъ королевое еє милости и вели-  
кое княгини Воня, именемъ владыки

его милости Володимирского Генседа  
и зъ людьми сель владыки его мило-  
сти Божанки, Дорогиничъ, Фурсовичъ,  
Тишковичъ, Полуницяны, штожъ дѣй  
граница повѣту Володимирского съ по-  
вѣтомъ Бѣлзскимъ Бугъ есть по полъ  
рѣки, а межи тыхъ селецъ вышей опи-  
санныхъ владыки его милости и межи  
сель повѣту Володимирского, которые  
села Ляхове приващали къ собѣ, а  
нишые осадилы на кгрунтъ Володимир-  
скомъ и владычества Володимирского,  
то есть тые села, которые взыты  
ку Корунъ: первое Михайль, другое  
Пороховъ, третее Лезница, четвертое  
Кречово; и то тые села, которые ос-  
ажены на кгрунтъ Володимирскомъ и  
владычемъ на ими Волчокъ, а другое  
село на рѣцѣ Лезница ново осажено  
и менуютъ его Лезницею, и повѣдилъ,  
ижъ тые верху писаные села забраны  
за короля Александра, а тые ос-  
ажены отъ осми або надалѣй отъ де-  
сести лѣтъ. При томъ тежъ повѣдилъ  
князь Миколай Збарзскій, штожъ дѣй  
съ тыхъ сель, которые взыты отъ Во-  
лодимера и ту тежъ зъ имѣнья пана  
воеводы Судомирского, пана Яна То-  
чинского его милости, съ Крылова зе-  
мли имѣнья моего Морозовичъ розо-  
брали и на вочищу Волчку, гдѣ бы-  
ло село людей моихъ осажено и его  
милость панъ воевода Судомирскій  
тыхъ людей моихъ выграбиль и съ того  
вочища ихъ согналъ и свою волю на  
томъ вочищу Волчку осадилъ. И по-  
вѣдилъ панъ Гаврило, ижъ которые  
границы межи сель владыки его мило-  
сти и межи сель повѣту Володимер-  
ского, а нашу милость по тымъ гра-  
ницамъ поведу. И вель насъ отъ Черноє  
лозы, отъ паты Котовичомъ имѣнья  
ихъ Лудинского Бортинова къ Долгой  
лозѣ, къ Глипицямъ, отъ Глиницъ до  
Скоморохова кургана, отъ Скоморохо-

ва кургана къ долинь ку вочищу  
Жолобову, отъ вочища Жолобова къ  
Лезнице до дороги, которая идеть отъ  
Порохова до Лезницы села, тоєю доро-  
гою до Петроу озера, держачи Петроу  
озеро въ лѣвѣ у рѣчку Гуску, и тоєю  
рѣчкою Гускою у Бугъ и посередъ  
Буга вверхъ до Литовижское границы,  
до села Моликова Литовижского.

Того всего, куды Гаврило вель, по-  
ченины отъ Черноє лозы, по вѣмъ тымъ  
вочищамъ ажъ до рѣки Гуски и гдѣ  
рѣчка Гуска упала въ Бугъ и Вугомъ  
до границы Литовижское, якобы на двѣ  
мили удолжъ.

#### Обводъ корунный.

Мѣсеца Сентебрия 19 день.

Граница еє милости пани воеводиное  
Судомирское имѣньяе Крыловского зъ  
Волынемъ починаеть ся у парожницы ко-  
ролевское у Цуцновки, отъ Цуцновки ажъ  
до Колечачъ лѣса, отъ Колечачъ лѣса  
до гостинца, который идеть до Бурт-  
нова, а тотъ гостинецъ напередъ  
идеть отъ стѣны Лудинское до стѣны  
Рогошанское князя бискупя Луцкого  
отъ тоє стѣны до стѣны Зеленовое  
тежъ князя бискупя Луцкого, опять  
отъ тоє стѣны Зеленовое ажъ до  
Бортинова пана Лудинского, которая ту-  
ды идеть до крыницы, а отъ крыницы  
до езерка Яновки дороги, и отъ езерка  
до дубу отъ дубу до парожницы По-  
рымской въ Божанки, а отъ тоє па-  
рожинцы до Петроу озера, а отъ озе-  
ра до рѣчки Гуски, отъ Рогиничъ села  
владыки Володимирского его милости, а  
тая рѣчка упала на верхъ Лезницы ставку  
ее милости пани воеводиное Судомирское,  
отъ ставку до Тудорковичъ, а отъ Тудор-  
ковичъ до озера, которое идеть подъ го-  
роу Тудорскою, а оттуль до Густое лозы,  
а отъ Густое лозы до рѣчки Свинки, а  
тая Свинка пришла до границы Морозо-

вичъ, а отъ стѣны Морозовичъ ажъ до стѣны Осмиловское княжатъ Чорторыскскихъ, а отъ того Истницъ става Домоникова тежъ княжатъ Чорторыскскихъ ажъ до села Голубей пани Кголадчовое чого есть на дѣи мли, которая граница есть звѣчстала имѣни Крыловского зъ Волинемъ. При томъ, мы сами, ани вижи наши, ани сторона зъ великого князства ку отказу небыли.

#### Обводъ великого князства князей Чорторыскихъ.

Мѣсеца Сентебрия 20 день, въ Понедѣлокъ.

То есть граница князя Александра а князя Ивана Чорторыскскихъ имѣни ихъ милости Литовижского, которая недавно положена промежку села, которое село было Володимирское, а теперь служить до Крылова повѣту Вѣлзского, то есть на имя Кречово, а князи Чорторыского селъ Литовижскихъ на имя Смиловичи а другое Молниково: напервѣи съ Кречевскою землею у ставка Пятичъ, отъ ставка дорогою Голубскою, которая идетъ изъ Смиловичъ до Голубей, тою дороною ку озеру Жуковцу. И оновѣдилъ намъ вранникъ князей Чорторыскскихъ Литовижскій Василей и зъ людьми Литовижскими на томъ мѣстѣ отъ враница ставка ажъ до озера Жуковца вложъ дороги концовъ тринадцать. И тутъ повѣдилъ въ того Жуковца озера у конца, ижъ тутъ граница кончытъ Кречовския села пани воеводиное Судомирское, а починаетъ ся земля пани Кголадчовое села ее милости Голуби, а зъ другою стороною зъ великого князства кгрунтъ князей Чорторыскскихъ села ихъ милости Молникова. И отъ того озера Жуковца величась смужалиною черезъ Вугъ ажъ до Каменое лозы, отъ лозы дубровою у Козій Рогъ черезъ болото вверхъ ста-

ну Карповца, въ томъ мѣстѣ отъ Вуга до верха Карповца оказали намъ шесть копцовъ и повѣдили, ижъ пани Кголадчовое земли имѣни ее Голубки повѣту Вѣлзского по праву, а полѣву земли князей Чорторыскскихъ имѣни ихъ милости Литовижского и повѣдили, ижъ въ томъ обводѣ за тѣми границами посадили панъ Кголадчъ отъ девяти лѣтъ село свое на имя Песечное на сѣромъ корени и повѣлъ насъ отъ Карповца враница къ Дитпресѣ рѣчцѣ, отъ Дитпрехи рѣчки къ Ваницадскому озеру, отъ озера дороною Угринскою къ Волчку и къ Гатцѣ; тутъ повѣдили: на правѣ земли пани воеводиное имѣни ее Тудыковского, а на лѣвѣ Литовижская въ тогожъ враница Волчка пришла земля земля повѣту Вѣлзского пановъ Бзовскихъ, и повѣдилъ, ижъ тую границу маеть съ пани Бзовскими у въ упокои, поченишы отъ Волчка враница до Вѣлхъ Береговъ и просто черезъ Вугъ ажъ до Ливина острова а по кругель по дорою, которая идетъ отъ Литовижа до Ждчаровъ, держачы великое князство по лѣву, а повѣтъ Вѣлзскій по праву зъ дороги просто ровомъ враницомъ розѣвзнымъ ку озеру Вужыцу, отъ озера у Вугъ. Тутъ повѣдилъ вранникъ Литовижскій: на той сторонѣ Вуга по праву земли пани воеводиное Судомирское имѣни ее Пяти-Коровъ посередѣ Вуга до земли границы Городиловцовъ, а съ тѣми землями Городиловскими по полѣ Вуга жъ ажъ до крыницы Дыменицы, въ тое крыницы гостинецъ есть, который идетъ зъ Сокала къ Володимеру, и повѣдили, ижъ тотъ гостинецъ дѣлать князей Чорторыскскихъ имѣни ихъ милости Ждарского зъ селомъ земенина великого князства Лаврына Ивановичного, и по праву повѣдили тое дорою земли земенина великого князства Ивановичного, а по

лѣву земля Литовижская села Ждарского князей Чорторыскскихъ, и тутъ здали пату пату Лаврыну Ивановичному.

Того всего, куды велъ вранникъ Литовижскій Василей, поченишы отъ ставка Пятичъ до Вуга, якобы на полѣ мли, отъ Вуга, отъ озера Жуковца, до Вѣлхъ Береговъ до Вуга жъ якобы на полторы мли, отъ Вѣлхъ Береговъ до Ливина враница и до Кругли и до гостиница, который идетъ отъ Литовижа до Ждчаровъ, гдѣ граница Литовижская князей Чорторыскскихъ вышла зъ Вуга, якобы на млю, то есть на три мли.

#### Обводъ корунный.

Мѣсеца Сентебрия 20 день.

А отъ тое парожницы, гдѣ здавъ пату границы пату Кголадчови вранникъ пани воеводиное Судомирское, узавши панъ Кголадчъ границу свою звѣчстую, тою рѣкою, которая ся починаетъ Вугомъ межъ селами пани воеводиное Судомирское Кречовомъ а тягнеть се ажъ до рѣки, которую зовутъ Урыновка, которая владываетъ у Вугъ, а Вугомъ ажъ до рѣки Волчка, а Волчкомъ ажъ до парожницы пани воеводиное Судомирское села ее милости Тудорковского до гребли у мзыка: того есть на млю.

При томъ мы сами, ани вижи наши ани сторона зъ великого князства ку отказу не были.

#### Обводъ великого князства Лаврына Ивановичного.

Мѣсеца Сентебрия 21 день, у второкъ.

Въ того враница у Дыменицы крыницы повѣдилъ земенинъ великого князства панъ Лавринъ Ивановичскій: тутъ а отъ тое паты враница Дыменицы,

гдѣ князи Чорторыскские здали, веду пату милость границами стародавними, которая есть промежку великого князства повѣту Володимирского и промежку села Сокальского Скомороховъ просто дороною, которая идетъ зъ Володимера до Сокала подъ гай села Сокальского Скомороховъ, пуцаючи гай и село Скоморохи у правѣ, а въ лѣвѣ великое князство, кгрунтъ мой. отъ гаю тою жъ дороною до гребелки Пльковинское, которая гребелка есть на рѣчцѣ на Ровтинѣ, и тутъ здавъ границу свою пани Ляховской и людямъ ее Ляховскимъ.

Тою границу, куды панъ Лаврына велъ, поченишы отъ Дыменицы до гребли Пльковинское якобы на полѣ мли.

#### Обводъ великого князства пани Ляховское.

Тогожъ дня у второкъ.

Отъ тое гребли вели насъ люди пани Ляховское села ее милости Ляховского тою рѣкою Роятиною у верхъ ажъ до ставу, который ставъ панъ Млечко, земенинъ Вѣлзскій заставилъ къ берегу великого князства на кгрунтъ пани Ляховское, менячи по правой сторонѣ тое рѣчки повѣтъ Вѣлзскій, а по лѣвой сторонѣ великое князство. И повѣдили, ижъ посередѣ того ставу граница ихъ съ паномъ Млечкомъ есть, такъ тежъ у верхъ тое рѣчки ажъ до крыницы, которая есть обрублена тыхъ часовъ отъ пани Млечка. Тутъ въ тое крыницы здали люди пани Ляховское пату свою князю Александру Порыцкому имѣнемъ его милости Порыцку и селу Грушову.

Того обводу, куды вели люди пани Ляховское, поченишы отъ тое гребли Пльковинское ажъ до крыницы, якобы на полѣ мли.

# Обводъ великого князства.

Тогожъ дня у волторокъ.

Отъ тое крыницы повелъ князь Александръ Порыцкій логомъ у верхъ, откулъ тая рѣчка устала, якобы на полъ мши, и менилъ полъву великое князство, повѣтъ Володимирскій, имѣнья его Порыцка а Грушова, а по праву повѣтъ Бѣзскій имѣнья пана Млечкова Станитина, и тую долину покинувши у право и велъ насъ просто черезъ гору до другое долины, на которой долинь оказалъ намъ кошарыще. И повѣднъ, ижъ тутъ предкомъ его и его самого Волошнъ зъ овцами стоявали и тыхъ дубровъ уживали, и менилъ тутъ по праву землю паномъ Рудкировъ села ихъ Лучичъ, которое было за Александръ короля великое князство ку имѣнью Бокфеву Печивоостомъ, а по лѣву землю свою села своего Грушова; отъ того кошарыща повелъ до лужки Осового, отъ Осового луга до Глубокое ямы, отъ Глубокое ямы до колодезя, отъ колодезя до Кузмины могилы, отъ Кузмины могилы велъ насъ до концовъ трехъ, которые концы есть подъ селомъ его Грушевою, одѣ дороги, которая дорога идетъ зъ Милетина до Володимера на село его Грушово, и тутъ повѣднъ, ижъ у тыхъ концовъ трехъ концы границы моя села моего Грушова, а починаеть ся земля паномъ Бокфевъ имѣнья ихъ Милетина, и ту тежъ пришла земля паномъ Рукировъ имѣнья ихъ Лучичъ.

Того обводу, куды князь Александръ Порыцкій велъ, поченины отъ крыницы обрубленное ажъ до концовъ, по всемъ тымъ прочицамъ якобы на дѣ мши.

## Обводъ коруный.

Дня 21 Сентября.

Панъ Городилевскій, земенитъ кору-

ный, велъ границу свою, узявши отъ остаточное парожницы села коруного Печикуровъ отъ Вуга рѣки, Вугомъ все у гору Гольвова ажъ до села королевского повѣту коруного, менячи быти по лѣву князство, а по праву Коруно, менячи стороны великого князства села Ждчаровъ княжить Чорторыскихъ, а зъ другое стороны Вуга повѣдаючи быти у въ упокойномъ уживанью, крывдъ ни которыхъ не масть, границы идолжъ на мило все Вугомъ.

Тогожъ дня люди села короля его милости Гольвова повѣдали свою границу звѣчистую Вугомъ рѣкою у гору ажъ до стѣны села Скоморохъ королевского, которое держитъ панъ Янъ Стрѣльковский до живота своего, зъ другое стороны Вуга селомъ Ждчарскимъ великого князства княжить Чорторыскихъ, менячи по правой сторонѣ Коруно, а по лѣву князство, повѣдаючи быти у въ упокойномъ держанью звѣчистомъ, крывдъ жадныхъ не маючи.

Тамъ же люди коруные села Скоморохъ замку Сакальского державы пана Миклаша подкоморого короля его милости молодого вели отъ Вуга до прочица Дыменицы крыницы до дороги, которая идетъ зъ Володимера до Сакала, и тою дорогою ажъ до Волчка болота, и тымъ болотомъ якобы на версту, и покинувши тое болото у право вели дорожкой малою якобы на дѣ версты до дубровы, у которой дубровѣ оказали намъ три дубы и повѣдали, якобы мѣли тые дубы оконоаны быти, але такъ ибѣтъ, и тую дорожку опустивши лѣво а насъ повели гостинцомъ, которого прозываютъ Татинцомъ ажъ до гостинца, который идетъ съ Порыцка до Станитина села пана Млечкова, надъ которымъ менили быти два копцы сыпаные, и повѣдали, ижъ тые концы мѣли быти промежу селъ ве-

ликого князства Порыцка а Ляхова, а скажены отъ князя Порыцкого. А того обводу поченины отъ Дыменицы, по тымъ всемъ прочицамъ якобы на мило. Тутъ тежъ люди села Скомороского адали границу свою земенни повѣту Бѣзского пана Станиславу Млечку. Панъ Станиславъ Млечко повелъ насъ отъ того мѣста тымъ же гостинцомъ мененымъ Татинцомъ до долины, отъ долины тоюжъ дорогою ажъ до дубовъ, въ которыхъ менили знаки граничные быти, и повѣдали, якобы князь Порыцкій казалъ тые знаки выжечы, отъ тыхъ дубовъ велъ насъ тою жъ дорожкой Татинцомъ до прочица Горокъ, отъ Горокъ до прочица Язвинъ. Тутъ подаль панъ Млечко границу свою пана Рудкиру селу его Лучичъ, и менилъ тутъ быти по праву повѣтъ Бѣзскій, а по лѣву великое князство а кгрунтъ князя Порыцкого.

При томъ мы сами, ани вижы наши, ани сторона зъ великого князства ку отказу небыли.

## Обводъ великого князства паномъ Бокфевъ.

Мѣсеца Сентября 22 день, въ среду.

Ставши въ тыхъ трехъ концовъ, куды которымъ привелъ князь Александръ Порыцкій, ку парожницы тужъ подѣ лѣса князя Порыцкого Грушевы панъ Федоръ а панъ Гаврыло Бокфъ повѣдали, ижъ тутъ ся починаеть наша граница замочку нашего Милетина отъ границы князя Порыцкого села его Грушова. У тыхъ тежъ трехъ концовъ трегля граница пришла съ правое стороны земенина повѣту Сакальского Яна Рудкира села его Лучичъ, которое село Лучичы за Александра короля было великого князства Печивоостское; и вели насъ Бокен дорогою, которая

идеть зъ Володимера къ Бужску по праву менили быти землю Рукиреву, а по лѣву великое князство, кгрунтъ имѣнья своего Милетина; отъ тыхъ трехъ концовъ якобы на дѣ стрѣленья зъ лука оказали намъ третій конецъ по правой сторонѣ дороги и тою жъ дорожкой фдучы также якобы на дѣ стрѣленья оказали намъ конецъ по лѣвой сторонѣ и оттолъ вели насъ якобы зъ версту и оказали намъ конецъ неподалеку отъ замочку своего Милетина межъ дорогъ, которая идетъ зъ Володимера, а другая изъ Сакала до Милетина; потомъ привели до конца, который есть подѣ берегу озера паномъ Бокфевъ Лугу, отъ того конца вели черезъ отногу Серпанецъ посредку болота на имя Луга и берегъ ставу Рукирова посредъ болота потулъ вели по тымъ концамъ и всемъ тымъ мѣстцамъ зъ обуду сторонъ игродливе тое игроды отъ тыхъ трехъ концовъ посредъ болота якобы на мило.

А отъ толе паномъ Бокен вели до отноги посредъ урочища Жидовки долины, менячи быти по праву Рукирово, а по лѣву князство кгрунтъ свой имѣнья своего Милетина, отъ прочица Жидовки вели насъ паномъ Бокен долиною якобы на дѣ стрѣленья, привели до ролы по лѣвой сторонѣ дороги, указючи намъ горку на той ролы, менячи, ижъ бы ту былъ конецъ, але его взорали паномъ Рудкирове, а отъ того мѣста вели дорогою и тоюжъ долиною Жидовкою якобы на стрѣленья и указали намъ по правой сторонѣ другую горку, менячи тежъ быти концомъ, и повѣдали, ижъ то есть другій конецъ. И опустивши тую дорогу и долину у право, а сами фхали черезъ гору пораную, и указали намъ горку менячи быти третій конецъ и подѣ тое горки дубъ порубаный, въ которомъ знаки крижы зъ обуду сторонъ и далѣя

тежъ указали два дубы, въ которыхъ крижы по обѣмъ сторонамъ, и мало отѣхавши, опять два дубы съ крижами, потомъ отѣхавши указали копецъ, и недалеко отъ того конца два дубы, въ которыхъ крижы по обѣмъ сторонамъ, и мало отѣхавши опять два дубы съ крижами. Потомъ отѣхавши указали копецъ, и недалеко отъ того конца два дубы съ крижами зъ обуду сторонъ, потомъ вели насъ на стрѣленье и вказали дубъ, у которомъ знаки крижы и подлѣ него копецъ значный, и потомъ якобы на двое стрѣленья зъ лука привели насъ по трехъ копцовъ добре значныхъ, и повѣдали, ижъ тутъ ся зышли три грани: одинъ копецъ менили быти Лещотовскій пана Остроговъ, другій Лучицкій пана Рукировъ, а третій Матовскій пановъ Бокеевъ. И повѣдали, ижъ куды мы вели, то все по праву Рукирово, а по лѣву великое князство кгрунтъ нашъ. А отъ тыхъ трехъ копцовъ вели насъ до вронища Бѣлое крыницы.

А то Рудкиръ повѣдиль, ижъ тые знаки не суть зъ паны Бокѣи, але суть съ паномъ Острогомъ села его Лещетовомъ а села моего Лучицы.

Тогожъ дняземени Сакальскій Янъ Рудкиръ велъ насъ отъ посредку болота до вронища Пугачовы горы, отъ Пугачовы горы долиною и горою черезъ дуброву якобы на четверть мили до кургана; тутъ повѣдиль панъ Янъ Рукиръ, ижъ я тутъ здаю границу пану Острогови имѣнию его Лещотову.

Панъ Хведоръ а панъ Гаврыло Бокен повѣдали, ижъ тутъ ибѣтъ земли пана Остроговы, але то есть властныя земля наша имѣния нашего Матова. Отъ того кургана велъ насъ враникъ пана Остроговъ Пашковскій черезъ дуброву до Бѣлое крыницы якобы на три стрѣленья зъ лука, въ которое Бѣ-

лое крыницы стоячы яко враникъ пана Остроговъ, такъ панове Бокен повѣдали, ижъ то есть граница тая Бѣлая крыница: по лѣву князство, а по праву Корунно. И вели панове Бокен весполокъ зъ враникомъ пани воеводино Судомирское тою Бѣлою крыницею внизъ посередъ болота до конца якобы на три стрѣленья, который копецъ есть посередъ болота, и повѣдали, ижъ посередъ того болота граница пани воеводино Судомирское селу ее Лещетомъ, а на лѣвѣ земли великого князства Медвѣдеву села его Лешка.

Того обводу пановъ Бокеевъ отъ Жыдовки вронища долины до Бѣлое крыницы вдолжъ якобы на полъ мили.

А куды Рукиръ велъ, отъ Пугачовы горы до Бѣлое крыницы вдолжъ якобы на полъ мили; а розицы въ ширки межы тыхъ обводоу на три стрѣленья, а въ нишомъ мѣстѣ якобы на стрѣленье зъ лука.

Повѣдали тежъ панове Бокен: што на тотъ часъ обвели семо границу съ паномъ Рукиромъ, то на тотъ часъ мѣстъ, а стародавняя граница то есть и то село Лучычы, якося у своихъ границахъ мѣстъ: то село Лучычы было Печмоостское пановъ Бокеевъ зъ вѣку вѣчмѣстого а взято за Александра короля.

#### Обводъ корунный.

Мѣсеца Сентебра 23 день, въ четвергъ.

Враникъ пани воеводино Судомирское Пашковскій а дворенинъ господарскій зъ великого князства панъ Станиславъ Медвѣдъ вели насъ отъ того конца, который есть посередъ болота, который копецъ есть граница пани воеводино Судомирской съ паны Бокен до гати, которая гать подлѣ селомъ

великого князства Медвѣдевымъ Лешки, и повѣдиль въ тое гати враникъ пани воеводино Судомирское, ижъ по туль панее мое граница зъ великимъ князствомъ села ее Лещетова, и тутъ здаю границу съ князствомъ пану воеводу Равскому селу его Тартакову, а панее мое граница иде болотомъ въ Коруну на право. И велъ насъ Медвѣдъ посередъ болота рѣчкою внизъ, жемучю свою границу по праву пани воеводино Судомирское Лещетова, а по лѣву великое князство, кгрунтъ свой, и велъ тою рѣчкою отъ того конца отъ границы пани воеводино Судомирское и пановъ Бокеевъ якобы на полъ мили. И отъ тое гати велъ посередъ болота рѣчкою ажъ до Черное Лозы и межы гати и Черное Лозы оказалъ осмъ копцовъ а пятнадцать палъ набитыхъ. И повѣдиль Медвѣдъ, штожъ тутъ граница противку имѣния моего есть земля Бобятинскихъ имѣния ихъ Бобятинъ. А отъ Черное Лозы велъ насъ посередъ тогожъ болота рѣчкою внизъ якобы на четверть мили до гати Бобятинское и повѣдиль, ижъ тутъ границу свою оставляю болотомъ, а беру собѣ границу дорогою, которая идетъ зъ Бобятина до Тартакова.

Тутъ тежъ въ тое гати оповѣдиль панъ Станиславъ Волчко, именемъ князя бискупа его милости Луцкого, ижъ тое село Бобятинъ есть зъ давнихъ часовъ великое князство повѣту Луцкого и мѣстъ бы то повѣдити его милости князь староста Луцкй, спожъ есть на послужъ, на войнѣ короля его милости, а съ Корунны жадного оповѣданы и отпору напроотиву того не было. И велъ насъ Медвѣдъ тою дорогою якобы на четверть мили до перехрестное дороги, которая идетъ зъ Лешковъ до Колнытова, и велъ тою дорогою первию до Тартакова, и тою дорогою отъ тое пере-

хрестное дороги велъ якобы на четверть мили до млына, который занятъ отъ пана воеводича Равского изъ села его Тартакова. И повѣдиль, ижъ тутъ тая рѣчка у верхъ посередъ болота дѣлать имѣние мое Лешки зъ имѣниемъ пани воеводича Тартаковомъ ажъ до гати, чрезъ которую гать дорога идетъ до Спасова села, отъ Первятичъ, мѣнячы по праву пана воеводича Равского, а по лѣву князство. И тутъ въ тое гати здавъ границу пану Александру Крестолту.

Тужъ панъ Станиславъ Волчко именемъ князя бискупа его милости Луцкого оповѣдиль, ижъ село Колнытово а другое Стоянтинъ—великое князство, а взято за короля Александра. И ту въ тое гребли стоячы служебникъ пана воеводича Равского Михалъ Березовскій повѣдиль, ижъ куды велъ панъ Медвѣдъ, то все есть кгрунтъ пана моего, пана Яна воеводича Равского.

Того обводу Медвѣдева отъ того конца отъ границы пани воеводино Судомирское и пановъ Бокеевъ до гати, презъ которую гать дорога идетъ до Спасова села, вдолжъ якобы на милью, а въ ширки въ ширшомъ мѣстѣ якобы на полъ мили.

#### Обводъ великого князства.

Тогожъ дня. Отъ того половицы болота якобы на двѣ стрѣленья велъ насъ панъ Александръ Крестолтъ зъ людьми своими Шниколосоцъ, мѣнячы быти границу свою и зъ землями повѣту Бѣзского Шифаровскими и села ихъ Спасовского болотомъ же до гребли. и повѣдиль посередъ того ставку границу свою по праву Шифаровскихъ села ихъ Спасовского, а по лѣву князство, кгрунтъ свой села своего Шниколосоцъ. И отъ того ставку велъ на лѣво дорогою по-



ликою, которая идет до ставковъ вранища до гребелки якобы на двѣ персты.

Служебникъ Шафаровскихъ Иштъ повѣдиль, какъ яко почалъ вести отъ тое половины болота пашъ Клетолтъ и троуху вышей села Первятитчъ яко Медвѣдъ вель, то естъ кгрунтъ пашовъ моихъ. Отъ тыхъ ставковъ вель пашъ Клетолтъ посередъ болота, меничи по праву Шафаровскихъ, а полъву кгрунтъ имѣнья своего Шинколовского ажъ до гребелки, которая естъ на долинь вранищу Пугачовъ. Служебникъ Шафаровскихъ повѣдиль: куды веде пашъ Клетолтъ, то естъ кгрунтъ пашовъ моихъ. И вель насъ тою долиною пашъ Клетолтъ у верхъ якобы на полъ мили мимо гору милоую до колодезя, которого повѣдиль верхъ Пугачовы долины, и отъ того колодезя чрезъ гору и дуброву якобы на чертъ мили и черезъ дорогу, которая идетъ съ Шинколовъ до Перессы. И повѣдиль, какъ въ тое дороги граница Шафаровскихъ кончатъ, а починаеться граница паша Пересопское паша Добричовское, и привелъ насъ до конца, который мениль быти собѣ границу съ паша Пересопскою села ее повѣсту Бѣзского Пересопского. И повѣдиль, какъ съ тою Пересопскою границею спокойную мамъ; отъ того конца вель насъ якобы на три стрѣленія зъ лука ку дорожъ, которая идетъ изъ Сокала до Стоянова. И оповѣдиль зъ тое дороги конецъ и мениль быти границу свою на правѣ паша Пересопское, а полъву кгрунтъ свой, и повелъ чрезъ дорогу посередъ болота Молозинна ажъ до ставку, которого называють Молозовскимъ, а отъ того ставку догомъ ажъ до дороги, которая идетъ изъ Стоянова до Сокала. Съ тое дороги гостища повернули вѣвно другою долиною, которая идетъ до Книжати; тутъ

здалъ границу Грыцкову Олехевиичу служебнику Денису селу его Хусову, и менили быти поправу повѣсту Бѣзского паша Млечково села его Раждаловского, а полъву великое князство село Грыцкова Хусова.

Того обводу Клетолтова отъ гати, презъ которую дорога идетъ на Спасово село, до дороги, которая идетъ до Книжати, вдоль якобы на мило.

И вель насъ враникъ Грыцковъ Денисъ тою дорогою якобы на добрую полъ мили до кургана, и менили собѣ быти границу туды и зъ села повѣсту Бѣзского Бишеновъ а Пересонца, а отъ того кургана менили собѣ быти границу на правѣ паша Лисского, земенина повѣсту Бѣзского, села его Сошина, а полъву Грыцкова села его Хусова, и привелъ насъ къ ростанемъ и повѣдиль, какъ таа дорога на право идетъ къ Стоянову, а на лѣво ку Книжу, и вель насъ тою дорогою Книжескою и повѣдиль, какъ на правѣ Стояновское повѣсту Сакальское, а полъву великое князство Грыцкова земля. И вель насъ тою дорогою якобы на полъ мили до лозы Чорное и повѣдиль, какъ тутъ граница Стояновская доконала, а пришла земля Торекая; менили поправу быти корунино, а полъву князство, землю Грыцкову села его Хусова. И отъ тое Чорное Лозы повели управо дорогою перехрестною долиною, и привели ку вранищу Вербову Логу, и потомъ привели насъ ку дорожъ перехрестной и повѣдали, какъ то естъ вранище Збонце. Того обводу Грыцкова вдоль якобы на полторы мили.

И тутъ взялъ враникъ владыки Володимирского Ренадя Гаврыло зъ людьми мѣстечка его Кисовского, меничи быти границу свою и зъ мѣстомъ Сакальскимъ Стояновомъ и вель насъ долиною и дорожкою вѣвно, которая до-

рога идетъ отъ села Вешени до церкви Стояновское Или Светого, и повѣдиль: поправу мѣстечка Стоянова, а полъву великое князство мѣстечка Кисова. И вель насъ дубровою якобы на чертъ мили, и перешли черезъ дорогу, которая идетъ зъ Луца до Вужска, и вель насъ презъ поле якобы на чертъ мили и ввели на дорогу, которая идетъ отъ Вешени до Стоянова и тою дорогою привели насъ до Сакальского гостища къ могилѣ вранищу Перелайному. И тутъ повѣдиль враникъ владыки Володимирского, какъ деи тутъ граница владыки Володимирского мѣсти его Кисова кончатъ, а паша Марка Васильевича, села его Жоравинина, починаеть и зъ мѣстомъ Сакальскимъ Стояновомъ, и поправу повѣдиль быти мѣсти Стоянова, а полъву имѣнья его Жоравининского. Отъ Книжеское границы до могилы Перелайное обводу владыки Володимирского на полторы мили, а въ ширии якобы на мило.

Отъ тое могилы Перелайное вель насъ пашъ Марко дорогою до воли, которая воля съидитъ одѣ Церкви Светого Или, которую волю мениль пашъ Марко быти осажени отъ осми лѣтъ на кгрунтъ своемъ великого князства, и тую волю держачи полъву, а мѣстечко Стояново по праву, ку болоту великому черезъ озерце посередъ гребли. И повѣдиль пашъ Марко, какъ тымъ болотомъ великимъ по половици дѣлать границу села моего Жоравининъ и зъ селомъ корунинымъ Тетовичны, и тымъ болотомъ великимъ вель якобы на чертъ мили до вранища кургана, до Турьего Рогу, и тутъ здалъ границу пашъ Марко земенину великого князства Микитѣ Ржицковскому.

Подетаростій Сакальскій Андрей повѣдиль: куды вель пашъ Марко то все естъ корунино, а пашу Марку ту ничего нѣтъ.

Того обводу паша Маркова отъ Перелайное могилы до вранища Турьего вдоль якобы пашовъ мили, а розницы въ ширии якобы на мило.

#### Обводъ коруниный.

Мѣсеца Сентября 23 день, у четвертъ, Враникъ паша воеводиное Судомирское паша Точинское Пашковскій, стоячи въ гати повѣдиль: потому мениль первый того посередъ болота границу паша своего села Лещетова, а полъвой стороной великого князства села Медвѣдева Лашковъ, тутъ тежъ здымаъ на лѣвой сторонѣ пашу воеводу Равскому селомъ его Тартакову, Хлопимъ Рогомъ, Стрѣльчу, Конятомъ, а по правой стороной предъ се веду корунинымъ.

И пашъ воеводичъ вель отъ тое гати и отъ рѣчки посередъ болота якобы на стрѣленье и потомъ взяли вѣвно другимъ болотомъ около самого села Лашковъ, и вель до гребелки подъ самое село Лашки якобы на двѣ стрѣленія зъ лука, и тутъ стоячи на гребелцѣ здалъ границу Шафаровскому и Озерскому, землемъ повѣсту Бѣзского, и повѣдиль пашъ воеводичъ: какъ деи на тые имѣнья мои верхуписанные привилъ въ себе мамъ, и часу своего хочю ихъ оказати. И повѣдиль, какъ полъву князство, а по праву корунино. И отъ тое гребелки вель насъ долиною якобы на три стрѣленія зъ лука, потомъ уѣзѣдчаючи на гору одну долину пустилъ управо на Божанки, а сами вели другою долиною уѣвно до горы до Шинколовъ, и тамъ вѣхали чрезъ воли и дубровки и черезъ дороги, не вѣзаячи жадныхъ знаковъ ажъ до дороги, которая идетъ зъ Лашковъ до Шинколовъ. И тутъ стоячи служебникъ Медвѣдевъ именемъ паша своего повѣдиль, какъ гдѣ пашъ Шафаровскій ведетъ съ пашомъ Озерскимъ, то естъ земля паша мое-

го до тое дубровки, а отъ тое дубровки земля есть пана Кгетолтова.

И панъ Кгетолтъ повѣдиль, ижъ куды ведутъ панъ Шафаровскій и Озерскій, то есть властная земля имѣнья моего Шпиколосъ, и потомъ съ тое дороги вели насъ черезъ поля до долины, не указуячи жидныхъ знаковъ, черезъ ржище и мимо гумна людей пана Кгетолтовыхъ. И повѣдиль панъ Озерскій, ижъ то есть долина, которая дѣлитъ князство съ Корунною, которую зовутъ Набожанка, а панъ Кгетолтъ повѣдиль: яко поля и гумна, куды ведутъ, то все есть имѣнья моего Шпиколосъ, и ѡхавны отъ тое гребелки якобы близумли.

Панъ Озерскій по полъ болота здавъ границу пану Шафаровскому, который повѣдиль: гдѣмъ велъ по тымъ мѣстамъ, по правой сторонѣ Корунно, имѣнья нашего сполного Набожанокъ, а по лѣвъ пана Кгетолтова; а тутъ по полъ болота здаваю границу пану Шафаровскому имѣнью его Враневу. А панъ Кгетолтъ повѣдиль, ижъ куды вели панове Ляхове, то все есть по обѣмъ сторонамъ имѣнья моего Шпиколоского, и панъ Шафаровскій велъ болотомъ около села, займующи оплотокъ Шпиколосъ рѣчкою ку горѣ, якобы на три стрѣленья зъ лука, которая выходитъ съ ставу Шпиколоского до дороги и долины, которая дорога идетъ отъ Вешева до Шпиколосъ. А потомъ кды ея упоминалъ панъ Янъ Вешевскій, повѣдаючи: пане Шафаровскій чому заводилъ мое? и панъ Шафаровскій повѣдиль: кды твое, я дамъ покой. И ведши тою дорогою и вернувся опять назадъ до тое жъ крыницы, и здавъ пану Вишевскому. Панъ Вишевскій отъ тое крыницы велъ по полъ ставу пана Кгетолтова, который подъ дворомъ его Шпиколоскимъ, ажъ до долины, которая дѣлитъ имѣнья пана Грыцка Коценского

Хосово, которо Хусово повѣдиль быти корунно, едно князство держитъ. И тою долиною велъ, повѣдаючи: по правой сторонѣ есть мѣе имѣнья моего Вешева, едножъ панъ Кгетолтъ того ужинаеть, а по лѣвъ панъ Грыцко ку князству; и тою долиною велъ насъ якобы на шесть стрѣленья зъ лука, не указуячи знаковъ; и первый того велъ якобы на полдень, а потомъ якобы на усходъ солнца черезъ поля и дубровки до дуба великого, который въ долинѣ стоитъ, въ которомъ повѣдиль быти знакъ зъ едны стороны, але выжжены, а зъ другое стороны незнать ницъ, а того якобы на версту. А панъ Кгетолтъ повѣдиль: гдѣ води панъ Вишевскій, то все есть по обѣмъ сторонамъ мое, имѣнья моего Шпиколоского, а по лѣву то есть Грыцково имѣнья его Хусова, а отъ того дуба велъ насъ черезъ дубровки и поля и хрусты до Лозы Пинчуковы. А отъ Пинчуковы Лозы также вели долиною презъ поля и дубровки до Лысое горы, не указуячи намъ жидныхъ знаковъ, ни въ деревѣ, ни копцовъ; едно повѣдиль, ижъ то были знаки копцовы, але я не вѣмъ, гдѣ ихъ шукать, кды показаны. И тутъ въ тое горы Лысое панъ Вишевскій остаъ, а подалъ пану Матею Вишевскому и пану Онтонему Чистовскому, селу ихъ Торковъ, и тутъ взялъ панъ Вишевскій отъ тое горы Лысое долиною подъ село свое Торки, и тамъ велъ насъ долиною Стыковатиною до другое долины до Рудки, мимо села князства великого, едно Хусово Грыцково, а другое Княже. што Москва держитъ, маючи тые села лѣвъ, презъ поля ораные и ржища, и повѣдиль, ижъ тые поля и ржища есть моего села Торокъ, але съ князства его квалтомъ робить. И оттоде велъ черезъ поля и долины и черезъ дрокку великую, которая идетъ

съ Стоянова до Луцка, а оттоде на дорогу, которая идетъ съ Книжа до Квасова, и тою дорогою ѡхавны, которая идетъ надъ долиною и менилъ тую долину Полинноа долина, и тутъ уадалъ пану подстаростему Сакальскому пану Андрею Островскому.

А того обводу пана Вишневекого есть полъ мили добрую, а по тымъ всемъ мѣстамъ, куды насъ водилъ, не указавъ знаковъ, ни копцовъ жидныхъ.

А отъ тое долины Пилиповы крыницы велъ насъ панъ Островскій, менячи быти кгрунтъ имѣнья короля его милости Сакальского Стоянова, который кгрунтъ панъ подстаростей менилъ и повѣдиль, ижъ на тотъ часъ во живяныю владыки Володимерекого и его подданныхъ мѣста Квасова. А то повѣдиль, ижъ оны забрали, кды то пусто лежало, и тою долиною до гостиница, который идетъ съ Стоянова до Володимера якобы на шесть стрѣленья изъ лука, и тымъ гостиницомъ до могилъ, и повѣдили, ижъ на той могилѣ бабу сожгли зъ мѣста Квасова такъ яко на границахъ, а отъ тое могилы Бабъи до долины Черница презъ поле, и тою долиною впрочыцномъ Черницею до крыницы Черница, и гай на ней. Отъ тое крыницы презъ болото до могилъ Высоцкихъ, отъ могилъ до ставку черезъ греблю Высоцкую просто презъ поле якобы четверть мили, которыхъ дей полъ суть во живяныю квалтовномъ презъ пана Марка Жоравинского и владыки Володимерекого, Квасова, до гостиница Орѣховского, отъ гостиница до Рудки презъ дубровы мимо Сыново до могилы, гдѣ повѣдили, ижъ есть копецъ при ней, а оттоде до Небожки озера, и тамъ здавае пану Душы, повѣдаючи, ижъ того озера половицу въ князствѣ, а половица въ Корунѣ. Панъ Марко Жора-

винскій повѣдиль, ижъ гдѣ панъ подстаростей Сакальскій велъ съ паны шляхтою корунною, то вышестко по обѣмъ сторонамъ есть князство великое, отчизна властная моя имѣнья моего Жоравинского. А имѣнья владыки Володимерекого Квасова и по панъ подстаростей указуеъ копецъ, то есть копецъ владыки Луцкого и пана Семашковъ и мой, а кгрунтъ князства великого.

Того обводу, поченишы отъ гати Медвѣдевы села Ляшковъ, по всемъ тымъ впрочыцямъ до болота и озера Небожки якобы на три мили.

#### Обводъ великого князства.

Мѣсеца Сентебра 24 день, въ пятницу. Земенниъ великого князства Микиты Ржищовскій велъ отъ того Турьего Рогу посреда болота великого, менячи быти границу свою и зъ селомъ коруннымъ Тетиничы, а Пирѣятинномъ, а зъ Синковомъ якобы на добрую полъ мили ажъ до болотца, которое пришло зъ лѣвое стороны, которое болотцо называютъ Рудкою, которое болото Рудка есть противъ двора Микиты Ржищовского. И повѣдиль Ржищовскій, ижъ мѣ ту есть граница посреда болота великого зъ имѣньемъ пана Богдана Семашковымъ Вужинномъ, и повѣдиль, ижъ ту въ того болота Рудки граница моя кончытъ, а починаеъ ся граница имѣнья пана Семашкова Вужина.

Тутъ въ того болотца Рудки правникъ пана Богдана Семашковъ Вужинскій Пгнать повѣдиль быти границу свою и зъ селомъ коруннымъ Барилонскимъ, и велъ насъ посреда того болота великого, держаючи село земенина великого князства Микиты Ржищовского и людей его по лѣву у князствѣ, а село Барилово по праву. И повѣдиль правникъ пана Семашковъ, ижъ пра-

тивъ Ржищовского пана Микиты двора  
земли великого князства рѣчка на  
имя Судилонка устала и иде по тому  
болоту, и великое болото пуцуючы у  
приво, и тою рѣчкою Судилонкою и бо-  
лотомъ меншимъ вель ажъ на против-  
ку села пана Семашкова Бужина, а на  
противку села корунного Барилова.

На то земенинъ корунный Матей Ро-  
каль повѣдиль, ижъ тая рѣчка Судил-  
лонка изъ стороны болота моего уста-  
ла, а иде по моей сторонѣ, а граница  
села моего Барилова и зъ селомъ вели-  
кого князства пана Семашковымъ Бу-  
жиномъ по половици болота великого  
и болота малого Коньского. Тужъ панъ  
Александръ Ктетоль повѣдиль, ижъ  
въ тое болото Коньское и поля и дубро-  
вы и островъ, который надъ болотомъ  
Коньскимъ есть, посполитое мѣъ съ па-  
номъ Богданомъ Семашкомъ. И вели-  
кыи пана Семашковъ и пана Алек-  
сандровъ тоею рѣчкою Судилонкою по  
полъ рѣчки, менячи быти границу свою  
до палеčního кола, на правѣ повѣдиль  
Барилонского села, Бужского повѣту, а  
по лѣву великое князство, кругить  
имѣнья пана своего Бужинского, а отъ  
палеčního кола тоужъ рѣчкою внизъ  
до границы князя Коширского, села его  
церковного Скрыголова до вочища Ка-  
долбища. И тутъ здали границу врани-  
ку князя Коширского Скрыголовскому.  
Того обводу пана Семашкова отъ Рудки  
болота до вочища Кадолбища вдоль  
якобы на мило. Земенинъ корунный  
Рокаль повѣдиль, ижъ то есть вочи-  
ще мое, и тые поля и сѣножати суть  
мои, быломъ ихъ заижди у вичишню.  
А што панъ Ктетоль повѣда, ижъ то  
есть кругить его спольный съ паномъ  
Семашкомъ, то есть мой кругить, и ту  
въ того Кадолбища здавъ Ракальскій  
границу пани Майковой, селу ея Ушину.

#### Обводъ великого князства.

Мѣсеца Сентебра 25 день, въ субботу.  
Вранинъ князя Александра Коширско-  
го Скрыголовскій Пашко вель ипсъ отъ  
того вочища Кадолбища, менячи быти  
границу свою и зъ земениномъ кору-  
ннымъ Рокалевскимъ, селомъ его Барил-  
ловомъ, посреди рѣчки Судилонки, и  
тоужъ рѣчкою вель до ставу млина подъ  
селомъ Ушинномъ. И въ того ставу по-  
вѣдиль, ижъ на правѣ тое рѣчки пани  
Майковое повѣту Бужского, села короля  
его милости Ушинского, а по лѣву кня-  
зя Коширского, и вель отъ того ставу  
менячи быти границу свою посреди рѣч-  
ки Судилонки ажъ до Рудки, которая  
Рудка пришла лѣва и вала у ту-  
южъ рѣчку Судилонку, и повѣдиль, ижъ  
ту граница моя кончить, а пришла гра-  
ница земенина великого князства Ми-  
киты Хутровского, села его Мервено-  
го, повѣдаючи по праву корунно а по  
лѣву князство.

Того обводу враника князя Кошир-  
ского Стрыголовского отъ вочища Ка-  
долбища до Рудки вдоль якобы на  
милу.

Тогожъ дня земенинъ господарскій ве-  
ликого князства Микита Хутровскій  
вель отъ Рудки, менячи быти границу  
свою и зъ селомъ коруннымъ Николае-  
вомъ, тоужъ рѣчкою Судилонкою до  
ставу, который есть на той же рѣчкѣ  
Судилонкѣ, а отъ того ставу тоужъ  
рѣчкою Судилонкою, менячи быти гра-  
ницу свою по половици тое рѣчки до  
вочища селца Стерковца, и повѣдиль,  
ижъ ту граница села Николаевского  
кончатъ, а пришла земля пановъ Ла-  
цовъ, замочку ихъ корунного Стрѣмел-  
ча, и мениль ту границу свою по полъ  
тоужъ рѣчки на правѣ повѣту Бужского,  
а по лѣву великое князство, кругить  
свой повѣту Луцкого.

На то повѣдиль служебникъ Петръ  
именемъ подстаростого Бужского Яку-  
ба Лопатинского: откуль вель панъ  
Микита Хутровскій, менячи собѣ по по-  
ловици рѣчки границу, то есть кругить  
села Николаевского, старостина Бужско-  
го, а граница села Николаевского съ  
паномъ Микитою тамъ далѣй лежить.  
Отъ того селца Стерковца вель Ми-  
кита тоужъ рѣчкою подъ замочекъ па-  
ни Ланцовъ Стрѣмелчъ а подъ село  
Хутровское Мерве черезъ ставъ, ко-  
торый есть промежку замочку пановъ  
Ланцовъ и села Хутровского Мервы, яко-  
бы на мило. А отъ того ставу вель  
якобы на стрѣленье зъ лука до рѣчки  
Стыря, и мениль поправу пановъ Ла-  
цовъ, а по лѣву великого князства,  
кругить свой, и тымъ Стыремъ рѣчкою  
уверхъ до вочища Сушкова смуги яко-  
бы на мило, и тою смугою вель уверхъ,  
менячи по праву корунно. Щуровское,  
повѣту Бужского, а по лѣву великое  
князство, кругить свой села своего Ху-  
трова. И вель отъ тое смуги Сушкова  
черезъ дуброву до вочища колодезя  
якобы на три стрѣленья зъ лука, а отъ  
того колодезя низкимъ мѣстомъ вель  
дубровую мало не на полъ мила до до-  
роги великое, которая идетъ отъ Оле-  
кса до Луцка на противку вочища  
Круглого борку, и повѣдиль Микита  
Хутровскій, ижъ ту граница моя кон-  
чы, а пришла земля князей Курцевич-  
овъ села ихъ Коревского, мениль бы-  
ти поправу корунно, мѣста Щуровско-  
го, повѣту Бужского, а по лѣву великое  
князство, села его Хутровского, и тутъ  
здавъ пату свою княземъ Курцевичомъ,  
селу ихъ Коревскому.

#### Обводъ корунный.

Тогожъ дня, Земенинъ корунный Ма-  
тей Рокаль Барилонскій вель, менячи

быти границу села своего Барилова, бо-  
лотомъ великимъ, которое идетъ съ  
Стойнова, которое дѣлать зъ имѣньемъ  
пана Богдана Семашка Бужинномъ. И  
отъ того болота, опуцуючы болото и рѣ-  
ку, которую мениль встати на своемъ  
кругить на его сторонѣ, и меншимъ бо-  
лотомъ, которое зовуть Коньскимъ бо-  
лотомъ, и идъ тымъ болотомъ вель  
черезъ дуброву сѣножати. И приходя-  
чи къ селу князя Коширского къ Скры-  
голову тое болото Коньское опуцить  
ульвѣ, черезъ поле вель опять къ то-  
му болоту великому, и тамъ ведучи  
указать намъ дубъ, зъ одное стороны  
законный, и повѣдиль, ижъ тутъ зъ одны  
стороны знакъ былъ, але выжжеть, а  
зъ другое стороны знаку небыло, и въ  
того болота здавъ границу пани Май-  
ковой имѣнья ея Ушина. Того обводу,  
гдѣ вель Рокаля, якобы на чверть ми-  
ли, и повѣдиль: куды веду, то есть въ  
лѣвъ князство, а поправу корунно, а  
то дей поля панъ Семашко сего году  
началь сѣяти.

На то вранинъ пана Семашковъ Бу-  
жинскій и вранинъ пана Александровъ  
Ктетоль Полгановскій повѣдали, ижъ  
гдѣ води Рокаля, то есть яко поля, такъ  
дубровы и сѣножати и селца Бужин-  
скіе, на которомъ перивъ тутъ село Бу-  
жинъ сѣдѣло: то все есть великое кня-  
зство а кругить пановъ нашихъ имѣнья  
пана Семашкова Бужина а имѣнья па-  
на Ктетольова Полганова, и то попове-  
ниши у по вичишню зъ давнихъ ча-  
совъ.

А отъ того болота пани Майковъ  
зъ людьми села корунного, держаны  
свое Ушина вела отъ того болота че-  
резъ поле, займуючы все село князя  
Коширского Скрыголова до болота дру-  
того и презъ лѣсъ до Оленкова дуба,  
отъ того дубу до Точаща вочища,  
отъ Точаща до Книжес Водища, отъ

Водницы Осовыми лужки до Николаевское границы, которую менил Миколаевский до могилы, которая стоит под дуби Столоватого, а то села межы села великого князства Галичаны а Коломови а корунинымъ селомъ спонимъ Увиномъ, пуцаючи князство влѣвъ, а Коруну вправо.

Того обводу отъ Увина до могилы якобы съ четверть мили, а тутъ у тое могилы пани Майковилъ здала границу Миколаеву селу пана Познанского, староства Бужского, и отъ тое могилы вели люди села Миколаевского до Вербни, презъ горы, отъ Вербни черезъ вочнищю Стырковь до границы Стримельцкое замочку пановъ Лащовъ. Того обводу Миколаевцовъ есть болшъ миль.

И недождяючи до Стиковца вочница у болотка на дорожъ, которую зовуть шляхъ Татарскіе, тутъ здали границу Миколаевцы паномъ Лащомъ, и повѣдали, ижъ куды мы вели по тымъ мѣстамъ, по тую нарощицу дорогу, которая намъ есть съ паномъ Лащомъ и съ паномъ Микитою Хутровскимъ, то все есть по праву корунино, а по лѣву великое князство.

И тою дорогою, которую зовуть шляхъ Татарскіе, велъ панъ Лащъ якобы на стрѣленіе за лука, а потомъ зъ дороги влѣво дубровою якобы на шесть стрѣленей зъ лука привелъ насъ на дорогу, которая идетъ отъ гостиница до Стримельча. А надъ тымъ мѣстцемъ, гдѣ въѣхалъ на дорогу, стоитъ берега безъ верху стира, а вочница тому мѣстцу нѣтъ, и тою дорогою до отлоги ставу, оповѣдаючи, ижъ влѣвъ пани Хутровского, а по праву мое, и тою дорогою якобы о дѣхъ стрѣленія зъ лука. Потомъ повелъ управо дубровою, а дорогу опустилъ влѣвъ, и тою дубровою посередъ озера просто чрезъ поле до долины, которая есть

подъ седомъ Мервою пана Хутровского, землини великого князства, а зъ имѣниемъ Стримельча замочку пановъ Лащовъ, бо тотъ замочокъ Лащовъ отъ села Хутровского Мервы на стрѣленіе зъ лука презъ рѣчку и болотце, и отъ того рову въ рѣчку Судиловку якобы на стрѣленіе велъ насъ, которая впада и ставку пановъ Лащовъ въ рѣчку Стырь. И тою рѣкою Стыремъ внизъ границу менилъ быти зъ великимъ князствомъ по половицы по праву: корунино, а по лѣву князство, и тою рѣкою Стыремъ до Шельгова границы Берестецкое пани Богусевое подскарбинное земское имѣния ее милости Берестечка. А отъ Шельгова дорогою, которая иде до Слунни, и тою дорогою велъ якобы на полъ миль до вочница Сушковы долины до нарощицы Корсовское князства великого, а съ Корунны Щуровича пана Познаньского державы, и тутъ пакъ Лащъ здалъ свою границу пану Познаньскому.

Того всего обводу пана Лащова отъ могилы до Сушковы долины на три мили. А Хутровского обводу зъ великого князства отъ Рудки до дороги, которая идетъ отъ Олекса до Луцка, на противку вочница Круглого борку якобы на три мили, а розницы въ ширшомъ мѣстѣ якобы на милю, а индѣ на полъ миль, а индѣ на четверть миль.

На то владникъ пана Богдана Семашковъ Бужинскій и владникъ пана Александра Кгетолта Полтановскій, и владникъ князя Коширского Скрытоловскій а землини великого князства Микита Хутровскій повѣдали: куды вели Матвій Рокаля Барилловскій, и пани Майковое люди Увиняне, и люди пана Познанского Миколаевцы и панове Лащови, то все вели по великому князству а по властному кгрунту имѣній пановъ нашихъ, якожъ мы того отъ

длинныхъ часовъ у спокойномъ держанию и живяныю ижъ до тыхъ часовъ, а Церковъ Матей Рокаля тыхъ недлинныхъ часовъ на властномъ кгрунтѣ нашомъ поставилъ; а што пани Майковая село Скрыголово зѣхала, тое село зѣхчестое церковное а повѣту Перемильского. Къ тому тежъ повѣдалъ Хутровскій, ижъ тое Шольгово есть у властной земли моеи кгрунтъ мой, а границы жадное пану Лащу и съ пани Богусевое нѣтъ, сно я мажъ границу съ пани Богусевою.

#### Обводъ великого князства.

Мѣсеца Сентебра 27 д. въ понедѣлокъ.

Отъ того вочница отъ Круглого борка, который есть по близу дороги великое, которая идетъ съ Олекса до Луцка, гдѣ привелъ пани Микита Хутровскій, повѣдалъ владникъ князя Василія Курцевича, державца Ровенского, Слоновскій Васко и зъ людьми князя своего Слоновскими, ижъ тутъ по праву земля Олекского повѣту Бужского села Конюховъ, а по лѣву великое князство а кгрунтъ князя нашего села его Слоновского. И вели отъ того Круглого борку вочница дорогою великою, которая идетъ отъ Олекса до Луцка, якобы на полъ миль до горы, которую зовуть Уводисемъ, и тою горою вели насъ до рѣки Стыра, гдѣ рѣчка Слоновка упала у Стырь, якобы на полъ миль, и Стыремъ рѣкою вверхъ вели якобы на милю ижъ до рѣки Смоленки, тоею рѣкою Смоленкою вверхъ вели якобы на полъ миль до руды ставу, которое мѣстце называютъ вочницомъ Болдары, который дѣй ставъ заставилъ пани Фридришъ Олексій зъ имѣния своего Олекса отъ десети лѣтъ. И повѣдали, ижъ по тымъ всимъ границамъ, куды сего вели, по праву земля Олекского села его

Конюховъ и Щуравицкое, а повѣту великое князство а кгрунтъ нашего села его Слоновского, и тутъ у того ставу вочница Болдаръ пришла граница земли великого князства пановъ Опарипескихъ пани Стенаны и Михайла а Искы Михайловичовъ. И повѣдалъ владникъ князя Курцевича Слоновскій, ижъ въ томъ обводѣ нашомъ за тими границами нашими посадилъ пани Фридришъ Олексій село свое, на имя Поповцы, на кгрунтѣ князя нашего отъ десяти лѣтъ.

На то повѣдалъ пани Петръ Подгорецкій именемъ пани Станислава Хридриша, хоружого Галицкого, ижъ почешы отъ Щуровичъ мѣстечка короля его милости повѣту Бужского, куды велъ владникъ князя Василія Курцевича, то есть все корунино а кгрунтъ села пана моего Новосельского зямку Олекского, а то есть граница пани моего рѣка Слоновка: тая дѣлать великое князство зъ кгрунтомъ пани моего ижъ до села великого князства Опарипесовъ, а тое границы тою рѣкою Слоновкою на двѣ миль.

#### Обводъ великого князства.

Въ того ставу вочница Болдарского здалъ владникъ князя Василія Курцевича села его Слоновского границу земли великого князства паномъ Опарипескимъ Стенану и Михайлу. На то повѣдалъ Петръ Подгорецкій именемъ пана Фридришовыхъ, ижъ якожъ первый повѣдалъ, такъ и теперь повѣдають, ижъ рѣка Слоновка есть граница великого князства зъ кгрунтомъ пана моего, а тотъ мальчикъ Болдарскій и тая Руда есть кгрунтъ пана моего.

Тымъ ставомъ и рѣкою Смоленкою вели земли великого князства Опарипескіе якобы на полъ миль, меничи быти границу свою и зъ селомъ пани Фридришовыхъ Олекского Конюхи, а съ тое рѣки вели презъ лѣсъ якобы

на четверть мили до Бѣленца села, а отъ того села грядю, и повѣдали, ижъ то село теперъ есть пана Фридрушово, але сѣди на властномъ кгрунтѣ нашомъ за Старшого короля господара нашего его милости и великого князя Жикгимонта посажено. И повѣдали Опарицескіе, ижъ за тымъ селомъ Бѣленцомъ на вочыщѣ Вербовцы дворъ и гумно отца нашего былъ.

На то повѣдали панъ Петръ Подгорецкій, ижъ то все, куда ведутъ Опарицескіе и повѣдаютъ быти кгрунтѣ своимъ, то есть кгрунтъ пана Фридрушовъ, которого есть отъ давнихъ часовъ у жыванью, и не есть то граница князству съ Коруню, снѣ то, которую я первъи повѣдалъ, рѣка Слоновка. И тою градою привели насъ Опарицескіе ку сосѣй порубной, у которой менили быти зъ обуду сторону грани, снѣжъ повѣдали выналены. Потомъ привели до другое сосны спаленое, у которой тежъ менили быти грани и повѣдали, ижъ выжжены. И тужъ оказали намъ знакъ копцовый, и вели тою градою якобы на четверть мили, отъ тое грады вели презъ поле и дубровою якобы на двѣ стрѣленія, и зася вели градою якобы тежъ на двѣ стрѣленія, и на той градѣ оказали намъ два знака копцовые, потомъ вели насъ дубровою якобы на двѣ версты, а полемъ вочыномъ Вренымъ якобы на четверть мили, и зася вели бѣромъ якобы на полѣ стрѣленія зъ лука, оказали намъ дубъ, въ которомъ менили быти грани зъ обуду сторону. И повѣдали, ижъ люди пана Фридрушова Копюховцы вырубали и выказили, якожъ и знакъ того есть, ижъ грани были, и вели тою дубровою якобы на полѣ мили и оказали намъ въ той дубровѣ могилу и дубъ на ней зрубанъ, въ которомъ менили быти грани, и привели къ до-

розѣ, которая идетъ отъ села великого князства Опарицескаго до села корунного пана воеводича Подольского пана Яна Олексого до Вродовъ, и менили въ тое дороги вочыщѣ Весѣды и повѣдали, ижъ дей се тутъ сходить завжды на кону село Опарицеское и зъ селомъ Бродскимъ, и направа вслѣдѣ. И повѣдали, ижъ то же на правѣ земля села Бродского ку Лекеу тягнеть, а на лѣвѣ великое князство а кгрунтъ села нашего Опарицескаго. И вели Опарицескіе отъ того вочыща Весѣды презъ дуброву якобы на мило, а полемъ якобы на четверть мили до вочыща Сопелицы до трехъ курганцовъ, и на той дубровѣ оказали намъ два колодези, менили собѣ быти граничные: одинъ пана воеводича Подольского пана Яна Олексого села его Вродовъ, а другій села своего Опарицескаго. И отъ тыхъ колодезей оказали гору, которую менили быти Орле, отъ тое Орли оказали знаки трехъ концовъ одинъ подлѣ одного неподалеку, потомъ дубовое меневъе оказали, и повѣдали, ижъ въ нихъ грани были, снѣжъ люди пановъ Олексихъ выказили, и въ того вочыща горы Сопелиничцы и въ тыхъ трехъ курганцовъ повѣдали, ижъ тутъ три грани зышли: одна села великого князства Опарицеская, а другая земля тежъ великого князства Лидухолевскихъ, а третия грань села пана Яна воеводича Подольского Бродского, и повѣдали: куды сѣмо вели, то все по праву корунно, а по лѣву великое князство, и тутъ дей повѣтъ Луцкій кончатъ, а вже починаеться повѣтъ Кремивецкій.

При томъ тежъ оповѣдали земные Опарицескіе, ижъ дей у томъ заводѣ нашомъ на властномъ кгрунтѣ а зѣчыстой властной земли нашей панове Олексіе осадили села: первое Бѣленецъ, другое Вербовецъ, третее Шнере-

во сего лѣта осажено. Къ тому тежъ ставы на властномъ кгрунтѣ нашомъ засыпали млыны и руды ку пожытку своему посправляли поля, и сѣножати и дерево бортиное и озера наши властны позыбляли, якожъ на то маемъ лѣсты и сѣдомъе, и часу потреби то оказати хочемъ, которыхъ мы земли зъ пѣку ичыстого у держанью и жыванью были и теперъ зъдержанья своего не выпускаемъ.

Къ тому тежъ земные Луцкіе Рогозинскіе и Нигиенскіе оповѣдали: штожъ дей тое село Вроды Огеринца за короля Александра взято ку Корунъ отъ пановъ Олексихъ, а то дей есть близость пана.

На то панъ Петръ Подгорецкій именъ пана Яна воеводича Подольского повѣдалъ, ижъ по тымъ всемъ оменнымъ вочыщамъ, куды вели Опарицескіе, есть кгрунтъ пана воеводичовъ корунный по обѣмъ сторонамъ, а тые вочыща не суть граница съ князствомъ, але властность пана воеводичова, который ту не ма ни съ кимъ границы, але идѣ вышей полѣвой сторонойъ есть съ князствомъ граница Корунъ, а того кгрунту панъ воеводичъ у жыванью отъ давнихъ часовъ.

#### Обводъ корунный.

Мѣсеца Сентсѣбра 27 день, у понедѣлокъ. Тутъ на той дорогѣ стоячи, панъ Ланцъ, который идетъ зъ Берестечка имѣнья пана Богуншое, до Слупи села князя Курцевича Бузыгина урочища, которое зовутъ Сункова долина, гдѣ здалъ урадинку пана Познаньского пана Яну Закровскому имѣнья пана Познаньского повѣту Бужского Щуровица, отъ того урочища Сункова долины вели насъ панъ Закровскій тожъ дорогою якобы на четверть мили до горы, которую называютъ Узводнемъ, и отъ

тоя горы, опустивши дорогу узвѣтъ, повѣлъ насъ горою Узводнемъ якобы на стрѣленье зъ лука, а потомъ опустивши тую гору управо, вели насъ на укосъ горы оное полѣ мили черезъ межы поля засѣяные ржицки и гречыничками якобы на полѣ мили добрую, не показуя намъ жадныхъ знаковъ, ажъ черезъ селище князя Курцевича до рѣки Слоновки до езу, которого зовутъ Головинный сѣлъ. И тутъ враникъ пана Познаньского здалъ границу Щуровицкую имѣнья его милости пану Фридрушу хоружому Галицкому имѣнья его милости Поповцомъ и Новоселкомъ, и повѣдалъ, ижъ тутъ полѣву земли великого князства имѣнья князя Курцевича Слонова, а поправу земли корунны имѣнья Щуровицкого.

И тутъ зѣбждаючи съ тое горы вышейписаное Узводня, гдѣ вели враникъ пана Познаньского, и зъ войтомъ Щуровицкимъ, и зъ мѣдана, тогда тѣежъ мужи пана Познаньского сами повѣдали, ижъ куды враникъ нашъ зъ войтомъ ѣдутъ, мы того не вѣдаемъ, але мы старѣлися тутъ, а границы ниное не мѣли съ Дунайяны, одно тою горою Узводнемъ, а съ тое горы просто у рѣку Стырь.

По то враникъ князя Курцевича зъ мужми села князя своего Слововскимъ повѣдалъ: куды враникъ пана Познаньского вели зъ мужми и зъ войтомъ, то зъ обуду сторону есть князство великое а кгрунтъ князя моего и то съ Головинный властный князя моего, якожъ и тые мужи пана Познаньского сами сознавають.

Того обводу корунного, поченины отъ вочыща Сункова долины, повсемѣтнымъ мѣстнамъ ажъ до рѣки Слоновки до вочыща езу Головного якобы на мило, а обводу великого князства, куды вели Курцевича враникъ, поченины отъ Круглого борка, по всемъ тымъ вочыщамъ

ажь до ставу Болдырского. якобы на полъ трети мили, а розницы промежку тыхъ границъ въ ширшомъ мѣстѣ якобы на полторы мили.

И отъ того впрочна сзу Головного, гдѣ здалъ границу свою впрядникъ на на Познаньского Щуровицкій, повѣдиль панъ Фридрихъ хоружий Галицкій, ижъ то есть рѣка Слоновка и тутъ починается граница Олѣская повѣту моего, а Бузскій повѣтъ кончить. И повѣдиль, ижъ тою рѣкою Слоновкою по полъ рѣки вверхъ, на которой рѣцѣ есть мостъ межъ села великого князства Слониова а межъ села пана хоружого Новоселокъ, который мостъ по половицы робить и мыто на полъ берутъ, ажъ до впрочна Везицъ гати, а отъ Везицъ по бродъ Сетратинскій, што ѣздитъ отъ Конюскаго села до Бродскаго села, посередъ ставу Опарипескаго землянъ повѣту Луцкаго, а отъ млына тоюжъ рѣкою вверхъ до крыницы Гливицкии. Въ тое крыницы пустилъ тую рѣку Слоновку ульво, а отъ тое крыницы Гливицкии велъ панъ Фридрихъ дорогою, которая идетъ изъ села Опарипесовъ до Краснаго поля, и ведши тою дорогою якобы на стрѣльбище, и тамъ одну дорогу управо пустилъ до Сопелиничъ поля, а влѣво повелъ долиною дорогою, которую зовутъ Суходоль. И тою дорогою ведши якобы на мило и пустили дорогу ульво на панни Опарипескіе, а управо насъ повели отъ Суходоль черезъ поле Красное до горы Дранчы. И тутъ ведучи насъ повѣдиль, ижъ по лѣву великое князство, а по праву корунино, и на той горѣ здалъ границу брату своему пану Яну воеводичу Подольскому селу его Бродомъ а другому Черницы. На то повѣдали земляне великого князства Опарипескіе: куды кольвекъ велъ панъ Фридрихъ, то все есть великое князство а кгрунтъ

нашъ села паного Опарипескаго и Немировскаго, и того смя отъ давнихъ часовъ отъ дѣдовъ и прадѣдовъ и отцовъ нашихъ у споконномъ держанью, лечъ кгалтовне то въ насъ отыймуютъ.

Обводу коруниного, куды велъ панъ Фридрихъ отъ урочища сзу Головного по вѣмъ тымъ врочищамъ ажъ до лѣсковъ Лидуховескихъ якобы на три мили.

А обводу великого князства землянъ Опарипескихъ, поченишъ отъ ставу Болдырскаго по венъ тымъ врочищамъ ажъ до врочища Сопелиничъ, якобы на полъ трети мили; промежку тыхъ обводовъ розницы въ ширшомъ мѣстѣ якобы на мило.

#### Обводъ великого князства.

Мѣсеца Сентебра 28 день, у волторокъ.

Отъ тыхъ трехъ курганцовъ и отъ тое горы, которую называютъ Сопелиничкою, гдѣ подали земляне великаго князства Опарипескіе питу свою земляномъ тежъ великаго князства Лидуховескимъ пану Гаврилу а пану Михайлу а пану Гивѣшу и братьи ихъ. И тые панове Лидуховескіе вели насъ отъ тое горы Сопелиничкое и отъ тыхъ трехъ курганцовъ на долъ подемъ якобы на верету до долины, которую называютъ врочищомъ Сможною, и вели насъ посередкомъ тое долины якобы на мило до дороги, которая идетъ зъ Бродовъ къ Наквасамъ, и тою дорогою, которая идетъ по той долині въ верхуменой, до рѣки Икови. Тутъ повѣдали, ижъ куды вели тымъ зомомъ, по праву земля селъ Олѣскихъ: Наквасовскаго и Черницкого, а по лѣву великое князство а кгрунтъ нашъ. И повѣдали панове Лидуховескіе, ижъ надъ тою рѣкою Иковию посадили панове Олѣскіе люди отъ пяти лѣтъ на властвомъ кгрунтъ

тѣ паномъ, якожъ мы тымъ людямъ полъ и сѣножатей своихъ робити не допущаемъ, единомъ съ Олѣска моцне квалтомъ збожѣя наши побирають и насъ самихъ бьютъ и земли и сѣножати наши позабирали и многіе грабежи и кривды намъ чинятъ, спожъ мы предъ се того у держанью и во вживанью. И вели насъ тою рѣкою Иковию унизъ черезъ ставки до ставу, который есть противъ села Поповскаго Олѣскаго, и въ того ставу здали границу свою впряднику князя Вишневецкаго, князя Дмитрея и братьи его Вишневецкихъ, Стецку селу ихъ милости Вишневецкому Крутнову, и повѣдали ижъ отъ того ставу ниже еще рѣкою сугранною землю мають съ княземъ Дмитреемъ Вишневецкимъ зъ имѣнемъ его Крутновомъ.

На то повѣдали панъ Лаврианъ Почеваскій именемъ пана Яна воеводича Подольскаго. ижъ, куды вели земляне Лидуховескіе, то все есть кгрунтъ пана воеводича властность его, и тутъ панъ воеводичъ границы съ князствомъ не ма ни съ кимъ.

Того обводу, куды вели панове Лидуховескіе, поченишъ отъ трехъ курганцовъ и отъ горы Сопелиничкое, по венъ тымъ врочищамъ ажъ до ставу, который подлѣ села Олѣскаго Поповскаго, якобы на двѣ мили. А розницы промежку тыхъ обводовъ якобы на мило, а индѣ меншы.

#### Обводъ коруниный.

Мѣсеца Сентебра 28 день, у волторокъ.

Отъ горы Дранчое, гдѣ здалъ границу свою панъ Фридрихъ хоружий Галицкій села своего Вѣлевца а Вербова а Ширева пану Яну Олѣскому воеводичу Подольскому и селомъ его Броду и Черница зъ селми князства великаго межъ Опарипесами Печѣре-

номъ и Лидуховомъ повѣту Кремлянецкаго, велъ насъ панъ Андрей Жабицкій отъ горы Дранчое и отъ лѣсовъ Лидуховескихъ на другую гору межъ лѣсы Сопелиничъ а Середнимъ, гдѣ нашъ староста лѣсъ Сопелиничій менилъ быти Залозескимъ села Черницы а Наквасамъ села пана воеводича корунинымъ, а Середній лѣсъ менилъ быти Лидуховскимъ ку князству великому, пуцаючи его ульви. И велъ насъ черезъ горы и долины и черезъ дубровы ажъ до дороги крыжовое, которую зовутъ Королевская дорога, которая иде зъ Лидухова до Олѣска, а другая дорога съ Поповичъ иде до дуби, которого воженъ есть тою дубровою якобы съ полъ мили, и тою дубровою ведучи не вказалъ намъ жадныхъ знакомъ. А отъ тое дороги крыжовое, которую менили быти Королевскою, велъ насъ до дороги Почеваевое черезъ дуброву якобы на чверть мили такъ же безъ знакомъ, и кгда привезъ къ дорожѣ Почеваево, которая идетъ съ Черницы села до Почева, указалъ тамъ подлѣ тое дороги по лѣвой сторонѣ могилку. И повѣдали впрядникъ пана воеводича, якобы тая могилка мѣла дѣлти Лидухово село князства великаго и зъ селми коруниными Олѣскими: Велена а Поповцы, и повѣдали, ижъ по лѣву то есть Лидуховское князство, а по праву корунино.

А панове Лидуховескіе, земляне великаго князства повѣту Кремлянецкаго, повѣдали: гдѣ панъ Андрей подстаростій Олѣскій пану милость води, то есть все зъ обудну сторону великое князство а кгрунтъ нашъ вѣчный, которого смя во вживанью ажъ до сихъ часовъ, а отъ тое могилы опустивши тую дорогу ульво велъ насъ управо дубровою до другою могилы, которую зовутъ Бугасва могила, якобы на чверть мили.

И тутъ повѣдиль панъ Андрей, вранникъ Олѣскій, ижъ тая могла чинить границу пану воеводичу съ княземъ Дмитромъ и зъ братьею его князи Вишневецкими, але не зъ Лидуховскими. И тутъ стоячы въ тое могли на то повѣдиль вранникъ князя Дмитрея Вишневецкого Стецко: што ты менишь тотъ копецъ за границу собѣ мѣти съ княземъ моимъ, то граница не есть князю моему зъ границю пана твоего, але то есть граница князя моего съ паны Лидуховскими и съ паны Лосатинскими земли великого князства повѣту Кремняницкого, которую промежку собою маемъ у великомъ князствѣ, а граница князя моего съ паномъ твоимъ на томъ мѣстѣ, гдѣмъ я вашу милость ждалъ и вашей милости то оповѣмъ.

А земляне тежъ повѣту Кремняницкого панове Лидуховскіе повѣдили: што вранникъ пана воеводичовъ Жабинскій мени быти туды границу свою съ князи Вишневецкими, ино мы вашей милости то оповѣдамы, ижъ ту никгда панъ воеводичъ не малъ, ани ма границы съ князи Вишневецкими, але то есть наша граница весполѣкъ и зъ земляны Кремнянскими, паны Лосатинскими и съ князи ихъ милости Вишневецкими, которыхъ мы границъ отъ прадѣдовъ и отъ отцовъ своихъ у спокойномъ держанью были и terazъ держимы и живимы.

#### Обводъ великого князства.

Мѣсеца Сентебра 29 день, въ среду.

Отъ тое гребли, которая есть подъ селомъ Поповца, гдѣ здали пату земляне великого князства повѣту Кремняницкого Лидуховскіе изъ села своего Лидухова, велъ вранникъ князя Дмитрея Вишневецкого Стецко зъ людьми князя своего Крутенскими, меничы быти границу свою съ паномъ Яномъ воеводи-

чомъ Подольскимъ тою рѣчкою Иковью внизъ якобы на четверть мили до села Дудина и подъ тымъ селомъ Дубинномъ у броду тое рѣчки повѣдиль, ижъ то есть бродъ граница: тутъ права даемъ межы собою, яко зъ великого князства князи и панове, такъ съ Корунны людей своихъ ставити къ справедливости всякое речы; а отъ того броду велъ дорогою, и повѣдиль, ижъ тое село Дудинъ по приву есть Олѣское пановъ воеводичовъ Подольскихъ, а по лѣву великое князство грунтъ князей нашихъ селъ ихъ Крутенского и Лопушенского и Вобровецкого, а полѣву тое дороги осадилъ панъ Янъ воеводичъ люди на властномъ кгрунтѣ князей моихъ. И отъ того велъ тою дорогою якобы на двѣ версты, и повѣдиль, ижъ подлѣ тое дороги по деревню въ дубѣхъ были грани, але люди пана Яна воеводичовы выказали, еножъ мы ихъ не видѣли. И тою дорогою велъ на долъ до крыницы, которую зовутъ Нѣмечова, надъ которою село Нѣмечово сѣди. И повѣдиль вранникъ князей Вишневецкихъ, ижъ то на правѣ село пана воеводичово, а по лѣву грунтъ князей моихъ, и тутъ въ тое крыницы здавъ пату князю Щеняну а князю Водиславу Збаразскимъ селамъ ихъ Нежковомъ, а Серетцу а Заторю.

Того обводу князя Вишневецкого якобы на милоу.

На то отъ пана воеводича Подольского Лаврынь Носовскій. Янъ Каменскій повѣдали, ижъ по тымъ всемъ вочынамъ, яко почалъ вести вранникъ князя Вишневецкого ажъ до тое крыницы, то все велъ по кгрунту пана воеводичову, которого завжды былъ у живанью и terazъ есть.

Отъ тое паты, гдѣ здавъ вранникъ князя Вишневецкого, вели князи Збаразскіе дорогою, держачы село пана Яна вое-

водичово Нѣмечово по приву, а по лѣву великое князство кгрунтъ отчизны своею, и повѣдали, ижъ на кгрунтѣ нашомъ по лѣвой сторонѣ его милость панъ Янъ воеводичъ осадилъ человека своего. И вели тою дорогою презъ гору якобы на четверть мили до озерца малого, которого называютъ Чеховомъ, отъ того вели дорогою якобы на двѣ стрѣзенья до ставу до вочыща Мокрого, который ставъ есть подъ селомъ пана воеводича Подольского Пали Коронна, и повѣдали князи Збаразскіе, ижъ по полѣ ставу того есть граница наша, по праву корунно Олѣское, а по лѣву кгрунтъ нашъ.

На то повѣдиль Лаврынь Носовскій именемъ пана Яна воеводича Подольского, ижъ што колые князи Збаразскіе менили быти кгрунтомъ своимъ, то все есть кгрунтъ пана воеводичовъ корунный, и ту ни съ кимъ границы съ князствомъ панъ воеводичъ не ма. И вели насъ князи Збаразскіе отъ того ставу лѣвою дорогою якобы на версту, село пана воеводича Пали коронны держачы по праву, до должны вочыща Ури-Хвостовъ вертепа. И подлѣ тое горы оповѣдали на двѣ мѣстцахъ, меничы быти знаки каменемъ складены, и повѣдали, ижъ розвожено, губячы знаки, еножъ одинъ камень великій въ одной ямѣ есть, а другая яма безъ камня. И оповѣдали князи Збаразскіе, ижъ дей панъ воеводичъ Подольскій панъ Янъ осадилъ село отъ двѣхъ на властной земли а кгрунтъ нашомъ, которое панъ воеводичъ называесть Кутинномъ; отъ того вочыща Ури-Хвостовъ вертепа вели до дороги, которая есть по близу оного вочыща, котора дорога идетъ отъ Кремняна къ Залозцамъ, и тою дорогою вели якобы на четверть мили. И оповѣдиль вочыща долъ, которого прозы-

ваютъ Воробьева Лоза, котора есть по близу оное дороги, и вели тою рѣчкою на полѣ мили до ставу, который есть на рѣчкѣ на Серетцу. И повѣдали, ижъ тотъ ставъ оставилъ панъ воеводичъ того року на властномъ кгрунтѣ нашомъ селъ нашихъ Нѣжковцовъ и Серетца на кгрунтѣ тежъ на властной земли нашей осадилъ панъ воеводичъ селъ Ячинце, другое Березцы а третее, якожъ первый повѣдиль, Кутинце. А воеводица Подольская пани Ядвига властное отчизное село наше, на имя Дудинъ, безправне тому семь лѣтъ взяла и теперь держитъ. И тутъ подлѣ пату свою враннику князя Дмитрея Вишневецкого селу его Алексинномъ на низѣ рѣчкою Серетцемъ.

Того обводу князей Збаразскихъ якобы на полторы мили.

На то повѣдиль Лаврынь Носовскій именемъ пана воеводича Подольского, ижъ куды ведутъ княжата Збаразскіе спочатку и до того вочыща рѣчки Серетцы, то все есть кгрунтъ пана воеводичовъ, и тотъ ставъ и тые села суть осажены на кгрунтѣ пана воеводичовъ, на который повѣдаесть мѣти привилія, и тутъ панъ воеводичъ не ма ни съ кимъ границы съ князства Литовского.

А што повѣдаютъ, якобы мѣла пани воеводица Подольская село Дудинъ взяти, то ее милость взяла зъ розсудку съ права пановъ комисарей коруниныхъ.

Тою рѣчкою Серетцемъ отъ того ставу, гдѣ подли княжата Збаразскіе границу враннику князя Дмитрея Вишневецкого пану Стецку, велъ вранникъ князя Дмитрея Вишневецкого зъ людьми князя своего Алексинца рѣчкою Серетцемъ внизъ якобы на легкую милоу до рѣки Серети, и тою Серетемъ внизъ до Залозецъ якобы на милоу, отъ Залозецъ тоужъ рѣчкою Серетомъ внизъ до Чернеховское границы князи-



ни Ильиное ее милости княгини Виты якобы на мило до вранища ставу Реневского на тойже рѣцѣ Серету, который повѣдаютъ засыпалъ панъ Инъ воеводичъ Подольскій. И повѣдилъ вранникъ князя Вишневекого зъ людьми князя своего, ижъ панъ Инъ воеводичъ Подольскій ку властному кгрунту князей нашихъ по рѣцѣ Серетѣ и по Серету чотыры ставы засыпалъ и пять селъ осадилъ на властномъ кгрунтѣ князей нашихъ, едно противъ Залозецъ. А чотыре села на рѣцѣ Мелной.

На то отъ пана воеводича повѣдано, ижъ куды колые ведутъ до границы Залозское и до границы княгини Ильиноо ее милости Виты Чернеховское, то все вели презъ грунтъ пана воеводичовъ. А цо повѣдаютъ, же бы ставы чотыры на кгрунтѣ князя Вишневекого на рѣцѣ Серетѣ и на другой на рѣцѣ Серетѣ засыпалъ и пять селъ засадилъ вышемененныхъ, то все учинилъ яко на своемъ властномъ кгрунтѣ, на которые и лѣсты и привилъ масть. Князя Дмитрея Вишневекого обводу и князей Збаражскихъ, почени отъ тое гребли, которая есть подъ селомъ Поповомъ, гдѣ Лидуховскіе земліе здали пату князю Дмитрею Вишневекому до ставу Реневского, по велимъ тымъ вышей описанымъ вранищамъ вдоль якобы на полъ шести миль.

#### Обводъ корунный.

Мѣсеца Сентебра 29 день, въ среду.

Тотъ же вранникъ пана Яна воеводича Подольского Олѣскій Андрей Жабицкій зъ людьми пана своего Велюны а Поповцы велъ, менячи быти границу свою и зъ селы великого князства князя Дмитрея Вишневекого: съ Крутенскимъ а Вобровномъ, а Лопушнемъ. отъ тое Бугаевы могилы на конецъ лѣса черезъ гору просто якобы на четверть

мили до вранища Озерецъ, которые есть на рѣцѣ Икиѣ поижей Вобровецъ. Отъ того вранища Озерецъ до Докотковецъ селища якобы на двѣ стрѣленія зъ лука. И тутъ повѣдали, ижъ дей княжата Вишневскіе осадили двѣ селъ на кгрунтѣ Олѣскомъ, на ния Крутнево а Вобровцы и полъ села Лопушного. Отъ Докотковецъ вели якобы на верету презъ горы до Лопушное, и тутъ повѣдали, ижъ по полъ села крыницкою по праву земля пана воеводичова Олѣскаго, а по лѣву великое князство а кгрунтъ князей Вишневскихъ. А отъ тое крыницы Лопушенское вели черезъ поля и дубровы якобы на полъ мили до вранища Березовыхъ лозъ, а отъ Березовыхъ лозъ дубровою якобы на четверть миль до могилы, которая по близу селища Красногудобкого. А отъ могилы вели дорогою, которая дорога иде зъ Нѣжковцовъ до Збаражы якобы на мило до горы Холма, до дороги, которая идетъ отъ Чернехова до Вишневца, и повѣдилъ, ижъ тутъ ся кончить граница Олѣскаго и зъ княжаты Вишневскими, а починаеть ся и зъ границю княгини Ильиное замку ее Колодна.

На то повѣдилъ вранникъ княжаты Вишневскихъ Стецко: куды менилъ быти собѣ границы вранникъ Олѣскій и куды велъ, по велимъ тымъ вранищамъ то есть властная отчина и дѣдизна князей Вишневскихъ, и отъ отцовъ и отъ дѣдовъ своихъ тыхъ земель завжды князи мои у держанью и вживанью и въ упокою ажъ до тыхъ часовъ, а то есть граница Вишневу съ Черниховомъ, куды я велъ и вранища описалъ, едножъ за тыми границами и вранищами, которые я описалъ по смерти князя Ивана Вишневекого тому три годы, черезъ тые границы презъ мене описанные приходячы люди пана воеводичова Олѣскіе квататы, бои, грабе-

жи чиняты. Къ тому тежъ на властной отчизной земли князей моихъ отъ трехъ годовъ осадилъ панъ воеводичъ пать селъ, якомъ вышей тые реля меновите описалъ.

Тутъ тежъ оповѣдилъ князь Щепанъ Збаражскій зъ братьєю своею, и тутежъ вранникъ князя Дмитрея Вишневекого панъ Стецко, ижъ въ томъ обводѣ, куды вранникъ пана воеводичовъ Андрей по властной земли нашей велъ, завелъ нашихъ властныхъ селъ, которыхъ есмо отъ дѣдовъ и отъ отцовъ своихъ въ держанью и вживанью упокойномъ были и теперъ держатъ, князей Вишневскихъ Крутнево а Лопушное а Вобровцы, а князей Збаражскихъ дворъ Нѣжковцы и зъ селомъ а другое село Серетецъ, а третее, Загорье, то въ тыхъ двухъ обводѣхъ у княжаты Збаражскихъ и князей Вишневскихъ, которыхъ у въ упокойномъ держанью князи Збаражскіе и князи Вишневскіе, и которые на властномъ кгрунтѣ ихъ панъ воеводичъ осадилъ всѣхъ тыхъ пятнадцать селъ.

Того обводу, куды вранникъ пана воеводичовъ Олѣскій велъ отъ могилы Бугаевы до горы Холма до дороги, которая идетъ отъ Чернехова до Вишневца, вдоль якобы на три миль.

А куды съ князства вранникъ князей Вишневскихъ и князи Збаражскіе вели отъ гребли, которая есть подъ селомъ Поповомъ, до ставу Реневского, въ тыхъ обвихъ обводахъ вдоль якобы на полъ шести миль.

А разницы въ ширки межъ тыхъ обводоу якобы на три миль.

#### Обводъ корунный.

Мѣсеца Октебра 1 день, въ пятокъ.

Отъ тое дороги, которая идетъ отъ Чернехова до Вишневца, недалеко отъ го-

ры Холма тотъ же вранникъ Олѣскій Андрей Жабицкій велъ отъ тое дороги дубровою, менячи быти границу пана Яна, воеводича Подольского, и зъ замкомъ княгини Ильиное Колодномъ, и и велъ до Вѣлого Холма до горы, и на той горѣ менилъ быти могилу за конецъ каменемъ зложеную, отъ тое могилы, поижшей Игровицы вранища, поижшей Иначева, ажъ до Частозовское границы до могилы, которая лежитъ подъ дороги Колоденское въ дубровѣ по лѣвой сторонѣ. И ту стоячи въ тое могилы, вранникъ пана Яна воеводичовъ Жабицкій восполь зъ ураникомъ его милости пана Познанского зъ ижънѣ его милости Злоченского, которое есть пять миль отъ Чернехова и зъ ижънѣ селъ повѣдали, ижъ тое ижънѣ сполно есть пановъ нашихъ съ одного, и тутъ мы здемъ границу свою враннику Тарнопольскому его милости пана Краковского, пану Иштринскому.

Того обводу вранника пана Яна, воеводича Подольского, Жабицкого отъ горы Холма и отъ дороги, которая идетъ отъ Чернехова до Вишневца до Частилонки границы до могилы, вдоль якобы на три миль.

На то повѣдилъ вранникъ княгини Ильиное ее милости княгини Виты Костелецкое Колоденскій Венянтъ зъ людьми княгини Ильиное, и тутъ тежъ вранникъ князей Збаражскихъ и князей Вишневскихъ: гдѣ колые вранникъ пана воеводичовъ Жабицкій водить, то все по обѣмъ сторонамъ есть князство великое а кгрунтъ отчизнѣ пановъ нашихъ, съ которыхъ кгрунтовъ отчизнѣ своихъ панове наши отъ дѣдовъ и прадѣдовъ своихъ завжды у спокойномъ держанью суть; сего не вѣмы, для которыхъ причинъ то теперъ обводять, и селы осаживати и ставы засыпати хочуть, и въ то ся уступае, до чого отецъ и предковъ его ничего

не мѣли, ани ся въ то уступовали, якожь часу потреби ясно ся то окажетъ, и будутъ умѣти панове наши о то съ паномъ воеводичомъ мовити..

#### Обводъ великого князства.

Мѣсеца Октебра 1 день, въ пятокъ. Въ того ставу Реневского повѣдиль прадникъ князства Дмитрей Вишневецкого Стоцко, ижъ тутъ князи моихъ имѣний ихъ милости граница кончить, то есть въ того ставу Реневского, которое мѣстце называли звѣчистое, коли еще того ставу не было, бродъ Реневскій. Тутъ здаю границу княгини Пльной княгини Витѣ имѣнию ее милости Чернехову. Отъ того ставу броду врочища Реневского велъ понамѣстникъ Чернеховскій Богданъ зъ бояры и зъ мѣщаны и людьми княгини Пльное Чернеховскими. И вели тымъ ровомъ якобы на стрѣленье зъ лука мелячи по праву Залозское а по лѣву великое князство а кгрунтъ княгини Пльное имѣния ее Чернехова. И съ того рову вели насъ на лѣво презъ гору до дороги, которая идетъ отъ Залозецъ презъ село Реневское, которое село, повѣдали, ижъ осажено на кгрунтъ Чернеховскомъ отъ пана Яна, воеводича Подольского, отъ десети лѣтъ, и вели того дорогою якобы на стрѣленье, и одну дорогу опустили влѣво, а другую дорогу уприво. И повѣдали, ижъ тутъ отъ двадцати лѣтъ дороги жадное не было: какъ Залозцы поставилъ панъ Мартинъ, такъ тые дороги стали. И въ томъ мѣстѣ повѣдали грани въ дубѣ, але Залозскіе люди выказали, и вели межъ тыхъ дорогъ и черезъ дорожки якобы на дѣвъ стрѣзенья до долу, который врочищомъ называютъ Лозы. А отъ того врочища Лозы вели дубовою якобы на дѣвъ версты, и привели къ логу Вѣлоголовско-

му, и оказали на той долинь яму якобы колодезь, и вели тою долиною якобы на верету ажъ въ рѣчку Вѣлоголовку, на которой рѣцѣ ставъ идѣалъ панъ воеводичъ отъ двѣ лѣтъ, и презъ тотъ ставъ просто до кургана, повѣдали по лѣву кгрунтъ княгини Пльное имѣния ее Чернехова, а по праву пана Яна воеводича Подольского Залозское. А отъ того кургана якобы на стрѣленье черезъ гору до долины, которую зовутъ Взошчи, и тою долиною вели уверхъ якобы на верету добрую, и одну долину опустивши уприво, а насъ вели влѣво долиною жъ якобы на верету, и зася также одну долину опустивши уприво, а насъ вели улѣво долиною жъ якобы на полъ стрѣзенья, и оказали колодезь. И повѣдали, ижъ дѣй съ того колодезя стада, быдла, кони князей нашихъ поивали, которые по тымъ дубровамъ хожывали. И вели отъ того колодезя черезъ дуброву на верету до дороги, которая идетъ отъ Чернехова до Львова, и подлѣ тое дороги оказали врочище Жидовскіе Лозы. И повѣдали, ижъ тутъ по праву земля пана воеводичова Залозская кончить, а починаеть ся земля пана Познанского села его Олшевского. А отъ того врочища Жидовскихъ Лозъ вели полемъ якобы на великую полъ мели до дву курганомъ врочища Дѣвнѣхъ и до дороги, которая идетъ отъ Залозова до Козлова и до Теребовля, и вели тою дорогою до курганомъ, которые были по лѣву. Тутъ повѣдали, ижъ граница пана Познанского села его Олшевского кончить, а пришла земля пана Яна Сѣненского сель его Глинное и Золочовки, и вели тою дорогою якобы большы мели до врочища Лозъ, которые меновали Олехиновы Лозы, и повѣдали, ижъ въ тыхъ Лозъ заведи со всехъ сель пограничныхъ яко зъ великого князства такъ съ Коруну Поль-

ское на тыхъ границахъ право съ обѣихъ сторонъ даютъ, якожь и съ Коруну Польское. Ижъ Каменскій и войтъ Залозецкій Шиманъ именехъ пана воеводича то сознали, и оттуды вели якобы на стрѣленье до крыжа каменного, и повѣдали, ижъ то есть врочище крыжъ Олехиновъ, который крыжъ каменный громъ паномъ роскололъ, але самъ увесъ цѣль.

На то отъ пана Яна воеводича Подольского, Ижъ Каменскій ижъ войтомъ Залозецкимъ Шиманомъ повѣдали, ижъ яко врочище князей Вишневецкихъ границу здалъ у ставу Реневского княгини Пльное. И велъ врочище княгини Пльное ажъ до врочища Жидовскихъ Лозъ, гдѣ повѣдали быти, ижъ граница пана воеводича Подольского кончить, а починаеть ся граница пана Познанского имѣния его Золочевского. Товсе вели презъ властный кгрунтъ пана воеводичовъ имѣния его Залозского и по обоу сторонамъ есть коруно не маючи зъ жадны стороны границы съ князствомъ, тые зъ его милостью паномъ Познанскимъ, съ которыми маю сполны имѣния и сполны права на тое жъ имѣние отъ предковъ его королевское милости. А отъ пана Познанского служебникъ его милости Миколай Островскій а Ондрей Мякитскій а войтъ Едренопольскій повѣдали, ижъ куды врочище княгини ее милости Пльное Богданъ началъ вести отъ Жидовскихъ Лозъ отъ границы пана воеводичова ажъ до врочища Лозъ и крыжа названого Олехинова, то все велъ презъ кгрунтъ пана нашего имѣния Злочевского, которого граница есть пану моему съ паны зъ Олѣска, съ которыми панъ нашъ ма сполный кгрунтъ и сполны права на тые имѣния, а ту съ князствомъ жадное границы не ма, ено рѣку Сереть, то есть граница великому князству

съ Коруною. И вели отъ того врочища крыжа Олехинова тоею жъ дорогою якобы на полтора вереты до долины Глубокое, и тую дорогу опустили уприво, а насъ вели тою долиною Глубокою влѣво, и повѣдали, ижъ тутъ вже граница Гогогорская Синанского кончить, а то пришла граница повѣту Теребовского села Козлового. И вели тою Глубокою долиною ажъ до рѣчки Озерное, и тою рѣчкою унизъ якобы на три вереты, и привели до врочища броду Дерлова, и тую рѣчку пустили на право, а насъ вели влѣво и менили быти по праву Теребовского повѣту села Козлова а по лѣву великое князство повѣту Чернеховского.

На то повѣдиль отъ пана Познанского, ижъ по тымъ веламъ врочищамъ, куды велъ врочище княгини Пльное, то все есть кгрунтъ пана моего, и ту ижъ границы пана моего съ княгинею Пльною, ено намъ есть граница рѣка Сереть.

Отъ того броду Дерлова вели полемъ троху дубровы, займючи якобы на мило, и привели до руды, которую называютъ Грузкая. И повѣдали, ижъ тутъ въ тое долины права даютъ съ обѣихъ сторонъ яко съ князства такъ съ Теребовского повѣту, тутъ заведи на право ся звѣждаемъ. Отъ тое Грузкое руды вели якобы зъ верету до камня, которого менили быти гранчнымъ, отъ того камня вели полемъ межъ дубровъ мимо врочище Пуцкову Лозу якобы на мило до врочища могилы Душенатое, и повѣдали, ижъ у тое могилы такъ же тутъ права даютъ зъ обоу сторонъ на границы яко съ Коруну такъ съ князства. Отъ тое Душенатое могилы вели до ставу якобы на полтора стрѣзенья, который ставъ есть на Серету рѣцѣ якобы у полъ ставу, и про его презъ тотъ ставъ до озера Плот-

чего и должны впрочем Плотичого, надъ которою долиною могила сыпаная. И повѣдали, ижъ тотъ ставъ отъ полтора года панъ Тарновскій заставилъ ку великой шкодѣ имѣнью кнегини Ильиное Чернеховскому, якожъ тотъ ставъ уже у пана Тарновского замовленъ за двѣ тысячи и за двѣсти золотыхъ. И тутъ повѣдали, ижъ то по праву повѣтъ Тербовскій селъ Петрикова а Березовицы а Пронятина а полѣву великое князство а кгрунтъ кнегини Ильиное имѣнъ ее замку и селъ Чернеховскихъ, и ту ся кончить граница кнегини Ильиное имѣнъ ее Чернехова, а починаеть ся земля князей Збаразскихъ села ихъ Лозовое.

Того обводу кнегини Ильиное вдоль якобы на шесть миль.

А корунного обводу вдоль отъ Бугаевы могилы по всемъ тымъ впрочемъ ажъ до Частоловское границы якобы на шесть миль.

А розницы межъ тыхъ обводовъ двухъ якобы на пять миль.

А въ томъ заводѣ кнегини Ильиное селъ старыхъ звѣчнестыхъ, которые тигнули отъ дѣдовъ и прадѣдовъ ку Чернехову и служили предкомъ князей Збаражскихъ и потомкомъ ихъ ажъ до кнегини Ильиное, а забраны по смерти князя Ильиное, то есть первое Глубочокъ, другое Цевровицна, третье Озерная мѣсто, четвертое Сервириги, пятое Вертелка, шестое Мишанецъ.

А то, которые села осадилъ панъ Познанскій, яко вынулъ тотъ кгрунтъ зъ рукъ кнегини Ильиное, первое Сорвириги село Нагоришнее, которое другимъ именемъ называютъ Киселевцы, другое Масковцы, третье Вороблевщина. А панъ воеводичъ Подольскій осадилъ двѣ селъ на Мельной а третье Носовцы.

А то, которые села по смерти князя

Костентинowej забраны: первое Ренель, другое Петрашеницы, третье Ванинъ, четвертое Вѣлоголоны.

А то въ томъ обводѣ ставовъ, которые панъ Краковскій и панъ Познанскій и панъ Янъ воеводичъ Подольскій по смерти князя Ильини поотнимали а нинѣ новые позасыпали. На Глубочкой рѣтцѣ ставовъ двадцать и чотыры. Подъ мѣстомъ Озернымъ два ставы. Села Сорвириголь ставъ. Вѣлоголовского села два ставы, а меньшихъ у Вѣлоголовыхъ три ставы. На Вертели рѣтцѣ ставъ другій. У въ Мишанцы рѣтцѣ ставъ. А то которые ставы по смерти небожника князя Ильина той же земли Чернеховской посыпали. Первый Возенскій ставъ. Другій у въ Мишанцы ставъ. Два на Мельной. То всехъ ставовъ старыхъ спустныхъ, што по смерти князя Ильиного милости отняты, тридцесте и чотыры.

Въ томъ шкоды о три тысячи копъ грошей менять быти по тые лѣта заиспущены. А тыхъ ставовъ, што новозастановлены по смерти князя Ильиного милости, чотыры ставы.

Въ томъ же заводѣ, куды панъ Янъ воеводичъ Подольскій менячи границу свою заѣхалъ, первое мѣсто и замокъ Чернехово, другое Плясковцы, третье Копшанцы, четвертое Яковцы, пятое Сырые Береги, шестое Обаренцы, седьмое и восьмое Найгоровицы, девятое Ивачевцы, десятое Мишанцы, первое надцать Ивачовцы Долешии.

А то тые ставы, которые еще кнегиня Ильиная держитъ въ томъ же обводѣ пана воеводичовъ, которыхъ хочеть собѣ мѣти два ставы на Серетѣ, за которыми беретъ кнегиня Ильиная тысячу копъ, а иногда и болши.

На томъ же Серетѣ третій ставъ подъ селомъ Ивачевомъ, который былъ

спущенъ, а не занятъ. А на Игоровецкой рѣтцѣ пять ставовъ; на Чернеховцѣ рѣтцѣ два ставы; на Плескорѣцкой рѣтцѣ пять ставовъ. То всехъ ставовъ въ томъ обводѣ, куды Ляхове завели, пятьдесятъ и три ставы, а селъ и мѣсть двадцать и семь.

### Обводъ корунный.

Мѣсеца Октября 3 день, въ Недѣлю.

Врадицкъ пана Краковского Тарнопольскій, Пыстринскій, вель насть менячи быти границу свою и зъ князи Збаражскими села ихъ Лозовое, а отъ тое могилы до рѣки впрочемъ Ходоровки дубровою якобы на полъ мили, и тою рѣкою Ходоровкою вель якобы на миль до крыницы впрочемъ, при которой крыницы суть двѣ могилы и камень на нихъ, и тутъ врадицкъ пана Краковского зде границу Давидовскому, и по праву менячи быти корунно, а по лѣву великое князство князей Збаражскихъ.

На то князи Збаражскіе повѣдали: куды врадицкъ пана Краковского Пыстринскій вель, то все есть властный отчизный кгрунтъ нашъ, и вель по взаимному кгрунту нашему, которого мѣтъ отъ давнихъ часовъ у покойномъ держанью и живчанью ажъ до того часу.

Тогожъ дня, въ Недѣлю.

Земеницъ Корунъ Польское повѣту Тербовского Янъ Довидовскій зъ братомъ своимъ Миколомъ вели отъ того впрочемъ крыницы отъ дву могилъ, гдѣ врадицкъ пана Краковского здали ему границу свою, и менячи быти границу имѣнъя своего Ходоровичъ и зъ имѣнемъ великого князства князя Александра Порыцкого зъ Лозовомъ а Байковцы впрочемъ Явинъ, отъ впрочемъ Явинъ, которое есть надъ дорогою, которая идетъ до Вѣлого ажъ до доли-

ны черезъ дуброву, и тою долиною до рѣчки Ходоровки, а отъ рѣчки Ходоровки поперекъ до осми могилъ сыпаныхъ, которыми, повѣдали, якобы мѣти быти усыпаны межъ имѣней пановъ Довидовскихъ мѣстечка Черленова а межъ имѣней князства великого князей Збаражскихъ, Збаражомъ а Охремовцы. А отъ тыхъ могилъ вели насть до кургана, которому впрочемъ не оповѣдали, а отъ того кургана вели насть черезъ поля и дубровы до впрочемъ Берестокъ, а отъ Берестокъ впрочемъ ку рѣцѣ Задмишовцѣ. И тутъ адалъ границу свою пану Галицкому каштеляну селу его Каменой, и менячи тые границы быти межъ имѣней Збаражскихъ замку ихъ милости Збаражъ а села Охремовца а межъ селищъ Довидовскихъ Крощиною а Колинновы руды.

Того обводу ихъ поченили отъ впрочемъ Явинъ до рѣки Задмишовки вдоль якобы на три мили великихъ.

Князь Щепанъ зъ братьемъ своимъ Збаражскіе на то повѣдали: куды вели Давидовскіе, то есть властная звѣчистая отчизна наша, которого мы отъ давнихъ часовъ у держанью и живчанью покойномъ имѣемъ ажъ до тыхъ часовъ. А што ся тыче лѣска Березьтѣка, тутъ стоявали подданные наши и дань давали, и ещо надъ то укупывалися и стоявали Тербовского повѣту Скалачане, и насть съ того ку Збаражу дань давали.

На то подстаростій Тербовскій Якубъ Нелискій зъ людьми Скалатскими повѣдали: правда, ижъ тутъ стоявали люди Скалатскіе и дань съ того ку Збаражу давали, але за мушнемъ, ижъ князи Збаражскіе на нихъ бирали.

### Обводъ великого князства.

Мѣсеца Октября, 3 день.

Отъ тое долины а озера впрочемъ

Плотичьего, гдѣ здалѣ границу свою владѣникъ княгини Пилиное Чернеховскій Богданъ, вели князи Збаражскіе, князь Александръ Порыцкій а князь Щепанъ зъ братьею своею, мѣячи быти границу замку своего Збаража и зъ паномъ Краковскимъ селомъ его Петриковомъ а зъ Теревовского повѣту зъ селомъ королевскимъ зъ Боркомъ, и повѣдали, ижъ тое озеро на Серетѣ рѣцѣ есть, которое озеро затопилъ отъ полтора года панъ Краковский панъ Тариовскій становъ, который ставъ заставилъ къ берегу князей Збаражскихъ. И повѣдали, ижъ тое озеро Плотиче зъ вѣку было ихъ властное, и вели отъ того озера якобы на полторы мили становъ внизъ рѣкою Серетомъ ажъ до вочища Грузкое долины, и тою долиною Грузкою вверхъ якобы на четверть мили до дву каменей ставеныхъ, а отъ того камня до рѣчки Дичковъ якобы на двѣ стрѣленія ажъ до конца лѣса, который зовутъ Стѣпки. А отъ лѣсовъ Стѣпокъ якобы на три стрѣленія до конца мосту Борковского, который мостъ есть на рѣцѣ Гитздной. И повѣдали князи Збаражскіе, ижъ тутъ была корча отъ предковъ нашихъ звѣчистая, и повѣдали, ижъ на томъ мосту пры той корчѣ половину мыта бирали предковъ нашихъ. Отъ того мосту вели якобы на три стрѣленія рѣкою Гитздною вверхъ, и тую рѣку Гитздную опускаючи ульво, а насъ вели управо рѣчкою Теребною, которая Теревовка упадываетъ у рѣку Гитздную. И тою Теребною рѣкою вели вверхъ якобы на мило до дубровы до гаю вочища Климкова, а отъ Климкова гаю черезъ дуброву до вочища Марынины Руды. Отъ Марынины Руды до Сабарихи могли вели князи Збаражскіе, мѣячи быти границу замку своего Збараж-

ского и зъ селомъ королевскимъ повѣту Теревовского Скалатомъ полемъ до дороги, которая дорога идетъ отъ Рамановки до Скалата, и отъ дороги дубровою до вочища Михновъ пасѣки, а отъ Михновъ пасѣки дубровою до вочища Голого Камени, а отъ Голого Камени дубровою до Лѣска, отъ Лѣска дубровою и полемъ до дороги, которая идетъ отъ Скалата до Волочищъ, и того дорогою якобы на полъ мили до вочища до Вербовыхъ Лозъ, отъ Вербовыхъ Лозъ долиною якобы на полъ мили до криницы. И повѣдали князи Збаражскіи, ижъ тутъ ся Скалатская граница кончить, а починаеть ся граница землины повѣту Теревовского Андрея Орѣховского села его Орѣхова. И вели отъ тое криницы дубровою презъ гору якобы на полъ версты до вочища долины Глубокое, и тою долиною Глубокую якобы на полъ версты ажъ до рѣки Збручи. И повѣдали князи Збаражскіе, ижъ куды сѣмо вели, то все по лѣву великое князство а кгрунтъ отчизны наше, а по праву корунно. И ту ся граница замку нашего и селъ Збаражскихъ кончить, а починаеть ся граница другого замочку нашего Волочищского.

Того всего обводу, князей Збаражскихъ отъ долины и отъ озера Плотичеа якобы на семь миль.

А Давыдовскихъ обводу, поченши отъ вочища Язвинъ ажъ до рѣки Задмишовки, вдоль якобы на три мили а въ ширки розницы межъ тыхъ обводъ обводъ якобы на три мили, а индѣ меншь, а индѣ большъ.

#### Обводъ великого князства.

Мѣсеца Октября 5 день, у второкъ. Што князь Щепанъ Збаражскій зъ

братьею своею привели границу замку своего и селъ Збаражскихъ до рѣки Збручи, и оповѣдали, ижъ тутъ ся граница ихъ Збаражская въ долины Глубокое въ рѣки Збручи кончи, а починаеть ся граница замочку ихъ другого Волочищского. И тою рѣкою Збручею вели внизъ якобы на двѣ мили, мѣячи быти границу свою по полъ рѣки, великое князство по лѣву, а по праву Теревовского повѣту села Орѣховского, а другого села старосты Каменецкого пана Владковъ Рожницомъ ажъ до вочища Пустоловского болота, которое зовутъ болото Руда. А тымъ болотомъ Рудою вверхъ до криницы. отъ криницы на гору долиною ажъ до конца, на которомъ концу есть камень поставленный, того якобы на мило. А отъ того конца и камня на рогъ дубровы презъ поле до конца, который есть у дубровъ Шоломной якобы на полъ мили, а отъ того конца Шоломного черезъ поле якобы на полъ мили до конца трехъ, отъ тыхъ трехъ концовъ до Сягловки руды якобы на четверть мили. гдѣ Сягловка впала у рѣчку Болванецъ, и перешедши руду Сягловку у вустыи опустивши руду управо, и рѣчкою Болванцомъ вверхъ якобы на чотыры стрѣленія зъ лука до ставу князей Збаражскихъ, который на той рѣцѣ Болванцу. А отъ тое гребли на гору рѣчкою Болванцомъ ажъ къ Глубокой долины якобы на мило, и тою Глубокою долиною на гору къ Бозкой дубровѣ и къ гостинцу, который гостинецъ идетъ зъ Волочищъ до Чорного острова якобы на полъ мили. И черезъ тую дорогу протъ дубровою до Зеленое криницы якобы на мило. И повѣдали князи Збаражскіе, ижъ дей въ той дубровѣ напой есть пасѣка старосты Каменецкого пана Владкова, которую онъ те-

перь маетъ на властной земли нашей за дозволеньемъ нашимъ и за листомъ его, который намъ на себе далъ. И повѣдали, ижъ тутъ ся въ Зеленое криницы доконали граница наша Волочищская зъ великого князства а зъ селы корунными Андрея Орѣховского селомъ его Орѣховомъ, а зъ селомъ пана Матея Владка Рожницъ, а зъ мѣстечкомъ Сатановымъ Ходоровского, а съ Телефусовымъ Кумановомъ, а зъ городкомъ Свирищомъ съ Черноостровомъ, который сполно держатъ панъ Свирищовскій съ паномъ Владкомъ, старостою Каменецкимъ.

Того обводу князей Збаражскихъ отъ Глубокое долины до Зеленое криницы вдоль якобы на полъ семи миль. И тутъ въ тое Зеленое криницы здали границу князи Збаражскіе князя Федора Вишневекого имѣнью Дорофеевцамъ а княгини Збаражской, матцѣ своей, замку ее милости Ожегонцомъ.

Тогожъ дня, владѣникъ князя Федора Вишневекого Дорофеевскій Мартинъ зъ урядникомъ княгини Збаражское Ожеговскимъ Миклашомъ зели отъ тое Зеленое криницы, мѣячи быти границу свою и зъ селомъ старосты Каменецкого пана Владковъ Черноостровомъ полемъ до вочища Чорное Лозы, гдѣ стояла пасѣка, съ которое данъ давано князю Вишневекому. отъ тое Чорное Лозы долиною до верхъ болота Бога, и повѣдали, ижъ тутъ ся у того болота Бога доконали граница князя Вишневекого и княгини Збаражское, а починаеть ся граница Кузминская.

Того обводу князи Вишневекого и княгини Збаражское отъ Зеленое криницы до болота Бога якобы на двѣ мили.

Напротивку того обводу князей Збаражскихъ замочку ихъ Волочищъ мѣжъ быти обводъ корунный, але его намъ

не дано. Оттуль есмо съ товариши нашими корунными розѣхали.

Въ замочку князей Збаражскихъ у Волощыхъ намоуили есмо съ тими товариши нашими корунными, ижъ ѡѣли есмо зъ ними зиятися на границахъ назавтрее. Оны къ намъ не ѡѣхали, и ѣхали до Межибожа, отступуючи отъ границъ семь миль, и велили намъ до себе ѣхати до Межибожа. Мы не ѣхали, а ѣхали есмо предъ се по границы великого князства до Кузминского волости, ажъ до Чудновского границы, отъ Чудновского границы Киевского повѣту до Венницкого и до Браславского границы илижъ до Семяковцовъ, и ихъ есмо яко служебниками такъ тежъ листы нашими напомнимали, абы оны, ведлугъ росказанья господарей ихъ милости, на границы ѣхали. Оны къ намъ прислали дѣла своего, вымовляючися Татары, другое, пжъ не мають, хтобъ имъ границы оповѣдиль, яко Черноострова замочку старосты Каменницкого пана Влодкова, такъ тежъ Межибожя замку воеводы Бѣльзского, такъ тежъ замку господарского Хмѣльницкого, повѣдаючи, ижъ яко староста Каменницкій, такъ тежъ воевода Бѣльскій есть на послуаѣ господарской, а панъ Вислицкій тотъ есть у во Львовѣ. А вранникъ Хмѣльницкій повѣдасть, ижъ науки ему отъ пана его о тые границы итъ. И мы на то отповѣдили: гдѣ есмо колые перифѣй того пописывали зъ вами старость и держинецъ, замковъ и дворовъ господарскихъ, такъ тежъ по князскимъ и панскимъ имѣнямъ, гдѣ ихъ самихъ не бывало, однакожъ вранники и старши люди границы и шкody свои намъ оповѣдывали, затымъ есмо жадного омѣшкиванья не пріймовали, итотъ тежъ староста Кузминскій, панъ Семашко, а киегини Ильное съ Чуднова вранники и слуги и бояре ее ми-

лости пошли въ погоню за Татары, а вранниковъ и людей старыхъ на мѣстце свое оставили и науку имъ дали, и тые намъ тежъ границы свои оповѣдили и ихъ есмо списали, и предъ ся есмо просили черезъ того служебника ихъ, абы ся оны зъ нами зѣхали межъ Волячнина и села Хмѣльницкого и Евча, и о всемъ томъ обмону зъ нами вчинили. И лежали есмо у Волячинѣ тѣдень ждучи ихъ, оны пріѣхати не хотѣли. Потомъ ѣхали есмо до Венницы, люди съ погони пришли и панъ воевода Бѣльзскій самъ былъ у Венницы. И лежали есмо послѣ пана воеводы тѣдень, и ихъ есмо обсылали, оны быти не хотѣли и до насъ не отписали.

#### Обводъ великого князства.

Мѣсеца Октября 7 день, въ четверкъ.

Войтъ Кузминскій Максимъ зъ бояры и зъ мужи Кузминскими вели отъ болота Бога, гдѣ подали границу свою вранникъ князя Александра Вишневецкого Дорофеевскій Мартинъ а градникъ киегини Збаражское Ожоговскій Миклашъ просто черезъ дуброву и поле до болота Божка, съ которого болота устала рѣка Божокъ, и тою рѣкою Божкомъ внизъ по полѣ рѣкою ажъ до села Кузминского Глѣбовцовъ, и менили по праву тое рѣки Божка повѣтъ Каменницкій замку Черноострова старосты Каменницкого пана Влодкова а пана Свирица, а полѣву великое князство волости Кузминское. Отъ того села Глѣбовцовъ тою жъ рѣкою Божкомъ унизъ до села землянъ Кузминскихъ Котюжиновъ. Тутъ повѣдали, ижъ границу мають по полѣ тое рѣки Божки зъ селомъ Межибожскимъ Везденками. Отъ того села Котюженцовъ вели тою жъ рѣкою Божкомъ унизъ до села Кузминского Дешковцовъ, и повѣдали, ижъ

тое село Дешковцы мають границу по полѣ рѣки зъ селомъ Межибожскимъ съ Ходковцы. И оттоле тою жъ рѣкою Божкомъ унизъ ажъ до села Еремеевского повѣту Кузминского менячи собѣ границу посередъ тое рѣки зъ селомъ Межибожскимъ Пашковцы, а отъ того села Еремеевского тымъ же Божкомъ унизъ по полѣ рѣки ажъ до села Межибожского Митковцовъ и до рѣки Смалчье, которая рѣчка упала у Божокъ, и менили собѣ границу тую рѣчку Смалчю на поля, по праву повѣтъ Межибожскій, а по лѣву повѣтъ Кузминскій. И тою рѣчкою Смалчю уверхъ до дороги, которая идетъ отъ Пилецовъ до Межибожя, и тою дорогою до крыницы, которая крыница идетъ посередъ села Пилецовъ ажъ до рѣки Иконин, и просто отъ тое крыницы, гдѣ упала черезъ рѣку Икону и черезъ поле Круглое ажъ до дорогъ, которые дороги розмыслили: одна пошла къ Басарабову броду, а другая къ Губину. И тою Басарабовскою дорогою ажъ до Сторожовое могилы, а отъ тое могилы до рѣки Золчи, и тутъ подали границу свою замку киегини Ильное ее милости Чуднову.

Того обводу поченили отъ болота Бога по всякъ тымъ враницамъ ажъ до рѣки Золчи на дванадцать миль.

А въ томъ обводѣ волости Кузминское посадили Ляхове села свои на грунѣ Кузминскомъ, великого князства королевое ее милости.

Съ Каменца село осажено Половцы тѣхъ девяти лѣтъ, а зъ Межибожя первое село Янагинцы осажены за Александра короля, другое село Игнатонцы осажено отъ дванадцати лѣтъ, третье Яломолинцы осажено отъ тридцати лѣтъ, четвертое село Волосовцы осажено сего году. То всякихъ селъ на ктруи-

тъ Кузминскомъ королевое ее милости осажены пяти.

#### Обводъ великого князства.

Мѣсеца Октября 9 день, въ субботу.

Вранникъ киегини Ильное киегини Бѣты Костелецкое Чудновскій ея \*) зъ бояры и людьми киегини Ильное Чудновскими вели отъ тое могилы Сторожовое и отъ рѣки Золчи, гдѣ здали границу свою люди великого князства королевое ее милости волости Кузминское, менячи быти границу Чудновскихъ селищъ Журбинцовъ а Калинцовъ а зъ Грузкиныхъ а зъ Ланевщиною а Пеленельщиною а Гридьковщиною а Бурковцы пановъ Калениковичовъ а теперь держитъ панъ Василь Тишковичъ а Головенчикъ и зъ замкомъ Хмѣльницкимъ и зъ селы замку Хмѣльницкого Плятьковцы а Кумановцы а зъ Березною. И вели отъ тое могилы Сторожовое отъ рѣки Золчи Черною дорогою, и повѣдали, ижъ тутъ пришла граница селища Бурковского пановъ Калениковичовъ, а теперь пана Василь Тишковича, и тою Черною дорогою на могилу Гончариху, отъ могилы Гончарихи къ верхомъ болота вранища Митника. И тутъ повѣдали, ижъ пришла граница селища Бердичовского пановъ Калениковичовъ, а теперь пана Василь Тишковича, отъ Митника болота къ Немировцъ дубровцъ. И повѣдали, ижъ тутъ пришла земля повѣту Киевского Улановского городища, отъ дубровки Немировки у руду ку вранищу Бѣлому Рукаву, которую называютъ другиятъ именемъ Тростенецъ, и тою рудою унизъ ажъ до устья руды Голочины. И повѣдали, ижъ тутъ пришла граница Городища пана Семена Кмиты Пыкова и тую Голочину руду опустив-

\*) Вранство: ево.

ни влѣво къ рѣцѣ Снеговѣцѣ по-  
верхъ лѣса Ходоровского, а отъ того  
лѣса посредѣ руды Березовицы, а отъ  
тѣхъ рудъ Березовки до верху руды Ве-  
ресинское, отъ руды Вересинское до  
Румынова ставка, а отъ ставка Румы-  
новского тѣсю жъ рѣчкою внизъ въ рѣ-  
ку Богъ, и повѣдали: куды по тымъ  
вручицамъ вели, почениши отъ могилы  
Сторожовое ажъ до рѣки Бога, по лѣву  
великое князство повѣтъ Киевскій во-  
лости Веніцкое, а по праву повѣтъ  
Хмѣльницкій.

Того всего обводу отъ могилы Сто-  
роожовое по всякъ тымъ вручицамъ ажъ  
до рѣки Бога вдоль, якобы на девять  
миль, и тутъ здали границу селу ве-  
ликого князства повѣту Киевского па-  
ни Дубицкой Каменогоркамъ.

#### Обводъ великого князства.

Мѣсеца Октября 11 день, въ поне-  
дѣлокъ.

Люди пани Настаси Дубицкое села  
повѣту Киевского Каменогорскіе воло-  
сти Виницкое Семенъ атаманъ а Васи-  
лей Ивановичъ а Павелъ зъ пиними  
людьми нане свое вели меначи быти  
границу свою и зъ селомъ повѣту  
Хмѣльницкого Евладовскимъ отъ рѣки  
Бога, гдѣ Румыновка рѣчка упала у  
Вугъ рѣчку просто презъ рѣчку Богъ у  
болото, и болотомъ у въ озеро прочи-  
ще Уюнее, и посередѣ озера къ рубе-  
жомъ, которые рубежи на дорожъ ве-  
ликой Каменогорской. И повѣдали, ижъ  
въ тое дороги и рубежомъ отъ давнихъ  
часовъ и отъ предковъ ихъ о злодѣй-  
ство и о всякіе кривды яко зъ селъ  
Лядскихъ такъ зъ селъ великого кня-  
зства повѣту Киевского, права собѣдаютъ.  
А оттоль просто презъ лѣсъ къ на-  
сѣцѣ Іеовѣ, которую пасѣку Хмѣль-  
ничане тыхъ недавнихъ часовъ отнем-  
ши на себе держать, а тое Іеовское

пасѣку дорогою, которая идетъ отъ се-  
ла повѣту Хмѣльницкого Евладовского,  
къ селу повѣту Веніцкого Яцковомъ,  
до рѣчки Вобровки, а отъ рѣчки Воб-  
ровки до руды Кропивное до границы  
земенни Веніцкого Кондрата села его  
Яцковомъ. И тутъ здали границу Кон-  
драту селу его Яцковомъ, и повѣди-  
ли: куды сею вели по тымъ всякъ вру-  
чицамъ по лѣву великое князство по-  
вѣту Киевского земля нане нане, а  
поправу повѣту Хмѣльницкого.

Того обводу людей пани Настаси Ду-  
бицкое отъ рѣки Бога до руды Кро-  
пивное по тымъ усякъ вручицамъ  
вдоль, якобы на двѣ мили.

Земля Веніцкого повѣту Кондрата  
зъ братьею его дворяниномъ господар-  
скимъ обсылали и сами сею передъ  
паномъ Семеномъ Кмитю тому Кон-  
драту Яцковскому мовили и зъ уряду  
Веніцкого неоднократно его обсыла-  
ли, абы панъ границы и кривды свои  
оповѣдиль и списалъ, и ждали сею его  
тыждень, онъ не былъ. Мы границъ  
села его Яцковского не писали, бо не  
мѣли сею отъ кого справы взяти.

#### Обводъ великого князства.

Мѣсеца Октября 20 день, въ среду.

Панъ Семенъ Кмита зъ людьми дво-  
ра господарского держанья своего Воля-  
чична оповѣдиль границы Волячи-  
нскихъ людей повѣту Веніцкого и зъ се-  
ломъ повѣту Хмѣльницкого Журавлемъ  
отъ верху Коломозова потока лѣсомъ  
грядю къ Лозѣ Долгой, которая есть  
вышей Бризиселена вручища, отъ Долгое  
Лозы черезъ Суходольскій потокъ лѣ-  
сомъ же на усть Бѣлавинского потока,  
гдѣ потокъ Бѣлавинскій упалъ въ рѣч-  
ку Изгарикъ, и повѣдали: ижъ тутъ  
пришла граница села повѣту Хмѣль-  
ницкого Іевча. Отъ того устья Бѣла-

винского вели держачи поляну Бѣлавин-  
скую по лѣву до Романовское дороги,  
и черезъ тую дорогу до Лозы до доро-  
ги Оревитское, которая вышла зъ ло-  
зы отъ Іевча черезъ поле просто до  
Долгого лѣса. тотъ лѣсокъ держачи  
управъ до вручища Лунева лѣса, ко-  
торый есть посередѣ поля, и посередѣ то-  
го лѣса черезъ поле на рогъ дубровы  
посередѣ лозы, которая есть у Меткова  
лѣса, и повѣдали: куды село вели то  
все по лѣву великое князство повѣту  
Киевского волости Веніцкое людей Во-  
лячичнскихъ, а по праву людей повѣту  
Хмѣльницкого села Іевча а Журавлемъ,  
и тутъ ся граница Волячичнская доко-  
нала, а починаеть граница пани Се-  
менъ Кмита села его Летина.

Того обводу Волячичнского отъ верху  
Коломозова потока до лозки, которая  
есть у Меткова лѣса, вдоль, якобы на  
полъ трети мили.

#### Обводъ великого князства.

Мѣсеца Октября 21 день, въ четверкъ.

Панъ Семенъ Кмита зъ людьми села  
своего Летинского велъ, меначи быти  
границу села своего Летина, и зъ се-  
ломъ повѣта Каменницкого Дьяковцы  
отъ лозки, которая есть у Меткова лѣ-  
са, гдѣ здали селу границу люди Во-  
лячичскіе до руды Каселовское поземъ,  
а отъ руды Каселовское дубровою до  
сѣножати человека пани Кмитина Ле-  
тинского Буйнакова, а отъ сѣножати  
Буйнакова дубровою презъ рѣчку Ле-  
тинку до лозы, которая есть на рѣцѣ  
Летинѣ. И повѣдиль панъ Кмита, ижъ  
тутъ граница повѣту Каменницкого Дя-  
ковская доконала, а пришла граница  
другого села повѣту Каменницкого Ба-  
гриновского. И велъ отъ тое лозы дубро-  
вою грядю до болота вручища Кули-  
ги, и просто черезъ тую Кулигу доли-

ною и дубровою къ лѣсу къ вручищу  
Должкѣ, а отъ того лѣса Должкѣ до  
дороги, которая идетъ отъ Летина къ  
Багриновомъ и къ березѣ, которая  
подъ тое дороги стоить пробитая, и  
къ насѣцѣ Летинской держачи тую па-  
сѣку влѣвъ. И повѣдиль панъ Кми-  
та: куды сею велъ, то все по лѣву ве-  
ликое князство повѣту Киевского Ве-  
ницкое а кгрунтъ властное земли мое  
Летинское, а по праву земля селъ по-  
вѣту Каменницкого Дьяковского а Багри-  
новского, и тутъ ся граница моя доко-  
нала а пришла граница земляи Мику-  
линскихъ села ихъ Микулина.

Того обводу пани Кмитина Летинско-  
го отъ лозы, которая есть у Меткова  
лѣса до дороги, которая идетъ зъ Лети-  
на къ Багриновомъ къ березѣ проби-  
той вдоль, якобы на полъ трети мили.

#### Обводъ великого князства.

Мѣсеца Октября 22 день, у пятницу.

Земля повѣту Веніцкого Иванъ а  
Петръ Микулинскіе вели меначи быти  
границу села своего Микулина и зъ се-  
ломъ повѣту Каменницкого Багриновомъ  
отъ березы пробитое, здѣ здали ижъ  
границу панъ Семенъ Кмита дубровою  
мимо лѣсокъ вручища Должкѣ, отъ  
лѣса Должкѣ дубровою ажъ до Згари  
рѣки, и тутъ здали границу матиѣ своей  
пани Микулинской селу ее Почанин-  
цомъ.

Того обводу Микулинскихъ отъ бе-  
резы пробитое до рѣки Згари вдоль,  
якобы на мило.

Тогожъ дня въ пятницу.

Земля господарская повѣту Веніц-  
кого Духна Микулинскіе вели меначи  
быти границу села своего Почанинецъ  
и зъ селомъ повѣту Хмѣльницкого Дя-  
ковцы, отъ Микулинское границы отъ  
рѣки Згари, гдѣ рѣчка Кобелка упала

урѣчку Згарь, и тою рѣчкою Кобелкою вверхъ до Лобойковы долины, и черезъ тую долину Лобойкову до лѣса вочыща Сквородчинна. А отъ того рогу Сквородчинна рудою до рѣчки Ровца, и презъ тую рѣчку Ровець до долины Бубиновы. И повѣдила Микулинская, ижъ тутъ пришла граница села повѣту Барского Курыловцовъ, и тою долиною Бубиновою веда въ гору лѣсомъ Мыховымъ до потока и до дороги, которая идетъ съ Почапиннець до Курыловнець, и повѣдила: ижъ куды я веда, то все по лѣву великое князство повѣту Кіевского волости Венцкое земля села моего Почапиннець а по праву земля села повѣту Хмѣльницкого Лысогорского а другого села повѣту Барского Курыловцовъ, и повѣдила: ижъ ся ту граница моя кончить, а пришла граница пани Михнове Якубовича и зятя ее пани Федора Бокея.

Того обводу Микулинское села ее Почапиннець отъ рѣки Згарь до дороги, которая идетъ съ Почапиннець до Курыловець, вдоль якобы на три мили.

#### Обводъ великого князства.

Мѣсеца Октебра 23 день, въ субботу. Землянка господарская повѣту Венцкого пани Михнов Якубовича пани Богдана и зъ зятемъ своимъ паномъ Хведоромъ Бокеемъ вели, менячи быти границу села своего Махнаевского и зъ селомъ повѣту Барского Курыловнець отъ границы пани Микулинское села ее Почапиннець отъ дороги, которая идетъ съ Почапиннець до Курыловець, гдѣ здала имъ границу Микулинская. И вели отъ тое дороги на лѣво черезъ лѣсъ Мыховскій до долины и тою долиною до крыницы, съ которое крыница вышла рѣчка Ольшанка, и тутъ повѣдали: ижъ граница села Махновско-

го кончи, а починаеть ся другого села пани Михнове жъ Новоселецкая граница и зъ селомъ повѣту Барского Вѣликовнець. И вели тою рѣчкою Ольшанкою внизъ до крыницы, и тую рѣчку Ольшанку опустивши влѣво, и отъ тое крыницы просто черезъ гору ку вочыщу Пропастинцамъ и къ липамъ, а отъ того вочыща Пропастинца и отъ липъ долиною черезъ дорогу, которая идетъ отъ Вѣликовнець до Семановичъ до вочыща Осья, которое Осье по близу дороги. Отъ Осья долиною жъ черезъ лѣсъ пасѣку Семановскую держачи по лѣву а по праву лѣсъ Вѣликовскій, а отъ того лѣсу черезъ дуброву до Яничлинова рогу, пуцаючи пасѣку Семанову влѣво, а по праву земля Вѣликовская. А отъ того рогу Яничлиновского черезъ дуброву до вочыща Язвиниць, отъ вочыща Язвиниць долиною до вочыща Саги озера, отъ Саги черезъ рѣчку Ровъ до пяти концевъ, которые одинъ подлѣ одного по ряду стоять, отъ тыхъ концевъ долиною презъ лѣски Мжачинскіе, отъ тыхъ лѣсковъ Мжачинскихъ до села Молохонова, и тымъ лѣсомъ Молохоновымъ пасѣки села повѣту Барского Вѣликовскіе держачи по праву, а пани Михнове села Семановского пасѣки полѣву вдоль лѣса ажъ до шляху Кочманского. И повѣдила землянка господарская пани Михнов Якубовича и зъ зятемъ своимъ паномъ Федоромъ Бокеемъ, ижъ тутъ ся граница селъ нашихъ кончи, а починаеть се повѣтъ Браславскій землянь Браславскихъ Носковичовъ, и куды есмо вели то все полѣву великое князство повѣту Кіевского волости Венцкое селъ нашихъ Махновцовъ а Новоселець, а по праву селъ повѣту Барского Курыловцовъ а Вѣликовнець.

Того обводу Михнове Якубовича отъ границы Микулинское до шляху Коч-

манского по всемъ тымъ вочыщамъ вдоль якобы на двѣ мили.

Тогожъ дня, мѣсеца Октебра 23 день, въ субботу.

Земляне повѣту Браславского Иванъ, а Михайло а Стецко а Брайко Носковичи вели, менячи быти границу селъ своего Носковского, и зъ селомъ повѣту Барского Слободками отъ шляху Кочманского, гдѣ здала границу пани Михнов Якубовича и тымъ шляхомъ Кочманскимъ черезъ рогу лѣсу Молохоновского до лѣсу Глинницъ, а отъ того лѣсу вочыща Глинницъ опустивши шляхъ Кочманскій управо вели насъ дорогою дубровою до лѣсу вочыща Яроватого, а отъ того лѣса Яроватого до рѣчки Марава, до каменна бѣлого, который лежитъ на край рѣчки Марава, и черезъ тую рѣчку Марава до вочыща Трилѣсу и черезъ тотъ Трилѣсъ до руды потока Гойчаловского, и тою рудою внизъ мимо пасѣку тыхъ землянь повѣту Браславского Носковичовъ, держачи пасѣку влѣвъ тымъ же потокомъ до горы, которая есть надъ Войчаловскою долиною, и тутъ здала границу землянину повѣту Браславского Федору Зьяловскому, и повѣдали: куды есмо вели, то все полѣву великое князство повѣту Браславского а наша властная отчизная земля.

Того обводу Носковичовъ отъ шляху Кочманского до горы, которая есть надъ Войчаловскою долиною вдоль якобы на двѣ мили.

#### Обводъ великого князства.

Мѣсеца Октебра 24 день, въ Недѣлю.

Землянь повѣту Браславского Федору Зьяловскій вели, менячи быти границу селъ своего Зьяловского и зъ селышкомъ повѣту Барского Качмазов-

скимъ, отъ тое горы, которая есть надъ Войчаловскою долиною, гдѣ здала ему границу земляне Носковскіе, лѣсомъ тымъ же вочыщамъ Трилѣсовскимъ долиною, потокомъ вочыщамъ Гойчаловскимъ и тою долиною Гойчаловскою, выходячи съ того лѣса покуль ся тотъ лѣсъ кончить, и менячи быти по лѣву землю повѣту Кіевского отчину свою, а по праву землю Барскую повѣтъ Каменницкій, и тутъ здала границу землянину повѣту Браславского Данку Коньстеринскому.

Того обводу Зьяловского якобы на полъ мили.

Тотъ Коньстеринскій живетъ у Баръ, а тое селышко свое Коньстеринское зъ Бару уживаетъ, того границы некому было знати, и жѣлъ бы тотъ Данко Коньстеринскій здати границу землянину повѣту Браславского Петру Братковичу.

Ино того Петра Братковича подстаростій Венцкій Богунъ Шельвовскій мы тежъ по кольку разъ обсылали, лежали полторы недѣли, тотъ Братковичъ не былъ, потомъ тотъ Петръ Братко прислалъ на списку границы свои зъ земляниномъ повѣту Браславского Игнатомъ Кленовскимъ, и мы тотъ списокъ казали у книги уписать, то есть имѣніе Петра Братковича Братковцы сугранъ зъ Яхн съ Федорожъ Сеньковскимъ у повѣтъ Каменницкомъ. Напертій грани почонъ отъ земли Верхняцкое пошла Братковская земля зъ Лядскою землею сугранъ поверхъ ставу Мишкова, отъ Мишкова ставу поверхъ долинь Калышовыхъ, а отъ долинь Калышовыхъ долиною Побойною ажъ до конца Побойное, отъ Побойное долины черезъ Усовича руду, отъ Усовича руды до лѣса до Волчихъ Язвиниць.

А тотъ Братковичъ жѣлъ бы здати



границу свою Бѣлому Скиндирю селищу его Черневомъ, а тотъ Бѣлый Скиндиръ мѣлъ бы здати границу земинну повѣту Браславского Русинцу, а такъ вси земине повѣту Браславского, которые границы мають съ повѣтомъ Барскимъ и Каменницкимъ ажъ до границы земинна Браславского Игната Кленцовского не стали и послушенства на росказанье его милости господарское, и за обещаньемъ и росказаньемъ князя Димитрея Федоропича, старостича Володимирского, который есть на мѣстцу отца своего и на обещанье подстаростего Браславского не вчинили и границъ своихъ не вывели.

Пришедши передъ насъ земинны повѣту Браславского Игнатъ Стецкеничъ Кленцевскій повѣдиль: отъ кого быхъ я мѣлъ границу свою взяти не вѣдаю, бо ихъ Татаре давно побрали, а отъ давнихъ часовъ пуста, едножъ

я свою границу оповѣдаю, селища своего Русова и зъ земинномъ Барскимъ повѣту Каменецкого Бенкомъ, почени отъ устья рѣчки Вуни, которая пришла съ повѣту Браславского внала у рѣку Мораву, и тою рѣкою Моравою унизъ поземъ и дубровою ажъ до рѣки Дибетра, границы его якобы на три мили, тутъ менилъ посередъ тою рѣчки Моравы границу—великое князство Литовское полъву, а повѣтъ Каменницкій кгрунтъ Барскій по праву по рѣку Дибетръ, а вниаъ Дибетра по половицы рѣки ажъ до Видоми озера великое князство Литовское. И повѣдиль тотъ Кленцевскій, ажъ Петръ, воевода Волоскій, минульшй, на властномъ кгрунтъ моемъ и на Барскомъ на рѣцѣ Змариатѣ поставилъ млищъ, и по той земли моеи Волохове свободные пасѣки мають и сына косать и пашню пашутъ.

*Хранится тамъ же.*

### 32.

#### 1548 г. Посольство отъ Польскаго короля и великаго князя Литовскаго Сигизмунда-Августа къ царю Перекопскому.

Посельство отъ короля его милости царю Перекопскому.

Братъ вашъ, великій король Польскій и князь Литовскій, Рускій, Жмоитскій, Мазовецкій и иныхъ, Жигимонтъ Августъ, господарь мой, намъ, брату своему, казалъ поклонитися, пріязнь братскую повѣдити, здоровье ваше, брата своего казалъ видѣти а жалость свою и (тежъ) вашу казалъ его милость вамъ, брату своему оповѣдети, ижъ тыхъ часовъ прошлыхъ, зъ Божего допущенья отца нашего а (брата) вашего, короля его милости старшого Жиги-

гимонта въ живото(тѣ)не стало. И скоро было по смерти его милости небожничков(ой) тогожъ часу послали семо были до тебе, брата нашего, толмача нашего Тактомына, даючи тобѣ, брату нашему, великому польному царю знати о смерти отца нашего (а брата) вашего, который зъ вами, братомъ своимъ, вѣрне а сердечне (брат)скую пріязнь неотмѣнно ажъ до живота своего твердо держалъ. Абы ты братъ нашъ, великій вольный царь уп(аме)тавши на его милости вѣрное доживотное а одно(стай)ное ку собѣ братство тое жалости на-

шое и свое жаловалъ, а намъ, сыну его милости, а брату своему вѣрнымъ а сердечнымъ братомъ былъ, подлугъ докончанья и присяжанаго (привиль)на нашего такъ, яко его милости небожнику отцу нашему, а брату своему вѣрнымъ а правдивымъ братомъ былъ. Тотъ(томышъ) тотъ толмачъ нашъ до вастъ, брата нашего не дошолъ.... на поли забито его, чого мы велико жалуемъ, ижъ листы наши, (чрезъ) него посланыи до тебе, брата нашего не дошли.

Братъ нашъ, великій король Польскій и великій князь Литовскій, казалъ вамъ, брату своему, великому вольному царю говорить и о томъ дать вѣдѣти: брате нашъ великій вольный царю, скоро по смерти отца нашего а брата нашего, зъ ласки Бога Вышнего, на всемъ столыци отца нашего, на всехъ панствахъ нашихъ осыли и всехъ панствъ подданныхъ нашихъ въ рукахъ и въ мочи нашей маемъ:..... брать нашъ, великій вольный царь, ведлугъ братства.....вого своего, ку намъ съ того ся веселилъ, ижъ Богъ Вышний правдивому брату вашему рачилъ възврати на всемъ столыци отца нашего осытти. И будучи на томъ столыци нашему хотимъ съ тобою, братомъ нашимъ, великимъ вольнымъ царемъ, вѣрне а сердечне братскую пріязнь твердо держати ажъ до живота нашего. на пріятеля и на неприятели вашего а нашего хотимъ зъ тобою, братомъ нашимъ, великимъ вольнымъ царемъ, за одинъ быти и во всемъ братствѣ и пріязни (наш)у къ тобѣ, брату нашему, твердо держати и достаточно полнити, хотимъ, ведлугъ докончаней и присягъ нашихъ,

такъ яко и отецъ нашъ небожничъ къ тобѣ, брату своему, ажъ до живота своего братства и пріязни, ведлугъ докончанья и присяги своею, твердо здержалъ. А ты бы тежъ, братъ нашъ, великій вольный царь, также къ намъ, брату своему, братскую свою пріязнь вѣрне а сердечне твердо держалъ, ведлугъ докончанья и присяги своею царское, такъ яко и отцу нашему, а брату своему небожнику его милости королю старшому Жигимонту, ажъ до живота его милости, ты(ердо) а правдиве держалъ—и чинечи знакъ вѣрного (авѣ)чного братства нашего ку тобѣ, брату нашему, великому вольному царю, тыи вси упоминки год(овалъ.) Безъ жадного омѣшканья до тебе брата нашего (послали) посла нашего, великаго Олександра владыку, (а) бы ты, братъ, великій вольный царь, то отъ насъ, брата своего, вдячнѣе приималъ, яко братъ нашъ вѣрный(на) кождый годъ, ведлугъ докончанья, тыи упоминки до тебе, брата нашего, пославти будемъ. А што писалъ (есть) братъ нашъ до вастъ, ждаючи насъ, брата своего ор(ужіе) панцеря.—мы, чинечи тобѣ брату нашему, великому вольному царю, вдячно, и тыи два панцери до тебе семо брата нашего черезъ тогожъ, посла великаго послали.—ты бы, братъ нашъ, великій вольный царь, то отъ насъ, брата своего, вдячно приималъ и за тымъ насъ брата своего у милости своей братней не забывалъ. А то есть слово брата нашей милости ку вамъ черезъ мене, посла его милости, есть послано.

*Хранится тамъ же. Весьма истинъ.*

